

Holy Bible

Aionian **Edition®**

Manji Yiljep

Mwaghavul Sura Bible

Holy Bible Aionian Edition ®

Manji Yiljep
Mwaghavul Sura Bible
Language: Mwaghavul
Nigeria (Plateau)

Creative Commons Attribution ShareAlike 4.0 International, 2018-2026

Source text: eBible.org

Source version: 8/8/2026

Source copyright: Creative Commons Attribution ShareAlike 4.0
Initiative for the Translation and Development of African Languages, 2024

Formatted by Speedata Publisher 5.9.2 (Pro) on 8/31/2026

100% Free to Copy and Print

TOR Anonymously and <https://AionianBible.org>

Published by Nainoia Inc, <https://Nainoia-Inc.signedon.net>

All profits are given to <https://CoolCup.org>

We pray for a modern Creative Commons translation in every language
Translator resources at <https://AionianBible.org/Third-Party-Publisher-Resources>
Volunteer help and comments are welcome and appreciated!

Celebrate Jesus Christ's victory of grace!

Preface

Sura at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Please understand these eleven words. The original translation is unaltered and a highlighted note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by/4.0, allowing 100% freedom to copy and print, if respecting source copyrights. Check the Reader's Guide and read at AionianBible.org, with Android, and with TOR network. Why purple? King Jesus' Word is royal and purple is the color of royalty! All profits are given to CoolCup.org.

History

Sura at AionianBible.org/History

06/21/75 - Two boys, P. and J., wonder if Jesus saves all and pray.
04/15/85 - Aionian Bible conceived as B. and J. pray.
12/18/13 - Aionian Bible announced as J. and J. pray.
06/21/15 - Aionian Bible birthed as G. and J. pray.
01/11/16 - AionianBible.org domain registered.
06/21/16 - 30 translations available in 12 languages.
12/07/16 - Nainoia Inc established as non-profit corporation.
01/01/17 - Creative Commons Attribution No Derivatives 4.0 license added.
01/16/17 - Aionian Bible Google Play Store App published.
07/01/17 - 'The Purple Bible' nickname begins.
07/30/17 - 42 translations now available in 22 languages.
02/01/18 - Holy Bible Aionian Edition® trademark registered.
03/06/18 - Aionian Bibles available in print at Amazon.com.
09/15/18 - Aionian Bible dedicated as J. and J. pray again.
10/20/18 - 70 translations now available in 33 languages.
11/17/18 - 104 translations now available in 57 languages.
03/24/19 - 135 translations now available in 67 languages.
10/28/19 - Aionian Bible nursed as another J. and J. pray.
10/31/19 - 174 translations now available in 74 languages.
02/22/20 - Aionian Bibles available in print at Lulu.com.
05/25/20 - Illustrations by Gustave Doré, La Grande Bible de Tours, Felix Just.
08/29/20 - Aionian Bibles now available in ePub format.
12/01/20 - Right to left and Hindic languages now available in PDF format.
03/31/21 - 214 translations now available in 99 languages.
11/17/21 - Aionian Bible Branded Leather Bible Covers now available.
12/20/21 - Social media presence on Facebook, Twitter, LinkedIn, YouTube, etc.
01/01/22 - 216 translations now available in 99 languages.
01/09/22 - StudyPack resources for Bible translation study.
01/23/22 - Volunteers celebrate with pie and prayer.
02/14/22 - Strong's Concordance from Open Scriptures and STEP Bible.
02/14/23 - Aionian Bible published on the TOR Network.
12/04/23 - Eleēsē added to the Aionian Glossary.
02/04/24 - 352 translations now available in 142 languages.
05/01/24 - 370 translations now available in 164 languages.
08/05/24 - 378 translations now available in 165 languages.
08/18/24 - Creative Commons Attribution 4.0 International, if source allows.
10/20/24 - Gospel Primer handout format.
11/24/24 - Progressive Web Application off-line format.
01/28/25 - All profits are given to CoolCup.org.
03/12/25 - 382 translations now available in 166 languages.
06/21/25 - 468 translations now available in 230 languages.
09/01/25 - 538 translations now available in 291 languages.
08/31/26 - 539 translations in 291 languages with 9,609,899 verses.

Table of Contents

NEW TESTAMENT

Maak	1
Dak	22
1 Koronti	58
2 Koronti	74
Nen Galati Mo	84
Afesus	90
Nen Filipi Mo	95
Kolosi	99
1 Tasoloni	103
2 Tasoloni	106
Titus	108
Jemis	110
1 Pita	115
2 Pita	121
2 Joon	125
3 Joon	126
Juud	127
Suun	128

APPENDIX

Reader's Guide

Glossary

Maps

Destiny

Illustrations, Doré

NEW TESTAMENT



The Crucifixion

*"Jesus said, 'Father, forgive them, for they don't know what they are doing.'
Dividing his garments among them, they cast lots."*

Luke 23:34

Maak

1 Desə a shee pwoo deret nkaa Jesu Kristi Ngubam, Lää Naan. **2** Kaade gyet mo kə ten ran ndəən bəət haal mə Aizaya ngusatpwoo Naan sə nənee, “Naan wur sat nə, an nlep ngulep fen shindəm a kyeen fwaa, “mbəkə wur dak ar fwaa di. **3** Mee gwar kə pəreppee shi dōo dedes a naaryil, “Wur dak ar nDaa Wur aar ar nwur ndir-ndir!” **4** Joon ngucin baptisma, a wur jì put a naaryil. Wur satpwoo Naan ngurum mo, mbəkə mmo tuwap di, kə nwur cìn baptisma di mmo, mbe fwo kə shikbish mo-mo. **5** Nenyil nJudiya mo, kə nenyil nJerusalem mo des, mo pwat dām pee Joon di, de mo woo shikbish fur mo, be wur cìn baptisma mmo ndəən gyeen nJodan. **6** Joon lep a nlər de mo dak shi shweep raakumi, wur kə dyiin zaal de mo dak shi shim shin ciir mbwoon fin. Wur kə se a cibəl, kə nloor nshii de mo a yil. **7** Wur sat ngurum mo nənee, “Mee gwar pə jì mbwoon fen, de, wur des met nghan, kə baa deret fen nə mak, kə nghan doom mbəkə nghan fwen teng kwoopshi wur di kas. **8** Wen kən cìn baptisma nwun a shi am, dāngbə gwar nə wur nji be wur ncìn baptisma nwun a shi Riin Debang.” **9** nDəən teer mənə mo, bə Jesu yool nyil nNazaret mə Galili, kə wur dām pə Joon di gyeen nJodan, be Joon cìn baptisma nwur ndəən gyeen nJodan nə. **10** Kaade Jesu nkaa put ndəən am nə, be abet, wur naa dengnaan a wuwang. Be Riin sham kaa mbul sə, nə sham lang nkaa wur. **11** Kəzak, mee dōo put ndəən dengnaan de nə sat nənee, “Gha a Lää fen de nwal gha, kə kat retnyit kə gha hakyeng.” **12** Abet-abet, bə Riin Naan dām kə Jesu a naaryil. **13** Jesu cìn teer laarfeer a yil nə, a peedi ngujwaan kam wur di. Wur yem ashak kə luwaa yil mo. Nenlep Naan mo jì bām wur **14** Abwoon de mo kə yaa Joon le ndəən lushoot, bə Jesu dām wul nGalili, wur nkaa satpwoo deret mə Naan. **15** Wur sat ngurum mo nənee, “Pee nə kə wul, kə mulki kə Naan nə kus zak. Wu tuwap, wu shinzeen mpwoo deret nə.” **16** Kaade Jesu a ar dēl mpwoo am kuur mə Galili, bə wur naa Simon Pita kə dyemnəən fin Andru, mon nkaa bwet shang mbūt am, mbe yak pupwap mo. **17** Be Jesu wur sat mmo nənee, “Wu jì ndāng nghan, be nghan nle kə wu dee a nensatpwo kə Naan, mbəkə wu dul gurum mo shin jì pee nghan di kaadi wuu

yak pupwap sə.” **18** Abet, be mo yool yit shang fur mo, be mo dām ndang wur. **19** Kaade wur gyes dām de a kyeen lee, be wur naa Jemis lāa Zebedi, kə dyemnəən fin Joon, mo ndəən tii zak. Mon nkaa dak shang fur mo. **20** Abet, be wur pet mo. Be mo yool yit puun fur Zebedi ndəən tii nə, ashak kə nen de moo cìn dak mmo. Be mo dām ndang Jesu. **21** Mo dām ndəən Kaparnahum, be Jesu dēl ndəən mee lu Naan parpuus Nookdi. Be wur yaa kámpwoo Naan ngurum mo. **22** Kám wur nə aapwoo mmo zam, mbəde wu kám a kaa gwar de wu kə iiko sə, baa a kaa nenkám Wàar Mosis mo sə kas. **23** Mee gwar wu kə riin debish, ndəən lu Naan nə, be gwar nə bwet or. **24** Wur sat nee, “Jesu ngwe Nazaret, a me kaat mun kə gha ye? A jì mpesi a mbe twe mun aa? Wen man nə, gha a gwar debang mə Naan.” **25** Jesu gwak riin debish nənee, “A dōk tətək! A put aku ndəən gwar nə!” **26** Kaade riin debish nə yoon gwar nə bal-bal, be nə le or shibal, be nə put ndəən gwar nə. **27** Ne aapwoo gurum nə mo jir, har mo doom tal pushak nə, “A me ndesə ye? A mee kám depoo ndesi! Wu satpwoo shi iiko, be har riin debish mo cìn mbii de wu sat.” **28** Abet be pwoo nkaa Jesu nə put dām ndəən yil de mo neer Galili ciirkaat jir. **29** Kaade mo pwat ndəən lu Naan nə, be mo dām ntul Simon Pita kə Andru, ashak kə Jemis kə Joon. **30** Be mo kat nənkaam Pita waa saam kə cilem. Abet be mo sat nJesu. **31** Be wur jì yaa sar waa, wu dyeep waa tong a tēng, be cilem nə kyes nwar, be war cìn dak mbiise mmo. **32** Nkansəən, kaadi puus nə doom taa nlu, be gurum mo jì kə nen ciinkoom mo des, de mo kə riin debish mo pee Jesu di. **33** Nen yilkaam nə mo jir, mo jì kuur mpolu nə. **34** Jesu bar nenciinkoom mo des, kə shwal mo shini-shini, wu pwat kə riin debish mo des zak. Baa wu yit kə riin debish nə mo leshap de kas, mbəde mo kə man wur. **35** Daar nə, be Jesu yool put mpar-mpar, be wur dām a peedi baa mee gurum di kas, mbe wur dangnaan (leshap kə Naan). **36** Pita kə nen de mo ashak kə wur, mo pwat dām mbe yap wur. **37** Kaade mo kat wur, be mo sat nwur nənee, “Gurum mo jir mo nkaa yap gha.” **38** Jesu sat mmo nənee, “Wu yit kə mu dām njep yil de mo akyeen sə, mbəkə nghan dām nsatpwo Naan di nyil mənə mo zak. Mbəde wen jì a mbe satpwoo Naan nə.” **39** Mbəməna, be wu dām ndəən yil nGalili jir, wu satpwoo Naan ngurum mo ndəən lu Naan mo, kə wur

pwat kə riin debish mo zak. **40** Mee nguloom jì kurum nfurum ntoom Jesu, 6e wu dāng pə Jesu nānee, “Katdāng a rəbet, 6e gha mak bar nghan kə wen dee di a dēbang.” **41** Jesu naajeel gwar nā, 6e wu zan sar fin, wu tung gwar nā, dāng wur sat ngwar nā nānee, “wen nlap ii, aa bar. **42** Abet, 6e loom nā kyes, 6e gwar nā zum. **43** Jesu satpwoo ngwar nā shiḃal. Be wur ḃwet gwar nā abet-abet. **44** Be wur sat ngwar nānee, “A tap, taji a sat mee mbii mmee gurum kas. Dāngbē a dām a kam sak fwaa mpris, mbəkə wur naa gha di, kə a shin zuum di zak, kaadi gyet Mosis sat nā, nen dē mo ke ten zum, 6e mo shin mbiizuum, mbəkə gurum mo man nnā moo ke dee a dēbābar.” **45** Dāngbē gwar nā wur put, 6e wur yaa satpwoo nā gurum mo des, 6e pwoo nā kaatpee jir, har nā le kə baa Jesu mak baa del ndāen yil nā agaak kas. Dāngbē wur tong a peedi baa mee gurum mo dē kas. Jir kəsə, 6e gurum mo pwat shipee-shipee, mo dām pee wur di.

2 mBwoon jep teer mo 6e Jesu wur del ndāen Kaparnahum, 6e gurum mo kəlāng nā, wur waaji ntul. **2** Gurum mo des mo gam lu nā, har mpolu, dē baa mee pee dēnshii di kas. Jesu nkaa satpwoo Naan mmo. **3** Be mee des mo feer, mo jì kə mee gwar dē foshik wur fii, pee Jesu di. **4** Mbə dūu gurum nā mo, 6e baa mo mak dām kə gwar nā kus pee Jesu dē kas. Dāngbē mo kàa tap wang dēng lu nā nciit kə pee di Jesu wur ndāen nā. Kaade mo wang dēng lu nā, 6e mo lep gwar nā sham nkaa mbiisaam, dē gwar nii saam nkaa nā. **5** Kaade Jesu naa shinzeen mo nā, 6e wu sat ngwe foshik dē fii nā nānee, “Làa fen, mo kə fwo shikbish fwaa mo ngha.” **6** Dāngbē pak nenkām Wàar Mosis mo, dē moo tong dē, mo nkaa pan ndāen pətuup fur mo nānee, **7** “A me le dāng gwar desə wur sat pwoo mənə ye? Wur leshin kaa Naan səl Baa mee gurum mak fwo shikbish kas, see Naan bəshin bejee dāk.” **8** Abet, 6e Jesu man mbii dē moo pan nā ndāen pətuup fur mo, 6e wur sat mmo nānee, “A mi le dāng wuu pan mbii desə mo ndāen pətuup fuu mo ye? **9** A dēdāng fiyeel met ye? Dē wen nsat nguiciinkoom nānee, ‘mo kə fwo shikbish fwaa mo ngha,’ aa koo dē wen nsat nwur nānee, ‘A yool a mang mbiisaam fwaa a mwaan’ yi? **10** Dāngbē mbəkə wu man dē nā, Làa Gurum, wur kə iiko nkaa yil nā, mbe fwo shikbish mo. Be Jesu sat ngwar dē foshik wur

fii nā, nānee, **11** “Wen sat gha, a yool, a mang mbiisaam fwaa a dām ntul” **12** Abet, 6e gwar nā wur yool, wur mang mbiisaam fin, 6e wur put dām ntul a yit mo jir. Be nā aapwoo mo jir, 6e mo kwoop Naan, mo sat nā, “Baa muu cam naa mee mbii aapwoo kaa desə sə kas.” **13** Jesu put dām mpwoo am kuur zak, 6e gurum mo des, mo jì kuur pee wur dē. Be wu yaa kámpwoo Naan mmo. **14** Be kaadi wur a ar del dām, 6e wur naa Livai làa Alfiyas, wur tong a peelap shooll wap. Jesu sat nwur nānee, “A jì ndang an.” Be Livai wur yool taa ndāng Jesu. **15** Kaade Jesu dām tong a peese mbiise nlu Livai, 6e nenlapwap mo des, kə nenshikbish mo, nen dē baa moo kyeer Wàar Mosis kas, kə pak gurum mo des, mo jì tong ashak kə Jesu kə jeplep wur mo, a peese mbiise nā. **16** Be nenkām Wàar nMosis mo, dē mo a nen Farisi mo, mo naa Jesu wur nkaa sese ashak kə nenshikbish mo, kə nenlapwap mo. Be mo sat jeplep mo nānee, “A me le dāng Jesu wur sese ashak kə nenlapwap mo, kə nenshikbish mo yi?” **17** Kaade Jesu kəlāng pwoo mənə, 6e wur lap mmo nānee, “Baa nen dē mon nkoom, mon nyap nguyen kas, amma a nen dē mo a gok. Baa wen jì a mbe pet nen dē ndere mo kas, amma wen jì a mbe pet nenshikbish mo.” **18** Nenlep nJoon mo, kə nen Farisi mo, mon nkaa wet kə neen. Pak gurum mo jì pee Jesu di, mo tal pə wur nānee, “A me le dāngbē nenlep nJoon mo, kə mənə nen Farisi mo, moo wet kə neen, dāngbē baa jeplep fwaa, moo wet kə neen kas yi?” **19** Jesu lap mmo nānee, “Wu yee nā, nən mmak cìn kə mæzep dē mo a pee serəbet mə dyik, mon ntong kə neen, 6e mish kə matpoo nā wur dē ashak kə mo me? Katdāng mish matpoo nā wur kuḃi ashak kə mo, 6e baa mon mmak wet kə neen kas. **20** Dāngbē puus nā mon nji, dē mon mmang mish nā nkaa mo. Dāngbē, mon ntong kə neen ndāen teer mənə mo. **21** Baa mee gurum mak luwas nlər desəər shi fuwaat depoo kas, katdāng wu cìn kəsə, 6e fuwaat depoo, dē wu luwas nlər desəər nā dīshik, nən nkur, 6e nən nwaa tee nlər desəər nā, 6e tee mənən ndes met ndinshee. **22** Kəzak, baa mee gurum mak dōo am anab depoo ndāen tuulshim desəər mo kas. Katdāng wur cìn kəsə, 6e am anab depoo nən mpyan tuulshim desəər nā mo, kə am anab nən mbeer, kə tuulshim nā mon ntee zak. Amma moo dōo am anab depoo a ndāen tuulshim depoo mo.” **23** Mee parpuus Nookdi, 6e Jesu yaa ar del mbut mmaar dāben.

Kaadé mo a ar dël nà, 6e nendàm ndàng Jesu mo doom cəlang pak dāben nà. **24** Nen Farisi mo sat nJesu nānee, “A naa jeplep fwaa mo nkaa cìn mbii de baa nà ret kà mo cìn mənə parpuus Nookdi kas.” **25** Jesu lap mmo nānee, “Ashee, baa wuu cam tang mbii de mo ran ndāen bəət haal Naan nkaa mbii de gyet Devit, kə nenyil de mo ashak kə wur mo cìn, kaadi gyet neenlāa wur kə nenyil de mo ashak kə wur kas se? **26** Gyet wur dël ndāen Lu Naan dāədēs, 6e wur mang gəəl aas de mo kə ten shin nən nNaan, wur se, kə wur shin pak nenyil de mo ashak kə wur. Gəəl aas de baa a mee gurum buu mak se nà kas, see a pris mo dāk. Gyet wur dël Lu Naan dāədēs nà a mbit de Abiyata wur a pris dāədēs met jir.” **27** Jesu sat mmo nà, “Mo le parpuus Nookdi nà a mbe gurum, baa mo le a gurum mbe parpuus Nookdi nà kas. **28** Desə nà kám nà, Làa Gurum, wur a Daa mə puus Nookdi nà zak.”

3 Jesu waa baa dël ndāen mee lu Naan. ‘Be mee gwar di nlu nà, de sar wur fii. **2** Pak gurum mo leyit fur mo nkaa Jesu, mbəkə mo naa de. Kyet wur mbar gwar nà mpuus Nookdi wa? Mbəkə mo kat mbii cìn mwaanaa di. **3** Jesu sat gwar de sar wur nà fii nānee, “A yool a ji a dār sà agaak.” **4** Be wur tal pə mo nānee, “Kyet Wàar Mosis nà sat nà, mu cìn a mbii deret mpuus Nookdi, aa koo mu cìn a mbii debish ye? Mu bām seen gurum aa, koo mu tutu seen nà ye?” Amma mo dōk tətək. **5** Jesu naa mo shi tuup, mbədə nà shwal nwur mbut mbe balkāa kə mo nà, 6ə wur sat ngwar nānee, “A zan sar fwaa.” Be gwar nà zan sar nà, 6e sar wur nà zuum. **6** Nen Farisi mo pwat, 6ə abet, mo dām bəwəlpwo ashak kə nen nHerot mo, mbəkə mo yap ar de mon ntu Jesu de. **7** Jesu yool dām mpwoo am kuur, ashak kə nendām ndàng wur mo, 6e nen Galili mo, kə nen Judiya mo des, mo dām ndàng wur, **8** kə nen de mo nkwang nJerusalem, kə nkwang Idumiya, kə candel nkwang Jodan, kə nkwang yil nTaya kə Sidon zak. Gurum mo des mo ji pee Jesu di. Mbedi mo kələng mbii dēwur cìn mo jir. **9** Jesu sat njeplep fir mo, kə mo tang mee tii le nwur kus, mbəkə taji duu gurum nà mo jyar ji dwat wur de kas. **10** Mbedi wur kə bar gurum mo des, 6e nenciinkoom mo de nkaa ji, mbəkə mo tung wur de. **11** Kə nen de mo kə riin debish mo, katdang mo naa wur, 6e mmo taa ntoom nwur, 6e mo bwet or nānee, “Gha a Làa Naan.”

12 Dangbē Jesu sat nriin debish nà mo shiḡal hakyeng, nà, Taji mo woo wudi kas. **13** Jesu kaa adeng jwak, 6e wur pərep nen dēwur rəbet mo, 6e mo ji pee wur di. **14** Wur bəlap gurum mo kaapaat baavəl, mbəkə mo dēe de a jeplep nwur mo, kə mo tong di ashak kə wur, kə wur lep mo de mbe satpwoo Naan. **15** Wur shin mbal mo mbe ceen riin debish mo zak. **16** Səm nen dēwur bəlap mo kaapaat baavəl nà, mo a Simon, de Jesu le sām nwur a Pita. **17** Kə Jemis làa Zebēdi, kə Joon dyemmnəen Jemis, wur le sām mo a Bowanarijs, de shii mənə nà, (mo cìn mbii a koo nluu de nii petpee sà.) **18** Kə Andru, kə Filip, kə Bartolomi, kə Matiyu, kə Tomas, kə Jemis làa Alfiyas, kə Taddawus, kə Simon, de moo pet wur a Zeelot. **19** Kə Judas Iskariyot, gwar dēwur ji seet kə Jesu sà. **20** Jesu waa baa ntul zak. Be gurum mo des mo waa baaji kuur pee wur di zak, har nà le kə baa Jesu kə jeplep wur mo mak se mbiise kas. **21** Kaadé nen wur mo kələng nà, baa wur mak katpee mbe se mbiise kas, kə mo kələng gurum moo sat nà, Jesu kə tar, 6e mo dām mbe yaa wur. **22** Pak nenkām Wàar Mosis de mo pwat nJerusalem ji, mo sat zak nānee, “Jesu kə Beelzebul, de nà a mishkoom mə riin debish mo, kə wur kə ceen riin debish mo a shiḡal mə mishkom kə riin debish mo.” **23** Jesu pərep mo ji kus, 6e wur sat Səmpwoo mo nānee, “Cinarang dangbē ngujwaan nwaa ceen ngujwaan put yi? **24** Katdang 6e mee yil dādes bāk set vəl, mbe cìn lek kə set, 6e yil dādes mənən nleng. **25** Katdang 6e mee nentul mo bāk sut vəl, mbe cìn lek kə shak, 6e tul mənən nleng. **26** Mbe mənə, kadang 6e ngujwaan wur bāk mulki wur de vəl, mbe cìn lek kə foshik wur, 6e baa mulki wur nən ndar kas, 6e a kyes wur nà mmənə. **27** Baa mee gurum mak dël ntul nguḡal, mbəkə wur hər long wur dā kas, see koo wur shee bəwot nguḡal nà akudang, 6e wur mmak hər long wur nà. **28** “Azeen, kən sat nwun nà, shikbish de gurum moo cìn, kə pwoo debish de moo sat, 6e Naan wur nfwo shikbish mənən ngurum mo. **29** Dangbə katdang mee gwar cìn shikbish, nkaa Riin Naan, 6e baa Naan nfwo gwar mənə kas, mbe vit. Mbedi wu cìn a shikbish de baa Naan cam fwo nà nwur kas har ngaa-ngaa.” (aiōn g165, aiōnios g166) **30** Jesu satpwoo desə a mbədə pak gurum moo sat nānee, “Wur kə riin debish.” **31** Nəən Jesu kə dyemmnəen wur mo ji dār atələng, 6e mo lep mee gurum dël pet wur. **32** Gurum mo des mo tong neer Jesu

cærkaat, mo sat nwur nānee, “Nāen fwaa, kə dyemnnāen fwaa moo rābet naa gha atələng.”
33 Jesu sat mmo nānee, “A wii a nāen fen, kə a wii mo a dyemnnāen fen yi?” **34** Be wur lyap nen de moo tong neer wur cærkaat, be wur sat mmo nānee, “Wu naa, a nāen fen, kə dyemnnāen fen mon ndesi! **35** Ngwar dēwur cīn dyen kə Naan, be a gwar mənā a dyemnnāen fen demish, kə dyemnnāen fen de mat, kə nāen fen zak.”

4 Jesu waa baa yaa kām-kam de ngurum mo mpwoo am kuur nā. Be gurum mo des mo jī kuur pee wur dī. Mbe duu kə gurum nā mo, be Jesu dēl tong ndāen tii nkaa am nā, be duu kə gurum nā mo jī dār pəkom am kuur nā. **2** Jesu kām mbii mo ngurum mo des shi səmpwoo mo. Ndāen kām wur nā mo, be wur sat mmo nānee, **3** “wu lekom! Gyet mee ngumaar wur put dām mbe bwet cirem mbūt mmaar. **4** Be kaadi wur nkaa bwet cirem nā, be pak cirem nā mo taa nkaa ar, be nyer mo sham cak cirem nā se. **5** Pak cirem nā mo taa nkaa kwoop, a peedi baa nā kə yil des kas. Abet, be cirem nā mo ciir kaa. **6** Kaade puuskāa be mo caan har mo fii, mbade baa mo kat yil des mbe sham seen kas. **7** Pak cirem nā mo taa mbūt nhər mo, be mo kaa wurang ndāen hār nā mo, be hār nā mo təreng kaa mmo, be baa mo le mee aa kas. **8** Pak cirem nā mo taa nkaa yil deret, be mo kaa wurang rəret, kə mo le āa des. Memee le āa mo laarkun, kə memee le mo laarpeemee, kə memee le mo kambil.” **9** Jesu sat nānee, “Ngwar dēwur kə koom mā kəlāngpee, be nā ret kə wur kəlāng.” **10** Kaade Jesu dēe mbəshin, be pak nen de mo kəlāng səmpwoo nā, mo jī ashak kə jeplep wur de dēkaapaat baavəl sə mo. Mo jī tal pə wur, mbəkə wur sat shii Səmpwoo nā dī mmo. **11** Jesu sat mmo nā, “Naan shin man nwun, mbəkə wur manshii kə mbii de mo a səsok mā mulki Naan, amma pee nen de atələng mo, be moo kəlāng mbii desə mo jir a shi səmpwoo. **12** Mbəkə koo de mo naa, be mon nnaa shi yit dāk, amma baa mon nnaashii nā kas. Pee nen de mo kəlāng, be mon nkəlāng a shi kom dāk, amma baa mon mmanshii nā kas, mbəkə taji mo ciir, kə Naan fwo shikbish fur mo dī.” **13** Jesu tal pə mo nānee, “Baa wuu manshii səmpwoo desə nā kas aa? Cinarang dang wun mmanshii kə koor səmpwoo nā mo yi? **14** Shii kə səmpwoo nā ndesi, ngumaar nā wur a kaa ngusatpwoo Naan sə. **15** Pak gurum mo a kaa cirem de mo

taa a ar sə, de katdang mo kəlāng pwoo Naan nā, be abet, nguiwaan wur jī ghər pwoo de mo kəlāng nā ndāen pətuup fur mo. **16** Pak gurum mo a kaa cirem de mo bwet a kwoop sə, de katdang mo kəlāng pwoo kə Naan ni, be mo lap shi retnyit kəlāk-kəlāk. **17** Amma baa nā sham seen jurum-jurum, ndāen mo kas, kə baa mon nteer vəl kas. Katdang mee luk yool koo gurum mo shin jeel mmo, mbe pwoo Naan nā, be abet, mo baa shibwoon kəlāk-kəlāk. **18** Pak gurum mo a kaa cirem de mo taa mbūt nğhər mo sə, de katdang mo kəlāng pwoo Naan nā, **19** be, mbe pan kə mbii mo, kə choor long mā yil desə mo, kə numpee mā long mo, kə fwoot mā pak mbii mo, mo vwan pwoo nā, be baa mo làa-làa kas. (aīōn g165) **20** Pak gurum mo a kaa cirem de mo bwet mo nkaa yil deret sə, de mo kəlāng pwoo Naan nā. Be mo lap nā, be pwoo Naan nā cīn dāk des ndāen pətuup fur mo, kaa cirem de nā làa-làa mo des sə. Pak mo làa-làa laarkun, pak mo laarpeemee kə pak mo kambil.” **21** Jesu sat mmo nānee, “Kyet mee gurum nle wus nfitila, dang wur waa mang daa dedes paa nā dī wa? Koo wur waa le nā nder peesaam wa? Amma wur nle nā adeng pee, a pee le fitila. **22** Baa mee mbii de, de nā a səsok de nān nook put agaak kas, kə baa mee mbii de, de nā a pəpaa, de mon nook put kə nā agaak kas. **23** Ngwar dēwur kə kom mā kəlāngpee, be nā ret kə wur kəlāng.” **24** Wur sat mmo zak nānee, “Wu cīn pan nkaa mbii de wuu kəlāng mo. Shi daa de wuu kām mbii de ngurum mo, be mon nkām mbii mo wun a shi shik zak, be nān ngam met mumo nā zak. **25** Koo dang weyi dēwur kə mbii, be mon ncin dyikə nwur. Dangbe gwar de baa wur kə mee mbii kas, be mon nsəət nwaa yaa wur kə rep mbii dēwur kə nā.” **26** Jesu sat zak nānee, “Mulki Naan nā a kaa mee gwar de wu bwet cirem dāben mbūt mmaar sə. **27** Be wur saam mpar, kə wur yool mbīt, be dāben nii kaa nii wurang. Be baa wur man kaadi nii wurang sə kas. **28** Yil nā shikāa wur, nii kə le mbii kəkop mo kaa làa-làa. Nshee, be nā wurang kaa pyan kom, be nā putkāa, kə nā le āa. **29** Kaade dāben nā nung, be wur mang cuk dām diip dāben nā abet, mbade pee mak diip nā.” **30** Jesu sat nānee, “Mun nkām mulki Naan nā a kaa me sə yi? Kə mun nkām nā a shi səmpwoo dedangyii? **31** Nā a kaa āas kə mee təng, de moo pet nā a mustad sə, de nā kat met āas kə cirem mo jir, dang be katdang mo kop nā nyil, **32** be nā yool

wurang, be nā dee a tång dedes zam. Nii put song denan-nan mo, be nyer mo jì le tish fur mo mbut riin ni.” 33 Jesu satpwoo ngurum mo, nkaa mulki kà Naan shi sàmpwoo mo shini-shini, kaadi mo mak manshii nā sà. 34 Baa Jesu satpwoo ngurum nā mo kas, see a shi sàmpwoo mo. Dang be katdang wur dee mbashin ashak kà jeplep nwur mo, be wur tap yakshii sàmpwoo nā mmo jir. 35 Parpuus mənə, nkansən, be Jesu sat njeplep fin mo nənəe, “Wu yool mmun, kà mu candel mu dām nkor desí.” 36 Mo yool yit duu gurum nā mo, be mo dām ashak kà Jesu ndəən tii dēwur tong ndəən nā. Pak tii nā mo yool dām ndang wur zak. 37 Mee kut dedes nā yool nkaa am nā, be am dēl ndəən tii nā. Be tii nā doom gam kà am. 38 Dangbe Jesu nsaam mbwoon ndəən tii nā. Be jeplep wur mo dām mii wur. Mo sat nā, “Ngukám, a naa mun murep mbəsə kas aa?” 39 Jesu wur mii, be wur gwak kut nā, bə wur sat am kuur nā nənəe, “A dōk tətək. A saam coot.” Be kut nā dār, pee dōkshik tətək. 40 Jesu sat njeplep wur mo nənəe, “A me le dang kærmmuut yaa wun ye? Har yaksə, be baa wun shinzeen kas aa?” 41 Nā aapwoo mmo des zam, be mo sat nshak nənəe, “Gwar desə wur a weye? De har kut kà am kuur, mo cìn ndyən wur!”

5 Jesu kà jeplep wur mo can am kuur dē Galilee dēl, be mo jì wul nkor dər mu yil nGarasin. 2 Kaadē Jesu put ndəən tii nā abet bē wur kaat kà mee gwar dēwur kà riin dēbish, wur kà tong a ndəən gwoot kəcir mo. 3 A peetong kə ngwar nā mmənə. Baa mee gurum katbāl dē mmak yaa wur bwoot kas. Koo dē mo bwoot wur a shi təsək, bə wur kà saa təsək nā. 4 Di moo naa njwal shii fir mo mbut nfut, kà mo bwoot sar wur mo shi təsək, dang bē wur roop nfut nā, kà wur kəram təsək nā fwo. Baa mee gurum mak cìn mee mbii nwur kas. 5 Par kà puus, bē wur tong a ndəən kəcir, kà ndəən jwak mo, kà wur le or, kà wur kóon foshik wur nkaa jwak nā mo. 6 Kaadē wur naa Jesu kà jì jong-jong, be wur yool su dām, wur dām kurum nforum ntoom wur. 7 Bē wur bwet dōo shiḃal nənəe, “A me kaat mun kà gha ye? Jesu Lāa Naan Dəhai! Wen dang pə gha mbe sām Naan, taji a lejeel nghan kas.” 8 Gwar nā sat kəsə, a mbədə Jesu kà sat nriin dēbish nā nənəe, “A put aku mbut ngwar nā, gha riin dēbish.” 9 Jesu tal pə gwar nā nənəe, “Sām fwaa a weyi?” Gwar nā lap

nənəe, “Sām fen nā a Lijiyon, dē shii kà mənə nā, mun dī des.” 10 Riin dēbish nā mo dang pə Jesu hakyeng, mbəkə taji wur ceen mo pwat ndəən yil mənə kas. 11 Kus kà peemənə, bē kuur kà danus mo dī des, mo nkaa se shit shituur jwak. 12 Riin dēbish nā mo dang pə Jesu, kà wur cínpee mmo, kà mo dām dēl dē ndəən danus nā mo. 13 Jesu cínpee mmo, bē riin dēbish nā mo pwat ndəən gwar nā, bē mo dām dēl ndəən danus nā mo. Duu kà danus nā mo wul ngal vəl, mo yool shwe sham a shituur jwak, bē mo sham beer ndəən am candar nā, har mo murap jir. 14 Nentap danus nā mo shwe dām sat ngurum mo ndəən yilkaam, kà jepyil mo jir. Gurum mo pwat jì mbe naa mbii dē nā kà cìn. 15 Mo jì pee Jesu dē, bē mo naa gwar dē di wur kà riin dēbish mo wur kà tong, kà nlər a ləlep, kà wur ndəən dyen fin rəret, bē kærmmuut yaa mo. 16 Nen dē mo cìn mbii desə nā a yit fur, bē mo yakshii nā ngurum mo, kaadi Jesu bar gwar dē di wur kà riin dēbish mo sà, kà kaadi danus nā mo murap sà. 17 Dangbē nenyil nā mo dang pə Jesu, kà wur yool put ndəən yil fur. 18 Kaadē Jesu pə dēl ndəən tii, bē gwar dē, wur kà riin dēbish sà, wur dang pə Jesu nənəe, “A yit an dām dī ndang gha.” 19 Amma baa Jesu rəbet kas. Wur sat ngwar nā nənəe, “A waa baa ntul, pee dyemnənə fwaa mo dī, mbəkə a satpwoo dē mmo nkaa mbii dedes dē Naan kà cìn gha, kà dēwur kà naajeel fwaa.” 20 Gwar nā wur baa waa, bē wur taa satpwoo nā nenyil dē nkwang nyil nDikapolis mo, nkaa mbii dedes dē Jesu kà cìn nwur. Mbii dē gwar nā sat nā aapwoo ngurum mo. 21 Jesu waa baa candel nkwang nkor dese, ndəən am, bē gurum mo des mo jì kuur pee wur dī, mpwo am kuur nā. 22 Mee gwar dē moo pet sām wur a Jairus, wur a memee ndəən nennan-nan mē mee lu Naan, wur jì kurum ntoom Jesu. 23 Wur dang pə Jesu hakyeng, wur sat nənəe, “Reep fen delee war pə yap muut. A jì a lesar fwaa nkaa war, mbəkə war kat seen dī.” 24 Jesu yool dām ashak kà Jairus, bē gurum mo des mo dām ndang wur, bē mo neer wur cærkaat kus-kus. 25 Mee mat war dē zak, dē waa kà beer toom mbe bit mo kaapaat baavəl. 26 War kà kyes long fin mo jir pə nenyen mo, jir kəsə, bē baa memee mak bar war kas. Dangbē shwal war nii war sət cici nnə. 27 Kaadē war kələng pwoo nkaa mbii dē Jesu wur cìn mo, bē war dām dēl mbut duu gurum nā mo. Bē war tap dām mbwoon Jesu, bē war tung pəkom nlər wur. 28 Mbēdi war kà

ten pan ndään pātuup war nānee, “Katdang be an tung koo a pəkom nlər wur de bejee dāk, be an mbar.” 29 Aasə be, war tung pəkom nlər wur nā, be abet, toom war nā dār. War man ndään fwoshik war nā, nee shwal war nā kə kyes jee. 30 Abet Jesu man nā, iiko kə put ndään foshik wur nā, be wur ciir tal pə gurum nā mo, nānee, “A wii tung nlər fen yi?” 31 Jeplep wur mo lap nwur nānee, “A naa diu gurum nā mo neer gha ciirkaat, be a sat nānee, ‘A wii tung gha yi’ aa?” 32 Jesu ciir mbəkə wur naa gwar de tung pəkom nlər wur nā di. 33 Mat nā war man koom de war kə kat nā, be war jī shi kəarmuut kə dāar, war kurum nyil ntoom Jesu, be war sat zeen nwur jir mbii de nā kə cīn. 34 Jesu sat nwar nānee, “Reep fen, shinzeen fii nā le kə yi dēe a debəbar. Shwal fii nā kyes. Yi dām, yi wul riyang.” 35 Kaade Jesu kudi nkaa sat pwoō mənā, be mee des mo tong ntul Jairus mo jī, be mo sat nwur nānee, “Reep fwaa war kə muut, Mbəmənā be taji a lejeel Ngukām wur kas.” 36 Amma Jesu lekom kaa baa wur kələng pwoō de mo sat nā kas sə. Be wur sat njairus nānee, “Taji pātuup fwaa wat kas, amma a shinzeen bejee.” 37 Baa Jesu yit kə mee gurum dām ndang wur kas, see a Pita, kə Jemis kə Joon dyemnāen Jemis bejee dāk. 38 Kaade mo jī wul ntul Jairus nā, be Jesu naa gurum mo nkaa fwo ruruu, mo nkaa wal, mo nkaa maap zak. 39 Wur dēl ndään lu nā, be wur sat mmo nānee, “A me le dāng, wuu fwo ruruu kə wun mmaap yi? Baa laareep nā war kə muut kas, amma war a nsaam bejee.” 40 Amma gurum nā mo jir, mo shwar wur shi shwar mə bəkpee. Kaade wur le kə gurum nā mo pwat atələng jir. Be wur le kə puun kə nāen reep nā, kə nen de mo ashak kə wur, mo dēl ndään lu de laareep nā war kə saam di. 41 Be wur yaa sar laareep nā, be wur sat nwar nānee, “Talifa kumi’ de shii mənā a nā, ‘Apa, wen sat yi, yi yool.’” 42 Abet be reep nā war yool dār, war yaa mwaan. Bitlāa war nā a kaapaat baavəl. Nā aapwoō ngurum mo des hakyeng. 43 Jesu satpwoō mmo shiḃal nānee, “Taji wu satpwoō mmee gurum nkaa nā kas.” Wur sat zak nānee, “wu shin mbiise nwar se.”

6 Jesu yool yit peemənā, be wur waaji ndään yil wur. Jeplep wur de mo jī ndang wur. 2 Kaade parpuus Nookdi nā wul, be wur yaa kām-kam ngurum mo, ndään lu Naan. Gurum mo des mo kələng wur, nā aapwoō mmo, be mo sat

nānee, “Gwar desə wur kat mbii desə mo jir a nneyi? Mo shin a seen dedang ngwar desə ye? De nā le kə wur cīn mbii aapwoō denan-nan sə mo yi? 3 Baa a ngu pwās shyeeep sə ndesə kas aa? Dyem kə Meeri, de dyemnāen wur mo a Jemis, kə Josep, kə Judas, kə Simon kas aa? De dyemnāen wur de mat sə mo, ashak kə mu zak, kas aa?” Mbəmənā be mo langtuup kə wur. 4 Jesu sat mmo nānee, “Baa gurum moo cii shin dedes ngusatpwoō Naan kas, see a pə nenyil wur mo, kə dāng wur mo, kə nentul wur mo, a moo cii shin dedes nwur bejee dāk.” 5 Baa wur cīn mee mbii aapwoō denan-nan mo mpeemənā kas, amma wur lesar nkaa pak nenciinkoom mo lee dāk, bə wur bar mo. 6 Nā aapwoō njesu zam, mbəde baa gurum nā mo shinzeen kas. 7 Jesu mwaan neer jepyil nā mo, mbəkə wur kámpwoō Naan de ngurum mo. Wur pəreep jeplep wur de kaapaat baavəl sə mo, be wur lep mo she seet vəl-vəl. Wur shin iiko mmo nkaa riin debish mo. 8 Wur sat mmo shiḃal nānee, “Taji wu mang mee mbii mbə mwaan nā kas, koo gill aas, koo kuluk, koo shoōl ndään daam fuu mo kas. 9 Amma wu mak mang kammwaan, kə wu jwal kwoopshi nshii fuu mo bejee dāk. Kə taji wu lep nlər mo vəl kas. 10 Koo tul dedangyii, de wu dēl de, be wu tong ntul mənā, har parde wun nyool wu yit pee nā. 11 Koo pee dedangyi de baa mo lap wun kas, kə baa mo kələng pwoō fuu kas zak, be katdang wun a ar put mbe nā, be wu ḃwap ərong de nən nkaa shii fuu mo, mbəkə nā dēe de a langtəng nkaa nenyil nā mo, nā mo cii lap wun.” 12 Dangbe mo pwat dām yaa satpwoō Naan ngurum mo, mbəkə gurum mo tuwap di. 13 Mo ceen riin debish mo des, kə mo pwes nenciinkoom mo des shi mwoor paat, kə mo bar mo. 14 Mishkoom Herot kələng pwoō nkaa Jesu, mbəde sām Jesu nā dēe a deməman ngurum mo jir, mbe mbii aapwoō dewur cīn mo, be nā le kə pak gurum moo sat nānee, “A Joon ngucin baptisma wur kə yool a peemúut. A nā le dāngbe wur kə iiko mbe cīn mbii aapwoō desə mo.” 15 Amma pak gurum mo sat nānee, “A Ilaija jī kámshin agaak.” Kə pak mo sat nānee, “Wur a ngusatpwoō Naan, koo memee ndään nensatpwo Naan de gyet yam mo sə.” 16 Kaade Herot wur kələng mənā, be wur sat nānee, “A Joon de Di wen kən le kə mo can káa wur sí. A wur kə baa yool a peemúut.” 17 Di Herot shikáa wur, wur kə lep gurum mo dām yaa Joon ḃwoot le nlushoot, mbe Herodiyas mat

dyemmnæn nwur Filip, de Herot wur kə lap war mmat. 18 Mbedi Di Joon wur naa nsat nHerot nə, “Baa nə ret kə a lapmat kə dyemmnæn fwaa kas.” 19 A mpeemənə be Herodiyas war fes naa Joon kə yit də bish, be war rəbet tu Joon, dāng baa war kat ar nə kas. 20 Herot wur kəer Joon, mbəde wur man nə, Joon wur a nguzeen, kə gwar de ndere. Nə le kə nHerot tap kə Joon rəret ndəən lushoot nə. Herot wur kələng pwoō de Joon kə sat mo shi retniyit, amma pwoō nə moo daampee nwur zam. 21 Aḃwoon jep mənə, be Herodiyas waa katpee mbe tu Joon, a parpuus de mishkoom nHerot wur cet mbii serəbet, mbe pan parpuus de gyet mo lāa wur de. Be wur pərep mishkoom de mon nder wur, kə nenyil denan-nan nkaa shiitooon nwur mo, kə nenyil denan-nan de mo ndəən Galili, mbəkə mo ji de mbe serəbet nə. 22 Be reep kə Herodiyas war del met kook, be nə ret nHerot nyit zam, kə nenyil de moo tong a pee sese ashak kə wur zak. Mishkoom Herot wur sat nreep nə war nənnee, “Koo mbii dedāngyii, de yii rəbet, be yi dāng, be wen ncin nyi.” 23 Wur waa baa tuweerpwoō nwar shiḃal zak nə, “Koo a meye de yi dāng pə an jir, be an ncin nyi. Koo dāng nə a koor mulki fen, be nghan nshin nyi.” 24 Reep nə war dām tal pə nāen waa nənnee, “Wen ndāng a meye?” Nāen nə war sat nənnee, “Yi dām yi sat wur shin kaa Joon nguchin baptisma nyi.” 25 Reep nə war baa pə mishkoom de kələk-kələk, be war sat nwur nənnee, “A shin kaa nJoon nguchin baptisma an ndəən kong sə.” 26 Mbii de war dāng desə nə wāt pətuup mishkoom zam, amma mbəde wur kə ten tuweerpwoō nreep nə war shi ḃələmcuk, ntoom mæzep wur nə mo, be nə deē nwur a tēng, kə wur shin kaa nJoon nwar. 27 Abet-abet mishkoom Herot wur lep mee shiitooon mḃut nen tappee wur mo ke wur dām can kaa nJoon ji kə di. Shiitong nə wur dām can kaa Joon ndəən lushoot. 28 Be wur ji kə kaa nə ndəən kong. Be wur shin nwar. Be war dām shin nnəen fer. 29 Kaade jeplep Joon mo kələng nə mo kə tu Joon, be mo ji mang kúm wur dām wum ndəən kacir. 30 Jeplep Jesu mo waaji pə wur de, be mo sat nwur mbii de mo dām cìn mo, kə mbii de mo kə kám ngurum mo zak. 31 Mbedi gurum mo des moo ji, kə pak moo waa baa zak, be nə le kə baa Jesu kə jeplep fir mo katpee de mon nse mbiise de kas. Be Jesu sat mmo nənnee, “Wu ji mmun, mu dām mbəsun a peedi baa gurum mo de kas kə wun wu nook

di.” 32 Be mo dām mbusut ndəən mee tii am, mpeede baa gurum mo di kas. 33 Amma gurum nə mo naa moo dām, kə mo man nə, a mo. Be gurum nə mo yool ndeen yilkaam mo jir, mo yaa ar a dāer nshii, be mo dām taa tələng nJesu kə jeplep wur mo. 34 Kaade Jesu put ndəən tii nə, be wu naa gurum mo kuur des. Be wur naa mo jeel wur nyit, dāng mo deē a kaa tām de baa mo kə ngunaa kas sə. Wur doom kám mbii mo mmo des. 35 Kus yak puus nru, be jeplep nwur mo ji sat nwur nənnee, “A naa puus nə kus kə ru, dāng pee desə nə a naaryil de baa tul gurum mo di kas. 36 A sat ngurum nə mo dām, mbəkə mo dām de ndəən tul nenmaar mo, kə jepyil de mo neer pee desə cəərkaat, mo seet mbiise de shikáa fur.” 37 Dāngbe Jesu lap mmo nənnee, “Wu shin mbiise mmo se.” Mo lap nwur nənnee, “Mun ndem mu seet gəl aas mə shooll zinariya kambil vəl, kə mu shin mmo se aa?” 38 Jesu tal pə mo nənnee, “Wun kə gəl aas mo a kong ye? Wu dām wu naa de.” Kaade mo dām naa, be mo sat nənnee, “Mun kə gəl aas mo paat, kə pupwap mo vəl.” 39 Be Jesu sat njeplep wur mo ḃək gurum nə mo tong nyil, shikuur-shikuur nkaa dem de mələp nə. 40 Aasə be gurum nə mo tong nyil shikuur-shikuur, pak mo kambil-kambil, dāng pak mo laarpaat-laarpaat. 41 Jesu mang gəl aas depaat nə mo, kə pupwap de vəl nə mo, be wur dyeep yit fer adeng, be wur cìn dāngnaan (leshap kə Naan) mə pələng Naan. Be wur yilang gəl aas nə shin jeplep wur mo, kə mo swap de ngurum mo se, kazak, wur ḃək pupwap de vəl nə mmo aasə zak. 42 Gurum nə mo jir, mo se əḃəl. 43 Har nen mwaan ndāng wur nə mo kok kor gəl aas kə pupwap de mo deē de, be nə gam kəcik mo kaapaat baavəl. 44 Daa de mo se mbiise nə, mo wul ngal paat. 45 Abet, be Jesu le kə nen mwaan ndāng wur mo del ndəən tii, mbəkə mo dām di nwur atələng, mbe candel nkor Betseda, kə wur ḃwet duu kə gurum nə mo de akudang. 46 Aḃwoon dewur kə ḃwet mo, be wu kaa adeng jwak mbe cìn dāngnaan (leshap kə Naan). 47 Kaade tii nə kə wul a naar am kuur nə, be pee kə shooll. Jesu wur deē di a dāer mḃəshin. 48 Wur naa mo nkaa shwaajeel, mpee tung tii nə, mbəde mee kut dedes nii baa kə mo shiḃwoon. Be wur mwaan nkaa am kuur nə ke wur dām pee mo di, naar kə karfe kun har dām karfe mpeemee. Kaade wur dām wul pee mo di, be wur cìn kaa wur ndādel mo sə. 49 Be, kaadi mo naa wur mwaan nkaa

am nā, 6e mo pan nā a mee nshon, 6e mo 6wet or. **50** Mbedi mo jir mo naa wur, 6e kærmuut fes yaa mo des. Abet, 6e Jesu leshap kē mo, wur sat mmo nānee, “Wu 6wet pātuup fuu mo, a an. Taji kærmuut yaa wun kas.” **51** Be wur kaa del ndāen tii nā ashak kē mo, dāng6e kut nā dar coot. Be nā aapwoo mmo zam. **52** Mbedi baa mo manshii kē pwoo nkaa mbii aapwoo de Jesu cīn nkaa gael aas, dāng wur shin ngurum mo ngal paat mo se sē kas. Mbedi baa pātuup fur mo mak manshii nā rāret kas. **53** Kaade mo can am nā del, 6e mo jī wul kwang nyil nGenesaret, 6e mo dīyīn tii nā pākom dāer. **54** Kaade mo pwat ndāen tii nā, 6e abet-abet Be gurum mo man nā, a Jesu. **55** Mo yool shwe dām del ndāen yil nā jir, 6e mo ghār nenciinkoom mo nkaa mbiisaam fur mo, mo dām kē mo mpee de mo kēlēng nnā Jesu dī. **56** Peedi Jesu del de jir, koo ndāen jepyil mo, koo ndāen yilkaam mo, koo a peemaar mo, 6e gurum mo ghār nenciinkoom fur mo, mo le mo mpwoo lutuk, kē mo dāng pē Jesu, katdāng wur rābet, 6e wur yit kē mo tung koo a pākom nlār wur de 6ejee dāk. Nen de mo tung nlār wur nā jir, 6e mo bar.

7 Nen Farisi mo, kē pak nenkām Wār Mosis mo, de mo tong nJerusalem, mo jī kuur pee Jesu dī. **2** Be mo naa pak jeplep Jesu moo se mbiise shi sar de baa nā 6ang kas, shii kē mōnā nā, baa mo vvang sar fur mo kaadi nen Farisi mo sat nnā, mo cīn sē kas. **3** Baa nen Farisi mo kē nen Yahudi mo jir, moo see mbiise kas, see mo shee vvang sar fur mo rāret akudāng. Moo tap aa mbii de gyet mēyīi fur moo loot kē cīn nā. **4** Katdāng mo tong nlutuk jī, 6e baa mon nse mee mbii kas, see mo shee vvang sut rāret akudāng. Pak mbii mo dādes, de moo cīn, de mo kām a pē nen mēyīi fur mo, kaa vvang laadaa mo, kē tuul mo, kē dāa bōng mo sē. **5** Nen Farisi mo, kē nenkām Wār nMosis mo tal pē Jesu nānee, “A me le dāng6e baa jeplep fwaa moo tap kē kām kē nen mēyīi funu mo kas ye? Har moo se mbiise shi sar de baa mo 6ang kas.” **6** Jesu lap mmo nānee, “Wun nen mwaan ndang Naan shi pātuup vāl-vāl mo. Gyet Aizaya wur satpwoo nkaa wun azeen nānee, ‘Nen desē moo shin dedes nghan a shi mēshpwoo fur mo. Amma pātuup fur mo jong kē an. **7** Moo seyil nghan a buu. Kām de moo kām nā a Wār mē gurum mo. **8** Wu yit Wār Naan, kē wu dīel a Wār de gurum moo loot kē cīn nā.” **9** Wur sat

mmo zak nānee, “Wun kē mee ar seen mbe cii Wār Naan mo, mbākē wu dīel kām fuu mo de. **10** Mosis sat nānee, ‘A shin dedes mpuun fwaa kē nāen fwaa,’ Kēzak nānee, ‘gwar dēwur satpwoo debish nkaa puun koo nāen wur, 6e mon ntū wur ating.’ **11** Amma wuu kām ngurum mo nā, ‘Katdāng gurum wu kē mee mbii de nā ret kē wu 6am puun wur de, koo nāen wur shi shik, dāng6e wu sat nā, nā a Korban, (de shii mēnā nnā, nā a mē Naan). **12** Be baa wu kudi wuu yit nwur cīn mee mbii mbe 6am puun wur de kē nāen wur de kas. **13** A mbe kām fuu desē mo, 6e wuu lepwoo Naan deē a mbii dēbuu, kē mbii mo des de wuu cīn mo aasē zak.” **14** Jesu waa baa pet duu gurum nā mo, 6e wur sat mmo nānee, “Wu lekom, kē wur kēlēng mbii de an nsat dī, kē wur manshii nā de zak. **15** Baa mee mbii de gurum kē se mpwoo, nān nle kē gurum deē a mbii debish (nyaknkāp) nyit Naan kas, amma a mbii de moo kaa pwat mpwoo gurum, a mēnā moo ke le gurum deē a mbii debish (nyaknkāp) nyit Naan.” **16** Katdāng gwar de kē kom mbe kēlēngpee, 6e wu kēlēng. **17** Kaade Jesu yool yit duu gurum nā mo, 6e wur dām del ndāen lu. Be jeplep wur mo tal shii sēmpwoo mēnā pē wur. **18** Jesu sat mmo nānee, “Baa wun wu manshii nā kas zak aa? Wu man nā, koo a mbii dēdāngyi de gurum se, 6e baa nān mmak le gurum deē a mbii debish (nyaknkāp) nyit Naan kas. **19** Mbedi mbii de gurum se, 6e baa nii del sham a ndāen pātuup wur kas, amma nii del sham a ndāen but nwur, 6e wu ndem kēn nā ndyes.” Jesu satpwoo desē, a mbākē wur kām de nā, baa mee mbiise mak le gurum deē a mbii debish (nyaknkāp) nyit Naan kas. **20** Jesu sat zak nānee, “A mbii de moo kaa pwat ndāen pātuup gurum, a moo le gurum a mbii debish (nyaknkāp) nyit Naan. **21** Mbedi a ndāen pātuup ngurum, 6e pan debish moo pwat a dī. Mbii mo kaa tang mat mo, kē wat, kē tukāa, kē ngaa. **22** Kē tēlēk, kē yaa bē pātuup, kē gwampee, kē cīn yaasut, kē zuur, kē wat sēm, kē dīyēep kaa, kē dāk mwēn. **23** A mbii debish desī mo jir, de moo pwat ndāen pātuup gurum, a mēnā moo ke le gurum deē a mbii debish (nyaknkāp) nyit Naan.” **24** Jesu yool a peemānē zak, 6e wur dām ndāen yil nTaya kē Sidon. Wur dām del ndāen mee lu, de baa wur rābet kē mee gurum manpee dēwur de kas, amma jir kēsā, 6e gurum mo dām yap wur kat. **25** Kaade mee mat, de riin debish ndāen reep war delee, war kēlēng pwoo nkaa Jesu, 6e

abet, war ji taa ntoom wur. **26** Baa mat nā war a mat Yahudi kas, war a mat Heleni. Mo lāa war a nFonisha, de nān nyil nSiriya. War dāng pā Jesu, mbākā wur ceen riin debish nā put mbūt nreep war nā. **27** Jesu lap nwar nānee, “Yi yit kē mu shin mbiise njeplu mo əbəl di aku, mbəde baa nā ret kē mu mang mbiise mā jep mo, kē mu fwo nān as mo kas.” **28** Amma waa sat nā, “Ii, nā aasə Daa, amma as nā moo se rep pak mbiise de nii dōng nyil, nder peetong mā sese jeplu nā mo.” **29** Jesu sat nwar nānee, “Mbə pwoo de yi sat sə, be yi dām ntul wur-wur, riin debish nā kē put mbūt nreep fii nā.” **30** Kaade mat nā war baa ntul far, be war kat reep war nsaam nkaa mbiisaam. Riin debish nā kē put ndān reep nā jee. **31** Jesu yool yit yil nTaya, be wur taa mer nSidon, be wur ji wul am kuur mā Galili, nkwang nyil nDikapolis. **32** Mee des mo ji kē mee tādīng, de baa wur mak leshap kas pee Jesu de. Mo dāng pā wur, kē wur lesar wur di nkaa tādīng nā. **33** Mbūt duu gurum nā mo, be Jesu yaa tādīng nā nsar, dām kē wur mee kwang coot mbashin. Jesu jwal nākongsar fin mo ndān kom gwar nā, kē wur bwet lii, be wu tung liis gwar nā zak. **34** Jesu naapee kaa adēng, dāngbe wur nook puut, be wur sat ntādīng nā shi ləpwoo mu nenyil Arameek mo nānee, “Iffata” de shii kē mənā nā, “Wang!” **35** Be abet, be gwar nā kəlāngpee, kē liis nwur nā fween, be wur leshap rəret. **36** Jesu satpwoo ngurum nā mo shifal nā, taji mo satpwoo nkaa nā mmee gurum kas, amma a koppee de mon ndok tatak, be mo waa dām satpwoo ngurum mo nkaa nā des. **37** Nā aapwoo ngurum nā mo hakyeng, dāngbe mo sat nānee, “Wur cīn mbii mo jir a ndəre-ndəre. Wur le kē komjoor mo kəlāngpee, kē tādīng mo leshap zak.”

8 Ndān teer mənā mo, be duu gurum nā mo waa baa kuur pā Jesu di des. Be baa mo kē mbiise kas. Jesu pərep nen jeplep wur mo, be wur sat mmo nānee, **2** “Wen naajeel duu gurum sə mo, mbəde mo kē cīn teer kun ashak kē an ndesi, dāng baa mo kudi kē mbiise kas. **3** Katdāng wen bwet mo shindām ntul fur mo kē neen, be mon ntaa muutleet a ar, mbəde pak mo pwat a mpee dejong.” **4** Jeplep Jesu mo tal pā wur nānee, “Mun mmak kat mbiise a nneye, a naaryil dese, de duu gurum sə mon nse kē nā mak əbəl mo de ye?” **5** Jesu tal pā mo nānee, “Wun kē gəl aas mo a kong ye?” Mo

lap nānee, “Mun kē gəl aas nā mo a pwovəl.” **6** Jesu sat nduu gurum nā mo tong nyil. Be wur mang gəl aas de pwovəl nā mo, wur cīn dāngnaan (leshap kē Naan) mā pəlāng Naan. Be wur yilang gəl aas nā mo, wur shin jeplep wur mo, mbākā mo shwap de ngurum nā mo, be jeplep wur nā mo shwap ngurum nā mo se. **7** Mo kē rep pak pupwap mo dikā lee. Jesu cīn dāngnaan (leshap kē Naan) mā pəlāng Naan nkaa pupwap nā mo, be wur shin jeplep wur mo, mbākā mo shin de ngurum nā mo se zak. **8** Duu gurum nā mo se, har mo əbəl jir. Dāngbe jeplep Jesu mo kok koor mbiise de nā deē de, be nā gam kəcik mo pwovəl. **9** Duu gurum de mo se mbiise nā mo wul ngal feer. Abwoon mənā, be Jesu bwet gurum nā mo shin waa. **10** Be abet, Jesu del ndān tii ashak kē jeplep wur mo, be mo del dām nyil nDalmanuta. **11** Pak nen Farisi mo ji pee Jesu de, be mo doom beetshik kē Jesu, mbākā mo kam wur de. Be mo sat nwur nānee, “A cīn mee mbii aapwoo de nā tong adēng sham de.” **12** Be Jesu nook puut kē tuup. Wur sat mmo nā, “A me le dāng gurum de nyiicinsə moo rəbet naa mee mbii aapwoo de nā tong adēng sham ye? Azeen, kən sat nwun nā, baa mon nkām mee mbii aapwoo nen de nyiicinsə mo kas.” **13** Jesu yool yit mo, be wur baa del ndān tii am, mbākā wur can am del dām nkor des. **14** Jeplep Jesu mo munsut mmang gəl aas pan, dāng be mo kē memee mādōng bejee ndān tii nā. **15** Jesu sat mmo shifal nānee, “Wu tap kē kām (yist) mā nen Farisi mo kē mā Herot.” **16** Jeplep wur nā mo doom beet ashak, nānee, “Wur sat pwoo mənā a mbəde baa mun kē gəl aas kas.” **17** Jesu man mbii de moo beet nā, be wur sat mmo nānee, “A me le dāng wuu beet nnā, baa wun kē gəl aas kas yi? Tan, har yaksə be baa wu naashii nā kē wu man kas aa? Pətuup fuu nā mo deē a dəbal de mo cīi manshii kē nā me? **18** Wun kē yit, mbe naapee, be baa wu naapee shi shik kas aa? Wun kē kom mbe kəlāngpee, be baa wun kəlāngpee shi shik kas aa? Wuu munshik ee? **19** Gəl aas depaat sə mo, de di an yilang nshin ngurum mo ngal paat mo se sə. Be di wu kok koor gəl aas de nā deē de, be di nā gam kəcik mo a kong ye?” Mo lap nā, “di nā gam kəcik mo kaapaat baavəl.” **20** “Koo dāng wuu munshik gəl aas de pwovəl sə mo, de di an yilang nshin ngurum mo ngal feer mo se sə ye? Be di wur kok koor gəl aas de nā deē de, be di

nə gam kəcik mo a kong yi?" Mo lap nə, "di nə gam kəcik mo pwovəl." 21 Jesu sat mmo nənee, "To, 6e yaksə, baa wu manshii nə kas aa?" 22 Mo ji wul mBetseda. Be mee des mo ji kə mee nguvum pee Jesu de. Mo dang pə wur, kə wur tung nguvum nə di. 23 Be Jesu yaa nguvum nə nsar, 6e wur put kə nguvum nə aBwoon laayil nə. Kaade Jesu tus lii nkaa yit kə nguvum nə, 6e wur lesar wur mo nkaa nguvum nə. Be wur tal pə nguvum nə nənee, "Aa naa mee mbii ye?" 24 Be nguvum nə wur dýeep yit, 6e wur lap nənee, "li, wen naa gurum mo, dang 6e nghan naa mo, a kaa tang de moo mwaan sə." 25 Jesu baa lesar fin mo nkaa nyit gwar nə, 6e yit gwar nə wang, 6ə wur naapee, har wur naa mbii mo rəret jir. 26 Jesu 6wet gwar nə shindəm ntul fir, dang wur sat ngwar nə nənee, "Taji a baa del ndəən laayil nə kas." 27 Jesu kə jeplep wur mo yool put, 6e mo dəm del ndəən jepyil de mo nkvang nSizariya mə Filipi. Kaade mo a ar, 6e Jesu tal pə jeplep wur mo nənee, "Gurum moo sat nə an a weyi?" 28 Jeplep nwur mo lap nənee, "Pak gurum nə moo sat nənee, 'gha a Joon ngucin baptisma,' dang pak moo sat zak nənee, 'gha a Ilaija.' Pak moo sat nənee, 'gha a memee mbut nensatpwoo Naan mo." 29 Jesu tal pə mo nənee, "Amma wun, wuu sat nə, nghan a weyi?" Pita lap nwur nə, "Gha a Kristi." 30 Jesu satpwoo mmo shiḃal nə, taji mo sat mee pwoo nkaa wudi a Kristi Nguḃam de Naan lep kas. 31 Aḃwoon mənə, 6e Jesu doom kám jeplep wur nə mo nənee, "Nə a təng Lāa Gurum, wur nshwaajeel mo des shini-shini, kəzak, nennan-nan mo, kə pris dēnan mo, kə nenkám Wàar Mosis mo, mon chii wur, dangḃe mon ntu wur. Be parpuus dēkun, 6e wur mbaa yool a peemúut." 32 Jesu satpwoo desə mmo agaak, 6e Pita pet Jesu dəm kə wur mmee kwang coot, 6e wur jəər wur. 33 Amma Jesu ciir naa jeplep wur nə mo, 6e wur sat mPita nənee, "A baku pee an de, gha Shetan! Mbēdi baa gha aa pan a mbii de mo a mə Naan kas. Amma pan fwaə nə a mə gurum mo 6ejee." 34 Jesu pərep duu gurum nə mo ashak kə jeplep wur nə mo, 6e wu sat mmo nənee, "Katdang mee gurum rəbet ji ndang an, 6e naa təng wur cii shin kə wur dakshin de mḃe shwaajeel, nən ndēe a kaa wur mang a shiyeepmúut fin, kə wur ji de ndang an sə. 35 Koo gwar dēdangyi dēwur rəbet 6am seen fir, 6e nən nloom wur, amma koo gwar dēdang ye, dēwur shin seen fin mḃe sām fen, kə mḃe pwoo dēret nə zak, 6e

gwar mənən nkat seen. 36 Gurum nkat a ləbet dēdang ye, katdang wur kat mbii de mə yil nə mo jir, amma katdang seen wur loom a wu, 6e kwoop mbii mənə mo a meyii? 37 A me a mbii de gurum wu nshin a koppee kə seen wur yi? 38 Koo gwar dēdangyi de naashwoop yaa wur mḃe nghan, kə kám fen mo nyiicinsə, de nə a mə nenḃutbish mo, kə nen de baa mo man Naan kas. Be Lāa Gurum, wur ncin naashwoop kə gwar nə zak, parpuus de wu nji ndəən dedes mə puun wur de ashak kə nenlep Naan dēbang mo."

9 Jesu sat mmo nənee, "Azeen nzeen kən sat nwun nə, pak mo de ndəən nen de moo dīrang mpeesə, baa mon mmurep kas, naa təng mo naa mulki Naan nə ji shi mbal akudang." 2 n'Bwoon teer mo peemee, 6e Jesu mang Pita, kə Jemis, kə Joon. Wur kaa kə mo a mee dēng jwak dēwurang, mon mbusut. Be fwoshik Jesu nə cəər ndəən dedes wur a yit fur. 3 Nlər wur mo cəər dēe a dēpiyaa pet-pet, dangḃe nə mang yit mmo. Baa mee gurum ndəən yil sə mak vwang nlər piyaa kaa mənə sə kas. 4 Dangḃe jeplep Jesu mo naa Mosis, kə Ilaija mon nkaa leshap kə Jesu. 5 Be Pita sat nJesu nənee, "Ngukám, nə ret kaadi mun de mpeesə sə. A yit kə mo dyik bit mo kun, memee gha, memee Mosis, kə me di Ilaija." 6 Baa Pita man mbii de nwur nsat kas, mbəde kəərmut nii fes yaa mo. 7 Dangḃe nluu ji paa mo, kə mo kələng mee doo nə put ndəən nluu nə, de nə sat nənee, "Desə a Lāa fen, de wen nwal nwur zam. Wu kələng wur." 8 Abet, kaadi mo ciir naapee, 6e baa mo naa mee gurum kudi ashak kə mo kas, 6e a Jesu nbəshin 6ejee. 9 Kaade mo a ar sham adēng jwak nə, 6e Jesu sat mmo shiḃal nə, taji mo sat mmee gurum mbii de mo naa kas, naa təng Lāa Gurum wur yool a peemúut akudang. 10 Baa mo sat mbii de mo kə naa nə mmee gurum kas, amma mo tal peshak nənee, "A me a shii kə yool a peemúut nə yi?" 11 Mo tal pə Jesu nənee, "A me le dang nenkám Wàar Mosis mo sat nənee, "Ting Ilaija wur shee ji akudang yi?" 12 Jesu lap mmo nənee, "Ilaija wur nshee ji, mbəkə wur dak mbii mo de rəret jir. Be a me le dangḃe mo kə ten ran nə, Lāa Gurum wur nshwaajeel mo des shini-shinə mon mbák wur, kə le wur a dēbuu yi? 13 Amma wen sat nwun nə, Ilaija wur kə ten ji, kə mo kə cin mbii de mo rəbet kə wur jir, kaadi mo kə ran ndəən 6əət haal Naan

nkaa wur sə.” 14 Kaade mo sham wul pee kor jeplep wur nə mo de, be mo naa duu gurum mo des pee mo de, kə nenkām Wàar Mosis mo, mo nkaa beetshik kə nen mwaan ndang Jesu nə mo. 15 Kaade duu gurum nə mo naa Jesu, be nā aapwoo mo jir. Abet, be mo shwe dām pee wur de, be mo tok kə wur. 16 Jesu tal pə jeplep wur nə mo nānee, “Wuu cin a beetshik me kə mo yi?” 17 Be mee gwar mbut duu gurum nə mo wur lap nānee, “Ngukām, wen jì kə làa fen pee gha de, mbəde wur kə riin debish, de nə kə cfi leshap nwur. 18 Tong be nii jì yool yaa wur karmat, be nii mang wur shweer nyil, dang təfil kə jì put nwur mpwoo, dang wur kə sām oos, dangbe nii le kə fwoshik wur nə fii. Wen dang pə jeplep fwaa mo, mbəkə mo ceen riin debish nā put de, amma baa mo mak kas.” 19 Jesu sat mmo nānee, “Wun nen de nyicinsə baa wur shinzeen kas! Wen ntong ashak kə wun mbe vit aa? Wu jì kə làa nə pee an dī.” 20 Mo jì kə làa nə pee Jesu dī. Kaade riin debish nə naa Jesu, be abet nə yoon làa nə, nə mang wur shweer nyil, be làa nə wur bəring nyil, təfil jì put nwur mpwoo. 21 Jesu tal pə puun làa nə nānee, “Mbii desə nə yaa cìn d̄yem fwaa nə a pərangyi?” Puun nə wur lap nānee, “Pəgyet wur kuđi a làa delee. 22 Nii naa mang wur vwet ndəən wus, kə ndəən am zak, mbəkə nə tu wur dī. Amma katdang gha mak cìn mee mbii, be a naajeel fen, kambok a 6am mun.” 23 Jesu sat nwur nānee, “A me le dang waa sat nānee, ‘Katdang wen mak yi?’ Ngwar dewur shinzeen, be mbii mo jir, mon mmak cìn mbe wur.” 24 Abet-abet, be puun làa nə wur d̄yeep doo fir nānee, “Wen shinzeen. A 6am an kə ciin shinzeen fen nəl!” 25 Kaade Jesu naa des gurum nə mo jar jì kus-kus, be wur gwak riin debish nə, wur sat nnə nānee, “Gha, riin debish de waa cfi leshap kə kələngpee ngurum. Wen sat nga, a put mbut nlāa nə. Taji a baa del ndəən làa nə zak kas.” 26 Abwoon de riin debish nə le or, be nə yoon làa nə shiḡal, be nə mang làa nə vwet nyil, be nə put. Làa nə wur gan nyil kaa wur kə mumuut sə, dangbe nāən gurum nə mo sat nānee, “Làa nə kə muut.” 27 Amma Jesu yaa sar làa nə, wu d̄yeep wur, be làa nə yool dār atəng. 28 Abwoon mənə, be Jesu del ndəən lu, be jeplep wur mo tal pə wur coot nānee, “A me le dangbe baa mun mu mak put kə riin debish nə kas yi?” 29 Jesu lap mmo nānee, “Baa mbii kaa desə nən mmak put kas, see a shi leshap kə Naan.” 30

Jesu kə jeplep wur nə mo yool yit peemənə, be mo yaa ar del nyil nGalili, be baa wur rəbet kə gurum mo man peedi wur de kas. 31 Mbedi wur nkaa kam jeplep wur mo nānee, “Mon nshin Làa Gurum ndəən sar gurum mo, be mon ntu wur, dangbe a puus dekun be wur nyool a peemúut.” 32 Amma baa jeplep Jesu nə mo manshii pwoo mənə kas, dang mo kəər tal nə pə wur zak. 33 Kaade mo jì wul nyil nKaparnahum, be Jesu del ndəən lu, be wur tal pə jeplep wur nə mo nānee, “De wuu beetshik, a nkaa me, a ar sə yi?” 34 Amma mo dok tətək, mbəde mo kə beetshik kə shak a ar nə, a wii a dedes met jir ndəən dūn yi? 35 Jesu tong nyil, be wur pərep jeplep wur de kaapaat baavəl nə mo, be wur sat mmo nə, “Katdang mee gurum rəbet den a denshee, be nə ret kə wu dee a de abwoon, kə a wur nden a ngudak niyee mo jir zak.” 36 Wur pet mee làa delee, be wur le làa nə dār nnaar fur, be wur mang làa nə nsar fin, be wur sat mmo nānee, 37 “Koo gwar dedangyii, dewur lap mee làa delee kaa desə sə, ndəən sām fen, be gwar nə lap a nghan mmənə. Koo gwar dedangyi dewur lap an zak, be baa wur lap a nghan mbəsən bejee kas, amma wur lap a gwar dewur lep an shiin jì mmənə zak.” 38 Joon sat nwur nānee, “Ngukām de mu naa mee gwar wu nkaa ceen riin debish mo pwat ndəən gurum mo shi sām fwaa, be mə cfi nwur, mbəde baa wur a memee ndəən mun kas.” 39 Amma Jesu sat mmo nānee, “Taji wu cfi nwur kas. Mbedi baa mee gurum mak cìn mee mbii aapwoo shi sām fen, dangbe wur waa ciir satpwoo debish nkaa an kas. 40 Mbedi gwar de baa wur a shaarlek fun kas, be gwar nə a munu mmənə. 41 Azeen nzeen kə sat nwun nə, koo gwar dedangyii, dewur shin am nwun shwaa, mbəde wun a mu Kristi mo, be gwar mənən nlap kwat nə hakyeng.” 42 “Koo gwar dedangyi dewur le kə memee məndong ndəən jep sə mo, de mo shinzeen an, mo cìn shikbish, be nə nret met kə mo d̄yiin mee fin d̄yees dak d̄etoon ntook gwar mənə, kə mo vwet wur de ndəən am kuur. 43 Katdang sar fwaa nə le kə a cìn shikbish, be a can nə a vwet. Mbedi ngyal desi be a del ndəən peeseen kə sar məndong, nə ret met aku de mon nvwet gha ndəən aawus de dām ngaa-ngaa, be gha kə sar mo vəl. (Geenna g1067) 44 A peedi nyet de moo se gurum mo, baa mon cham murap kas, kə baa wus nən cham pit de kas zak. 45 Kə katdang be shii fwaa nə le kə a cìn shikbish, be a can nə a vwet. Mbedi ngyal

a del ndāen peeseen shi shii mǎndong, nǎ ret met, aku dē mon nvwet gha ndāen aawus dē dām ngaa-ngaa bē gha kǎ shii mo vǎl. (Geenna g1067) 46 A peedi nyet dē moo se gurum mo, baa mon cham murap kas, kǎ baa wus nǎn cham pit dē kas zak. 47 Kǎ katdāng bē yit fwaa nǎ le kǎ a cǐn shikbish, bē a pun nǎ a vwet. Mbēdi ngyal deesi bē a del ndāen mulki mǎ Naan kǎ yit mǎndong, nǎ ret met aku dē mon nvwet gha ndāen aawus dē dām ngaa-ngaa, bē gha kǎ yit mo vǎl. (Geenna g1067) 48 A peedi nyet dē moo se gurum mo, baa mon cham murap kas, kǎ baa wus nǎn cham pit dǐ kas zak. 49 “Mon ncǐn dǎk shi wus, mbǎkǎ mo le gurum mo pan shee ret dē jir, kaadi moo le kǎen nkaa mbii, mbǎkǎ taji nǎ wam kas sǎ. 50 Kǎen nǎ a mbii dēret, dāng bē katdāng baa kǎen nǎ kudi kǎ shang kas, bē mon ndǎk nǎ a shi me, mbǎkǎ nǎ waa shang dē yi? Wun jeplep fen mo, wu tongryang kǎ shak, kaa kǎen dē baa nii bǎkshak kǎ shang nǎ kas sǎ.”

10 Jesu yool yit peemǎnǎ, bē wur dām nkwang yil njudiya, wur candel nkǎr Jordan. Duu gurum mo dēs mo waaji kuur pee wur dǐ, dāngbē wur kǎmpwoo Naan mmo, kaadi wur loot kǎ nǎ sǎ. 2 Pak nen Farisi mo jǐ pee wur dǐ, mbǎkǎ mo kam wur dǐ, bē mo tal nǎnee, “Kyēt Wǎar Mosis nǎ sat nǎ, gurum mak ceen mat wur mbe koo a mbii dēbish dēdangyi dē war cǐn waa?” 3 Jesu lap mmo nǎnee, “Gyēt Mosis ran nnǎ, wur ncǐn a meyii?” 4 Mo lap nǎnee, “Mosis ran nnǎ, gurum mak ceen mat wur, katdāng wur kǎ ten ran haal mǎ tudyik shin nwar.” 5 Jesu sat mmo nǎnee, “A mbǎdē wun a nen cǐshik mo, a nǎ le dāng gyēt Mosis ran Wǎar dēsǎ mo nwun. 6 Gyēt a Naan wur le mish kǎ mat pugyēt dē nshee kǎ yil nǎ. 7 ‘Mbǎmǎnǎ bē gurum wur nyit puun kǎ nǎen wur mo, mbǎkǎ wur bǎlkaa wur dē ashak kǎ mat wur. 8 ‘Dāngbē mo weet, mon ndēe a nan dēmǎndong. Abwoon dēsē, bē baa mo kudi a gurum mo vǎl kas, amma moo dēe a nan dēmǎndong.’ 9 Mbǎmǎnǎ, bē nen dē Naan wur kǎ ten bǎl mo ashak, bē taji mee gurum bǎk mo kas.” 10 Kaadē mo dēl nlu, bē jeplep wur mo waa baa tal shii pwoo mǎnǎ dē pǎ wur. 11 Bē wur sat mmo nǎnee, “Koo gwar dēdangyi wur ceen mat wur, mbǎkǎ wur lap mee mat dēci dǐ, bē gwar mǎnǎ cǐn a ngaa nkaa mat wur dē mmǎnǎ. 12 Kǎ katdāng bē, mee mat war yit mish war, mbǎkǎ war dām dǐyk dē mmee gwar dēci, bē war cǐn a ngaa mmǎnǎ.” 13 Pak gurum

mo jǐ kǎ jep dē dyyeen-dyyeen mo pee Jesu dǐ, mbǎkǎ wu le dēret dē nkaa mo shi sar wur, bē jeplep wur mo gwak gurum nǎ mo. 14 Amma kaadi Jesu naa mǎnǎ, bē nǎ lǎa nwur mbut, bē wur sat jeplep mu mo nǎnee, “Wur yit kǎ jep dē dyyeen-dyyeen mo jǐ pee an dē, taji wur daam mo kas. Mbēdi mulki Naan nǎ a mbē nen dē mo kǎ mǎse kaa mǎ jep dē dyyeen-dyyeen mo sǎ. 15 Azeen-nzeen sat nwun nǎ, koo weye dē baa wur le Naan a dedes ndāen pǎtuup wur shi mǎse dē nǎ kaa mǎ jep dēdyyeen mo sǎ kas, bē baa wur mmak dēl ndāen mulki Naan kas, koo dǎben.” 16 Dāngbē Jesu ghǎr jep nǎ mo nkaa baal wur, bē wur le sar nkaa mo, dāng wur le dēret nkaa mo. 17 Kaadē Jesu yool put mbē dām, bē mee gwar su jǐ kurum nfurum ntoom wur. Gwar nǎ tal pǎ wur nǎnee, “Ngukǎm dēret, an ncǐn a dǎk dēret dēdāng, mbǎkǎ wen kat seen dē dām ngaa-ngaa dē yi?” (aiōnios g166) 18 Jesu lap nwur nǎnee, “A me le dāng a pet an a Ngukǎm dēret yi? Baa mee gurum dē a dēret kas, see a Naan mbǎshin bējee dǎk. 19 Gha man mbii dē Wǎar Mosis nǎ mo sat jir nǎnee, ‘Taji a tukǎa kas. Taji a cǐn ngaa kas. Taji a cǐn wat kas. Taji a cǐn langtāng mǎ dūng nkaa gǎnang fwaa kas. Kǎ taji a seen a gurum mo kas. A shin dedes mpuun fwaa, kǎ nǎen fwaa.’” 20 Gwar nǎ wur lap nǎnee, “Ngukǎm, nghan kǎn ten tap Wǎar dēsǎ mo jir pegyēt din kudi a lǎa zǎlang.” 21 Jesu naa gwar nǎ shi wal, bē wur sat ngwar nǎnee, “A mbii mǎndong dēe dē nghan bējee. A dām, a sǎrep long fwaa mo jir, kǎ a bǎk shoal nǎ dē nenjeel mo, dāngbē waa nkat long ndāen dengnaan. Abwoon mǎnǎ, bē a jǐ ndāng nghan.” 22 Kaadē gwar nǎ wur kǎlǎng pwoo mǎnǎ, bē nǎ wāt pǎtuup nwur, dāngbē wur waa baa shi pǎtuup dewuwat, mbǎdē wur kǎ long mo dēs zam. 23 Jesu lyap jeplep wur mo cǎerkaat, bē wur sat mmo nǎnee, “Nin nluk, kǎ nenlong mon ndel ndāen mulki Naan.” 24 Kaadē jeplep wur mo kǎlǎng pwoo mǎnǎ, bē nǎ aapwoo mmo zam. Jesu baa sat mmo zak nǎnee, “Jep fen mo, nǎ luk, kǎ gurum wur dēl ndāen mulki Naan. 25 Ngyal dēsǎ bē raakumi nkǎlak dēl ndāen fung ngilili, met aku dē ngulong wur ndel ndāen mulki Naan.” 26 Kaadē jeplep wur mo waa baa kǎlǎng pwoo mǎnǎ, bē nǎ sǎet aapwoo mo zam. Bē mo sat kǎ shak nǎnee, “Katdāng mbii nǎ aasǎ, bē a wii mmak kat bām yi?” 27 Amma Jesu lyap mo, bē wur sat mmo nǎnee, “Baa gurum mak cǐn mbii dēsǎ mo kas, amma Naan wur mak

cìn mbii mo jir.” 28 Dangbe Pita sat nānee, “A naa, mun kə yit mbii mo jir, mbəkə mu dām dī ndang gha.” 29 Jesu sat mmo nānee, “Azeen kən sat nwun, koo a gwar dedangyi dewur yit tul, koo dyemnān demish mo, koo dyemnān de mat mo, koo nān, koo jep mo, koo mmaar, mbe sām fen, kə mbe pwoo deret, 30 be wur nkat tul mo, kə dyemnān demish mo, kə dyemnān de mat mo, kə nān mo, kə jep mo, kə mmaar mo, har mo wul kambil nyiicinsə, ashak kə shwaajeel, kə wur nkat seen de dām ngaa-ngaa ndān seen de nən pə jì zak. (aiōn g165, aiōnios g166) 31 Pak gurum denshee mo des, mon nyool dee a nen de aḡwoon mo. Nen de aḡwoon mon nyool dee a nen denshee mo zak.” 32 Kaade mo a ar kàa nJerusalem, be Jesu taa kyeen mmo be nā aapwoo mo, kə nā lekəarmuut nen de moo dām ndang wur nā mo. Be Jesu pərep jeplep wur de kaapaat baavəl nā mo, dām mmee kwang mbəsut, be wur sat mmo mbii de mon nkāa cìn nwur nJerusalem. 33 Nānee, “Wu naa, mun a ar kàa nJerusalem ndesi, katdang mu wul, be mon nseet Lāa Gurum ndān sar pris denan mo, kə nen kām Wàar kə Mosis mo, dang mon ncandyee muut nwur. Mon nshin wur nsar nen de baa mo a nen Yahudi mo kas. 34 Kə mon nshwar wur, mon ntwas lii nkaa wur. Mon nfwō nḡwat nwur, mon ntu wur zak, dangbe parpuus dekun, be wur nyool a peemúut.” 35 Dangbe Jemis kə Joon, jep Zebedi mo, mo jì pee Jesu dī, be mo sat nwur nānee, “Ngukám, muu rābet kə koo a meye dī mu dang pə gha be a cìn mmun.” 36 Jesu tal pə mo nānee, “Wuu rābet kə wen cìn a me nwun ye?” 37 Mo lap nwur nānee, “Katdang a rābet, be pardə ghan ntong ndān dedes fwaa, be a le kə mun mu tong ashak kə gha, memee nsarse fwaa, kə memee nsarkul fwaa zak.” 38 Jesu sat mmo nānee, “Baa wur man mbii de wuu dang nā kas. Wun mmak shwaajeel de nghan nshwaa nā aa? Wun mmak lap baptisma de mon ncìn nghan nā aa? 39 Mo lap nānee, “Ii mun mmak.” Dangbe Jesu sat mmo nānee, “Azeen wun mmak nshwaajeel de wen nshwaa nā, kə baptisma de mon ncìn nghan nā. 40 Amma mbe shin pee nwun tong nsarse fen, kə nsarkul fen, baa an kə ḡal de an ncìn mənə nwun kas. Amma nā a mḡee nen de Naan wur kə ten ḡak nā le mbe mo.” 41 Kaade jeplep wur de kaapaat sə mo kəlāng dang mənə, be mo langtuup kə Jemis kə Joon. 42 Jesu pərep mo jì ashak jir, be wur sat mmo

nānee, “Wu man nā, a mishkom nen de baa mo a nenyil Yahudi mo kas, moo lesut fur mo a dedes nkaa nen fur mo, kə nennan fur mo, moo kām iiko fur mo zam, nkaa gurum nā mo. 43 Amma baa nān nden nnaar fuu aasə kas. Koo gwar dedangyi dewur yool dee a dedes nnaar fuu, be nā a tēng kə wur sham kə kaa wur, mbe cìn ḡak nwun. 44 Kə koo gwar ye dewur rābet dee a denshee ndān wun, be nā a tēng kə wur dee a kərem fuu jir. 45 Baa Lāa Gurum wur jì a mbəkə gurum mo cìn ḡak de nwur kas, amma a mbəkə wur cìn ḡak de ngurum mo, kə wur shin seen fir dī mbe ang gurum mo des zak.” 46 Mo jì wul nJeriko, be kaadi Jesu a ar put ndān Jeriko nā, ashak kə jeplep wur mo, kə ḡuu kə gurum mo des. Be mee nguvum de moo pet sām wur a Bartimawus lāa Timawus, wur kə tong a pwoo ar mbe dang-dang. 47 Kaade nguvum nā wur kəlāng nā, a Jesu ngu Nazaret, be wur yaa dīyep ḡoo shiḡal nānee, “Jesu, Lāa Devit, a naajeel fen!” 48 Gurum mo des mo gwak wur, ḡə mo sat nwur ḡok kətək. Dang be wur waa sət dīyep ḡoo ḡalḡal nānee, “Lāa Devit, a naajeel fen.” 49 Jesu ḡar, be wur sat mmo nānee, “Wu pet wur shin jì.” Dangbe mo pet nguvum nā, mo sat nwur nānee, “Taji kəarmuut yaa gha kas. A yool, Jesu kə pet gha.” 50 Nguvum nā wur vwet mbiisəp wur, be wur sham yool wuret, dām pee Jesu de. 51 Jesu tal pə wur nānee, “Aa rābet kə nghan cìn a me nghan ye?” Nguvum nā wur lap nānee, “Ngukám, a le kə yit fen mo naapee.” 52 Jesu sat nwur nānee, “To yit fwaa mo naapee ḡak, mbəde waa shinzeen nḡə an mbar gha.” Abet-abet, be yit wur nā mo naapee. Be wur dām ndang Jesu, kə wur shin dedes nNaan.

11 Kaade mo jì wul kus kə Jerusalem, be mo jì wul mBetfaji, kə Betani mə Jwakpaat. Be Jesu lep jeplep fir mo vəl. 2 Wur sat mmo nānee, “Wur dām ndān laayil de nā a kyeen fuu sə. Katdang wu wul, be abet, wun nkat mee lāa jaaki de a didiin, de baa mee gurum kə cam lang nkaa nā kas. Be wur shang wur jì kə nā mpesi. 3 Katdang mee gurum tal pə wun nānee, ‘A me le dang wuu shang jaaki nā yi?’ Be wur sat nā, a Daa wur kə rābet nā. Aḡwoon be wu mbaa lep nā shi jì abet.” 4 Mo dām kat lāa jaaki nā a didiin mpolu kus kə pwoo ar. Kaade mo yaa shang nā, 5 be nen de moo ḡar de a pee nā, mo sat nānee, “A me le dang wuu shang lāa jaaki nā yi?” 6 Be jeplep nā mo lap nciit kə mbii de Jesu

sat mmo. Dangbe nenjaaki na mo yit mmo dam de ka na. 7 Kaade jeplep na mo ji ka laa jaaki nan Jesu, be mo le nlar fur mo nkaa jaaki na, be Jesu lang nkaa na. 8 Gurum mo des mo paa ar na shi nlar fur mo, be pak mo saa kom kakar mbut mmaar mo, mo paa ar na shi-shik zak. 9 Nen de mo akyeen, ka de mon mbwoon Jesu, mo dyeep doo fur mo sat nane, "Hosana! Daa le deret nkaa gwar dewur ji ndaen sam Daa! 10 Naan le deret nkaa mulki de mu puun fun Devit na, nii ji wul. Hosana Naan ndaen mulki fin." 11 Kaade Jesu del ndaen Jerusalem, be wur del ndaen Lu Naan dedes na. Be wur naa mbii mo de ndaen Lu Naan na jir. Kaade kansaen ka ten cin, be wur put dam nBetani ashak ka jeplep wur de kaapaat baavel sa mo. 12 Dadaar na, be kaadi mo ka yool yit Betani na, be neenlaa nJesu. 13 Kaade wur naa mee tangkyeen ka dee jong, de na lahat ka kom zam, be wur dam mbe naa tangkyeen na, kyet nii mee laa mo wa, dangba wur kat nii lahat aa kompee bejee dak, mbae baa a tar laa ma keen na kas. 14 Jesu sat ntangkyeen na nane, "Taji mee gurum kudi ka se laa kyeen mbut wii zak kas." Jeplep wur mo kalaeng pwoo dewur sat ntangkyeen na. (aion g165) 15 Kaade mo ji wul nJerusalem. Be Jesu del ndaen Lu Naan dedes, wur yaa ceen nenwer mo, ka nenseet mbii mo ndaen Lu Naan dedes na. Wur barep teebul ma nen paring shool mo, ka mbii tong ma nensarep mbul mo. 16 Baa wur yit ka mee gurum mang mee mbii ji del seet kana afur ndaen lu Naan na kas zak. 17 Wur kam ngurum na mo nane, "Na a raran ndaen baet haal Naan nane, 'Mon mpet lu fen a lu dangnaan (leshap ka Naan) mbe gurum de mo ndaen yil na jir,' amma wun ka ciir ka ni, ka na dee a gwoot mu nwat mo." 18 Kaade pris denan mo, ka nenkam Waar Mosis mo kalaeng pwoo mana, be mo tang ar de mon ntu Jesu de. Amma mo kaer wur, mbae kam wur na aapwoo nduu gurum na mo jir. 19 Kaade kansaen cin, be Jesu ka jeplep fir mo, mo pwat yit yilkaam na. 20 Dadar mofit, be kaadi mo a ar del, be mo taa naa tangkyeen na ka fii sham put jir. 21 Kaade Pita panpwoo de doon Jesu sat ntangkyeen na, be wur sat nJesu nane, "Ngukam, a naa tangkyeen de doon a le door si, na ka fii jee." 22 Jesu sat mmo nane, "Wu shinzeen nNaan. 23 Be azeen-zeen kan sat nwun na, koo a gwar dedangyi dewur sat njwak deso nane, 'A yool a sham a taa ndaen am kuur sa.' Katdang baa gwar na sat

pwoo mana a shi patuup val kas, amma gwar na shinzeen na, mbii dewur sat nan ncin, be nan ncin. 24 A mpeemana, be wen sat nwun na, koo mbii dedangyi de wu cin dangnaan (leshap ka Naan) mbe na, dang wur shinzeen na, wuu ten wur lap mbii dewur dang na, be Naan wur nshin nwun. 25 Ka koo a parangye de wu yaa chin dangnaan (leshap ka Naan), be wur fwo shikbish de gurum mo cin nwun, mbaka Naan puun fuu de adeng wur fwo shikbish fuu mo de nwun zak. 26 Mbedi katdang baa wur fwo shikbish de gurum mo cin nwun kas, be baa Naan puun fuu de adeng wur nfwo shikbish fuu mo wun kas zak. 27 Mo waaji nJerusalem, be kaadi Jesu nkaa mwaan ndaen Lu Naan dedes, be pris denan mo, ka nenkam Waar Mosis mo, ka nennan-nan mo, mo ji pee wur di. 28 Be mo tal pa wur nane, "Waa aa cin mbii deso mo a shi iiko dedangyi? A wii shin iiko deso nwaa yi?" 29 Jesu lap mmo nane, "Wen kan rabet tal mee mbii pa wun de zak. Katdang wu lap nghan, be an nsat nwun iiko de nghan kan cin mbii deso mo shi shik zak. 30 Kyet gyet a Naan lep Joon mbaka wu ji cin baptisma de ngurum mo aa? Aa koo gyet a gurum mo lep wu yi? Wu lap nghan." 31 Mo beet bwet nshak nane, "Katsang mu sat na, Gyet a Naan lep wur shin ji, be wur nsat nane, 'A me le dang baa gyet wu shinzeen nwur kas ye?' 32 Dangbe katsang mu sat na, gyet a gurum lep Joon ji, be gurum na mon nlangtuup." Moo kaer gurum mo, mbae gurum na mo jir moo le Joon a ngusatpwoo Naan. 33 Dangbe mo lap nJesu nane, "Baa mu man kas." Jesu sat mmo nane, "Katsang na aasa, be baa wen nsat nwun gwar de shin iiko nghan, mbe cin mbii aapwoo na mo kas zak."

12 Jesu doom sat pwoo ngurum mo shi sampwoo mo nane, "Gyet mee ngulu wur kop anab mo mbong wur, be wur neer na shi kok, wur bwan mee tuun mbe dwat laa tang anab na, kazak, wur dyik mee dengpee mbe naa anab na. Dangbe wur yit mar na nsar mee ka nenna mar mo, mbaka mo naa bong na de nwur. Abwoon mana, be wur yool dam mmee yil. 2 Kaade tar nung laa anab na wul, be wur lep mee kaerem nwur dam pee nenna maar anab na mo de, mbaka kaerem lap pak laa anab na dam ka na de nwur. 3 Dangbe nenna maar anab na mo yaa kaerem ni, mo naram wur, be mo ceen wur baa shi sar de nfii. 4 Ngulu na

wur waa baa lep mee korem shiin dām pee mo de zak. Be mo nas wur nkāa, kē mo shínjeel nkārem mēnā zak. 5 Aḃwoon mēnā, 6e ngulu nā wu waa baa lep mee korem dām pee nennāa mar nā mo zak, 6e mo yaa korem mēnā tu, kē moo naa ncin mpak korem nā mo aasā zak, har mo nāram pak mo, kē mo twe pak mo. 6 Ngulu nā wur dee de kē memee mändong, de mēnā a lāa wur dēwur nwāl nlāa nā zam. Be wur lep lāa nā dām pee nennāa bong nā mo de, aḃwoon kē korem nā mo jir. Ngulu nā wur pan nānee, ‘Nentap maar nā mon naa dedes kē lāa fin.’ 7 Dangbe nennāa maar nā mo sat nshak nānee, ‘wu naa a lāa de mēnān nyool ghēr kop puun nā ndesi, wu jì mmun, kē mā tu wur, mbākē kop nā dee de a munu.’ 8 Dangbe mo yaa lāa nā tu, 6e mo vwet kúm nā shin ciir mḃwoon kok maar nā. 9 Wur pan nā, ngumaar nā wur ncin a me kē nennāa maar desā nā mo ye? Wun nji twe nennāa mar desā nā mo, mbākē wur le mee nennāa mar deci mo di. 10 Baa wuu cam tang pwoo de mo kē ten ran ndāen bāet haal Naan sā kas me? De nā sat nānee, “nGhāk de nen dyiklu mo cii nā, “Be a nā dee a dedes ndāen kwang lu nā. 11 Desā nā a dāk de Daa wur kē ten cin; “Nā a mbii aapwoo pee mun di!” 12 Nennan mā nen Yahudi mo yappee mḃe yaa Jesu, mbāde mo man nā, wur sat sēmpwoo desā nā a nkaa mo, dangbā baa mo mak yaa wur kas, mbāde mo kār diu gurum nā mo. Mbāmēnā, 6e mo yool yit wur de, 6e mo dām ntul. 13 Dangbe nen Farisi mo kē nen nHerot mo lep pak nen fur mo shindām pee Jesu de, mbākē mo kat mee mbii de mon nyaa wur di ndāen pwoo dēwur sat mo. 14 Kaade mo jì, 6e mo sat nJesu nānee, “Ngukām, mu man nā, gha a nguzeen, baa waa kē kak mee gurum kas, dang baa waa kē shangyit mmee gurum kas zak, dangbā gha aa kām ar Naan ngurum mo azeen-nzeen. Kyet nān ndere kē mu kwatwap Siza, mishkoom dedes mu nen Rom mo aa, koo mu nook kwat nā yi?” 15 Dangbe mbāde Jesu man pan debish mā pātuup fur mo, 6e wur lap mmo nānee, “A me le dangbe wuu kam nghan yi? Wu jì kē mee shooll zinariya nā nghan naa.” 16 Be mo jì kē memee nwur. Be Jesu tal pē mo nānee, “A mā riin mukāa, kē sām mu we, a rāran nkaa shooll nā yi?” Mo lap nānee, “A mā Siza mishkoom nRom.” 17 Jesu sat mmo nānee, “Wu shin nSiza mbii de mo a mā Siza, kē wu shin Naan mbii de mo a mā Naan zak.” Nā

aapwoo mmo zam mḃe mbii dēwur sat nā. 18 Pak nen Saddusi mo, nen de moo sat nā, baa mee yool a peemūt de kas, mo jì pee Jesu de, 6e mo tal pē wur nānee, 19 “Ngukām, Mosis kē ran mmun nā, katdang mee gurum muut seet yit mat wur di, de baa war lāa-lāa nwur kas, 6e nnā mee dyemnāen wur lap matkaa nā, mbākē wur lāa-lāa mo de ndyemnāen fin de wu kē ten muut nā. 20 Gyet mee dyemnāen shak mo de pwovəl. Gwar denshee nā wur lapmat, 6e wur muut ndin nlāa mee lāa. 21 Be dyemnāen fin devəl nā wur lap matkaa nā, 6e baa wur lāa mee lāa kas, dang wur jì muut. Gwar dēkun nā wur waa lap matkaa nā war zak. 22 Dang mo pwovəl, mo lapmat nā war, 6e mo jì murāp jir, 6e baa memee yit mee lāa dee de kas. Kyes nā, 6e mat nā war yool muut aḃwoon kē mo nā jir zak. 23 To, katdang parpuus yool a peemūt, 6e war kē ndee a mat we ndāen mo pwovəl sē ye? Mbēdi mo jir, mo kē lap war mmāt.” 24 Jesu sat mmo nānee, “Wun wuu del dikā, mbāde baa wu man mbii de mo kē ten ran ndāen bāet haal Naan kas, kē baa wu man dedes Naan kas zak. 25 Mbēdi parpuus de nen nā mon nyool a peemūt, 6e mon ndee a kaa nenlep Naan de adeng mo sē. Baa mee lapmat, koo dām dyik de kas. 26 Pwoo nkaa yool a peemūt mā nen de mo kē ten murāp mo, 6e baa wuu kam tang pwoo de mo kē ten ran nā ndāen bāet haal Mosis kas aa? Mbii de Naan sat nwur ndāen lāa lāet de nā lapwus sī nā, ‘Wen a Naan kē Abraham, kē Naan Aizik, kē Naan kē Jekop.’ 27 Baa wur a Naan mo nenmuut mo kas, amma a mā nen de mmeen mo. (Desā nā kām nā koo de mo kē ten murāp 6e mo de kē seen pee Naan.) Wun wu del dikā bish-bish hakyeng!” 28 Mee gwar mḃut nenkām Wāar Mosis mo, wur jì kəlāng mo nkaa beetshik nā, 6e wur kəlāng Jesu tap lappwoo nā nen Saddusi mo rāret. Be wur tal pē Jesu nānee, “A Wāar dedāng a dedes met jir ndāen Wāar nā mo yi?” 29 Jesu lap nwur nānee, “A Wāar dedes met nā ndesi, ‘Wun nen Isreil mo, wur kəlāng. Daa Naan fun, a wur a Daa mändong bejee. 30 A wal nDaa Naan fwaa shi pātuup fwaa jir, shi seen fwaa jir, kē shi pan fwaa jir, kē shibāl fwaa jir.’ 31 De vəl nā a kaa mēnā sē zak nānee, ‘A wal ngānang fwaa kaa sak fwaa sē.’ Baa mee Wāar de waa des met de vəl sē mo kas.” 32 Ngukām Wāar Mosis nā wur sat nJesu nānee, “Azeen Ngukām, a sat a rāret. Daa Naan wur a mändong bejee dāk, baa

memee de kas, see a wur mbəshin. **33** Kə nə a təng kə gurum nwal nwur shi pətuup fin jir, kə shi pan fin jir, kə shi bal fin jir, kə gurum nwal ngənən fin kaa shin fin sə zak. Wàar de vəl sə mo ret met nlong de gurum moo shin mbe wus mbiizuum, kə koor mbiizuum de gurum moo shin mon nNaan jir.” **34** Kaade Jesu kələng gwar nə tap lappwo nə rəret, be wur sat ngwar nə nānee, “Baa waa jong kə mulki Naan kas.” Aḃwoon desə be baa mee gurum mak katbal mputuup mbe tal mee pwo de pə Jesu zak kas. **35** Kaade Jesu nkaa kam-kam ngurum mo ndəən Lu Naan dades, be wur tal pə mo nānee, “A me le dāngbe nenkām Wàar Mosis moo sat nə, ‘Kristi wur a làa Devit ye?’” **36** Mbedi Riin Naan nə le kə Devit shikāa fin wu sat nānee, ‘Daa wu sat nDaa fen nə, A tong nsarse fen. Har pardi wen le shaarlek fwaa mo tong nder shii fwaa.’” **37** Devit pet Kristi a Daa fin, be cirang dāng Kristi wu waa ciir dee a Làa Devit zak ye?” Duu gurum nə mo kələng wur shi retnyit. **38** nDəən kām Jesu, be wur sat ngurum nə mo nānee, “Wu tap kə kam nenkām Wàar Mosis mo. Mo a nen de moo jwal nlar dēshwal-shwal mo, kə moo mwaan mbəkə gurum mo naa mo di. Moo rābet kə gurum mo tok kə mo ndəən lutuk. **39** Kə moo rābet peetong mə nennan-nan mo ndəən lu Naan mo, kə moo rābet peetong dēret met jir mo a pee serābet mo. **40** A moo yak matkaa mo kə lee fur mo, kə moo dāngnaan (leshap kə Naan) dēshwal-shwal mo shi nyang zak, mbəkə gurum mo kwoop mo di. Mbee mbii dēbish de moo cīn desə mo, be Naan wur ncīn kwat dēshwal mo des hakyeng.” **41** Kaade Jesu tong a kyeen, kus kə pee bwet shool mbiizuum mə Lu Naan dades nə, be wur naa kaadi gurum moo bwet shool mbiizuum fur mo de ndəən nə. Pak nenlong mo des mo bwet shool des ndəən nə. **42** Be mee matkaa de war a matjeel waa jī bwet rep anini mo vəl de ndəən nə zak. **43** Jesu pərep jeplep wur nə mo jī ashak, be wur sat mmo nānee, “Azeen kən sat nwun, mbii de matkaa dejeel desə waa bwet ndəən kwati mə bwet mbiizuum nə, nə met mə koor gurum nə mo jir. **44** Mbedi nen desə mo jir, mo bwet mbiizuum nə a mbut ndes mə long de mo kəni, dāngbə war ndəən jeel war, be war səhət bwet a kyes kə mbii de war kə nə.”

13 Kaade Jesu a ar put ndəən Lu Naan dades nə, be memee mbut jeplep nwur mo sat

nānee, “Koi, Ngukām, a naa lu dēret de mo tap dyik mo shi nghək denan-nan sə mo.” **2** Jesu lap nānee, “Aa naa a lu de mo dyik mo nan-nan shi nghək sə mo aa? Baa mon nyit mee nghək tong nkaa nghək mpee desə kas, amma mon nshirip mo jir.” **3** Kaade Jesu tong nkaa Jwakpaat de nii naa shak kə Lu Naan dades, be Pita, kə Jemis, kə Joon, kə Andru, mo jī tal pə wur a səsok, mo sat nwur nānee, **4** “A sat mmun, mbii desə mon yool cīn a pərangyi? Kə mun nnaa a mbii aapwoo dēdāng, katdāng mbii desə mo doom gam yi?” **5** Jesu doom sat mmo nānee, “Wu tap, taji mee gurum ngwam wun kas. **6** Mbedi gurum mo des mon nji ndəən sām fen, kə mo sat nə, wudun a wen, dāngbe mon ngwam gurum mo des. **7** Katdāng be wu kələng pwo nkaa lek mo, kə pwo kyetwa nkaa lek mo, be taji kəarmuut yaa wun kas, mbəde nə atəng mbii desə mon nyool cīn akudāng, be parkyes yil nii kudi kə jī. **8** Pak yil mon nyool lek nkaa pak yil mo, kə mee mulki mon nyool lek nkaa mee mulki de ci mo. Yil nən ntungpee des-des shipee-shipee, neen nən ntaa, ndəən yil nə mo. Dāngbe mbii desə mo jir a shee kə jeel, kaadi aak kə shee se mat sə. **9** “Dāngbe wu tap kə kaa fuu, mbəde gurum mon nyool sərep wun nsar kə nentokdyeel mo, kə mon nnəram wun ndəən lu Naan mo. Mon ndəm kə wun ntoom gofna, kə mishkoom mo, mbe sām fen. Desə nən nle kə wun katpee satpwo dēret nə de ntoom mo. **10** Dāngbe akudāng kyes kə yil nii jī, be təng see mo shee satpwo Naan dēret sə ngurum mo jir ndəən yil nə akudāng. **11** Katdāng be mo yak wun, kə mo dām kə wun nludyeeel be taji wu an suk mbe mbii de wun nsat kas. Mbedi a Riin Naan wur nkām wun mbii de wun nsat mo. Mbedi baa a wun nkaa satpwo nə kas, amma a Riin Naan wur nkaa satpwo nə. **12** Dyemnəənshak mon nsərep shak har mpee muut, bə puun wur nseet làa fin zak. Jep mon nyool lek kə puun fur mo, kə nāən wu mo, be mon nle kə mo twe mo. **13** Gurum mon ncii wun jir, mbe sām fen. Dāngbe gwar de wu gung har peekyes nə, be a wur nkat bam.” **14** “Dāngbe katdāng wu naa mbii dēbish, de nii watpee dee buu, nii dār a peedi baa nə ret kə nə dār de kas. (Ngwar dēwur tang pwo desə ni, be nə ret kə wu manshi nə). Be nenyil de mo ndəən Judiya, mo swe dām mbut jwak mo. **15** Ngwar dēwur nkaa dēng lu, be taji wu sham dēl ndəən lu nə, mbe mang lēe fin mo

kas. 16 Kə gwar dēwur a peemaar a yil, 6e taji wu waa baa ntul mbə mang mbiisəp fin kas. 17 Amma jeel nən nsəət naat nkaa mat aak mo, kə mat de mon nkaa shin wur njep mo ndəən teer mənə mo. 18 Wu cīn dāngnaan (leshap kə Naan) nNaan, mbəkə taji mbii desə mo cīn a ntarkut kas. 19 Mbēdi jeel dēdes nən nji taa nkaa gurum mo ndəən teer mənə mo, de baa mo kə cam naa nə kas, pəgyet Naan shee leyil nə de, har cicinsi, kə baa gurum mon mbaa naajeel mənə de zak kas har ngaa-ngaa. 20 Katdang de baa Daa Naan wur baa kə pak teer nə mo kas, 6e baa de mee gurum mmak kat bar kas, amma a mbe sām kə nən debəbələp nə mo, 6e Naan wur baa kə pak teer nə mo. 21 “Katdang mee gurum sat nwun nānee, ‘Wu naa, Kristi wu mpesi.’ Koo dāng nnə, ‘wu naa, wur akyeen sī!’ Be taji wu shinzeen mpwoo mənə kas. 22 Mbēdi nen de mon ncīn dūng, nnə wudun a Kristi, kə nen de mo lesut a kaa nensatpwoo Naan mo sə, dāngbə mo a nendūng mo, mon nji put des. Mon ncīn mbii aapwoo mo des, kə mbii lukshik mo zak. Mbeekə katdang nə mak cīn, 6e mo ngwam nen de Naan wu kə ten bələp mo. 23 Amma wu tap kə kaa fuu mo. Wen kən satpwoo desə mo nwun nshee akudang pee nii wul.” 24 “A6woon kə jeel mənə mo, 6e puus nən ncār deē a peenkoo, kə baa tar nən mbangpee kas, ndəən teer mənə mo. 25 Kə zar de adēng mon mbeer sham nyil, kə iiko de mo adēng mon ntungpee zak. 26 Dāngbē gurum mon naa Lāa Gurum, wur sham put ndəən nluu de adēng, shi iiko kə Dēhai, kə 6al dēdes. 27 Be wur nlep nenlep Naan mo, mbəkə mo dām kok nen dēwur kə ten bələp mo kuur ashak, ndəən kwang de feer mə yil nə. Yaa mpeedar kə yil nə jir, 6e dām wul mpeedar kə dēng nə.” 28 “Wu yit kə tēngkyeen nə deē a mbiikām pee wun dī. Katdang song tēngkyeen nə mo doom put kə kompee depoo, 6e wu man nə, tarlok nə kus mmənə. 29 Aasə zak, katdang wu naa mbii desə mo cīn jir, 6e wu man nə, wen kən ji wul kus-kus mmənə. 30 Azeen nzeen kən sat nwun nə, Baa gurum de yaksə mon mmurep jir kas, nə atēng mbii desə mo gam jir akudang. 31 Dēng kə yil mon ndel dām weet, dāngbə baa pwoo fen mmak cam dēl dām kas.” 32 “Baa mee gurum mak man puus mənə, kə pee nə kas, koo a nenlep Naan de adēng mo, kə koo a Lāa nə shikaa fin, 6e baa wur man kas, amma see a puun bejee dāk. 33 Wu tap kə kaa fuu mo, kə wu tong shi gongpee, mbədə baa wu man pardi

pee nən nwul de kas. 34 Katdang pee nə wul, 6e nən ndee a kaa mee gurum de wu yool mbe dām mwaan jong-jong sə. Akudang wur yool yit tul nə, 6e wu le nə nsar kə kərem fin mo, wu shwap dāk nkərem fin nə mo jir, shiməndong-shiməndong. Wur sat ngutap kə shiyeepkəpang mə tul nə nānee, ‘A tong shi gongpee rəret.’ 35 Mbəmənə, wu tong shi gongpee, mbədə baa wu man parpuus de ngulu nə wu mbaaji wul de kas. Meebe wu mbaaji nkansəən, koo a nnaar mpar, koo a nciit kə pəbit, koo a mbit. 36 Mbəkə taji wur mbaaji nwun ndi mman, dāngbē wur kat wu deē nsaam kas. 37 Mbii de wen sat nwun, 6e an kən sat a ngurum mo jir mmənə nə, wu tong shi gongpee.”

14 Deē teer mo de vəl, kə mo cīn retnyit mə Candel dī, kə mu retnyit mə gəl aas de baa nə kə yist kas. Be pris denan mo, kə nenkām Wār Mosis mo, mo tang ar de mon nyaa Jesu de shi seen, mbəkə mo tu wur dī. 2 Dāngbē mo waa sat nānee, “Baa mun nyaa wur a ndəən teer mə retnyit sə kas, mbəkə taji gurum nə mo yool lek nkaa mun.” 3 Kaade Jesu nyil mBetani, ndəən lu kə Siman nguloom, 6e wur nkaa se mbiise. Be mee mat war ji kə tuut mwoor de nə kə toos shangshang de moo pet nə a nard, de nə kərim zam. Be war tep took kə tuut nə, mbəkə war doo mwoor nən nJesu nkāa. 4 Amma nə lāa mpak gurum de mo de mbit, har mo satpwoo kə shak nānee, “A me le dāngbē moo takook kə mwoor desə aasə yi? 5 De nə ret kə mo seet kə mwoor desə nə nkaa shool zinariya de nə met kambil kun, mbəkə mo shin shool nə de nenjeel mo.” Pak gurum nə mo gwak mat nə war, shi tuup. 6 Amma Jesu sat mmo nānee, “Wu yit war dī. A me le dāng wuu daampēe nwar yi? War cīn a dāk dēret nghan hakyeng. 7 Wun dī ashak kə nenjeel mo shidaar-shidaar, mpeemənə 6e koo a par dēdāngyi de wuu rābet, 6e wun mmak cīn dēret mmo. Amma baa wun nkat nghan ashak kə wun shidaar-shidaar kas. 8 War kə cīn mbii de waa mak cīn nə. Mwoor de waa kə doo nkaa fwoshik fen sə, war cīn mənə a mbe dāk san fen mbe wum. 9 Azeen kən sat nwun nə, koo a pee dēdāngyi ndəən yil desə jir, de mon nsatpwoo dēret desə ni, 6e mbii de mat desə war cīn nghan, 6e mon nkə sat nə mbe pan war.” 10 Judas Iskariyot, dēwur a memee ndəən jeplep Jesu de kaapaat baavəl sə mo, Wur dām pee pris denan-nan mo dī, mbəkə

wur seet kə Jesu de ndəən sar mo. **11** Kaade mo shwaa am anab di kas, see pardi an nshwaa am kəlong pwoo mənə, be nə ret mon nyit zam, anab depoo nə ndəən mulki Naan.” **26** Kaade har mo tuweerpwoo nə, mon nshin shooll nwur. mo cən kook, be mo pwat dəm a Jwakpaat. **27** Yaa mparməni, be Judas Iskariyot naa nyap ar Jesu sat mmo nənēe, “Wun jir wun nshwe wu dēwur nseet kə Jesu di mo. **12** Parpuus dēnshee yit nghan di, mbəde mo kə ten ran ndəən bəət de mə gəəl aas de baa nə kə yist kas, de nə a haal Naan nənēe, ‘Wen ntu ngukiyeer tām nə puus de moo fet tām mo, mbə mbiise mə retnyit mo, be tām nə mon ntiit shini-shini.’ **28** Amma mā Candel nə. Be jeplep kə Jesu mo tal pə wur aḃwoon de Naan wur baa yool kə an a peemūt, nənēe, “Aa rəbet kə mu dām mu ḃak peese be an ndəm nwun akyeen nyil nGaliili.” **29** Pita mbiise mə Candel nə nghan a nneyi?” **13** Jesu sat nJesu nənēe, “Koo de mo jir, mo shwe yit lep memee mo vəl ndəən jeplep fin mo, wu sat gha de, be baa wen cam yit waa kas.” **30** Jesu mmo nənēe, “Wu ḃel ndəən yilkaam ni, be wun sat mPita nənēe, “Azeen-nzeen kən sat gha nə, nkat kə mee gurun dēwur kə tuul am nkāa, mpar cicinsi, akudang deel taadool yit vəl, be be wu dām ndang wur, **14** har ndəən lu dēwur waa nciipwoo yit kun nə, baa waa man an kas.” ndəm ḃel de. Be wu tal pə ngulu nə nənēe, **31** Amma Pita lappwoo nJesu shiḃal hakyeng ‘Ngukām wur sat nnə, luməzep de wen nse nənēe, “Koo dangde nə atəng kə wen muut mbiise Tong Ashak mu Candel ashak kə jeplep ashak kə gha, be baa wen cam ciipwoo kas.” fen mo, nə a nneyi?” **15** Ngulu nə wur nkām Be koor jeplep Jesu nə mo sat aasə zak. **32** mee ludeng ḃedes nwun, de mo kə ḃakle. Be Mo ji wul mee peedi moo pet nə a Getsamani, wu ḃak mbiise nə mmun, nlu mənī.” **16** Jeplep be Jesu sat njeplep fin mo nənēe, “Wu tong mpeesə, aku nghan cən dangnaan (leshap kə Naan) di.” **33** Be Jesu dām ashak kə Pita, kə de vəl nə mo yool dām ḃel ndəən yilkaammə, be Jemis, kə Joon. Pətuup fin nə wat, nə daampee mo kat nə a kaadi Jesu wu sat mmo sə, be nwur zam hakyeng. **34** Wur sat mmo nənēe, mo kə mbiise Tong Ashak mā Candel nə nlu ni. **17** “Pətuup fen nə wat zam, har kaa nən ntətu Kaade kansəən cən, be Jesu ji ashak kə jeplep de nghan sə. Wu tong mpeesə, kə wur gongpee kaapaat baavəl nə mo. **18** Mon nkaa se mbiise de.” **35** Wur gyes dām de akyeen lee, be wur nə, be Jesu sat mmo nənēe, “Azeen-nzeen, kən dām kurum nyil, wur cən dangnaan (leshap kə sat nwun, memee ndəən wun wu nseet kə an. A Naan) nənēe, “Puun fen, katdang de nə mak cən, gwar de mun nkaa sese ashak kə wur yaksə.” **19** be taji wen shwaa jeel ḃesə nə kas.” **36** Kə wur Pwoo de Jesu sat, nə wāt pətuup mmo zam, be sat nənēe, “Daa, puun fen, waa mak cən mbii mo mo doom tal pə wur shiməndong-shiməndong sat nənēe, “Daa a an aa?” **20** Wur sat mmo nənēe, “A memee ndəən wun de kaapaat baavəl sə jir, be a baa kə kap mən jeel ḃesə aku pee nghan mo. A gwar dēwur sham kə gəəl aas nsar mbə de. Baa a kaadi wen kən rəbet sə kas, amma see lep mpuk ndaa kə an. **21** Mbēdi Lāa Gurum, a kaadi waa aa rəbet sə.” **37** Wur waa dām pee wur mmuut a kaadi mo kə ten ran ndəən bəət jeplep fin ḃekun nə mo de, be wur kat mo nkaa haal Naan nkaa wur sə. Amma jeel nən ntaa saam. Be wur sat mPita nənēe, “Simon waa a nkaa gwar dēwur seet kə Lāa Gurum. Ngyal nkaa saam wo? Tan, baa a mak gongpee mḃe ḃesi be, Di mon nnook lāa gwar mənī, be de awa məndong kas aa? **38** Wu tong shi gongpee, nə ret met nwur.” **22** Kaade mo nkaa sese nə, kə wu cən dangnaan (leshap kə Naan), mbəkə taji wu ḃel mḃut jwaan kas. Riin nə rəbet ḃak, be Jesu mang gəəl aas, be wur cən dangnaan (leshap kə Naan) mə pəlang Naan nkaa nə, be amma nan nə cii, mbəde baa nə ḃal kas.” **39** wur yilang nə, be wur shin njeplep fin mo. Wur Jesu waa dām de, a pee dangnaan (leshap kə sat mmo nənēe, “Wu lap, ḃesə nə a fwoshik Naan) nə, be wur waa baa cən dangnaan (leshap fen.” **23** Wur mang mee laadāa zak, be wu cən kə Naan) a kaadi wur cən nshee sə zak. **40** wur dangnaan (leshap kə Naan) mə pəlang Naan waa baaji kat jeplep ḃekun nə mo de nsaam nkaa nə, be wur shin mmo. Be mo jir mo shwaa zak, mbəde yit fur mo toon kə nsaam. Baa mo ndəən nə. **24** Be wur sat mmo nənēe, “ḃesə nə man mbii de mon nlap nwur kas. **41** Kaade wur a toom fen de nə dee a gam mə tuweerpwoo waa waaji pee jeplep nə mo de yit ḃekun, be depoo shi toom mə Naan, de nə yaa ḃak mḃe wur sat mmo nə, “Har yaksə, be wun de nkaa toom fen de mon mḃeer nə mḃe gurun mo ḃes. saam kə nookdi aa? Nə mak kəsə, pee nə kə wul. **25** Azeen-nzeen, kən sat nwun nə, baa an mbaa Mo kə seet kə Lāa Gurum nsar nenshibbish mo.

42 Wu yool mmun seet. Wu naa gwar dēwur seet kə an wur kə jì wul.” 43 Kaade Jesu kudì nkaa leshap mənì, 6e Judas Iskariyot, dēwur a memee ndāen jeplep Jesu de kaapaat baavəl sə mo, wur jì wul ashak kə dūu gurum mo des ndang wur. Gurum nə mo kə kwai mo, kə kam mo. A pris denan-nan mo, kə nenkám Wàar Mosis mo, kə nennan-nan mo, a mo lep gurum nə mo. 44 Gwar dēwur seet kə Jesu nə, wur kə ten cìn mee 6e naa man (alaama) mmo nānee, “Ngwar de wen tok kə wur, dang wen tung wur shi məshpwoo, 6e a gwar nə mmənə. ‘Be wu yaa wur rəret, wu dām kə wur.’” 45 Kaade Judas jì, 6e wur dām pee Jesu de abet, kə wur sat nānee, “Ngukám.” ‘Be wur tok kə Jesu, dang 6e wur tung Jesu shi məshpwoo zak. 46 Dang 6e mo jì yaa Jesu. 47 Amma memee ndāen nen de moo dār de mpee nə, wur shang kwai fin, 6e wur can kom kə kərem mə pris dedes met jir nə vwet nyil. 48 Jesu sat ndūu kə gurum nə mo nə, “Wun, wu pwat wur jì kə kwai mo, kə duul mo, mbəkə wu yaa wen de, kaa wen a mee kus wat sə aa? 49 Shidaar-shidaar 6e an de ashak kə wun, kə an kən kám nwun ndāen Lu Naan dādes, 6e baa wu yaa an kas. Amma mbii desə mo cìn aasə jir, a mbəkə pwoo de mo kə ten ran mo ndāen 6əet haal Naan mo gam de.” 50 Jeplep wur mo jir, mo yool shwe yit wur de. 51 Mee dyem zəlang wur dī, dēwur sup a mee fuwaat nkaa shin 6ejee, wur dām ndang Jesu, kaadi mo yaa wur, 52 6e wur su dām ngum, wur yit fuwaat nə mmo. 53 Mo dām kə Jesu ntul kə pris dedes met jir nə, a peedī pris denan-nan mo, kə nennan-nan mo, kə nenkám Wàar Mosis moo kuur de ashak. 54 Pita tap dām ndang Jesu aḃwoon jong-jong, har ntul kə pris dedes met jir nə, 6e wur dēl tong ashak kə nentappee mo, kə wur kə kələng wong wus de. 55 Pris denan-nan nə mo, kə kuur nennan-nan nə mo jir, mo tang mbii de mon cìn langtəng mə dūng mo nkaa wur, mbəkə mo katpee tu Jesu de, amma baa mo kat kas. 56 Koo dī gurum mo des mo jì kə langtəng mə dūng mo nkaa Jesu, 6e baa mbii de mo sat nkaa Jesu nə mo yakshak kas. 57 Pak gurum mo yool dār atəng, kə mo sat mbii de mə dūng nkaa Jesu nānee, 58 “Mu kələng wur sat nānee, ‘wudin nshirip Lu Naan dedes sə, de gurum mo dyik nə shi sar, dang 6e wudin mbaa dyik memee de ndāen teer mo kun zak, de baa a shi sar kas.’” 59 Jir kəsə, 6e baa mbii de mo sat nə mo yakshak kas. 60 Dang 6e pris dedes met jir nə wur yool dār atəng nnaar fur. ‘Be wur tal pə Jesu nānee, “Baa waa kə mee mbii de waa nlap nkaa pwoo desə mo kas aa? A sat a me nkaa mbii de des desə mo sat nkaa gha yi?”’ 61 Amma Jesu dōk kətək, baa wur lap mee pwoo kas. ‘Be pris dedes met jir nə wur waa baa tal de pə Jesu zak nānee, “A gha a Kristi Lāa Naan Dehai aa?”’ 62 Jesu lap nānee, “A nghan a wu, wun nnaa Lāa Gurum, wur tong nsarse Naan dēbal met jir, 6ə wun nnaa wur jì ndāen nluu de adəng mo zak.” 63 Kaade pris dedes met jir, wur kələng pwoo mənì, 6e wur yilang nlər fin mo, 6ə wur sat nānee, “Muu tang a langtəng dēdang dīkə zak yi? 64 Yaksə, wu kələng pwoo de Jesu wur sat, dēwur leshin a kaa Naan sə. Wur naa arang nkaa pwoo mənə yi?” ‘Be mo jir, mo candyeel muut nJesu. 65 Pak mo yaa twes lii nkaa wur, mo paa yit wur mo, dang mo nərem wur, 6ə mo sat nwur nānee, “A woo gwar de cut gha nə mmun.” ‘Be nentappee mo nərem wur hakyeng. 66 Kaade Pita dār a fur nder ludyeeł nə, 6e mee reep de war a kərem pris dedes nə war jì. 67 ‘Be kaadi war naa Pita ke tong a wus, 6e war tər yit nzing nkaa Pita, 6ə war sat nānee, “Gha ashak kə Jesu ngwe Nazaret zak!”’ 68 Dang 6e Pita cīpwoo nānee, “Baa wen man mbii de yii sat nə kas, baa wen man pwoo mənə kas.” ‘Be wur yaa ar dēl put nshiyeppəbong. 69 ‘Be reep de war a kərem mu pris dedes met jir nə war baa naa wur de, 6e war sat nen de moo dār mpwoo shiyeppəbong nə mo nānee, “Gwar dəsi wur a memee mbut nen Jesu nə mo.”’ 70 Amma Pita baa cīpwoo de zak. Lang dī lee, 6e nen de moo dār dī pee nə, mo sat mPita nānee, “Azeen-nzeen, gha a mee mbut nen Jesu nə mo, mbəde gha a ngu Galili.” 71 Amma Pita cīpwoo, wur dāl wus, wur sat nānee, “Naan shin kar nghan katdang wen man gwar de wuu satpwoo nkaa wur nə.” 72 Abet-abet, 6e deel tokshik de vəl. Be Pita yeepwoo de Jesu sat nwur sí nānee, “Akudang deel tokshik yit vəl, 6e ghan cīpwoo fen yit kun nnə, baa a man wen kas.” Kaade Pita yeepwo mənì, 6e nə tep kwak nwur, 6ə wur yaa gwar maap.

15 Kaade bit mang, 6e pris denan-nan mo, ashak kə nennan-nan mo, kə nenkám Wàar Mosis mo, kə nenḃeetpwoo nə mo jir, mo kuur ashak, 6e mo lepwoo, 6e mo 6wot sar kə Jesu, mo dām shin wur mPailət. 2 Pailət tal pə Jesu nānee, “A gha a mishkom nen Yahudi mo aa?

Jesu lap nānee, “aa ten a sat.” **3** Pris dēnan-nan nā mo jì kà langtāng mā dūng mo dēs nkaa Jesu. **4** Pailēt, wur waa baa tal pā Jesu nānee, “Baa gha kà mee pwoo dē ghan nlap kas aa? A naa pwoo mo dēs dē mo jì kà mo nkaa gha.” **5** Amma baa Jesu lap mee pwoo nwur koo mǎndong kas, har nā fes aapwoo mPailēt zam. **6** Gyēt bē koo a parpuus mā retrnyit mā Candel dēdāngyii, bē Pailēt wur kà loot b̄wet mee gurum dē b̄wōwōt mǎndong mmo, dē gurum nā moo rābēt. **7** Mee gwar dē moo pet sām nwur a Barabbas, wur dē a b̄wōwōt nlushoot ashak kà nenbwetbēer mo, dē mo kà tukāa ndāen b̄wetbēer fur nā. **8** Duu gurum nā mo jì kus, bē mo yaa dāng nā pā Pailēt, kà wur b̄wet mee gurum dē mmo, kaadi wur loot kà cìn nā s̄a. **9** Pailēt tal pā mo nānee, “Wuu rābēt kà nghan b̄wet a mishkoom mā nen Yahudi mo nwun aa?” **10** Pailēt man nā, pris dēnan nā mo jì kà Jesu ntoom fin a mb̄a zuur. **11** Dāngbē pris dēnan mo kar duu gurum nā mo, mbākā mo dāng pā Pailēt kà wu b̄wet Barabbas dē mmo. **12** Pailēt waa baa sat mmo nānee, “Wuu rābēt kà nghan cìn a mē kà gwar dē wuu pet wu a mishkoom nen Yahudi mo yi?” **13** Dāngbē mo waa s̄aēt lē or shīfāl nānee, “A lē kà mo pwas wur nkaa shiyeep.” **14** Pailēt sat mmo nānee, “A mbē meye? Wur cìn a mbii dēbish dēdāng yi?” Bē mo waa s̄aēt lē or shi dōo dēdes hakyeng, “A lē kà mo pwas wur nkaa shiyeep! A lē kà mo pwas wur nkaa shiyeep!” **15** Mbēdi Pailēt rābēt kà nā ret dē ndūu kà gurum nā mon nyit, bē wu b̄wet Barabbas mmo. Amma āfwoon dēwur fwo nbwat Jesu, bē wur shin Jesu mmo, mbākā mo dām pwas wur dē nkaa shiyeep. **16** Dāngbē shiitōon mo dēl kà Jesu ndāen lu mā gofna nā, dē moo pet nā a Praitōriyum, bē mo p̄rēp shiitōon dē mpee m̄anā mo jir, mo jì kuur ashak pee Jesu dī. **17** Mo lep mee nlār dē nā naat pan a tup nJesu, kà mo rāa mee mbiikāa ghār, mo lep nwur nkāa. **18** Dāngbē mo tok kà nwur nānee, “Muu tok kà gha dā mishkoom nen Yahudi mo.” **19** Bē mo cut wur nkāa shi raas, bē mo tus lii nkaa wur. Bē mo kurum nfurum, kà mo seyil nwur. **20** Afwoon dē mo kà shwar, kà bāk wur, bē mo shang nlār dēnaat pan a tup nā nkaa wur, dāngbē mo lep nlār nwur mo nwur. Bē mo put dām kà wur atāleng, mbākā mo pwas wur dē. **21** Kaadē mo a ar dām nā, bē mo taa kaat kà mee gwar, dē moo pet sim nwur a Simon, wu a ngu Sairin, puun Alekzanda kà Rufus, wur tong mmee laayil jì dē, bē shiitōon nā mo lē wur mang shiyeepmūt Jesu nā ating. **22** Mo jì wul kà Jesu mmee peedī moo pet nā a Golgofa (shii kà Golgofa nā a dyeskāa.) **23** Mo shin am anab dē mo kà riyeep nā kà mee yen dē moo pet naa myrrh nwur, amma wur cii shwaa nā. **24** Kaadē mo pwas Jesu nkaa shiyeep, bē mo koospaa mbē bāk nlār wur. Bē Mo bāk nlār nwur mo nnaar mu. Bē mo b̄lāp mbākā mo naa bē dē koo a gwar dēdāngyi nwur nkat dī. **25** Mo pwas Jesu nkaa shiyeepoom nā a kaa karfe pwoofeer dē mā bit s̄a. **26** Mo ran pwoo nkaa mbii dē nā lē dāng mo tu Jesu, mo lang nkaa shiyeepoom nā ndeel nkāa nJesu, dā nā sat nānee, “A MISHKOOM M̄A NEN YAHUDI MO N̄DES̄A. **27** Mo pwas mee kus wat mo v̄āl ashak kà Jesu zak. Mo pwas memee nkwang sarse nwur, b̄a memee nkwang sarkul nwur zak. **28** Mo cìn mbii dēsā mo jir a mbākā pwoo dē mo kà ten ran ndāen b̄aēt haal Naan nā gam dē nānee, “Mon tang wur mb̄ut nendebish mo. **29** Nen dē mo dēl ar peedī mo pwas Jesu dē, mo zakkāa fur mo, kà mo nwangpwoo nwur nānee, “Kaigwa! Waa dē dī a sat nā, waa nshirip Lu Naan dādes, dāngbē nghan mbāa d̄yik nā dē ndāen teer mo kun zak. **30** A bām sak k̄asē! A sham nkaa shiyeep nā shiko.” **31** Pris dēnan-nan mo, kà nenkām Wāar Mosis mo, mo shwar, b̄a mo toklong nJesu zak, mo sat nānee, “Waa bām nen dēci mo, dāngb̄a baa waa mak bām sak kas. **32** Katdāng gha a Kristi azeen-nzeen, mishkoom nen Isreil mo. Bē a sham nyil nkaa shiyeepmūt nā yaksā, mbākā mu naa, kà mun shinzeen dē.” Wat dē mo pwas mo ashak kà Jesu, mo satpwoo debuu nwur zak. **33** Kaadē karfe kaapaat baav̄āl mā puus a naar ting-tāng nā wul, bē pee nā rii ndāen yil nā jir, dēl dām wul karfe kun mā puus. **34** Kaadē karfe kun nā cìn, bē Jesu wu petpee shi dōo dādes, nānee, “Eloi, Eloi, lama sabaktani?” Manshii nā a nānee, “Naan fen, Naan fen. A mbeeme dāng a yit an yi?” **35** Kaadē pak gurum mo mb̄ut nen dē moo dār dē mpee nā, mo k̄alāng petpee m̄ani, bē mo sat nānee, “Gwar dēsā wur kà pet a Ilaija” **36** Bē memee ndāen mo, wur su dām mang tuvuk lep ndāen am anab dēd̄wang, wur lep nkaa rep mee kam. Wur lep k̄aa nJesu mbākā wur d̄yas dē. Pak gurum nā mo sat nānee, “Wu dār aku mun naa mbii dē nān nc̄in dī dē, kyēt Ilaija wun n̄jī bām wur wo?” **37** Jesu waa baa bwet or shi dōo dādes, bē wur shang nookmuut. **38** Bē fuwaat dē nā ndāen Lu Naan dēdes dē nii paapee Dēbāng

met jir, nə tee sham a naar ɓe nə ɓàk vɔl. **39** Kaade gwar dɔ̀dɛs nkaa shiitooŋ mo kambil mɔ̀ndong dɛwɔr dɔr kus kɔ shiyeepmúut nə, wur naa kaadi Jesu shang nookmuut, ɓe wu sat nə, “Azeen-nzeen, gwar dɛsə wur a Làa Naan.” **40** Pak mat moo dɔr dɛ pan jong, mon nkaa naa mbii dɛ nii cìn jir. nDɔ̀n mat nə mo, ɓe Meeri Makdalin waa dɛ, kɔ Salome kɔ Meeri nɔ̀n Jemis dɛlee kɔ Josep. **41** A mo a mat dɛ di mo dɔ̀m ndɔ̀ng Jesu, kɔ moo cìn dɔk nwur kaadi di wur kudɔ ndɔ̀n yil nGalili, kɔ pak mat mo dɛs dɛ mo yool nGalili jì ashak kɔ wur nJerusalem. **42** Nciit kɔ mɔni, ɓe kansɔ̀n cìn, a parpuus dɛ gurun moo dɔk sut dɛ, mbɔdɛ daa nə a puus nookdɔ. **43** ɓe Josep ngu Arimaɓiya, mee gwar dɔ̀dɛs, dɛwɔr ndɔ̀n nenbeetpwo mo, wur shikáa fin wur nkaa gong jì kɔ mulki Naan. Wur yaa pɛtuup, ɓe wur dɔ̀m dɔng kúm Jesu pɔ Pailɛt, mbɔkɔ wur dɔ̀m wum dɛ. **44** Nə aapwo mPailɛt zam, mbɔdɛ wur kɔ̀lɔng nə, Jesu kɔ ten muut. Dɔngɓe Pailɛt pet shiitooŋ dɛdɛs nə, ɓe wur tal pɔ shiitooŋ nɔ̀nɛ, “Kyet Jesu kɔ ten muut a yam wo?” **45** Kaade Pailɛt kɔ̀lɔng mbii dɛ shiitooŋ nə sat, ɓe Pailɛt sat mmo kɔ mo dɔ̀m shin kúm Jesu nɔ̀n nJosep. **46** Dɔngɓe Josep seet kɔ mee fuwaat dɛpiyaa. ɓe wur sham kɔ kúm Jesu nə, wur ɓwot kúm nə shi fuwaat nə. ɓe wur dɔ̀m le kúm Jesu nə ndɔ̀n kɛcir dɛ mo am nə ndɔ̀n jwak. ɓe wur tup mee nghɔk dɔ̀dɛs, wur paa pwo kɛcir nə dɔ. **47** Meeri Makdalin, kɔ Meeri nɔ̀n kɔ Josep, mo naapee dɛ mo le kum Jesu nə dɔ.

16 Aɓwoon kɔ parpuus Nookdɔ mɔ nen Yahudi mo, ɓe Meeri Makdalin kɔ Salome, kɔ Meeri nɔ̀n kɔ Jemis, mo seet mwoor tus shangshang, mbɔkɔ mo dɔ̀m pwes dɛ nkaa kúm Jesu. **2** Parpuus dɛnshee mbut nteer pwovɔl sɔ mo, mbít nciit kɔ dɛ puus mɓe kaa ɓe mat nə mo pwat dɔ̀m a peedi kɛcir nə dɔ. **3** Mon nkaa sat nə shak a ar nɔ̀nɛ, “A wii mbet nghɔk dɛdɛs nə mmun mpwo kɛcir nə ye?” **4** ɓe kaadi mo dyeeɓ yit, ɓe mo naa mo kɔ bɛt nghɔk dɛdɛs nə baa kɔnɔ. Nghɔk nə a dɛdɛs hakyeng. **5** Kaade mo dɛl ndɔ̀n kɛcir nə, ɓe mo naa mee zɔlang wur tong nkwang sarse, wur kɔ nlɔr dɛpiyaa, ɓe nə lekɔ̀rmuut mmo zam. **6** Zɔlang nə wur sat mmo nɔ̀nɛ, “Taji kɔ̀rmuut yaa wun kas, mbɔdɛ wen man nə, wun pɔ yap a Jesu ngu Nazaret. Gwar dɛ mo pwas wur nkaa shiyeep sí, wur kɔ yool a peemúut nə. Baa wur mɓesi

kas. Wu jì wu naapee dɛ mo le wur dɛ ndɛsi! **7** ɓe wu dɔ̀m, wu sat jeplep wur mo, kɔ Pita nə, wur kɔ yool a peemúut, yakɔ wur a ar dɔ̀m nGalili a tɔ̀lɔng nwun. Wun ndem wu naa wur a mɓe mɔni, kaadi dɔ wur kɔ ten sat nwun sɔ.” **8** Dɔngɓe mat nə mo yool pwat yit kɛcir nə, ɓe mo shwe dɔ̀m kɔ kɔ̀rmuut, dɔng nə aapwo mo zak. Baa mo taa sat mee mbii mmee gurun kas, mbɔdɛ kɔ̀rmuut nə fes yaa mo zam. **9** (note: The most reliable and earliest manuscripts do not include Mark 16:9-20.) Kaade Jesu yool mbít parpuus dɛnshee, dɛ nə a puus Làadi ɓe wur shee kɔ̀mshin fin a mMeeri Makdalin, a war a mat dɛ di Jesu kɔ ceen riin dɛbish mo pwoovɔl pwat ndɔ̀n war sí. **10** War dɔ̀m sat nen dɛ di mo ashak kɔ Jesu. Mon nkaa wal kɔ maap. **11** Amma kaadi mo kɔ̀lɔng pwo dɛ war sat nə, Jesu wur kɔ yool a peemúut, dɔngɓe wen kɔ naa wur, ɓe baa mo shinzeen kas. **12** Aɓwoon mɔni, ɓe Jesu kɔ̀mshin mmee jeplep wur mo vɔl, kaadi mo a ar dɔ̀m mmee laayil. **13** Mo ciir dɔ̀m sat nkoor jeplep nə mo nə, wudun kɔ naa Jesu, amma baa koor nə mo shinzeen kas. **14** Aɓwoon dɛse, ɓe Jesu jì kɔ̀mshin njeplep dɛ kaapaat baamɔ̀ndong sɔ mo, ɓe moo tong a peese mbiise. Wur gwak mo mɓe ciin shinzeen fur, kɔ mbɔdɛ pɛtuup fur mo a dɛɓal, mbɔdɛ baa mo shinzeen nen dɛ mo naa wur aɓwoon dɛwɔr kɔ yool a peemúut kas. **15** Jesu sat mmo nɔ̀nɛ, “Wur dɔ̀m ndɔ̀n yil nə jir, wur satpwo dɛrɛt dɛ ngurun mo jir. **16** Gwar dɛwɔr shinzeen, kɔ mo cìn baptisma wur zak, ɓe wur nkat ɓam, amma gwar dɛwɔr cii shinzeen, ɓe mon ncandyeel muut nwur. **17** Mon nnaa mbii aapwo dɛsə mo pɔ nen dɛ mo shinzeen nghan. Mon nshin iiko mmo mɓe ceen riin dɛbish mo ndɔ̀n sɔm fen. Mon nkatpwo shi liispwo mo shini-shini. **18** Katdɔng mo yak nwòd mo, koo mo shwaa yen tupee ɓe baa nɔ̀n ncìn mee mbii mmo kas koo dɔ̀ɓen. Mon nle sar fur mo nkaa nenciinkoom mo ɓe mon mbar.” **19** Aɓwoon dɛ Daa Jesu kɔ leshap kɔ mo, ɓe mo mang wur kaa adɛng Naan. ɓe wur kaa tong nsarse Naan. **20** Jeplep nə mo pwat dɔ̀m satpwo Naan shipe-shipe. Daa wur cìn dɔk ndɔ̀n mo, wur kɔ̀m agaak nə, pwo dɛ moo sat nə azeen shi mbii aapwo dɛ mo cìn mo.

Dak

1 Dəm pə gha Tiyoofilus. Ndəən bəət-haal fen denshee, bə wen ran pwoo nkaa mbii de Jesu wur cìn mo, kə mbii dewur kám mo. **2** Dəm wul parpuus de Naan mang wur kaa kə nà adəng. Aku dāng Naan mang wur kaa kə nà adəng, bə wur leshap nnen dewur kə bələp mo, mbəkə mo dee de a jeplep fin mo, shi iiko mə Riin 'Debang. **3** Mbə teer mo laarfeer aḃwoon de Jesu kə yool a peemúut, bə wur woo shin mmo yit des, ndəən ar mo shini-shini, de nà kám agaak nà, wur di mmeen azeen-zeen. Mo naa Jesu, kə wur leshap mmo nkaa mulki mə Naan. **4** Par mə puus sə, bə kaade wur di ashak kə jeplep fin mo, bə wur leshap mmo ɓalɓal nānee, "Taji wu yool wu yit Jerusalem kas. 'Dangbē wu tong, wu naa gam zuum de puun fen wur kə ten cweer nwun, de wuu kaləng nà mpwoo fen. **5** Də Joon wur cìn baptisma ngurum mo a shi am, dāng dee meeteer mo di a lee dāk, bə mon ncìn baptisma nwun a shi Riin 'Debang." Mo Mang Jesu Kàa Kə Wur Adəng **6** Kaade jeplep Jesu mo kuur ashak, bə mo tal pə wur nānee, "Daa, gha mbə cin shin mulki nà nnen Isreil mo a ndəən meeteer desə mo ee?" **7** Jesu lap mo nānee, "Baa desə nà a muu, mbəkə nwun man puus nà, kə ɓit de Daa kə ten le mo ndəən iiko fin kas. **8** 'Dangbē Naan wur nshin ɓal nwun, katdāng Riin 'Debang sham nkaa wun. Bə wun mbə dee a langtəng fen mħffig o ndəən Jerusalem, kə ndəən Judiya jir, kə Samariya, dām wul ndəən yil mo jir zak." **9** Kaade wur sat pwoo mənə, bə mo mang wur kaa kə nà adəng a yit mo. Yaksə nluu jì paa wur, baa mo kutdi naa wur kas. **10** Kaade mo di nkaa ban yit mo mo kaa kə nà adəng, bə mee gurum mo vəl, mo jì dār pə mo di, kə nlər piyaa petpet **11** Nen nà mo sat nānee, "Wun nnen Galili mo, a mii le dāng wuu dār, wuu ban yit kaa kə nà adəng ii? Jesu de wu naa mo kə mang wur kaa kə nà adəng pə wun di sə, bə wur mbə baa sham a kəsə zak." **12** Bə jeplep mə Jesu mo yool yit Zuul Paat de nà kus kə Jerusalem, dejong nà kə Jerusalem a meel məndong bejee dāk. **13** Kaade mo jì wul ndəən pee kaam nà, bə mo dām kàa ndəən ludəng, a pee de moo tong di. A mon ndesə, Pita, kə Joon, kə Jemis, kə Andru, Filip kə Tomas, Bartolomi, kə Matiyu, kə Jemis dyem Alfiyas, kə Simon Zelot, memee mbut mee nnen de gyet mo ɓalkaa mo mbə

tang mulki mə yil mo, kə Judas làa Jemis. **14** Nen desə mo ɓalkaa mo mo ashak mbə dāngnaan shidaar-shidaar, shi pətuup məndong ashak kə pak shurep mo, kə Meri nən Jesu, kə dyemnəən fin mo zak. **15** Ndəən meeteer mənə mo, bə nen shinzeen nà mo kuur ashak, (de duu mo nà wul kambil məndong kə laarvəl), bə Pita yool dār atəng nnaar mo mbə leshap, bə wur sat nānee, **16** "Dyemnaa mo, nà a təng kə mo gampwoo de mo kə ten ran ndəən bəət haal mə Naan. Pwoo de gyet Riin 'Debang le kə Devit leshap nkaa Judas ngwe dewur dee a ngukám ar nnen de də mo yaa Jesu. **17** Də wur a memee mbut mmun, kə da wur cìn pak dāk fun desə nà zak." **18** (Shi shooll de Judas lap mbə kwat dāk fin debish, bə wur dām seet mee maar dishik. A pee dewur sham taa wur muut, wur piin büt fin, dām kat pinbut wur mo pwat beer. **19** Mbii desə nà dee a deməman ngurum de moo tong ndəən yil nJerusalem jir, moo pet maar desə nà shi liispwoo mo a Akeldama. 'De shii mənə a maar toom). **20** "Mbədə mo Jeplep Jesu mo ten ran ndəən bəət haal Zabura nānee, "Wu ar kə nlu wur nà dee a kərem. Taji mee gurum tong ndəən nà kas,' Kə mo ran zak nānee, 'Wu yit kə mee gurum dee di a koppee wur nà.' **21** "Mbə mənə, bə nà ret kə mmun bələp mee gurum mbut nnen de peeget mo di ashak kə mun, kaade də Daa Jesu wur kə mwaan dām kə mun shipee-shipee sə. **22** Yool mbit de Joon kə cìn baptisma ngurum mo, dām wul parpuus de Naan mang Jesu kaa kə nà adəng, pə mun di. Nà dee a təng kə memee mbut nnen de mun mbələp sə mo, wur dee a ngusatpwoo nkaa yool kə Jesu a peemúut nà ashak kə mun." **23** Aasə bə mo le gurum mo vəl de sām mo mo a Josep de moo pet wur a Barsabas koo Jastus, kə Matiyas zak. **24** Yaksə mo dāngnaan nānee, "Daa, gha de a man pətuup gurum mo jir. A kám ngwe de waa a bələp mmun, ndəən des deval sə mo. **25** Mbəkə ngwe nà cìn dāk di a koppee mə Judas kaa memee ndəən jeplep kə Jesu mo sə. Də Judas yool yit dāk nà di, mbəkə nwur dām di a pee dyem fin." **26** Kaade mo ɓwet bələp nà, bə nà taa nkaa, Matiyas. Yool mmənə, bə mo tang Matiyas ashak kə jeplep de kaapaat baaməndong nà mo.

2 Kaade parpuus Pentikos nà wul, bə nen shinzeen nà moo kuur ashak a pee məndong jir. **2** Yaksə, nnen mman, bə mee dōo de fiipee

ka kut de6al-6al s6, n6 tong adeng sham gam lu de moo tong di jir. **3** Yaks6 mo naa mee mbii k6a mb6lem wus s6, n6 sham lang nkaa mo jir. **4** Mo gam mo jir shi Riin De6ang, yaks6 mo doom leshap mo shi liispwoo mo shini-shini, kaade Riin De6ang k6m mmo s6. **5** Nd6en meeteer m6n6 mo, b6 pak nen Yahudi mo nd6en Jerusalem de moo k6er Naan mo di, k6 de mo pwat nd6en yil mo shini-shin6 jir, mo jì nJerusalem. **6** Kaade gurum mo k6l6ng d6o n6, b6 d6u m6 gurum n6 mo kuur a peeshak. N6 aapwoo ngurum n6 mo, mb6de koo a ngwe dedangyi, b6 wur k6l6ng nen shinzeen n6 mo nkaa leshap shi liispwoo m6 yil fin. **7** N6 lek6ermuut, d6ang n6 aapwoo mo, b6 mo sat n6nee, “Nen de moo leshap s6 mo jir, a nen Galili mo. **8** Cirang d6ang koo a ngwe d6d6ang nd6en mun, p6 k6l6ng mo nkaa leshap shi liispwoo m6 yil fin ii? **9** Mun mu tong a nyil mPartiya, k6 Mediya, k6 Elam, k6 nen de mo tong nd6en Mesopotamiya, k6 Judiya, k6 Kapadosiya, k6 Pontus, k6 Eshiya, **10** K6 Firijiya, k6 Pamfiliya, k6 Ijip, k6 ngaar Libiya, kus k6 Sairin, k6 pak fun mo a m6zep de mo tong nyil nRom jì di. **11** (Mo a nen Yahudi mo, k6 nen de mo jì dedel nd6en nen Yahudi mo). K6 nen Kritan mo, k6 nen Arab mo. Muu k6l6ng mo nkaa leshap nkaa mbii aapwoo d6nan-nan de Naan wur cìn mo shi liispwoo m6 yil fun mo.” **12** N6 aapwoo mmo, d6ang n6 suur mo jir, d6ang mo baa tal p6 shak n6nee, “A mii a shii mbii des6 yii?” **13** D6angb6 pak gurum mo nwang pwoo mmo, d6ang mo sat n6nee, “Nen des6 mo raa a am anab.” Pita leshap nDuu Gurum Mo Parpuus Pentikos **14** B6 Pita yool d6ar at6ng ashak k6 jeplep de kaapaat baam6ndong s6 mo, b6 wur diyeep d6o fin 6al6al, b6 wur sat nduu gurum n6 mo n6nee, “Wun nen Yahudi mo, k6 wun nen de wuu tong nJerusalem jir. Wu lekom k6 nwen sat shii mbii des6 mo di nwun. **15** Baa nen des6 mo raa a am anab k6 n6 yir kaa mo kaade wuu pan s6 kas, mb6de pee n6 kutdi a pwoofeer m6 bit ndes6 bejee d6ak. **16** D6angb6, des6 n6 a mbii de gyet ngusat pwoo Naan Jowel k6 ten sat s6 n6nee, **17** ‘Naan wur sat n6nee, Nd6en meeteer m6 kyes n6 mo. B6 an mb6 ndoo Riin fen nkaa gurum mo jir. Jep fuu demish mo, k6 de mat mo, mon nsatpwoo Naan ngurum mo, k6 mbii de mo mb6 jì akyeen. Z6lang fuu mon nnaa mbii des6ok mo, de Naan wur r6bet k6m n6 mmo, k6 d6kaam fuu mon nsuun suun

mo. **18** K6zak, nd6en teer m6n6 mo, b6 an mb6 d6o Riin fen nkaa k6rem fen demish mo, k6 de mat mo. B6 mon nsatpwoo fen, k6 mbii de mo mb6 jì akyeen zak. **19** An mb6 cìn mbii lukshik mo adeng, d6ang an mb6 cìn mbii aapwoo mo nd6en yil n6, de toom k6 wus, k6 diyeel, mon den k6a g6rong-g6rong, **20** akudang puus dedes, k6 iiko m6 Daa n6n nji, b6 Puus n6n nciir dee a peenkwoo, k6 tar n6n nciir dee a toom zak. **21** Parm6n6, b6 koo a ngwe dedangyii, dewur pet s6m m6 Daa b6 a wur nkat 6am.’ **22** “Wun nen Isreil mo! Wu lekom k6 wu k6l6ng pwoo des6 mo de. Jesu ngu Nazaret, ngwe de Naan kat retnyit k6 wur, k6 de Naan cìn mbii lukshik mo, k6 mbii aapwoo mo k6 S6mpwoo mo nsar wur a yit fuu. Wun shik6a fuu wu man n6, mbii des6 mo cìn a k6s6. **23** A Jesu des6 de mo seet wur nsar fuu. Mb6d6 a Naan k6 ten le, k6 wur man n6, n6n ncìn a k6s6. A wun wu tu wur, mb6de a wun wu le, k6 nnenshikbish mo pwas wur nkaa shiyeep. **24** D6angb6 Naan yool k6 Jesu a peem6ut, k6 wur fween Jesu nd6en jeel m6 muut, mb6de baa muut n6 mmak yaa wur le ntuun n6 kas. **25** Mb6d6 gyet Devit k6 ten leshap nkaa Jesu n6nee, wen naa Daa ashak k6 an shidaar-shidaar. Mb6d6 wur kus k6 an, b6 baa mee mbii mmak daamp6ee nghan kas. **26** Mb6 m6n6, b6 p6tuup fen n6 gam k6 retnyit, d6ang lis fen met kook retnyit. D6m wul a de fwooshik fen tong nd6en canciin zak. **27** Mb6d6 baa gha mmak yit seen fen nd6en k6cir kas, k6 baa gha mmak yit Ngwe De6ang fwaa nwur naa wam nd6en k6cir kas. (Had6s g86) **28** Waa a ten a k6m ar de mo a m6 seen nghan. K6 gha mb6 ngam p6tuup fen shi retnyit ntoom fwaa zak.’ **29** “Dyemnaa mo, wu lekom, k6 nghan leshap di nwun r6rret nkaa puunkaam fun Devit, de gyet wur muut, b6 mo wum wur, k6cir wur n6 di mpee des6 har cicins6. **30** Gyet wur a ngusat pwoo m6 Naan, d6ang wur man mbii de Naan k6 ten cweer n6nee, wur nyool le memee nd6en d6ang wur mo, k6 nwur dee di a mishkoom koo Devit s6. **31** Gyet Devit k6 ten naa mbii de Naan nyool cìn akyeen, a k6s6 b6, wur leshap nkaa yool m6 Kristi a peem6ut n6nee. Baa Naan nyit wur a peem6ut kas, k6 baa fwooshik wur n6n nwam nd6en k6cir kas. (Had6s g86) **32** A Jesu des6 de Naan k6 yool k6 wur a peem6ut, d6ang mun s6 jir, mun a langt6ng n6 Jesu k6 yool a peem6ut. **33** Mo k6 le Jesu a dedes, yaks6 wur k6 tong nsarse m6 Naan, wur k6 lap Riin De6ang

pə Naan kaade gyet wur kə cweer sə. Mbii de wuu naa, kə de wuu kələng sə, a zuum mə Riin Debang dewur kə doo shin sham nkaa mun. 34 Baa gyet Devit kə kaa adeng kas, dang wur shikaa fin sat nānee 'Daa wur kə sat nDaa fen nānee, A tong nsarse fen. 35 Dəm wul a de an nle shaarle kə fwa mo de a mbii leshii nga.' 36 "Mbə mənə, wu yit kə nnen Isreil mo jir, mo man azeen-zeen nānee, An pə leshap a nkaa Jesu de wu pwaw wur sə. Dangbe Naan kə le wur de a Daa, kə Kristi zak." 37 Kaade gurum nə mo kələng pwoo mənə, bə nə sul pətuup mmo hakyeng, yaksə mo sat mPita kə koor jeplep nə mo nānee, "Dyemnaa mo, mun mbə ncin a mii?" 38 Bə Pita lap mmo nānee, "Wu tuwap, mbəkə mmo cin baptisma di nwun jir ngwe dedangyii ndāen wun, ndāen sām kə Jesu Kristi, mbəkə nNaan fwo shikbish fuu mo di nwun. Bə wun mbə lap zuum mə Riin Debang. 39 Pwoo de mo cweer nə, a mbə wun, kə jep fuu mo, kə mbə nen de jong mo jir, kə koo a ngwe dedangyii de Daa fun Naan wur mpet zak." 40 Shi pwoo mo des, bə wur leshap mmo balbal, dang wur sat mmo nānee, "Wu shang kaa fuu mo mbut kar de nə mbə ji nkaa nen debish de nyicinsə mo." 41 Nen de mo shinzeen mpwoo dewur le nə, bə mo cin baptisma mmo, parpuus mənə, bə mo kat gurum mo dyikye koo ngal kun sə. 42 Moo tong ashak shidaar-shidaar mbə kələng kām mə jeplep Jesu mo, kə shaar ashak, kə moo sese ashak, kə dangnaan ashak zak. Tong Nə Dəm Dan Jesu Mo 43 Jeplep mə Jesu nə mo, cin mbii aapwoo mo kə mbii lukshik mo des, nə le kə gurum mo kəer Naan zam. 44 Nen de mo shinzeen nJesu jir, bə mo balkaa mo mo ashak, kə mo le mbii mo mo ashak jir, a pee mändong. 45 Mo sərep mbii mo mo, kə long fur mo jir, mbəkə mo shwap di ashak, koo a wii, bə baa wur kat mee mbii jee nwur kas. 46 Koo puus dedangyii bə moo dām kuur ashak, ndāen Lu Naan dedes nə, kəzak mo kə se mbiise fur mo ashak ndāen lu fur mo shi retnyit hakyeng, kə shi pətuup demändong. 47 Moo kwoop Naan, dang gurum moo kələng retnyit kə mo. Koo a puus dedangyii, bə Daa wur ji kə nen de mo kə kat bām dyikye mmo.

3 Par sə bə Pita kə Joon mo kaa nLu Naan dedes mbə dangnaan koo kun de mə puus sə. 2 Yaksə mo kat mee gwar de mo lāa wur a kurumkut mpwoo lu nə, de moo pet a Deret.

Koo puus dedangyii bə moo mang wur ji le mpwoo lu nə, mbəkə nwur dang shool di pə nen de moo del ndāen Lu Naan dedes nə. 3 Kaade wur naa Pita kə Joon mo mbə del ndāen Lu Naan nə, bə wur dang shool pə mo. 4 Pita kə Joon mo ban yit nkaa wur. Bə Pita sat ngwar nə nānee, "A naa mun." 5 Yaksə wur lepyit nkaa mo, mbəde wur pan nə, mon nshin mee mbii ndin. 6 Pita sat ngwar nə nānee, "Baa an kə mee shool azurfa, koo zinariya kas. Mbii de an kə nə, bə an nshin nga. Ndāen sām kə Jesu Kristi ngu Nazaret, a yool a mwaan." 7 Pita yaa sarse mə gwar nə, kən nwur wur diyeep gwar nə di. Yaksə abet-abet, bə kwakshii wur mo, kə baas wur mo katbal. 8 Bə gwar nə yool märepppee shi shii fin mo, dang wur doom mwaan, dām del ndāen Lu Naan dedes nə ashak kə mo zak. Wur nkaa mwaan, dang wur nkaa märepppee, kəzak wur nkaa kwoop Naan. 9 Kaade gurum mo naa wur nkaa mwaan, dang wur nkaa kwoop Naan, 10 bə mo man nə, a gwar de di moo mang wur ji le mpwoo lu Naan de moo pet a Deret mbəkə nwur dang shool di pə gurum mo. Nə aapwoo ngurum nə mo zam, kəzak nə lekəermuut mo mbə mbii de mo cin ngwar nə. 11 Kaade gwar nə wur dyiin ndang Pita kə Joon, bə nə aapwoo ngurum nə mo zam, yaksə mo su dām pə mo di ndāen kuut de moo pet a mə Solomon. 12 Kaade Pita naa a kəsə, bə wur sat ngurum nə mo nānee, "Wun nen Isreil mo! A mii le dang bar gwar desə nə aapwoo nwun yii? A mii le dang wuu ban yit nkaa mun, koo a shi mee dedes fun, koo a shi mee deret fun, dang mu le ngwar desə mwaan yii? 13 A Naan mə Abraham kə mə Aizik kə mə Jekop, kə mə puun fun mo, a wur le ngudak fin Jesu a dedes. Də a wun wu seet Jesu, dang wu cii wur ntoom Paillet, kaade Paillet sat nə, dyin mbə bwet Jesu. 14 Də wu cii ngwe Debang, dewur a ngwe de ndare, mbəkə nwun dang mmo bwet a ngutukaa di nwun. 15 Wu tu ngwe dewur a tuus mə seen, de a wur shin seen ngurum mo. Dangbe Naan yool kə wur a peemut, dang mun a langtang mənə. 16 A shi shinzeen ndāen sām kə Jesu, a nə le dang gwar desə, kat bar. Gwar de wu naa, kə de wu man sə. A ndāen sām kə Jesu, kə shinzeen de nə put pə wur di, a nə le ngwar desə wur de a ngu nkoom kədang-dang, a yit fuu jir. 17 "Yaksə dyemnaa mo, wen man nə, mbii de də wun kə nennan fuu mo, wu cin nJesu, bə də wu cin a mbə ciin man. 18 Dangbe Naan yit kə mo cin

mbii desə mo jir, a mbəkə mmo gampwoo de gyet Naan kə ten sat mpwoo nensatpwoo fin mo nə, Kristi fin mbə shwaaheel. **19** Wu tuwap, mbəkə nwun ciir pə Naan di, mbəkə nNaan fwoo shikbish fuu mo di nwun. Katdang wu tuwap azeen-zeen, bə Naan mbə naa ngam wun shi mbii de mo a mə Riin fin, mbəkə taji nə waam wun kas. **20** Kə wur mbə lep Jesu Kristi, dewur kə ten bəlap wur mbə wun. **21** Wur mbə tong ndəən dengnaan, dām wul pardə Naan ciir kə mbii mo deə a dəpwoo jir akudang. Kaadē gyet Naan kə ten cweer mpwoo nensatpwoo fin dəbang mo pəgyet di yam-yam sə. (aiōn g165) **22** Gyet Mosis sat nānee, 'Daa Naan fuu mbə yool kə mee ngusatpwoo fin nwun, mbūt nnen fuu mo, kaa wen sə.' Nə a tēng nwun lekom, kə nwun kəlāng mbii dewur mbə sat mo di nwun jir. **23** Koo a ngwe dədangyii de baa wur mbə lekom kə nwur kəlāng ngusatpwoo Naan mənə di kas, bə mon nshang wur baa kə nə mbūt nen Naan mo. **24** Nensatpwoo mə Naan mo jir, yool mbūt Samuwel, kə nensatpwoo Naan de mo ji mōwoon wur zak, mo jir mo kə ten leshap nkaa teer desə mo. **25** Pwoo de gyet Naan wur cweer mpwoo nensatpwoo fin mo nə a mbə wun, kə nwun sekop mə mbii de gyet Naan wur kə ten cweer mpuun fuu mo shi toom, kə de gyet wur sat Abraham nānee, 'A ndəən dāng fwaa, bə gurum de ndəən yil nə mo jir, mon nkat deret.' **26** Kaadē Naan wur bəlap ngudak fin, bə Naan wur shee lep wur shin ji a pə wun di, mbəkə nwur le deret di nkaa wun, kə mbəkə nə ciir di kə koo a wii ndəən wun, kə nwur yit cīn mbii dəbish mo di."

4 Kaadē Pita kə Joon, mo di nkaa leshap ngurum nə mo, bə pak pris mo, kə ngwe dedes mə nentap Lu Naan dedes, kə pak nen Sadusi mo, mo ji pə mo di. **2** Nə lāa mmo mbūt, mbədə jeplep dəvəl nə mo, nkaa kām ngurum mo nə, Jesu kə yool a peemūt. De nə kām nə, katdang gurum mo murep, bə mon nyool a peemūt mmənə. **3** Mo yaa Pita kə Joon, bə mo dām shoot mo teer nlushoot, mbədə kansəən kə cīn. **4** Jir aasə gurum mo des mo shinzeen mpwoo nə, de daas mo kus kə wul ngal paat. **5** Dədaar nə, bə nen taatələng mo nen Yahudi mo, kə nen denan-nan mo mo, kə nenkām Wàar Mosis mo, mo kuur ashak, nJerusalem. **6** Kə Anas dewur a pris dedes met jir, wur di ashak kə mo, kə Kayafas, kə Joon kə Alekzanda, kə nen

de mo a dāng mə pris dedes met jir nə zak. **7** Kaadē mo lep kə mmo dām ji kə Pita kə Joon, bə mo le mmo dar ntoom mo. Yaksə mo doom tal pə mo nānee, "A shi dedes mə wii, koo a ndəən sām mə wii, bə wuu cīn mbii desə yii?" **8** Mbədə Pita wur gam kə Riin Dəbang, bə wur lap mmo nānee, "Wun nen taatələng mə gurum mo, kə nen denan-nan mo. **9** Katdang wu tokdyeel mun cicinsə a mbə deret de mo cīn ngwar de də wur a kurumkut sə, kə nkaa ar de gwar nə wur deə a dəbəbar sə, **10** bə wu yit kə mbii desə deə a mə man pə wun di, kə nen Isreil mo jir nee, a shi sām mə Jesu Kristi ngu Nazaret, de wu pwās wur nkaa shiyeep dewur muut, dāngnaan yool kə wur a peemūt. A mbə Jesu, dāng gwar desə wur dar ntoom fuu a dəbəbar. **11** A Jesu a ngwe de mo kə ten ran pwoo nkaa wur ndəən bəat-haal mə Naan nānee, 'Ngək de wun nen dyiklu mo wu cii, bə a nə deə a ngək dəkəkoop met jir ndəən kwang mə lu nə.' **12** Baa gurum mon nwaa mak kat mee bām pə mee ngwe di kas. Mbədə ndəən yil desə jir, bə baa Naan kə shin dedes mmee ngwe, mbəkə nwur bām gurum mo di kas, tēng a ndəən sām mə Jesu Kristi bejee dak" **13** Kaadē mo naa Pita kə Joon, mo leshap balbal, baa kə mee kəarmuut kas, bə nə aapwoo mmo, mbədə baa Pita kə Joon mo a mee mbii kas, kəzak baa mo kə kam tang ran dām jong kas zak nə tang mo pətuup nə de mo ashak kə Jesu. **14** Baa nenbeetpwoo nə mo mak cīn mee mbii kas, mbədə mo naa gwar de mo kə bar wur nə, wur dar di ashak kə Pita kə Joon. **15** Aasə, bə mo le kə mmo pwat kə Pita kə Joon, mbəkə mmo beet di ashak mbii de mon ncīn kə mo. **16** Mo sat nānee, "Mmun ncīn a mii kə nen desə mo yii? Azeen-zeen gurum de moo tong ndəən nJerusalem jir, mo kə man nə, Naan kə cīn mee mbii lukshik dedes nsar kə Pita kə Joon, dāng baa mun mmak ciipwoo nə kas. **17** Mbəkə taji gurum mo des mo kəlāng pwoo desə nə kas, bə wu yit kə mmun cīi mmo nə, taji mo baa leshap di mmee gurum ndəən sām mə Jesu kas." **18** Kaadē mo waa pet Pita kə Joon mo dəl, bə mo sat mmo balbal nānee, "Taji wu baa wu sat meepwoo, koo wu kām mee mbii ndəən sām mə Jesu kas." **19** Dāngbē Pita kə Joon mo lap mmo nānee, "Wun shikāa fuu wu beet, kyet nən nret nNaan nyit kə mmun cīn a mbii de wun wu sat aa? Koo a mbii de Naan sat yii? **20** Baa mun mbə nook leshap nkaa mbii de mu naa, kə mbii de mu kəlāng kas." **21** Aḃwoon de mo kə gwak mo

6a16a1 kə lekəərmuut mmo, 6ə mo 6wet mo, baa
 nenbeetpwoō nā mo mak cin mee kar debish
 mPita kə Joon kas, mbəde gurum nā mo jir, mon
 nkaa kwoop Naan mbə mbii de mo naa nā cin.
 22 Gwar de mo bar wur shi ar de mā aapwoo nā,
 6it wur mo met nlaarfeer. 23 Kaade mo 6wet
 Pita kə Joon, 6ə mo dām pə nniyee fur mo di.
 Mo sat nniyee fur nā mo, mbii de pris denan-
 nan mo, kə nen denan-nan mo sat mmo jir. 24
 Kaade nen shinzeen nā mo kələng pwoō mənā,
 6ə mo dāngnaan shi pətuup məndong, nənēe,
 “Daa Ɔehai, de waa a le deng kə yil, kə am kuur
 mo, kə mbii de mo ndāen mo jir. 25 Gyet a shi
 Riin Ɔebang, 6ə waa a leshap mpwoō mā kərem
 fwaa dēwur a puunkaam fun Devit nənēe ‘A mii
 le dāng gurum de baa mo a nen Yahudi mo kas,
 mo yool ntuup yii? A mii le dāng gurum nā mo
 kə pan debish ndāen pətuup fur mo, mbə cin
 mbii debuū mo yii? 26 Deskoom de mā yil nā
 mo, mo kə dāk sut fur mo mbə lek, kə nenpanyil
 mo kə balkaa fur mo ashak, mbəkā mmo yaa
 lek di kə Daa Naan kə Kristi fin zak.’ 27 Mbəde
 azeen-zeen ndāen pee nkaam desə, 6ə Herot kə
 Pontus Paillet, ashak kə nen de baa mo a nen
 Yahudi mo kas, kə nen Isreil mo, mo kə kuur
 ashak, mbəkā mmo dee a shaarlek mā ngudak
 fwaa Jesu Ɔebang, de waa a bələp wur, de a gha
 le nwur dee a Kristi. 28 Mo kuur ashak, mbəkā
 mmo cin koo a mbii dēdangyii de a gha aa ten a
 le shi iiko fwaa kə rebet fwaa nā, mbii nā mon
 ncīn a kəsə. 29 Yaksə Daa Naan a naa kəərmuut
 de moo le mmun. A shīn6al mmun kərem fwaa
 mo, mbəkā mmun satpwoō fwaa di 6a16a1, baa
 ashak kə kəərmuut kas. 30 A le kən iiko fwaa
 nā bar gurum mo, kə a le kə mbii lukshik mo
 kə mbii aapwoo mo cin ndāen sām mā ngudak
 fwaa Jesu Ɔebang.” 31 Kaade mo kyes dāngnaan
 mənā, 6ə pee de moo kuur di ashak, nā sāen. Mo
 gam kə Riin Ɔebang jir, yaksə mo yaa satpwoō
 mā Naan 6a16a1 agaak, baa ashak kə kəərmuut
 kas. 32 Nen de mo shinzeen nJesu jir, 6ə pan mo
 mo, kə māsē mo mo dee a deməndong jir zak.
 Baa mee gurum ndāen mo mak sat nā, long fin
 nā a mənā mbəshin kas, dāng mo le mbii fur
 mo jir, ashak. 33 Jeplep nā mo dee a langtəng
 shi iiko, nkaa yool mā Daa Jesu a peemūut. Daa
 Naan le 6eret nkaa mo jir hakyeng. 34 Baa mee
 ngwe dee, a ngujeel ndāen mo koo məndong
 kas, mbəde nen de mo kə maar mo, kə lu mo,
 6ə mo sərəp mo jir, 35 6ə mo jī shin shoōl mā
 mbii de mo kə sərəp nā mon njeplep mā Jesu

nā mo. Bə jeplep nā mo shwap shoōl nā nnen
 shinzeen nā mo nciit-nciit, mbəkā koo ngwe
 dēdangyii, 6ə wur kat mbii dēwur kə rebet. 36
 Kaade mo nkaa cin mənā kəsə, 6ə Josep ngu
 Livai, dēwur put a nyil nSaiprus, kə de jeplep
 nā mo le sām nwur a Barnabas, (de shii mā sām
 mənā a nā, Ngwe dēwur kə caapee). 37 Wur
 mang mee maar fin seet, 6ə wur jī shin shoōl
 nā jir njeplep nā mo.

5 Mee gwar di, de moo pet sām wur a Ananiyas,
 kə mat fin Saffira, mo mang mee maar fur
 mo seet. 2 Dāng6e wur kə mat fin mo 6alpwoō
 mo ashak, mbəkā mmo sok pak shoōl nā di,
 dāng Ananiyas jī shin koor shoōl nā njeplep nā
 mo. 3 Dāng6e Pita sat nənēe, “Ananiyas, a mii
 le dāng a yit kə nngujwaan gam pətuup fwaa,
 kən nghan cin dūng di nRiin Ɔebangyii? Mbəde
 aa sok pak shoōl maar nā. 4 Akudāng aa mang
 maar nā a seet, 6ə baa dā nā a mwaa kas aa?
 Kəzak a6woon de dā a mang maar nā a seet, 6ə
 baa shoōl nā a mwaa kas ee? A mii le dāng a kat
 pan mā cin mbii desə ndāen pətuup fwaa yii?
 Baa a cin dūng desə nā a ngurum mo kas, a cin
 dūng nā a nNaan.” 5 Kaade Ananiyas kələng
 pwoō mənā, 6ə wur taa nyil, wur muut. Nen de
 mo kələng muut nā jir, 6ə kəərmuut dedes yaa
 mo hakyeng. 6 Zələng mo jī del ndāen lu nā, 6ə
 mo 6woot kúm wur nā shi zaal, 6ə mo mang
 kúm nā put kə nā a tool, dāng dām wum wur. 7
 A6woon de mo tong koo awa kun sə, 6ə mat
 wur Saffira jī del nlu nā. Baa war man mbii de
 nā kə tung kas. 8 Pita tal pə war nənēe, “Yi sat
 nghan, kyet a jee mā shoōl de wu seet kə maar
 nā ndesə aa?” War lap nənēe, “Ii, a jee shoōl nā
 mmənā.” 9 Pita sat nwar nənēe, “A mii le dāng
 wu 6alpwoō ashak kə mish fii, mbəkā nwun wu
 kam Riin mā Daa Naan di ee? Yi kələng shii mā
 nen de mo waa nnum mish fii mo kə jī wul
 mpwoō lu sə. Mo mbə mang kúm fii nā put kə
 nā a kəsə zak.” 10 Abet-abet 6ə war sham taa
 nyil nshii Pita, yaksə war muut. Kaade zələng
 nā mo jī del nlu nā, 6ə mo kat war kə muut,
 6ə mo mang kúm nā put kə nā a tool, 6ə mo
 dām wum war pəshak kə mish fer. 11 Kəərmuut
 dedes yaa nen shinzeen nā mo jir, kə nen de
 mo kələng pwoō nkaa mbii mənā mo. 12 Jeplep
 nā mo cin mbii lukshik mo, kə mbii aapwoo
 mo des, nnaar gurum nā mo. Nenshīnzeen nā
 moo kuur ashak jir ndāen kuut mā Solomon
 shi pətuup deməndong. 13 Dāng6e ndāen koor

gurum de baa mo shinzeen kas, 6a baa mee ngwe mak gung, dewur mbalkaa fin ashak ka mo kas. Jir kasaa, 6a gurum mo ka kwoop mo hakyeng. 14 Gurum mo des, daas mo ka shurep mo, mo shinzeen nDaa, 6a mo balkaa fur mo ashak ka nen shinzeen na mo, de nen shinzeen na mo des hakyeng. 15 Mbä mbii aapwoo de jeplep na mo cin, 6a gurum mo kok nengok mo ji le peköm ar nkaa gwaansaam mo, ka kurkwaa mo, mbäka katdang Pita ji del, 6a ma riin wur na ntäa tung pak nengok na mo di. 16 Nen de mo ndäen yil de mo neer Jerusalem ciirkaat mo ji kuur. Mo ji ka nen de baa mo kaläng koom kas, ka nen de riin debish mo ka lejeel mmo, 6a jeplep na mo bar mo jir. 17 Pris dedes met jir ka nen de mo ashak ka wur jir, de mo a soon ma nen Sadusi mo, mo gam ka zuur mbä jeplep na mo. 18 Mo yak jeplep na mo, mo dam le mo ndäen lushoot. 19 Dangbe mpar, 6a mee ngulep ma Daa ji wang pwoo lushoot na mmo, 6a wur pwat ka mo, dang wur sat mmo nanee, 20 "Wu dam, wu dar ndäen Lu ma Naan dedes na, kan nwun satpwoo ma seen desä na di ngurum mo jir." 21 Kaade mo kaläng pwoo manä, 6a daar mbät-mbät, mo dam del ndäen Lu ma Naan dedes na, 6a mo yaa kämpwoo Naan ngurum mo. Ba pris dedes met na ji ka nen de mo ashak ka wur, 6a mo pärep nenbeetpwoo mo, ka nen denan-nan de ma nen Yahudi mo, mo kuur ashak jir. Yaksä mo lep jepkam mo shindäm nlushoot na, mbäka mmo ji di ka jeplep na mo. 22 Dangbe kaade jepkam na mo dam, 6a baa mo dam kat jeplep na mo di ndäen lushoot na kas. Yaksä jepkam na mo baaji sat mmo nanee, 23 "Mu kat lushoot na a shishoot rärret, ka nentappee na mo ka dar mpwoo lu na mo, dang kaade mu wang lu na, 6a baa mu kat jeplep na mo di kas." 24 Kaade ngwe dedes nkaa nentap Lu ma Naan dedes na, ka pris denan-nan mo kaläng pwoo manä, 6a na daampee mmo zam, mbä jeplep na mo, mbäde baa mo man mbii de na ka kat jeplep na mo kas. 25 Mee gurum ji sat mmo nanee, "Wu naa, nen de wu le mo ndäen lushoot sä, mon nkaa kam-kam ngurum mo ndäen Lu ma Naan dedes na." 26 Yaksä ngwe dedes nkaa nentap Lu ma Naan dedes na dam, ashak ka pak nentap lu ma Naan na mo, mo dam ji ka jeplep na mo. Dang baa mo dam ji ka mo a shi mee bal kas, mbäde mo käer gurum na mo, mbäka taji gurum na mo car mo shi ndäng kas. 27 Kaade mo ji ka jeplep na mo, 6a mo le

mmo dar ntoom ma nenbeetpwoo na mo. Yaksä pris dedes met jir na tal pä Pita ka Joon nanee, 28 "Muu tärsar nwun balbal na, taji baa wu kām mee mbii ngurum mo ndäen säm ma Jesu kas. Dangbe mbii de wuu cin desä na, wuu daar a mbäka nwun sat di ngurum mo na, a mun mu tu gwar desä na, kazak wu gam Jerusalem shi kām fuu desä na zak." 29 Dangbe Pita ka jeplep na mo, mo lap mmo nanee, "Na a täng ka mun cin a mbii de Naan sat, met mbii de gurum mo sat. 30 Jesu de wu tu wur, de wu pwas wur nkaa shiyeepyoom, 6a Naan ma puun fun mo, ka yool ka Jesu a peemüüt. 31 Naan ka yool ka Jesu a peemüüt, 6a yaksä Jesu ka tong nsarse ma Naan, a wur a Laakop ka Ngubam zak. A wur wang ar tuwap nnen Isreil mo, mbäka nNaan fwo shikbish mo mo di zak. 32 Mun a langtäng ma mbii desä mo, ka Riin Debang de Naan shin nnen de mo cin dyen wur, mo ka cin langtäng na a kasä zak." 33 Kaade kuur ma nenbeetpwoo na mo kaläng pwoo manä, 6a na läa mmo mbüt hakyeng, dam wul a de moo rebet twe jeplep na mo. 34 Dang mee ngu Farisi de ka kām Wäär ma Mosis, di säm wur a Gamaliyel, gurum mo jir mo ka shin dedes nwur. Wur yool dar atäng ndäen lu beetpwoo na, 6a wur le ka mmo pwat ka jeplep na mo a tool be reppee lee. 35 Ba wur sat nnen beetpwoo na mo nanee, "Dyemnaa mo, nen Isreil mo. Wu tap ka mbii de wuu rebet cin nan ndes desä mo. 36 Gyet yam-yam, 6a mee gwar de, de mo ka pet säm wur a Tudas, wur ka cam yool a kasä. Gyet wur lekää fin a koo mee ngwe dedes sä, de gurum mo koo kambil feer sä mo dam ndäng wur. Dang abwoon de mo tu wur, 6a nen de mo dam ndäng wur na jir, mo rangkää, baa mo dee a mee mbii kas. 37 Abwoon Tudas, 6a Judas, mee ngu Galili yool zak, ndäen bit de moo tang duu gurum mo di, yaksä wur dul pak gurum mo dam ndäng shin, dang abwoon de mo tu wur zak, 6a nen de mo dam ndäng wur jir, mo rangkää. 38 Mbämänä an pä sat nwun, taji wu cin mee mbii ndes desä mo kas. Wu yit mo mbäsut. Mbädä katdang pwoo de moo kām ngurum mo, ka dak de mo ka cin na a ma mäse ma gurum, 6a nan nyool dee a debuu. 39 Dang katdang mbii de moo cin na a ma Naan, 6a baa mu mmak se koorong nkaa mo kas. Wu tap taji nwun dee koo wun a nlek ka Naan sä kas." 40 Nenbeetpwoo na mo kalängkar Gamaliyel na. Mo pärep jeplep na mo cin ji del zak, 6a mo särem mo, kazak

mo tærsar mmo ɓalɓal nānee, “Taji baa wu sat mee pwoo di ndān sām mā Jesu zak kas.” Aḃwoon pwoo mānā, ɓa mo ɓwet mo. **41** Jeplep nā mo pwat ntoom mā nenbeetpwoo nā mo shi retnyit, mbāde mo mak shwaajeel mbā sām mā Jesu. **42** Yool parmānā, ɓa baa mo nook kām kē leshap mā Naan ngurum mo, ndān Lu mā Naan dedes nā kē ndān lu mā gurum mo, koo puus dedāngyii kas, nā Jesu a Kristi.

6 Kaade nenseet ndang Jesu mo doom yaa ɓul, ndān meeteer mānā mo, ɓa mee ɓelep yool nnaar mā nnen de mo man pwoo mā nen Grik mo kē nen Yahudi de mo kē tong nJerusalem, mbāde nen de mo man pwoo Grik nā mo sat nā, baa mo kē shīn mbiise Matkāa fur mo mɓut mbiise de moo shwap shidaar-shidaar kas. **2** Aasā ɓa, jeplep de kaapaat baavāl nā mo pārep kuur mā nenseet ndang Jesu mo jir, kē mo sat nānee, “Baa nā ret kē mmun nook satpwoo mā Naan, mbākā mu dēe di ɓāk mbiise kas. **3** Mbā mānā, dyemnaa mo, wu ɓelāp mee gurum mo pwoovāl nnaar fuu, de mo kē māsē deret, kē de mo gam kē Riin Deɓang, kē de mo manshii mā mbii zak. Mbākā mun le mo tap di kē ɗak shwap mbiise nā. **4** Dang mun, mbā sekyeen kē dangnaan shidaar-shidaar kē satpwoo mā Naan.” **5** Pwoo de jeplep nā mo sat nā, ret nkuur mā nenseet ndang Jesu nā mo jir. Aasā ɓa mo ɓelāp Stivin, dewur gam kē shinzeen, kē Riin Deɓang, kē Filip, kē Prokorus, kē Nikanor, kē Timoti, kē Parmenas, kē Nikolas ngu Antiyok, de gyet wur kē piring mbā seyil nNaan mā nen Yahudi mo. **6** Mo jī kē nen de mo kē ɓelāp mo ntoom jeplep nā mo, ɓa mo dangnaan kēzak mo lesar fur mo nkaa mo. **7** Pwoo Naan nā sekyeen, dām wul a de nenseet ndang Jesu de mon nJerusalem mo ɓul des hakyeng, kē pris mo des mo shinzeen nJesu Kristi. **8** Stivin, dewur gam kē deret kē ɓal mā Naan, wur cīn mbii lukshik mo, kē mbii aapwoo denan mo nnaar gurum mo. **9** Dangɓe pak gurum mo di, de mo a mmeē lu Naan de mo kē pet a lu Naan mā nen Frimen mo. Nen desā mo a nnen Yahudi de mo pwat nyil nSairin, kē Alekzandriya, kē ngaar yil nSilisiya, kē mā yil Eshiya mo zak, mo yool kē pwoo mo, kē ɓeetshik nkaa Stivin. **10** Dang baa mo mak katɓal de mon ndar kēn mo cīn ɓeetshik di kē Stivin kas, mbāde wur leshap a shi dyen de Riin mā Naan shin nwur. **11** Mo kar pak gurum mo a sāsok, mbākā mmo

sat di nānee, “Mu kəlōng Stivin satpwoo ɓebish nkaa Mosis, dang wur baa satpwoo ɓebuu nkaa Naan zak.” **12** Pwoo de mo sat nā lāa ngurum nā mo mɓut, ɓa pak nen dānan-nan mo, kē pak nenkām Wāar Mosis mo. Mo yool kē tuup, mo dām yaa Stivin, ɓa mo jī kē wur ntoom mā kuur mā nenbeetpwoo mo. **13** Kēzak mo jī kē langtāng mā dūng mo, de mo sat nānee, “Gwar desā wur leshap ɓebish nkaa Lu Naan dedes nā, kē nkaa Wāar Mosis shidaar-shidaar zak. **14** Mu kəlōng wur sat nā, Jesu ngu Nazaret mbā shirip Lu mā Naan dedes nā, kēn nwur cār kē mbii de muu loot kē cīn mo, de gyet Mosis shin mo mmun.” **15** Nen de moo tong di a pee ɓeetpwoo nā jir, mo ban yit fur mo nkaa Stivin, ɓa mo naa yit wur nā dēe a koo yit ngulep mā Naan sā.

7 Pris dedes met jir nā wur tal pā Stivin nānee, “Mbii de moo sat nkaa gha sā, mo azeen aa?” **2** Yaksā Stivin lap nānee, “Dyemnaa mo, kē puun mo, wu lekom, kēn nwun kəlōng mbii de an mbā sat nā di. Gyet Naan Dehai wur woo shin fin mpuun fun Abraham, ɓa wur kutdi nyil mMesopotamiya, akudang wur dām tong ndān yil nHaran. **3** Naan sat nwur nānee, ‘A yool a yit yil fwaa, kē dang fwaa mo zak, kēn nghan dām di mmeē yil de an mbā kām nā ngha.’ **4** Abraham yool yit yil nen Kaldiya mo, kēn wur dām tong di ndān yil nHaran. Aḃwoon de puun Abraham muut nyil nHaran, ɓa Naan jī kē Abraham ndān yil desā, de wuu tong ndān nā yaksā. **5** Dangɓa baa Naan shin rep pak yil nā Abraham, mbākā nā dēe di a mā kāa wur, koo kaa mang shii mādong sā kas. Jir kāsā, ɓa Naan cweerpwoo Abraham nā, wur mbā shin yil nā Abraham, kē nā dēe a mbii sekop wur, dām wul kē dang wur de mon nji mɓwoon wur zak. Koo de gyet mɓit mānā, ɓa baa Abraham kē mee lāa kas aku. **6** Gyet Naan sat zak nānee, ‘Dang Abraham mon mbā dēe a mēzep mo ndān mee yil deɗi. Nenyil mānā mon nle kē mmo cīn ɗak laatong zak, kē mon nle mmo dēe a kōrem mo, mbā ɓit kambil feer.’ **7** Naan wur baa sat dyikyē zak nānee, ‘An mbā tokdyeel nnen de mo le mo dēe a kōrem, dang aḃwoon mānā, ɓa an mbā pwat kē mo aku mɓut yil mānā, mbākā mmo jī seyil di nghan ndān pee desā.’ **8** Naan sat Abraham can-can, kē nā dēe a Səmpwoo (alaama) mā pwoo de Naan kē ten cweer nAbraham shi toom. Mbā mānā kaade Abraham lāa Aizik, ɓa wur can dyem

fin nā nkaa puus ndepwookun. Aizik can lāa wur Jekop a kəsə zak, kə Jekop can jep fin mo, de mo a puun fun de kaapaat baaval sə mo a kəsə zak. **9** “Puun fun desə mo, mo cīn zuur kə Josep, yaksə mo seet kə wur sham nyil Ijip koo kərem sə. Dangbe Naan di ashak kə wur. **10** Naan bam Josef mbut jeel de mo taa nkaa wur jir. Naan shin deret nJosep, kə manshii mə cīn mbii ntoom Feero, mishkoom Ijip, de nā le nwur den Josep a dedes nkaa yil Ijip, kə nkaa lu fin zak. **11** Mee neen dedes taa nyil Ijip jir, kə yil nKeenan de nā jī kə jeel dedes hakyeng, de le baa puun fun mo kat mbiise kas. **12** kaade Jekop kəlāng nā, mbiise di nyil Ijip, bə wur shee lep puun fun mo sham nyil Ijip nā. **13** A ndāen sham mo ndevəl nyil Ijip nā, dang Josef woo shin ndyemnāen fin mo. A mpeemānā, bə Feero man dang mə Josep mo jir. **14** Abwoon mənā, bə Josep lep kə mmo kaa pet puun fin Jekop kə nen wur mo jir. Nen de mo pet mo shin sham nyil Ijip nā jir, mo wul laarpwoovəl baapaat. **15** Nā le dang Jekop sham nyil Ijip, bə wur sham muut a nyil mənā, kazak puun fun mo jī murep a nyil Ijip zak. **16** Yaksə mo kok kum mo mo kaa kə mo nyil nShekem, mbəkə mo wum mo di ndāen kəcir de gyet Abraham kə seet shi azurfa mo, nsar jep Hamor mo. **17** kaade pee nā wul kus, mbəkə nNaan gam mbii de gyet wur kə ten cweer Abraham, bə nen fun mo kə bul des ndāen yil Ijip nā hakyeng. **18** Nen Ijip mo lep mee mishkoom depwoo nyil Ijip, de baa wur man mee pwoo nkaa Josep kas. **19** Mishkoom desə wur gwam puun fun mo, dang wur shin jeel mpuun fun mo, wur le kə mpuun fun mo fwo jep fur mo mbəkə mmo murep di. **20** A ndāen bit mənā, bə mo lāa Mosis. Gyet Mosis a mee lāa deret naa zam. Puun wur mo kyeer wur ndāen lu mbə tar kun. **21** Dang kaade mo put dām le wur a təleng, bə reep Feero mang Mosis dyel, kə nwar kyeer wur koo lāa fer sə. **22** Mo kām man mə nen Ijip mo mMosis jir, yaksə wur yool dee a mee ngwe dedes ndāen mbii dewur sat mo, kə mbii dewur cīn mo zak. **23** “Kaade Mosis wul bit mo laarfeer, bə wur pan mputuup fin mbə dām naa dyemnāen fin nen Isreil mo. **24** Yaksə wur taa naa mee ngu Ijip nkaa shinjeel mmee ngu Isreil. Bə Mosis dām bam ngu Isreil nā, kə nwur lap di ngwar nā. Yaksə Mosis tu ngu Ijip nā. **25** Mosis pan nā, nen fin mo mmanshii mənā nā, Naan mbə bam mo a shi sar fin. Dang baa mo manshii nā kas. **26**

Daar nā, bə Mosis kat mee nen Isreil mo vəl, pə lek nshak. Yaksə wur rebet ben mo, kə wur sat mmo nānee, ‘Daa mo, wun a dyemnānshak, a mii le dang wuu lek nshak yii?’ **27** Dangbə gwar dewur nkaa shinjeel ngənāen nā, bet Mosis shin baa aku, kə nwur sat mMosis nānee, ‘A wii le gha a mishkoom kə ngutokdyeel nkaa mun ii?’ **28** Aa rebet tu wen a kaade doon a tu ngu Ijip sə mee?’ **29** Kaade Mosis kəlāng pwoo mənā, bə wur su ar yil Ijip, kə nwur dām tong di nyil mMidiyān, koo mæzep sə. A ndāen yil mMidiyān nā, bə Mosis lāa jep demish mo vəl. **30** “Abwoon bit mo laarfeer, bə mee ngulep mə Naan jī woo shin mMosis, shi mbəlem wus nkaa mee laaləet a yil kus kə zuul Sinai. **31** Kaade Mosis naa wus nā, bə nā aapwoo nwur, bə wur gyes dām di kus rep laaləet nā, mbəkə nwur naa di rərret, bə wur kəlāng doo mə Daa, nānee, **32** ‘A an a Naan mə puun fwaa mo, Naan mə Abraham, kə mə Aizik, kə mə Jekop.’ Yaksə Mosis daar, mbəde kəarmuut fes yaa wur zam, baa wur katbal dewur mbə mak naa wus nā kas. **33** Daa Naan sat mMosis nānee, ‘A shwat kwoopshi de mon nshii fwaa, mbəde pee de aa dār di yaksə, nā a pee defang. **34** Azeen-zeen, an kən naajeel nen fen de mon nyil Ijip, kən kəlāng gwan mo mo. Mbəmənā kən sham, mbəkə nghan bam mo di zak. Mbə mənā, a jī kə nghan lep gha shindām nyil Ijip.’ **35** “Gyet nen Isreil mo cii Mosis, bə gyet mo sat nānee, ‘A wii le gha a mishkoom kə ngutokdyeel nkaa mun yii?’ A Mosis a ngwe de gyet Naan lep wur, mbəkə nwur dee a Taakeen kə Nguḃam mə nen Isreil mo shi bam mə ngulep mə Naan de gyet wur woo shin mMosis ndāen rep laaləet a yil sə. **36** A Mosis put kə nen Isreil mo ndāen yil Ijip, kazak gyet wur cīn mbii lukshik mo, kə mbii aapwoo mo ndāen yil Ijip nā, kə ndāen Am kuur Denaat, kə a naaryil, mbə bit mo laarfeer zak. **37** “Gyet a Mosis sat nnen Isreil mo nānee, ‘Naan mbə yool lep mee ngusat pwoo Naan nwun, koo an sə, mbut nnen fuu mo.’ **38** Gyet Mosis di ashak kə kuur nen Isreil mo a naaryil, ashak kə puun fun mo, kə ngulep mə Naan de gyet wur leshap kə Mosis nkaa nzuul Sinai. A mbəde gyet Mosis kə kəlāngkar mə seen pə Naan di shin mmun. **39** “Dangbə gyet puun fun mo cii cīn mbii de Mosis sat, kazak mo toklong shi Mosis, kə mo le mputuup fur mo mbə waa baa dām Ijip. **40** Mo sat Eeron nānee, ‘A kəlem pak naan mo mmun, de mon ntaa mmun akyeen. Mbədə baa mu

man mbii de nā kat Mosis de gyet wur put kə mun ndāen nyil ljiip kas.’ 41 A ndāen meeteer mənā mo, bə mo kəlem mee laanəng kə nā dee mmo, koo mee naan sə. Mo ji kə mbiizuum mo laanəng nā, yaksə mo serəbet mē retniyit mbə naan de mo kəlem shi sar fur mo. 42 Mbə mənā bə Naan cəer kəbwoon mmo, kəzak wur le kə mmo seyil di nzar mo, kə mbii de adeng mo. Kaade mo kə ten ran ndāen bəət-haal mē nensatpwoo kə Naan mo nānee, ‘Wun nen Isreil mo, ndāen bit delaarfeer sə mo a naaryil, bə baa gyet wu saa long mo, kə wus mbiizuum mo, a mbə an kas. 43 Dang gyet wuu mang a Tent mē kum Molek, wu mwaaan kə nā, kə zar mē kum fuu Refan. Wu kəlem mbii desə mo, mbəkə nwun seyil di mmo. Mbə mənā, bə an mbə le kə mmo dām kə wun jong-jong, de dām dēl yil de abwoon mBabilon.’ 44 ‘Gyet puun fun mo kə Tent mē langtəng nā, Naan di ashak kə mo a naaryil. Mo dāk Tent mənā a nciit-nciit kə de Naan shin mMosis naa. Mosis sat mmo tap dāk a kəsə zak. 45 Abwoon mənā, bə puunkaam fun mo lap Tent mənā pə puun fur mo kə mmo mang Bit mē Daa nā pan kaade mo dēl ashak kə Joshuwa ndāen yil de Naan shin mmo. Naan ceen nenyil mənā mo, de baa mo a nen Yahudi mo kas, a yit puun fun mo. Tent mənā war di ji wul mbīt mē Devit. 46 Devit kat dēret ntoom Naan, wur dang, mbəkə nwur dyik mee peetong di nNaan mē Jekop. 47 Dangbē a Solomon yool dyiklu Naan nā. 48 Jir kəsə, bə baa Daa Naan Dehai kə tong a ndāen lu de gurun mo dyik kas. Pwoo desə nā nciit kə pwoo de gyet ngusatpwoo Naan ten sat nānee, 49 ‘Naan sat nā, dengnaan nā a peetong fen, kə yil desə nā a pee leshii fen zak. Wun ndyik a mee lu dādang nghan yii? Peede an nnookdi a nii? 50 Baa a sar fen le mbii desə mo jir kas aa?’ 51 “Wun nencinshik mo, de pətuup fuu mo dee a koo mē nenkum mo sə. Wuu dee a komjoor mo mbə ciikələngpwoo mē Naan, kəzak wu cii Riin Debang shidaar-shidaar, kaade gyet puun fuu mo kə cīn sə. Mbə mənā wun a koo puun fuu mo gyet sə zak. 52 Gyet puun fuu mo shīnjeel nnenkop pwoo Naan mo jir. Gyet mo twe nen de moo leshap nkaa ji Ngwe de ndəre sə, de yaksə bə a wun seet wur, dang a wun, wu tu wur zak. 53 A wun a nen de wu lap Wāar mē Naan dēwur shīn nwun nsar nenlep mē Naan mo, dang baa wu cīn mbii de Wāar nā mo sat kas.” 54 Kaade nenbeetpwoo nā mo kələng pwoo de Stivin sat

mmo, bə nā lāa mmo mbut des hakyeng, yaksə mo ərep sar fur mo mbə tuup. 55 Mbədə Stivin gam kə Riin Debang, bə wur naapee kaa adeng, bə wur naa Dehai mē Naan, kə Daa Jesu kə dār nsarse kə Naan zak. 56 Bə Stivin sat nānee, “Wu naa mo wang dengnaan, kəzak Lāa kə Gurum kə dār nsarse mē Naan.” 57 Dangbē gurum nā mo lep or shi doo dēdes, kə mmo duur kom fur mo shi sar fur mo, bə mo yool su ji taa nkaa Stivin. 58 Mo dul wur put mbwoon pee nkaam nā, bə mo car wur shi gyək bə wur muut. Nen de mo car Stivin nā mo, shwat nlər fur mo, mo le pə mee zəlang de moo pet sām wur a Sool. 59 Kaade mon nkaa car Stivin, bə wur nkaa dangnaan nānee, “Daa Jesu, a lap seen fen.” 60 Yaksə wur kurum mfurum, bə wur petpee shi doo dēdes nānee, “Daa Naan, a fwoo shikbish desə nā mmo.” Kaade wur sat pwoo mənā, bə wur muut.

8 Nā fes ret nSool nyit zam, mbəde mo tu Stivin. Parpuus mənā, bə jeel dēdes nā taa nkaa kuur mē nenseet ndang Jesu de moo tong nJerusalem. Mbə jeel nā, bə mo rangkāa jir, dām ndāen yil njudiya, kə Samariya, təng dee a jeplep nā mo de nJerusalem bejee dāk. 2 Pak nen de mo kəar Naan, mo wum Stivin, kəzak mo yēm mmaap mbə muut wur nā. 3 Dangbē Sool shīnjeel nenseet ndang Jesu nā mo des hakyeng. Wur dām dēl shitul-shitul, kən nwur yak daas mo, kə shurep mo, dām shoot mo ndāen lushoot. 4 Nen de mo rangkāa nā mo. Mo dām kop pwoo Naan ngurum mo koo a pee dēdangyii de mo dām di. 5 Filip dām mmee pee kaam de nen nSamariya, wur nkaa leshap ngurum mo nkaa Kristi mpee mənā. 6 Kaade kuur mē gurum nā mo kələng, dang mo naa mbii lukshik de Filip pə cīn mo zak, bə mo lekom, kəzak mo lepan fur mo nkaa mbii dēwur sat nā. 7 Riin debish mo lep or dēdes, kəzak mo pwat mbut ngurum mo des. Mo bar gurum mo des de shik mo mo fii, kə kəbel mo. 8 Mbə mənā, bə gurum mo kat retniyit des ndāen pee nkaam mənā. 9 Mee gwar dēwur di ndāen pee nkaam nā, de sām wur a Simon, de mbə bit mo des, bə wur kəcin mulak, kəzak wur kəcin mbii aapwoo mo a yit mē nen Samariya mo. Wur cutzung nā, dyin a mee ngwe dēdes. 10 Gurum mo jir mo kə lepyit nkaa wur, yool ndedyeen mo, dām wul ndenannan mo, dang moo sat nā, gwar desə wur aa bal mē Naan de moo pet a iiko Dēdes

Met 11 Moo lepyit nkaa wur, a mbæde ðit mo des, bæ wur cîn mbii aapwoo mo a yit mo mo shi mulak nâ. 12 Dang kaade mo shinzeen mpwoo deret de Filip sat mmo, nkaa mulki mæ Naan, kâ nkaa Jesu Kristi zak, bæ mo cîn baptisma ndaas mo, kâ shurep mo de mo shinzeen. 13 Simon shikâa fin shinzeen zak, bæ mo cîn baptisma nwur. Aðwoon mænâ, bæ wur dæm ndang Filip, dang nâ aapwoo nwur mbæ mbii lukshik mo, kâ dak dænan-nan dewur naa Filip kæcin mo. 14 Kaade jeplep de moo tong nJerusalem mo kælong nâ, nen Samariya mo kâ lappwoo Naan, bæ mo lep Pita kâ Joon dæm pæ mo di. 15 Kaade Pita kâ Joon mo dæm wul, bæ mo dangnaan nkaa nen de mo shinzeen nâ. Mbækâ nNaan shin Riin Deðang de mmo. 16 Mbædâ baa Riin Deðang kâ sham nkaa memee ndæen mo kas. Mo kâ cîn a baptisma mmo ndæen sëm mæ Daa Jesu ðejee dak. 17 Pita kâ Joon, mo lesar fur mo nkaa mo, bæ Naan shin Riin Deðang ngurum nâ mo. 18 Kaade Simon naa nâ, moo shin Riin Deðang nâ nnen shinzeen nâ mo, a mbæde jeplep nâ mo lesar fur mo nkaa mo, bæ wur shin shooll mPita kâ Joon, dang wur sat mmo nænee, 19 “Wu shin ðal mænâ nghan zak, mbækâ koo wii de wen lesar fen nkaa wur, bæ wur nkat Riin Deðang nâ zak.” 20 Dangbâ Pita sat nSimon nænee, “Waa kâ shooll fwaa nâ, wun ndel nwus. Mbædâ aa pan nâ, a mmak seet mbiizuum mæ Naan a shi shooll. 21 Baa mee mbii ðâl gha kâ mun mbût dak fun desâ nâ kas mbæde baa pætuup fwa nâ ndere a kækyeen nNaan kas. 22 A tuwap mbæ pan fwaa debish nâ, kækak a dang Daa Naan, mbækâ nNaan fwoo shikbish mæ pan kâ pætuup fwaa debish nâ di nghan. 23 Mbædâ wen naa, aa gam kâ zuur debish, dang aa ðee a de ðuðwoot ndæen shikbish.” 24 Simon sat mPita kâ Joon nænee, “Kuzuk, wu dang pæ Daa Naan, mbækâ taji memee ndæen mbii de wu sat sâ mo kat an kas.” 25 Aðwoon de Pita kâ Joon mo kâ satpwoo nkaa Jesu, dang mo leshap Naan zak, bæ kaade mo a ar kâa nJerusalem, bæ mo taa kop pwoo deret nâ ndæen jepyil mo des, de mo nSamariya. 26 Mee ngulep mæ Naan sat mFilip nænee, “A yool a sham nkor ngyeen a ar de nâ yool nJerusalem dæm wul nGaza, de nâ a naaryil.” 27 Wur yool seet, bæ wur taakâat kâ mee ngu Itiyopiya dewur a meermuut. Wur a mee ngwe dedes dewur tap kâ long mæ mishkoom de mat, Kandes mæ yil Itiyopiya. Gwar desâ wur waa a nJerusalem mbæ

seyil nNaan. 28 Kaade wur a ar baa waa, bæ wur kâ tong ndæen mbiilang, wur nkaa tang bæat-haal mæ ngusatpwoo mæ Naan Aizaya. 29 Bâ Riin Deðang sat mFilip nænee, “A dæm kus kâ mbiilang desâ.” 30 Filip su dæm kus kâ mbiilang nâ, bæ wur kælong gwar nâ nkaa tang bæat-haal mæ ngusatpwoo mæ Naan Aizaya. Yaksâ Filip tal pæ gwar nâ nænee, “A manshii mæ mbii de gha nkaa tang nâ aa?” 31 Gwar nâ lap nænee, “Cîrang dang an mbæ mmanshii mænâ di ii? Kat baa a mee gurum kâmsihii mænâ nghan kas ii?” Gwar nâ sat mFilip kâa tong ashak kâ wur. 32 A pwoo dewur nkaa tang nâ ndæen bæat-haal nâ ndesâ, de nâ sat nænee, “Wur a koo tæm de mo kâ dæm kænâ, mpee saa sâ. Koo tæm de dok tætæk ntoom mæ ngusaa shweep nâ sâ, Wur dok tætæk a kæsâ zak. 33 Mbædâ wur sham kâ kâa fin, bæ baa mo tokðyeel nwur nkaa zeen kas. A wii mmak yool leshap nkaa dang wur mo ii? Mbædâ mo kâ mang seen wur ndæen yil nâ.” 34 Bâ ngu Itiyopiya nâ wur tal pæ Filip nænee, “A sat nghan. Gyet ngusatpwoo mæ Naan desâ wur leshap nâ a nkaa wii? Wur leshap nâ a nkaa shin aa? Koo a mee ngwe ðeci yii?” 35 Yaksâ Filip doom leshap deret nkaa Jesu, shi pwoo de gwar nâ kâ tang nâ. 36 Kaade mon mwaan a ar nâ, bæ mo jî wul mpee de am di, bæ ngu Itiyopiya nâ wur sat mFilip nænee, “A naa am sæsâ! A mii ncîi kâ nghan cîn baptisma nghan ii?” 37 Filip lap nænee, “Katdang a shinzeen nJesu shi pætuup mændong azeen-zeen, bæ mon ncîn baptisma nghan. Ngu Itiyopiya nâ wur sat nâ, Nshinzeen nâ Jesu Kristi wur a Lâa mæ Naan azeen-zeen.” 38 Yaksâ gwar nâ wur le mbiilang nâ ðar. Bâ Filip kâ gwar de nâ, mo sham ndæen am nâ dukvål, bæ Filip cîn baptisma ngwar nâ. 39 Kaade mo kâa pwat mbût am nâ, bæ Riin mæ Daa, mang Filip dæm kâ wur mmee mpee. Baa ngu Itiyopiya nâ wur kutdi kâ naa Filip zak kas. Yaksâ wur sekyeen kâ mwaan fin, kækak wur gam kâ retnyit. 40 Gurum mo naa Filip ndæen yil Azotus. Wur dæm shipee-shipee ndæen pee nkaam nâ mo jir, mbæ kop pwoo deret nâ, dæm wul nSizariya.

9 Sool sekyeen kâ shinjeel nnenseet ndang Jesu mo, wur tang ar mbæ twe mo. Aasâ bæ, wur dæm pæ pris dedes met jir nâ. 2 Yaksâ Sool dang pæ pris dedes nâ, mbækâ nwur shin lep a ræran mmo dewur ndæm kâ mmo nLu mæ Naan mo, de mo nDamaskus, mbækâ katdang

wur kat nen de moo dām ndang ar Jesu, koo daas mo kə shurep mo, bə wur yak mo ji kə mo nJerusalem. **3** Kaade wur ji wul kus kə Damaskus, bə nnen mman, bə mee peeɓang tong adeng sham ɓangpee dewur de. **4** Yaksə wur taa nyil, kəzak wur kəlɛng mee doo kə sat nānee, “Sool, Sool! A mii le ɗang aa shinjeel nghan yii?” **5** Yaksə Sool tal nānee, “A gha a wii Daa?” Doo nā lap nānee, “A an Jesu, de gha nkaa shinjeel nghan. **6** A yool a ɗel ndāen pee nkaam nā, bə mon nsat nghan mbii de nā a tɛng gha ncin.” **7** Nen de mon mwaan nā ashak kə wur mo ɗar tətək, baa mo le mee shap kas, mo kəlɛng doo nā, ɗang baa mo naa nguleshap nā kas. **8** Sool yool ɗar atəng, bə wur wang yit fin, ɗang, baa wur mak naapee kas. Mbə mənə bə mo yaa sar nwur, mo ɗel kə wur nDamaskus. **9** Mbə teer mo kun, bə baa wur mak naapee kas, kəzak baa wur se mee mbiise, koo shwaa mee mbii kas zak. **10** Mee nguseet ndang Jesu di nDamaskus, de moo pet wur a Ananiyas. Daa sat Ananiyas ndāen suun nānee, “Ananiyas!” Yaksə wur lap nānee, “An səsə Daa.” **11** Daa sat nwur nānee, “A yool a dām a ar desə, de moo pet a Sham ndər-ndər, bə a tal mee gwar de moo pet sām wur a Sool, wur a ngu Tarsus. Wur ntul Judas. Yaksə bə wur nkaa ɗangnaan. **12** Ndāen suun wur, bə wur naa mee gwar de moo pet sām wur a Ananiyas, wur ji ɗel, ɗang wur lesar fin nkaa wur, mbəkə nyit fin mo baa naapee di zak.” **13** ɗangbē Ananiyas lap nānee, “Daa, gurum mo des mo kə leshap nghan, nkaa niyang de gwar desə wur kacin nnen fwaa de mon nJerusalem. **14** Kəzak wur ji mpee desə nDamaskus, shipee de pris ɗenan mo shin nwur, mbəkə nwur yak nen de mo shinzeen ndāen sām fwaa jir.” **15** ɗangbē Daa lap wur nānee, “A yool a dām, mbəde an kən bəlɛp wur, mbəkə nwur cɪn ɗak di nghan. Wur mbə le kən nnen de baa mo a nen Yahudi mo kas, kə mishkoom mo, kə nnen Yahudi mo man sām fen zak. **16** An mbə kām nwur jeel de nwur mbə shwaa mo mbə sām fen.” **17** Ananiyas yool dām ɗel ndāen lu Judas nā. Wur lesar fin mo nkaa Sool, ɗang wur sat nānee, “Dyemnaa Sool, Daa Jesu dewur woo shin fin nghan, kaade gha a ar ji mpee desə, a wur lep an, mbəkə nghan baa a naapee di zak. Kə mmo gam gha shi Riin ɗɛɓang zak.” **18** Abet-abet ɓerep mee mbii mo koo feel mə pupwap sə, mo pwat nyit Sool, mo sham ɗong nyil, bə yit wur mo cin naapee. Yaksə wur yool

ɗar atəng, bə mo cɪn baptisma nwur. **19** Aɓwoon dewur kə se mbiise, bə wur baa katɓal zak. Sool tong ashak kə nenseet ndang Jesu de mon nDamaskus, mbə meeteer mo ruk. **20** Abet-abet bə wur dām ndāen lu mə Naan mo bə wur doom sat nā, Jesu a Lāa Naan. **21** Nen de mo kəlɛng wur jir, bə nā aapwoo mmo, ɗang mo tal nānee, “Baa a gwar dewur twe nen de mo shinzeen ndāen sām mə Jesu, ndāen Jerusalem sə ndesə kas ee? Wur ji mpee desə a mbəkə nwur yak mo dām kə mo a ɓuɓwoot pə pris ɗanan-nan mo di zak kas aa?” **22** ɗangbē Sool katɓal, kən nwur leshap di ɓal-ɓal, de nā kām agaak nā, Jesu wur a Kristi azeen-zeen. Pwoo dewur sat nā mo, nā daampee nnen Yahudi de moo tong nDamaskus. **23** Aɓwoon meeteer mo des, bə nen Yahudi mo ɓeetpwoo kə sut, mbəkə mmo tu Sool di. **24** ɗang pwoo de mo ɓwoot nā taa nkom Sool. Mo tap pwoo lu de mon mpee nkaam nā mpar kə puus, mbəkə mmo tu Sool de. **25** ɗangbē nen shinzeen de mo dām ɗang Sool nā mo, mo mang wur ndāen kəci mpar, bə mo ɓwet wur sham mɓwoon pee nkaam nā ndāen mee fung. **26** Kaade Sool wul nJerusalem, bə wur tang ar dewur mbə ɓalkāa wur di ashak kə nenseet ndang Jesu mo. ɗangbē mo jir, mo kəər wur, mbəde baa mo shinzeen nā, wur kə dee a nguseet ndang Jesu kas. **27** Yaksə a Barnabas ji kə wur pə jelep nā mo di, kən nwur leshap ngurum nā mo, kaade Sool kə naa Daa Jesu a ar, nā, Daa Jesu kə leshap kə Sool. Barnabas leshap mmo nkaa sat pwoo kə Naan ndāen Jesu agaak, de Sool kə cin ndāen Damaskus, baa ashak kə mee kəermuut kas, koo ɗəɓen. **28** Aasə bə wur tong ashak kə mo. Kəzak wur mwaan dām shipee-shipee ndāen Jerusalem, kəzak wur satpwoo kə Naan ɓalɓal ndāen sām mə Daa Jesu. **29** Wur naa nleshap nā, kə ɓeetshik kə nen Yahudi de moo kəlɛng pwoo kə nen Helene mo, de nā le kə mmo tang ar de mon ntu wur di. **30** Jir aasə kaade nenseet ndang Jesu mo kəlɛng mənə, bə mo dām kə Sool nSizariya, kə mo lep wur shindam nTarsus. **31** Aɓwoon mənə, bə nenseet ndang Jesu de mon nJudiya, kə Galili, kə Samariya, mo tongriyang ndāen meeteer mənə mo. Shi ɓam mə Riin ɗɛɓang, bə nenseet ndang Jesu nā mo katɓal, ɗang mo ɓul zak. Moo mwaan ndāen kəər mə Naan, ɗang moo shin dedes nNaan zak. **32** Pita mwaan shipee-shipee jir, bə wur ji wul pə nen Naan mo, de mo kə tong nLidda. **33** Yaksə wur kat mee gwar di

mpee nkaam mənə, de mo kə pet səm wur a Aniyas, dewur kə mee shwal de nə fii shik wur, de baa wur mak yool a peesaam kas, mbə bit mo pwookun. **34** Pita sat nwur nənē, “Aniyas, Jesu Kristi wur bar gha. A yool a cibet mbiisaam fwaa.” Abet-abet, bə wur yool. **35** Kaade jir nen de mo kə tong ndəən Lidda kə Sharon mo naa wur bar, bə mo cəər kə pətuup fur mo, de nə le mmo shinzeen nDaa. **36** Mee mat seet ndang Jesu war di ndəən yil nJoppa, de səm war a Tabita, səm war nə shi liispuwo mo nen Heleni mo a Dokas, de shii kənə a “Tap.” Mat desə war kə cən dək deret mo, dang war kə bəm nenjeel mo zak. **37** Ndəən meeteer mənə mo, bə mee shwal yaa war, de nə le nwar muut. Kaade mo vvang kúm war, bə mo le ndəən mee ludeng. **38** Lidda kus kə Joppa, bə kaade nenseet ndang Jesu mo kələng nə Pita di nJoppa, bə mo lep gurum mo vəl shindəm pə wur de, mbəkə mmo dang di pə wur, kə nwur jì pə mo di kəkəlak, taji wur taa de bir kas. **39** Pita yool dəm ashak kə mo, kaade mo jì wul, bə mo kaa kə wur ndəən ludeng nə. A pee de matkaa mo jì dirang pə wur di. Mo nkaa wal, dang mo kám nlər mo, kə leelep mo, de də Tabita kə raa mmatkkaa nə mo, bə war kutdi seen. **40** Dangbe Pita le mmo pwat a tool jir, bə wur kurum mfurum, kə nwur dangnaan di. Yaksə wur cəər pə kúm nə de, wur sat nənē, “Tabita yi yool.” Yaksə war wang yit fer. Kaade war naa Pita, bə war yool tong atəng. **41** Bə wur yaa sar nwar, dang wur diyeep war dər atəng. Bə wur pərep nen mə Naan nə mo, kə matkaa nə mo, bə wur shin Tabita mo kə seen. **42** Mbii desə nə de a deməman ndəən yil nJoppa jir, bə gurum mo des mo shinzeen nDaa. **43** Pita tong ashak kə mee ngudak shim, de mo kə pet səm wur a Simon, mbə teer mo des de nJoppa nə.

10 Mee gwar di ndəən Sizariya, de səm wur a Konilus, wur a mee ngwe dedes, dewur kə tap kə shiitoo mo kambil məndong, de mə yil Itali. **2** Wur a mee ngwe dewur le pətuup fin nkaa Naan, kəzak wur kəər Naan ashak kə nenlu fin mo jir. Wur shin zuum ngurum mo des, kə wur kə naa ndang Naan shidaar-shidaar. **3** Parmeeci sə, koo kun de mə puus sə, bə ndəən suun, bə wur naa ngulep kə Naan agaak, dang ngulep nə sat nwur nənē, “Konilus,” **4** Bə Konilus naa ngulep nə shi yit kəərmut, bə wur sat nənē, “A mii yii Daa?” Ngulep mə Naan sat

nKonilus nənē, “Naan kə lap dang fwaa mo, kə mbiizuum de aa shin nenjeel mo, bə mo kəkāa wul pə Naan di adeng, dang mo de a mbii de Naan pan gha zak. **5** Mbəmənə, bə a lep mee gurum mo dəm nJoppa, mbəkə mmo dəm pet mee gwar de mo kə pet səm wur a Simon Pita, jì ntul fwaa. **6** Wur tong a nlu Simon ngudak shim, de lu wur nə kus kə pwo Am kuur sə.” **7** Kaade ngulep mə Naan leshap kə Konilus, bə Konilus pet kərem fin mo vəl kə mee shiitoo, dewur a ngwe de ndəre mbut nen de mo kə cən dək ntul fin shidaar-shidaar. **8** Afwoon dewur sat mmo mbii de nə cən jir, bə wur lep mo dəm nJoppa. **9** Daar nə, bə mo yaa ar, bə mo jì wul kus kə pee nkaam nə. Pita kəkāa nludeng mbə dangnaan, koo puus a naar sə. **10** Neenlāa nwur, dang wur rebet mee mbii dewur nse. Kaade mo kutdi nkaa cet mbiise nə, bə Pita cin mee suun. **11** Dee wur naa dengnaan nə wang, dang mee mbii tong adeng sham koo haal dedes sə. Mo yaa sham kənə nyil shi kwang nə mo feer. **12** Ndəən nə, bə koo a luwaa dedangyii, de mo kə mwaan shi shii feer mo, kə de mo kə fee shi but mo, kə nyer de mo kə yool ncāap mo difut jir. **13** Bə Pita kələng mee dōo kə sat nənē, “Pita a yool, a cən a se.” **14** Dangbe Pita lap nənē, “Hai Daa! Baa wen kən cam se mee luwaa debu, koo de baa nə ret kə ngu Yahudi se kas.” **15** Pita waa cin kələng dōo nə de zak, de nə sat nənē, “Mbii de Naan kə le a dəbang, bə taji waa a le a debu kas.” **16** Mo cən a kəsə dəm wul ar kun, bə mo waa baakāa kə haal nə adeng. **17** Kaade Pita nkaa panshii mə suun nə, bə nen de Konilus lep mo sə, mo kə ten yap lu mə Simon nə mo kat, bə mo jì dər mpwoo lu nə. **18** Mo petpee, bə mo tal nənē, “Kyet gwar de mo kə pet wur a Simon Pita sə, kə tong a nlu desə ee?” **19** Kaade Pita kutdi nkaa panshii mə suun desə nə, bə Riin mə Naan sat nwur nənē, “A naa mee gurum mo kun, mo pə yap gha. **20** A yool, a sham, kə nghan seet ashak kə mo, baa a shi mee kyetwo kas, mbəde a an lep mo.” **21** Bə Pita sham pə nen nə mo di, bə wur sat mmo nənē, “An sə, a an a ngwe de wun pə yap nə. Wu jì a mbə miyi?” **22** Mo lap nənē, “A mee ngwe dedes nkaa shiitoo mo, de mo kə pet səm wur a Konilus dewur a mee ngwe de ndəre, ngukəər Naan. De nen Yahudi mo jir mo kə kwoop wur. A mee ngulep mə Naan dəbang jì sat nwur nə, wur lep mo pet gha, kə nghan dəm di ntul fin, mbəkə nwur kələng mbii de gha mbə sat nə

di nwur.” 23 Pita del kà des dekun nà mo nlu, mbəkà mmo teer di. Daar nà, bə Pita yool seet ashak kà mo. Pak nenseet ndang Jesu de mon njoppa mo seet ashak kà wur. 24 Daar nà, bə mo dām wul nSizariya. Konilus nkaa dānaa mo. Wur kà ten pārep dāng fin mo, kà shaar fin mo, mo kuur ashak des. 25 Kaade Pita a ar del ndāen lu nà, bə Konilus kaat wur, bə wur taa mPita ntoom, mbə seeyil nwur. 26 Dangbe Pita diyeep Konilus, bə wur sat nānee, “A yool atəng, wen shikāa fen, an a gurum koo waa sà zak.” 27 Pita nkaa leshap kà Konilus, bə kaade wur del, ndāen lu nà, bə wur kat gurum mo kà kuur ashak des. 28 Pita sat mmo nānee, “Wun shikāa fuu wu man nà, baa nà ndāre kà ngu Yahudi bākaa fin ashak kà mee soon de cì mo, koo wur jì pə mo di kas. Dangbe Naan kà kām nghan, kà taji wen mpet mee gurum a debu, koo debish kas. 29 Mbə mənə, kaade wu lep mo pet an sà, bə wen jì pə wun di, baa wen cii kas. Mbə mənə wen rebet kəlāng mbii de nà le kà nwun pet an nà.” 30 Konilus sat nānee, “Nà kus aa teer mo feer cicinsə, nciit kà pee kəsə, bə nkaa ndang Naan nkun mə puus ndāen lu fen. Bə nnaa mee gwar sà, de nlər wur mo piyaa pet-pet, wur jì dar a kyeen fen. 31 Yaksə wur sat nānee, Konilus! Naan kà lap dāng fwaa, kà mbiizuum de aa shin nenjeel mo sà, mo dee a mbii de Naan wur pan gha zak. 32 Mbə mənə a lep-lep dām njoppa, kà mo dām pet mee gwar de sām wur a Simon Pita, wur kà tong a ntul mə Simon ngudak shim, de lu wur nà kus kə pwoo am kuur sà. 33 Abet-abet bə wen nlep-lep shindām pə gha di. Nə ret zam kaade a jì mpee desə. Mun sà jir ntoom mə Naan yaksə, mbəkə mmun kəlāng mbii de Daa wur sat nghan, mbəkə nghan sat di mmun.” 34 Pita leshap mmo nānee, “Azeen-zeen wen naa nà, baa Naan kə bakyit mmee gurum kas. 35 Dangbə Naan wur kə lap gurum mo jir, de mo kə kər wur, kəzak moo cìn mbii deret mo zak. 36 A pwoo de Naan wur lep nnen Isreil mo ndesə. Moo leshap deret, de nà a mə tongriyang mmo ndāen Jesu Kristi, dewur a Daa mə mbii mo jir, 37 Wun shikāa fuu, wu man mbii aapwoo de mo kə cìn ndāen yil njudiya jir. Gyet mo shee cìn nà a nGalili, aḃwoon de gyet Joon ngucìn baptisma wur leshap mmo nkaa nà. 38 Desə nà a pwoo nkaa Jesu Ngu Nazaret, de gyet Naan doo Riin Deḃang kə iiko nkaa wur. Wur dām koo a pee deḃangyii, bə wur cìn dak deret, dewur bar nen de mon ndr 6al

mə nngujwaan jir, mbəde Naan ashak kə wur. 39 Mun a langtəng mə mbii dewur cìn mo jir ndāen yil njudiya, kə ndāen Jerusalem zak. A wur a de gyet mo tu wur, kaade gyet mo pwās wur nkaa shiyeepyoom sà, dee wur muut. 40 Jir aasə Naan yool kə wur a peemūt parpuus dekun, kəzak Naan le kə nwur woo shin fin mmun agaak. 41 Baa a gurum mo jir mo naa wur kas, dāng wur woo shin a mmun, de Naan kə ten bəlep mun, kə mmun dee di a langtəng fin. Gyet muu se mbiise kə shwaa am ashak kə wur, aḃwoon dewur kə yool a peemūt zak. 42 Wur sat mmun balbal nà, mu satpwoo mə Naan ngurum mo jir zak, kə mmun tong a langtəng di nà, a Jesu wur a gwar de Naan shin dedes nwur, mbəkə nwur dee di a ngutokdyeel nnen de mmeen mo, kə nnen de mo kə murep mo zak. 43 A wur a ngwe de gyet nensatpwoo mə Naan mo jir, mo kə ten tong a langtəng wur nà, a mbə sām wur, dāng koo a ngwe deḃangyii dewur shinzeen, bə wur nkat fwo mə shikbish wur mo.” 44 Kaade Pita kutdi nkaa leshap desə mmo, bə Riin Deḃang sham nkaa nen de mo pə kəlāng pwoo nà jir. 45 Nen Yahudi de mo a nen shinzeen de mo jì ashak kə Pita sà, nà aapwoo mmo, Mbədə mo naa Naan shin Riin Deḃang shi zuum nnen de baa mo a nnen Yahudi mo kas zak. 46 Mo kəlāng mo kə leshap shi pak liispwoo mo, dāng mon nkaa shin dedes nNaan. Bə Pita sat nānee, 47 “Kyet mee gurum mmak cii nkaa am de mon ncìn baptisma di nnen desə mo aa? Mbədə mo kə lap Riin Deḃang nà a kaade gyet mmun mu lap sà.” 48 Yaksə Pita le kə mo cìn baptisma mmo ndāen sām mə Jesu Kristi. Mo dāng pə Pita, mbəkə nwur pan yém di ashak kə mo mbə rep meeteer mo ruk akudang.

11 Jeplep mo kə nenseet ndang Jesu de mon njudiya, mo kəlāng nà, pak gurum de baa mo a nnen Yahudi mo kas, mo kə lappwoo Naan zak. 2 Kaade Pita kaa wul njJerusalem, bə nen shinzeen de mo kə can mo, mo yool kə pwoo nkaa wur. 3 Mo sat nānee, “Waa dām a del nlu mə nen de nsuluk mo har a se mbiise ashak kə mo.” 4 Aasə bə Pita yaa yakshii mə mbii de nà cìn jir, wur sat mmo nānee, 5 “Də an ndāen pee nkaam njoppa, bə kaade an nkaa dāngnaan bə wen suun. Bə ndāen suun nà, nnaa mee haal dedes de nà tong aḃeng sham de, nà kə kwang mo feer, nà sham wul pə an di. 6 Wen ban yit nkaa nà, bə nnaa longlu mo, kə luwaayil mo, kə

mbii de mo ka fee shi but mo, ka nyer de mo ka yool ncaap, mo di ndaen na. 7 Ba nköläng mee doo, de na sat nghan nane, 'Pita, a yool a saa mo, a se.' 8 Dangbe wen nsat nane, 'Hai Daa! Baa wen kan cam se mee luwaa debu, koo de baa na ret ka ngu Yahudi se kas.' 9 Yaksä doo na cin sat di nghan adeng nane, 'Mbii de Naan le a debang, ba taji a le na a debish kas.' 10 Mo cin a kasa, dam wul ar kun, ba mo waa baa dul haal na kaa ka na adeng. 11 Abet, nciit ka mana, ba gurum mo kun, de mo ka lep mo nSizariya mbä ji pet an, mo ka dar mpwoo lu de an di. 12 Riin ma Naan sat nghan na, a seet ashak ka mo, baa ashak ka mee kyetwo kas. Pak nenseet ndang Jesu mo peemee, mo seet ashak ka an zak, ba mu dam mu del nlu ka gwar na. 13 Yaksä gwar na wur sat mmun na, di naa mee ngulep ma Naan ka dar ndaen lu fin, dang ngulep na sat ndyin nane, 'A lep shindam njoppa, ka mo pet mee gwar de mo ka pet sam wur a Simon Pita ji ntul fwaa.' 14 Wur mbä nsatpwoo nghan de nan nle ka nwun kat bam, waa ka nenlu fwaa mo jir. 15 "Kaade ndoom leshap, ba Riin Debang sham nkaa mo, nciit ka de da wur sham nkaa mun nshee sa. 16 Ba na le nghan panpwoo ma Daa, de gyet wur sat nane, 'Joon ka cin baptisma ngurum mo a shi am, dangnaan wur mbä ncin baptisma nwun a shi Riin Debang.' 17 Katdang ba mbiizuum desä, de Naan wur shin mmo, na a demandong ka dewur shin mmun, mbäde mu shinzeen nDaa Jesu Kristi, ba wen a wii, de an mmak ci nNaan yii?" 18 Kaade mo käläng pwoo mana, ba mo dok tatak, yaksä mo kwoop Naan dedes. Mo sat na, "Daa Naan ka shinppee nnen de baa mo a nnen Yahudi mo kas, mbäka mo tuwap, ka mo kat seen di zak." 19 Nen de da mo rangkaa mbä jeel de na ka yool, de na le gyet mo tu Stivin, ba pak mo dam wul nyil mFonisha, ka Saiprus, ka pee nkaam nAntiyok. Baa mo satpwoo Naan na, mmee nen deci mo kas, tang a nnen Yahudi mo bejee dak. 20 Dangbe pak nen shinzeen na mo, de mo a nen Saiprus mo, ka Sairin mo, mo dam wul Antiyok, ba mo kop pwoo Naan na nnen Helene mo zak, kazak mo leshap deret ngurum mo nkaa Daa Jesu. 21 Iiko ma Daa na di ashak ka mo, ba gurum mo des mo shinzeen, ba mo ciir ka patuup fur mo pa Daa Naan di. 22 Pwoo nkaa mo na wul nkom ma nenseet ndang Jesu de mo ka tong ndaen Jerusalem, ba mo lep Barnabas, ka nwur dam de Antiyok

na. 23 Kaade wur seet wul, ba wur naa deret de Naan le nkaa mo, ba wur kat retnyit, dang wur leshap mmo jir, mbäka mmo dar balbal ndaen shinzeen nNaan azeen-zeen shi patuup fur mo jir. 24 Barnabas a mee ngwe de ndare, kazak wur gam ka Riin Debang, ka shinzeen zak. Gurum mo des mo shinzeen nDaa zak. 25 Abwoon mana, ba Barnabas dam nTarsus, mbä yap Sool. 26 Kaade wur kat Sool, ba wur ji ka wur nAntiyok. Mbä bit mandong, ba Barnabas ka Sool moo kaat ashak ka nen shinzeen na mo, yaksä mo kām-kam ngurum mo. Mo shee pet nenseet ndang Jesu mo a Kristiyan a ndaen pee nkaam Antiyok. 27 Ndäen teer mana mo, ba pak nensatpwoo ma Naan mo pwat nJerusalem, ba mo ji Antiyok. 28 Memee ndaen mo, de sam wur a Agabus, wur yool dar atang, ba wur sat agaak shi iiko bal ma Riin Debang nane, "Mee neen dedes na mbä taa nkaa yil na jir." Mo cin mana a ndaen bit de Klodiyus a mishkoom. 29 Nenseet ndang Jesu mo le patuup fur mo, ka koo weyi, ba wur shin mbii dewur mak, mbäka mmo lep bam dam di nnen shinzeen de mo ka tong ndaen yil nJudiya. 30 Kaade mo cak zuum fur na mo le ashak, ba mo lep shindam nnen danan-nan ma nen shinzeen de mo ka tong ndaen yil nJudiya nsar Barnabas ka Sool.

12 Ndäen teer mana mo, ba mishkoom Herot doom shinjeel baanbaan nkaa pak nenseet ndang Jesu na mo. 2 Wur tu Jemis, dyemnään ma Joon shi kwai. 3 Kaade mishkoom Herot naa muut ma Jemis na ret nnen Yahudi mon nyit, ba wur waa cin shin yaa Pita zak. Desä na den a nciit ka de mo ka se mbiise retnyit ma gilaas de baa na ka yist kas. 4 Kaade Herot yaa Pita, ba wur le wur ndaen lushoot, nsar shiitoo mo kaapaat baapeemee, mbäka mmo tap wur de ræret. Herot ka lepan na, dyin mbä put ka Pita ntoom gurum mo abwoon ma retnyit na mbäka tok diyeel. 5 Kaade Pita di a bubwoot ndaen lushoot na, ba nenseet ndang Jesu mon nkaa dangnaan hakyeng, mbä wur. 6 Dangba mpar, de daar ba Herot wur lepan mbä put ka Pita, mbäka nwur shinjeel di nwur. Ba Pita nsaam nnaar shiitoo mo val. Mo bwot wur shi shoobæring mo val. Nentappee mo de mpwoo lushoot na, mon nkaa tappee ræret. 7 Yaksä ngulep ma Daa ji dar pa Pita di, ba peebang na bangpee ndaen lu na. Ngulep ma Daa cut Pita nkwoop, wur mii Pita, ba wur sat nane, "A

yool nkyen” Yaksə shooldbəring de mo nsar wur mo dong nyil. **8** Ngulep nə sat nwur nənee, “A lep lee fwaa, kəzak a jwal kwoopshi fwaa mo.” Bə Pita wur cìn mbii de ngulep nə sat. Ngulep nə sat nwur zak nənee, “A səp mbiisəp fwaa. A jì ndang an.” **9** Pita put dām ndang ngulep nə. Baa wur man nə, mbii de ngulep nə cìn nə azeen kas. Mbədə wur pan nə dyin a nsuun. **10** Kaade mo del nentappee denshee mo, kə dəvəl mo, bə mo jì wul mpwoo lu de mo dāk a shi shoold, de nii naa nkwoop pee nkaam, bə pwoo lu mənə wang shikāa fer. Bə mo pwat, mo yaa ar deməndong. Bə nnen mman, bə ngulep nə wur yit Pita mbəshin. **11** Kaade Pita kə winshin mbūt mbii de nə cìn, bə wur sat nənee, “Yaksə, wen mman azeen-zeen nə, a Daa lep ngulep fin, mbəkə nwur jì bām an di nsar Herot, kə mbii de nen Yahudi mon nkaa lepyit nə, nən ncìn.” **12** Kaade wur winshin mbūt nə a kəsə, bə wur dām nlu Meeri nəən Joon, de moo pet wur a Maak zak. A pee de gurum mo kə kuur di des, kə mo nkaa dāngnaan di. **13** Kaade Pita bwap pwoo lu, bə mee laareep de mo kə pet sām war a Roda, war jì mbə wang pwoo lu nə. **14** Kaade war kələng dōo nə a mē Pita, bə baa war wang pwoo lu nə kas mbə retnyit. Dāngbē war waa cìn shin, kə nwar sat nnen de mo ndāen lu nə, Pita kə dār a tool mpwoo lu nə. **15** Mo sat nwar nənee, “Yii tətār aa?” Dāngbē war sat nə, təng a Pita azeen-zeen. Yaksə mo sat nənee, “A ngulep wur.” **16** Dāngbē Pita naa a mbwap pwoo lu nə dāk, bə kaade mo wang pwoo lu nə, bə mo naa a Pita azeen-zeen, bə nə aapwoo mmo zam. **17** Dāngbē Pita dāk sar mmo, mbəkə mmo dōk tətək. Bə wur yakshii nə mmo, kaade Daa put kə dyin ndāen lushoot nə. Wur sat mmo zak nənee, “Wu satpwoo desə nə nJemis, kə koor nen shinzeen nə mo zak.” Aḃwoon mənə, bə Pita yool dām mmee pee deḃi. **18** Kaade bitmang, bə mee bələp dedes yool nnaar shiitoon de mo kə tap Pita ndāen lushoot nə, mbədə baa mo man mbii de nə cìn Pita kas. **19** Herot kə le kə mmo dām yappee de Pita dām di, bə baa mo dām kat wur kas. Herot tal pə shiitoon nə mo rərret, bə wur le kə mmo twe mo di. Aḃwoon mənə, bə Herot yool yit yil nJudiya, kə nwur dām di nyil nSizariya, bə wur dām cìn mee rep teer mo de mpee mənə. **20** Herot langtuup kə nen Taya mo, kə nen Saidon mo hakyeng. Aasə bə mo balkaa fur mo ashak, mbəkə mmo dām naa wur di. Mo shee yap ar

de mon ndām naa Herot a pə Blastus di, dewur a ngwe dedes nkaa lu mishkoom nə. Yaksə mo dām pə Herot di, bə mo dāng pə wur, kə mmo kat tongriyang di pə mishkoom, mbədə yil mo nii kat mbiise a ndāen yil mishkoom nə. **21** Kaade puus de mo kə le nə wul, bə Herot tap jwal lee fin de mē mishkoom, wur tap tong nkaa mbii tong mē dedes fin, bə wur leshap nnen nə mo. **22** Nen nə mo le or, dāng mo sat nənee, “Desə nə a dōo mē mee naan baa a mē gurum kas.” **23** Nnen mman, bə mee ngulep mē Daa Naan cut Herot, mbədə baa wur shin dedes nNaan kas. Bə yaksə nyet mo se Herot bə wur muut. **24** Gurum mo des mo kələng pwoo mē Naan, bə mo shinzeen, bə pwoo mē Naan nə dām shipee-shipee zak. **25** Kaade Barnabas kə Sool mo kyes dāk fur, bə mo baaji nJerusalem ashak kə Joon de mo kə pet wur a Maak.

13 Ndāen kuur kə nenseet ndang Jesu de mon Antiyok, bə pak nensatpwoo mē Naan mo, kə nenkam-kām mo di. Barnabas, kə Simiyon de mo kə pet wur a dētəp, kə Lusiyus ngu Sairin, kə Manayen dewur wurang ashak kə mishkoom Herot, kə Sool. **2** Kaade mon nkaa seyil nDaa dāng mon nkaa yaa pwoo kə neen zak, bə Riin Dēbang sat nənee, “Wu bələp Barnabas kə Sool wu le nghan, mbə dāk de an kən mpet mo mbə cìn nə.” **3** Bə mo yaa pwoo kə neen, dāng mo dāngnaan zak, bə mo lesar nkaa mo, bə mo bwet Barnabas kə Sool mo shinseet. **4** Riin Dēbang lep Barnabas kə Sool mo shindām nSelusiya, bə mo dām del tii mpeemənə, kə mo dām de nSaiprus. **5** Kaade mo wul nSalamis, bə mo satpwoo mē Naan ngurum mo ndāen lu mē Naan mē nnen Yahudi mo. Joon de sām wur a Maak sə, wur de ashak kə mo mbə bām. **6** Aḃwoon de mo kə mwaan ndāen yil de Am kuur neer nə cærkaat jir bə, mo dām wul mPafos, bə mo kat mee ngu Yahudi de mo kə petsām wur a Barjesu wur a ngucin yen dēbish, kəzak wur leshin a koo ngusatpwoo mē Naan sə, dāng baa wur a ngusatpwoo Naan kas. **7** Wur di ashak kə ngudak mē ngwe dedes nə, gofna Sarjiyus Polo, wur a mee ngumanshii mbii zam. Gofna nə wur pet Barnabas kə Sool, mbədə wur rēbet kələng pwoo mē Naan pə mo di. **8** Dāngbē Elimas nguyen debish sə, (A sām wur nə mmənə shi liispwoo mē Heleni) wur cīi mmo, mbədə wur rēbet kə taji gofna nə wur shinzeen mpwoo mē Naan kas. **9** Dāngbē Sool de moo pet wur a Pool,

wur gam kə Riin mə Naan, bə wur ban yit fən
 nzəng nkaa ngucin yen debish nā, **10** bə wur sat
 nānee, “Waa lāa mə ngunjwaan! Gha a shaarle
 mə mbii de ndəre mo jir. Kəzak pətuup fwaa
 nā gam kə gwampee, kə cīn nyang. Aa daa
 shidaar-shidaar, mbəkə nghan cəər kə zeen mə
 Daa, mbəkə nā dee dī a dūng. **11** A naa yaksə,
 Daa Naan wur mbə le kə gha dee a vum. Baa
 gha mmak naa puus kas, mbə reppee lee.” Abet-
 abet, bə vuun, kə peenkwoo mo jī paa Elimas,
 bə wur doom yappee, mbə yap ngwe de mbə
 yaakam nwur. **12** Kaade gofna nā wur naa mbii
 aapwoo mənā, bə wur shinzeen, mbəde nā fes
 aapwoo nwur nkaa kām dəwur kələng nkaa Daa
 Naan. **13** Pool kə nnen de mo ashak kə wur, mo
 yool mPafos, bə mo dēl ndāen tii, kə mo dām dī
 mPaga de nā nyil mPamfiliya, bə Joon Maak yit
 mo mpeemənā, kə nwur baa dām dī nJerusalem.
14 Mo yool mPaga, bə mo dēl dām Antiyok de
 nā mPisidiya. Parpuus Nookdī, bə mo dēl ndāen
 lu mə Naan, bə mo tong dī. **15** Abwoon de mee
 gurum kə tang ndāen bəət-haal mə Wāar mə
 Mosis mo, kə ndāen bəət-haal mə nensatpwoo
 mə Naan mo, bə nen dānan-nan nkaa lu mə
 Naan nā, mo lep sat mmo nānee, “Dyemnaa
 mo, katdang wun kə mee pwoo de wun mbə sat
 ngurum nā mo, bə wu sat.” **16** Pool yool dār
 atəng, bə wur diyeep sar wur, mbəkə ngurum nā
 mo dōk de tātək, bə wur sat nānee, “Wun nnen
 Isreil mo, kə wun nen de baa wun a nnen Isreil
 mo kas, de wuu kəər Naan, wu lekum fuu mo.
17 Naan mā nnen Isreil mo, bəlep puun fun mo
 dāng wur le mo a dēdes, bə mo a məzep ndāen
 yil Ijip. Wur put kə mo ndāen yil Ijip shiḅal
 fin dēdes zak. **18** Mbə bit mo laarfeer, bə wur
 mang gung kə mo a naaryil. **19** Wur le kə mmo
 twe mee soon mo pwoovəl ndāen yil nKeenan,
 bə wur shin yil mənā nnen fin Isreil mo, bə
 nā dee mo a mbii kok kop. Mo tong ndāen yil
 mənā mbə bit mo kambil feer kə laarpaat. **20**
 Abwoon mənā, bə wur shin nentokdyeel mo
 mmo, dām jī wul mḅit mə ngusatpwoo mə Naan
 Samuwel. **21** Kaade mo dāng pə Naan kə nwur
 shin mishkoom mmo, bə Naan shin Sool lāa mə
 Kish mmo, dəwur a dāng mə Benjamin. Sool se
 mishkoom nā mbə bit mo laarfeer. **22** Abwoon
 de Naan shang Sool mḅut ndak mishkoom nā.
 Bə wur bəlep Devit kə nwur dee a mishkoom
 mo. Naan shin langtəng nkaa Devit nānee, ‘An
 kən nkat Devit lāa mə Jese, a ngwe de wen
 nreḅet hakyeng. Wur mbə cin mbii de nsat mo

nwur jir.’ **23** A ndāen dāng mə gwar de desə, bə
 Naan jī kə Jesu Nguḅam mbə nnen Isreil mo,
 kaade gyet Naan kə ten tuweer mmo sə. **24**
 Akudang Jesu jī, bə Joon kə ten satpwoo Naan
 nnen Isreil mo jir nānee, ‘Mo tuwap, mbəkə
 mmo cin baptisma dī mmo zak.’ **25** Kaade Joon
 kus kə kyes dāk fin, bə wur tal pə gurum nā mo
 nānee, ‘Wun, pəpan nā, an a wii? Baa a an a
 ngwe de wun mbə dārnaa jī wur kas. Dāngbē
 wu lekum, mee gurum mbə jī abwoon fen, de
 koo a teng kwoopshi de nshii wur mo, bə baa
 deret fen nā mak kə nghan fwen teng kwoopshi
 wur nā mo kas.’ **26** “Dyemnaa mo! Jep mə dāng
 Abraham mo, kə nen de baa mo a nnen Yahudi
 mo kas, de mo kə kəər Naan ndāen wun. A mbə
 wun jir, bə Naan kə lep pwoo ḅam desə nā jī. **27**
 Nen de mo kə tong ndāen Jerusalem kə nennan
 fur mo, baa mo man nā, Jesu a Nguḅam kas,
 kəzak baa mo manshii mə pwoo nensatpwoo
 mə Naan mo, de mo kə tang koo a parpuus
 Nookdī dēdangyii kas zak. Gyet mo gampwoo
 de gyet nensatpwoo mə Naan mo kə ten sat
 kaade gyet mo tokdyeel muut nJesu sə. **28** Koo
 de baa gyet mo kat wur cīn mee shikbish de nā
 mak muut nwur kas, bə mo dāng pə Pailēt kə
 mmo tu wur dī. **29** Kaade mbii de mo kə ten
 nran nkaa wur mo gam jir, bə mo sham kə kum
 wur nkaa shiyeepyoom nā, bə mo dām le kum
 wur ndāen gwoot kəcir. **30** Dāngbē Naan yool kə
 wur a peemūt. **31** Mbə meeteer mo des, bə wur
 woo shin fin nnen de gyet mo kə mwaan ashak
 kə wur, yool nGalili jī nJerusalem. Yaksə bə mo
 dee a langtəng wur pə gurum mo dī. **32** Mmun,
 muu satpwoo deret nwun, a pwoo de gyet Naan
 kə ten cweer mpuun fun mo. **33** Naan kəgam pə
 mun jep mo mo ndesə, kaade wur yool kə Jesu
 a peemūt. Desə nā nciit kə mbii de mo kə ten
 ran ndāen Zabura dēvəl sə nānee, ‘Gha a Lāa
 fen, cicinsə an kən dee a puun fwaa.’ **34** A pwoo
 de Naan sat nkaa yool wur a peemūt ndesə
 nānee, ‘Baa wur mbə baa cam muut de zak kas’
 Kazak Naan sat zak nānee, ‘An mbə le deret
 de nā azeen-zeen nkaa wun, de gyet kən ten
 ncweer nDevit.’ **35** Kəzak, wur sat ndāen mee
 Zabura nānee, ‘Baa gha mmak yit kə ngwe fwaa
 dēḅang wam ndāen kəcir kas.’ **36** “Gyet Devit
 kə cīn dāk nciit kə dyan mə Naan mḅit fin mo,
 bə wur muut, bə mo wum wur ashak kə puun
 fin mo, bə wur wam. **37** Dāng Jesu de Naan kə
 yool kə wur a peemūt, baa wur wam ndāen
 kəcir kas. **38** Mbə mənā dyemnaa mo! Wu man

nə, a mbə dēret mə gwar dəsə nə, bə mun nkaa leshap nwun nkaa fwo mə shikbish fuu mo. **39** A mbə Jesu zak, dang koo ngwe dēdangyii dewur shinzeen, bə wur mbə kat bām ndāen shikbish mo jir. Dangbē baa Wàar Mosis nə mo mak bām wun mbut shikbish fuu mo kas. **40** Mbə mənə, wu tap kə káa fuu mo, kə taji mbii dē gyet nensatpwoo mə Naan mo sat nə sham taa nkaa wun kas. Gyet mo sat nānee, **41** ‘Wu lekom, wun nenbákpe mo, nən aapwoo nwun, dang wu mmurep. Mbədā an mbə cín mee dák ndāen teer fuu mo, dák dē baa wun mbə shínzeen nnə kas, koo dāben. Koo dē mee gurum leshap nwun nkaa nānee, bə baa wun mbə shínzeen kas.’” **42** Kaadē Pool kə Barabbas mo a ar put ndāen lu mə Naan nə, bə gurum nə mo dang pə mo, mbəkə mmo cín leshap dī nkaa mbii dē mo kə sat mo, parpuus Nookdī dē mbə jī zak. **43** Bə abwoon dē gurum mo rangkáa a peekuur nə, bə nnen Yahudi mo dēs, kə nnen dē mo kə ciir dēe a nnen Yahudi mo. Nen dē moo lepyit nkaa Naan, mo seet ndang Pool kə Barnabas. Yaksə Pool kə Barnabas mo leshap mmo, shínbal mmo mputuup, mbəkə mmo mwaan dī ndāen dēret mə Naan. **44** Kaadē parpuus Nookdī nə jī wul, bə nen pee nkaam nə mo dēs hakyeng mo baaji kuur, mbə kəläng pwoo mə Naan nə, dēe rep pak mo ndāen pee nkaam nə a lee dák. **45** Dangbē kaadē nnen Yahudi mo naa gurum mo kuur dēs, bə pətuup mo mo gam kə zuur zam, nə le mmo sat nə, mbii dē Pool sat nə mo a dūng, dang mo leshap debuu nkaa wur zak. **46** Yaksə Pool kə Barnabas mo waa sət leshap nə balbal agaak baa kə mee kærmmuut kas. Mo sat nānee, “Nə a täng kə mo shee satpwoo mə Naan nə a nwun, dang wu ciipwoo Naan nə, kəzak wu lesuk a koo baa wun kəkoop nə mbə kat seen dē dām nghaa-nghaa kas. Bə yaksə, mun mbə yit wun, mbəkə mmun dām mu satpwoo mə Naan nə dē nnen dē baa mo a nnen Yahudi mo kas. (aiōnios g166) **47** Mbədā Daa kə sat mmun nānee, ‘An kən le gha, mbəkə nghan dēe a peeḡang mbə nen dē baa mo a nnen Yahudi mo kas. Mbəkə ndāen gha, bə gurum dē ndāen yil nə mo jir, mo mbə kat bām dī.’” **48** Kaadē nen dē baa mo a nnen Yahudi mo kas, mo kəläng pwoo mənə, bə mo kəläng retnyit zam, kəzak mo lepwoo mə Naan a dēdēs. Nen dē mo kə ten bələp mo le, mbəkə mmo kat seen dē dām nghaa-nghaa dī. (aiōnios g166) **49** Pwoo kə Daa Naan nə dām shipee-shipee ndāen yil mənə jir. **50** Dangbē

nnen Yahudi mo kar pak shurep dē mo kəər Naan, shurep dānan-nan mo, kə nen dēnan-nan mə pee nkaam nə mo, kə mmo shinjeel dē nkaa Pool kə Barnabas. Dangbē mo ceen Pool kə Barnabas put aku ndāen yil mo. **51** Bə Pool kə Barnabas mo bwap ərong dē nən nkaa shii mo mo, mbəkə nə dēe dī a langtäng nkaa nen pee nkaam nə mo, bə mo dām Ikoniyum. **52** Nenseet ndang Jesu mo gam kə retnyit zam, dang mo gam kə Riin mə Naan zak.

14 nDāen Ikoniyum, bə Pool kə Barnabas mo dēl ndāen lu mə Naan mə nnen Yahudi mo. Bə mo sat pwoo mə Naan, dē gurum mo dēs ndāen nnen Yahudi mo, kə nen dē baa mo a nnen Yahudi mo kas, mo shinzeen. **2** Dangbē nnen Yahudi dē mo cii shinzeen mpwoo nə, mo kar, kəzak mo lepshii nnen dē baa mo a nnen Yahudi mo kas, mbəkə mmo yool dī kə pwoo debuu nkaa nenseet ndang Jesu mo. **3** Pool kə Barnabas mo tong mpee nkaam mənə, mbə teer mo dēs hakyeng, kə mmo leshap ngurum mo nkaa Daa balbal agaak, baa ashak kə mee kærmmuut kas. Mo dēe a langtäng mə pwoo wur dēret nə, mbədē Daa kə le kən Pool kə Barnabas mo cín mbii lukshik mo, kə mbii aapwoo mo. **4** Nen pee nkaam nə mo bəksut vəl, pak mo dām ndang pwoo mə nnen Yahudi mo, dang pak mo dām ndang pwoo mə jeplep nə mo. **5** Nen dē baa mo a nnen Yahudi mo kas, kə nnen Yahudi mo, mo balpwoo mo mo ashak kə nen dēnan-nan mə pee nkaam nə mo, mbəkə mmo shinjeel dī njeplep nə mo, kə mmo car mo dī shi ghək zak. **6** Yaksə kaadē jeplep nə mo kəläng mənə, bə mo pwat shwe dām mpee nkaam nListira kə Debi, dē mo ngaar yil nLukoniya, kə pak jepyil dē mo neer pee nkaam mənə mo. **7** Mo leshap dēret ngurum mo mpeemənə mo zak. **8** Ndāen Listira nə, bə mee gwar wur dī, dē shii wur mo kut, mbədē pəgyet mo lāa wur a kurumkut bə baa wur kə cam mwaan shi shii fin kas. **9** Wur lekom mbəkə nwur kəläng Pool dē nkaa leshap. Pool ban yit nžəng nkaa gwar nə, bə kaadē wur naa gwar nə kə shinzeen dē nə mak kən mo bar gwar nə, **10** yaksə Pool sat shi doo dēdēs nānee, “A yool a dar shi shii fwaa!” Bə gwar nə wur sham yool metpee, dang wur mwaan zak. **11** Kaadē kuur mə gurum nə mo naa mbii dē Pool cín bə mo diyeep doo fur mo shi liispuu mə nnen Lukoniya mo, mo sat nānee, “A naan mo sham pə mun dē, ndāen nan koo mun gurum

sə.” 12 Mo pet Barnabas a Ziiyos, dang mo pet Pool a Hamis, mbæde a Pool wur a ngusatpwoo nə. 13 Yaksə mishkoom kùm de mə Ziiyos, de lu kùm wur nə kus kə pee nkaam nə, wur jì kə kus nang mo, kə pelfem mo, ngaar pəbong nə, mbæde wur kə kuur gurum nə mo, mo kə rebet wus mbiizuum njeplep nə mo. 14 Dangbe, kaade, Barnabas kə Pool mo kəlang mənə, bə mo yilang nlər fur mo. Mo shwe dām dēl ndəən kuur gurum nə mo, bə mo le or, bə mo sat nənee, 15 “Hee des oo! A mii le dang wun pə rebet cìn mbii mənə ii? Mun a gurum mo koo wun sə. Mu jì mpee desə a mbəkə mmo satpwoo deret de nwun, mbəkə nwun yit mbii dəbuu sə mo dī, de baa mo kə mee koop nə kas. Mbəkə nwun jì pə Naan dəwur kə seen. A wur le dēng, kə yil, kə Am kuur mo, kə mbii de ndəən mo jir zak. 16 Də yam-yam bə, a Naan shīnpee ngurum mo jir, kə mo mwaan ndəən ar de mo kə rebet. 17 Jir kəsə, bə baa wur kə cam nook cìn langtəng mbə shin fin kas, mbæde wur cìn mbii deret mo. A wur shin fwan sham nwun adēng, kə mbii kəkop fuu mo ntarpas, dang a wur shin mbiise nwun des zak, kəzak a wur gam pətuup fuu mo shi retniyit zak.” 18 Jeplep nə mo leshap desə mmo, jir kəsə, bə a prurut, dang mo cīi nkuur kə gurum nə mo, mbəkə taji gurum nə mo wus mbiizuum mbə seyil mmo kas. 19 Dangbe pak nnen Yahudi mo pwat Antiyok, de nə mPisidiya, kə Ikoniyum, mo jì mangdyeen ngurum nə mo, de mo kar kuur gurum nə mo, mbəkə mmo yool dī kə lek nkaa jeplep nə mo. Yaksə mo car Pool shi ghək, bə mo fee wur put kə nə aḃwoon pee nkaam nə. Mo pan nə, Pool kə muut. 20 Dang kaade nenseet ndang Jesu mo jì neer Pool, bə wur yool, wur dēl ndəən pee nkaam nə. Daar nə, bə wur kə Barnabas mo pwat dām nDebi. 21 Pool kə Barnabas, mo dām leshap deret nə nnen pee nkaam nDaabi mo, bə gurum mo des mo shinzeen nDaa Jesu. Aḃwoon mənə, bə mo baaji nListira, kə Ikoniyum, kə Antiyok zak. 22 Mo shīnḃal mputuup nenseet ndang Jesu mo. Mo leshap mmo, mbəkə mmo dār de ḃalḃal ndəən shinzeen mo, kə mo kām mo zak nənee, “Mun shwaajeel des, akudang bə mun mbə mmak dēl ndəən pee dehai mə Naan.” 23 Pool kə Barnabas mo bəlap nen denan-nan mo, mbə koo a kuur mə nenseet ndang Naan dādang mo ii, ashak kə dang, kə yaa pwoo kə neen zak, bə mo le nnen de mo bəlap nə mo nsar mə Daa, de mo shinzeen nwur. 24 Aḃwoon de mo kə taadel

ngaar mPisidiya, bə mo jì wul mPamfiliya. 25 Kaade mo kə satpwoo nə ndəən Paga, bə mo yool sham dām Ataliya. 26 Mo yool mpee mənə, bə mo dēl tii, kən mmo baaji dīn Antiyok, pee nkaam de də mo shee dangnaan dī nkaa mo, mbəkə nderet mə Naan nə kyeer mo dī ndəən dāk, de yaksə bə mo kə cìn kyes. 27 Kaade mo baaji wul, bə mo pet kuur nenseet ndang Jesu nə mo ashak jir, bə mo leshap ngurum nə mo nkaa mbii de Naan le kə mmo cìn, kə kaade wur wang ar mə shinzeen nnen de baa mo a nnen Yahudi mo kas zak. 28 Mo tong ndəən pee nkaam mənə des, ashak kə nenseet ndang Jesu mo.

15 Pak gurum mo tong nJudiya mo jì nAntiyok, bə mo jì kām nenseet ndang Jesu nə mo nənee, “Katdang baa mo can wun, kaade Wàar mə Mosis sat sə kas, bə baa wun mbə mak kat ḃam kas.” 2 Pool kə Barnabas mo cìn beetshik des kə mo, nkaa kām mənə. Aasə bə, mo bəlap Pool kə Barnabas kə pak gurum mo ndəən nen shinzeen nə mo, kə mmo dām nJerusalem pə jeplep mo dī, kə nennan mə Eklesiya mo, mbəkə mmo dām beetpwoo desə nə dī. 3 Eklesiya mo ḃwet mo, bə mo taa mer nyil mFonisha kə Samariya. Mo satpwoo tuwap mə nen de baa mo a nnen Yahudi mo kas, kəzak kaade mo le pətuup mo mo pə Naan dī. Pwoo desə nə jì kə retniyit nnenseet ndang Jesu nə mo hakyeng. 4 Kaade mo wul nJerusalem, bə nenseet ndang Jesu mo kə jeplep mo, kə nen denan-nan mo, mo kaat mo. Yaksə mo yakshii mə mbii de Naan wur cìn ashak kə mo jir. 5 Yaksə pak nen shinzeen de mo a mə ar mə nen Farisi mo, mo yool kə pwoo nənee, “Nə ret kə tēng mo can nen de baa mo a nnen Yahudi mo kas, kəzak nə a tēng mo tap Wàar mə Mosis rərret zak.” 6 Jeplep mo, kə nen denan-nan mə Eklesiya nə, mo kuur ashak, mbəkə mmo naashii mə pwoo desə nə dī. 7 Aḃwoon de mo kə beetpwoo nə des ndər-ndər hakyeng, bə Pita yool dar atəng, bə wur sat mmo nənee, “Dyemnaa mo! Wu man nə, Naan shee bəlap an mḃut nwun, mbəkə nghan sat pwoo deret nə dī nnen de baa mo a nen Yahudi mo kas, kə mmo shinzeen dī. 8 Naan dəwur man pətuup mə gurum mo jir, wur kām agaak nə, dīn dī lap mo, kaade wur shin Riin Deḃang mmo, nciit kə de də wur kə shin mmun sə zak. 9 Baa Naan ḃakyit mmun kə mo kas. Wur vwang shikbish de ndəən pətuup mo

mo, a mbədē mo shinzeen. **10** Mbə mənə yaksə, bə a mii le dāng wun pə kam Naan ii? Wun nkaa le lée de toon nkaa took mə nenseet ndāng Jesu mo, de koo a puun fun mo, kə mun, bə baa mu mak mang lée nə mo kas. **11** Hai! Mu shinzeen nə, a mbə dēret mə Daa fun Jesu, dāng mu kat bām, kaadē mo kat bām nə sə zak.” **12** Kuur mə gurum nə mo dōk tətək, kə mmo lekom mbə kəlāng pwoo mə Barnabas, kə Pool, kaadē mo nkaa leshap mmo nkaa mbii lukshik mo, kə mbii aapwoo mo, de Naan le kə mPool kə Barnabas mo cīn, ndāen nen de baa mo a nnen Yahudi mo kas. **13** Aḏwoon de mo kyes leshap nə, bə Jemis sat nānee, “Dyemnaa mo, wu lekom kə nwun kəlāng an dī. **14** Pita kə leshap nwun nkaa wal de Naan shee kām nə nnen de baa mo a nnen Yahudi mo kas. Wur shwat pak mo ndāen mo, mbəkə mmo dēe dī a nen fin mo. **15** Desə nə a nciit kə pwoo mə nensatpwoo mə Naan mo, de mo kə ten ran ndāen bəet-haal mə Naan nānee, **16** Aḏwoon desə bə an mbə baaji. Mbəkə nghan mbaa dī kə lu mə Devit de nə shirip sə dī. An mbə baa diyeep kərem lu de mo kə shirip nə zak. **17** Mbəkə nkoor gurum mo jir, bə mo jī tang Daa dī, kə jir nen de baa mo a nnen Yahudi mo kas, de an kən pərep mo, mbəkə mo dēe dī a nen fen mo. **18** A Daa kə sat a kəsəl! Wur kə ten le kə mbii desə mo dēe a deməman pegyet dī yam-yam.” (aīōn g165) **19** “Mbə mənə, nnaa mənə, bə taji wu le nə luk nen de baa mo a nnen Yahudi mo kas, de mo ciir kə pətuup fur mo pə Naan dī. **20** Dangbē mu ran lep a rəran mmo, mbəkə mmun sat dī mmo nānee. Taji mo se mee mbiise de mo kə ten shin nkūm kas. Kəzak taji mo cīn ngaa kas. Taji mo se luwaa mə long de mo miyoor took nə kas. Kəzak taji mo se toom kas zak. **21** Mbədā mo kə tang Wàar mə Mosis nə peedā dī yam-yam, koo a parpuus Nookdī dēdangyii ndāen lu mə Naan nə mo jir, kə ndāen pee nkaam nə mo jir zak.” **22** Jeplep nə mo, kə nen denan-nan mo, kə nen shinzeen nə mo jir, mo naa nə, nə ret kə mmo bələp pak gurum mo nnaar fur, mbəkə mmo lep mo shindām Antiyok ashak kə Pool kə Barnabas. Bə mo bələp Judas de moo pet wur a Barsabas, kə Silas zak, de mo a dēnan-nan mḃut nnen shinzeen nə mo. **23** Yaksə mo lep mo shindām ashak kə lep a rəran de nə sat nānee, “Jeplep mo, kə nen denan-nan mə Eklesiya mo, mun dyemnāen fuu mo, muu lep tokshik fun dēdes dām pə wun dyemnāen fun, nenseet ndāng Jesu

mo, de baa wun a nnen Yahudi mo kas. De wuu tong ndāen yil Antiyok, kə Siriya, kə Silisiya. **24** Mu kəlāng nə, pak gurum mo ndāen nen de mo pwat pə mun dī, mo kə dām daampee nwun shi pwoo mo, kə mmo ringshii nwun. Bə baa a mun mu lep mo kas. **25** Kaadē mu kuur ashak, bə pwoo fun mo seet ndangshak, bə mu naa nə, nə ret kə mmun bələp pak gurum mo, mbəkə mmun lep mo dām pə wun dī. Mo dām ashak kə shaar fun mo Barnabas kə Pool. **26** Mo kə shin seen fur mo mbə cīn dāk mə Daa fun Jesu Kristi. **27** Mbə mənə, mu lep Judas kə Silas dām pə wun dī. Mo shikāa fur, mon nyakshii mə mbii de mə nran ndāen lep a rəran nə nwun shi pwoo. **28** Mbədā Riin Dēbāng kə naa nə ret, dāng mmun mu naa nə ret a kəsə zak, mbəkə taji mo le mee lée toon nkaa wun, waa met mbii desə mo kas. **29** Taji wu se mbiise de mo kə ten shin nkūm kas, kəzak taji wu se luwaa ashak kə toom kas. Taji wu se luwaa mə long de mo miyoor took nə kas, dāng taji wu cīn ngaa kas. Katdāng baa wuu cīn mbii desə mo kas, bə nə ret zam. Dāng mukaat. Wu tongriyang.” **30** Mo lep nenlep nə mo shinseet, bə mo dām Antiyok, a mpee de kuur mə nenseet ndāng Jesu mo dī ashak, bə mo shin lep de a rəran nə mmo. **31** Kaadē mo tang lep a rəran nə ngurum nə mo, bə mo kəlāng retniyit zam, mbədē pwoo nə fes gangkwak mmo zam. **32** Mbədā Judas kə Silas, mo a nensatpwoo mə Naan mo zak, bə mo shínbal ngurum nə mo mputuup zak. **33** Aḏwoon de mo cīn rep teer mo ndāen Antiyok bə nenseet ndāng Jesu nə mo ḃwet mo ryang, mbəkə mmo baa dī pə nen de dā mo lep mo. **34** Dangbā Silas naa nə nə ret kə ndyin dī tong dī mpee mənə. **35** Bə Pool kə Barnabas mo tong ndāen Antiyok mbə rep teer mo. Mo nkaa kām, kəzak mo nkaa satpwoo mə Daa, ashak kə pak gurum mo des. **36** Aḏwoon meeteer mo ruk, bə Pool sat mBarnabas nānee, “Nə ret kə mmun cīn mu dām, mbəkə mmun tok kə nenseet ndāng Jesu mo ndāen koo a pee nkaam dēdangyii bə kə mun nakoom mu dī.” **37** Barnabas rebet kə mmo seet ashak kə Joon de moo pet wur a Maak. **38** Dangbā Pool naa baa nə ret kə nwur seet ashak kə mo a peedāk nə kas. Mbədā dā wur kə su yit mo de nyil mPamfiliya kəzak baa wur sekyeen ashak kə mo ndāen dāk nə kas. **39** Bə beetshik yool mmo nnaar, de nə le mmo ḃakshak. Barnabas mang Maak ashak kə wur, bə mo dēl ndāen tii kə mmo dām dī nSaiprus. **40**

Dangbā Pool bələp Silas. Bə aḅwoon de nenseet ndang Jesu mo dangnaan (leshap kə Naan), bə mo le mo nsar deret mə Daa Naan, bə mo pwat seet. **41** Pool del dām ndān yil nSiriya kə Silisiya, wur nkaa gangkwak nnenseet ndang Jesu de mo mpeemənə jir.

16 Pool jì wul nDebi kə Listira. Yaksə wur kat mee nguseet ndang Jesu ndān Listira nə, de sām wur a Timoti. Wur a lāa mee mat Yahudi de war shinzeen nDaa Jesu, dang puun wur a ngu Heleni. **2** Nenseet ndang Jesu de mon nListira kə Ikoniyum, moo kwoop mase kə Timoti nə. **3** Pool rebet kə nTimoti seet ndang wur, a kəsə bə Pool can Timoti, mbə nnen Yahudi de mo ndān peemənə mo. Mbədə mo jir, mo man nə, puun Timoti a ngu Heleni. **4** Kaade mo a ar mwaan, bə mo dām del ndān pee nkaam mo, kə mo leshap kə nenseet ndang Jesu de mon mpeemənə mo, nkaa Wāar de jeplep mo, kə nennan mə Eklesiya de nJerusalem mo kə sat, mbəkə nnenseet ndang Jesu mo tap di kə Wāar nə mo. **5** Aasə bə, nenseet ndang Jesu nə mo dar ɓalɓal ndān shinzeen fur, dang mo bul shidaar shidaar zak **6** Pool kə nen de mo ashak kə wur, mo del dām ndān yil nFirjiya kə yil nGalati zak, mbədə baa Riin Deḅang yit kə mmo satpwoo Naan ndān yil Eshiya kas. **7** Kaade mo wul a pee ɓàkyil mə nen Misiya mo, bə moo rebet del dām nyil mBisiniya, dang Riin Jesu tərsar mmo. **8** Aasə bə, mo del dām ndān yil mMisiya, mbəkə mmo del sham di nyil nTrowas. **9** Mparməna, bə Pool teer suun nə, di naa mee ngu Masidoniya kə dar, dang wur nkaa dang pə dyin nānee, “A can a del nyil mMasiidoniya kə nghan ɓam mun di!” **10** Kaade Pool suun suun desə, bə abet-abet mu dak sun mbə dām Masidoniya nə, mbədə mu man azeen-zeen nə, a Naan pet mun, mbəkə mmun dām mu satpwoo fin di mpee mənə. **11** Mu yool ndān tii nTrowas, bə mu del mu seet wur-wur mbə dām nSamotras. Daar nə bə mu jì mu wul Niyapolis. **12** Mu yool a mpeemənə, bə mu mwan shi jì nFilipi, de nə a pee nkaam dedes ngaar mMasiidoniya. Nə a mee yil de nən ndər nen Rom mo. Yaksə mo cìn meeteer mo ruk ndān pee nkaam mənə. **13** Parpuus Nookdi, bə mu put mpee nkaam nə, kən mmun dām di mpwoo dung, a pee de mu pan nə, mun nkat mee pee dangnaan di. Mu tong di mpwoo dung nə, mu leshap kə shurep de mo jì kuur di. **14**

Mee mat war di mbut nnen de mo kələng mun, sām war a Lidiya de war a mat Tayatira, de war kə seet kə leelep de rərret mo, kəzak war a mat de war kə seyil nNaan zak. Daa Naan wang pətuup war, nə le nwar lappwoo de Pool kə sat mo. **15** Aḅwoon de mo cìn baptisma nwar kə nenlu war mo jir, bə war dang pə mun nānee, “Katdang wu le, nə an a mat de wen shinzeen nDaa azeen-zeen, bə wu jì ntul fen.” Nə le nwar dyiin shi mun, mbə dām ntul fer nə. **16** Par sə kaade mun mbə dām mbə ndang Naan bə mukaat kə mee reep de war mat joon, de nii le kən nwar naa mbii de mo mbə jì a kyeen. War kə naa nji kə shool des mpuun fer mo, mbədə war kə naa mbii de mo mbə cìn a kyeen ngurum mo. **17** War naa jì ndang Pool kə mun, dang war le or nānee, “Nen desə mo a kərem mə Naan Dehai, kəzak mon nkaa sat a ar de mə ɓam nwun!” **18** War naa ncìn a kəsə, mbə meeteer mo des, dām wul a de nə lāa mPool mbut des hakyeng, bə wur ciir sat nriin debish nə nānee, “An pə sat nghan ndān sām mə Jesu Kristi, a put aku mbut nwar.” Abet-abet bə riin debish nə put ndān war. **19** Dangbā kaade puun war mo naa ar kat shool mo nə duu, bə mo yaa Pool kə Silas, mo dul mo dām kə nə ntoom nen tokdyeel mo mpeepring. **20** Kaade mo jì kə mo ntoom nentokdyeel nə mo, bə mo sat nānee, “Nen desə mo a nnen Yahudi. Moo ring gurum mo ndān pee nkaam fun. **21** Mo nkaa kām mbii mo mmun, de baa muu loot cìn mo kas. Mbə mənə, baa mu lap mbii de mon nkaa kām nə kas, mbədə mun a nnen Rom mo.” **22** Yaksə duu gurum nə mo jir mo yool taa nkaa Pool kə Silas. Nen tokdyeel nə mo le kə mmo yilang nlər mPool kə Silas. Bə mo le kə mmo nərem mo shi kam. **23** Kaade mo nərem mo des, bə mo dām shoot mo ndān lushoot. Mo sat ngutap nen de mo a shishoot nə, kən nwur tap mo de rərret. **24** Kaade gwar nə kələng pwoo nə ɓal a kəsə, bə wur dām shoot Pool kə Silas ndān lushoot de nə ndān-ndān, bə wur jwal shii mo mo mbut nfut. **25** Nnaar par, bə Pool kə Silas mo nkaa dangnaan kə kook mə kwoop Naan. Nen de mo a shishoot nə mo lekom kə moo kələng Pool kə Silas de. **26** Bə nnen mman, yil nə sən des hakyeng, yaksə kuk lushoot nə mo yoon. Abet bə pwoo lushoot nə mo wang, bə shoobaring de mo ɓwoot nen de mo a shishoot nə jir mo fwen. **27** Kaade ngutap nen de mo, a shishoot nə mo mii nsaam, bə

wur naa pwoo lushoot nā mo a wuwang jir, bā wur shang kwai fin, mbākā nwur tu shik de, mbāde wur pan nā nnen de mo a shishoot nā jir mo, mo kə pwat shwe seet jee. 28 Dangbā Pool diyeep dōo bālbal nānee, “Taji a le mee lāa nsak kas, mbāde mun di jir.” 29 Yaksā ngutap nen de mo a shishoot nā wur pet mo jì kə wus, bā wur yool kəkəlak, del taa ntoom Pool kə Silas, wur nkaa daar mbā kəarmuut. 30 Bā wur put kə mo a tool, kən nwur sat mmo nānee, “Daa mo, an cin a miyi, kə nghan kat 6am di yi?” 31 Mo sat nwur nānee, “A shinzeen nDaa Jesu. Bā gha mbā nkat 6am, waa kə nenlu fwaā mo jir.” 32 Mo satpwoo Naan nwur ashak kə nenlu fin mo jir. 33 Bā mparmānā, wur vwang lāa mo mo. Yaksā abet-abet mo cìn baptisma nwur, ashak kə nenlu fin mo jir. 34 Wur jì kə mo ntul fin, kən nwur shin mbiise mmo. Pətuup wur nā gam kə retnyit des hakyeng, mbāde wur ashak kə nenlu fin mo jir, mo shinzeen nDaa Naan. 35 Bā kaade bitmang, bā nendyeel nā mo lep jepkam mo, mbākā mmo sat di ngutap nen de mo a shishoot nā mo nānee, “A 6wet des dēvəl sē mo.” 36 Yaksā ngutap nen de mo a shishoot nā sat mPool nānee, “Nendyeel mo lep-lep nā, mun 6wet gha kə Silas, mbākā nwun seet mbuu di. Mbā mēnā wu put yaksā, kən nwun seet di ryang.” 37 Dang Pool sat njepekām nā mo nānee, “Doo mo kə nārem mun agaak, bā baa mo kə tokdyeel mmun, mbākā mmo man di nā kyet muu cin mee mbii dēbish di kas. Mun de mun a nnen Rom mo. Kəzak doon mo dām shoot mun nlushoot zak. Dangbā yaksā, bā moo rebet ceen mun a səsok aa? Dām wu sat mo jì pwat kə mun shikāā fur.” 38 Aasā bā, jepkam nā mo baa, bā mo satpwoo de Pool sat nntokdyeel nā mo. Kaade nentokdyeel nā mo kəlāng nā, Pool kə Silas mo a nnen Rom mo, bā kəarmuut yaa mo. 39 Bā nentokdyeel nā mo jì dang pə Pool kə Silas, mbākā mmo fwoō di mmo. Yaksā mo tap put kə mo ndāen lushoot nā, dangbā mo sat mPool kə Silas kə mmo yit pee nkaam nā. 40 A6woon de Pool kə Silas mo kə pwat ndāen lushoot nā, bā mo dām ntul Lidiya. A pee de mo kat nenseet ndāng Jesu mo de, bā mo leshap mā caa pətuup ngurum nā mo, dāng mo yool yit pee nkaam mēnā di.

17 Pool kə Silas mo yaa ar dām put Amfipolis kə Apoloniya, bā mo jì wul nTasoloni, a pee de lu Naan mā nnen Yahudi mo di. 2 Bā

Pool del nLu Naan, kaade wur loot kə cìn nā sē. Mbā puus Nookdi mo yitkun, bā Pool nkaa beetpwoo kə gurum nā mo ndāen pwoo Naan. 3 Wur nkaa kāmshii mā pwoo Naan nā mmo, de mo naa nā dēe agaak nā, nā a tēng kən Kristi shwaajeel, dang wur nyool a peemūt zak. Wur sat zak nānee, “Jesu de an kən satpwoo nwun nkaa wur sē, a wur a Kristi.” 4 Pak nnen Yahudi nā mo shinzeen mpwoo de Pool sat bā, nā le mmo seet ndāng Pool kə Silas. Aasā zak, bā nnen Heleni mo dēs de mo kə kəer Naan, mo shinzeen ashak kə pak shurep dānan-nan mo. 5 Dangbē nnen Yahudi mo gam kə zuur, mbāde gurum mo dēs mo dām ndāng kām mā Pool kə Silas, bā mo dām pərep pak nen dēbish mo, kə jepkut de mo kə tong mpwoo lutuk mo, mo kuur mo ashak. Yaksā mo yool kə or kə pwoo debuu koo mo təttar sē ndāen pee nkaam nā. Bā mo shwe dām ntul Jesen, mo nkaa yap Pool kə Silas, mbākā mmo put di kə mo pə dūu mā gurum nā mo. 6 Dang kaade baa mo kat mo kas, bā mo fee Jesen, kə pak nenseet ndāng Jesu mo pwat, bā mo jì kə mo ntoom nen dānan-nan mā pee nkaam nā mo. Mo nkaa le or nānee, “Nen dēsā mo, de mo kə ciir kə yil nā shikāā atuum, mo jì mpee dēsā zak. 7 Nā le Jesen lap mo le ntul fin! Moo tep a Wāar mā Siza, mbāde mon nkaa sat nā, mee mishkoom di, de mo kə pet wur a Jesu.” 8 Kaade gurum nā mo kə nen dānan-nan mā pee nkaam nā mo kəlāng pwoo mēnā, bā nā daampee mmo, bā tuup tu mo zam. 9 Yaksā nen dānan-nan mā pee nkaam nā mo le Jesen kə pak nenseet ndāng Jesu nā mo kwat shooll 6wet, akudāng mo 6wet mo. 10 Kaade par cìn, bā nenseet ndāng Jesu mo sat mPool kə Silas, kən mmo dām nyil mBeriya. Kaade mo dām wul mBeriya, bā mo del ndāen lu Naan mā nnen Yahudi mo. 11 Nen Yahudi de mon mBeriya, mo kə dyan met nnen Yahudi de mon nTasoloni, mbāde mo kəlāngkar nā shi pətuup mēdong rəret, dang mo nkaa bəlāp pwoo Naan, shidaar shidaar mbākā mmo naa di nā, kyet pwoo de Pool sat mo azeen aa? 12 Nen Yahudi mo dēs mo shinzeen, kə pak nnen Heleni mo dēs mo shinzeen, daas mo kə pak shurep dānan-nan mo zak. 13 Dangbā kaade nnen Yahudi de mon nTasoloni, mo kəlāng nā, Pool nkaa sat pwoo Naan ndāen yil mBeriya. Yaksā mo dām kar dūu mā gurum de mon nyil mBeriya nā, mbākā mmo yool kə lek nkaa Pool kə Silas zak. 14 Abet, bā nenseet ndāng Jesu

mo lep Pool dām mpwoo Am kuur dāng Silas
 kə Timoti mo pan yém dī nyil mBeriya nā. **15**
 Nen dē mo dām bwet Pool, mo seet ndangshak
 kə wur bə mo dām wul Atens. Bə mo baa nyil
 mBeriya ashak kə lep mə Pool pə Silas kə Timoti
 nā, mo dām kat dīyin kəkəlak. **16** Kaadē Pool
 nkaa dānaa jī Timoti mpee nkaam Atens nā,
 bə nā daampee nwur zam, mbādē wur naa pee
 nkaam nā gam kə kùm mo koo a pee dādfangyi.
17 Yaksə Pool bələp shii pwoo Naan nā ashak kə
 nnen Yahudi mo, kə nnen Heleni dē mo kə seyil
 nNaan, ndāen lu Naan mə nnen Yahudi nā mo,
 kə wur satpwoo Naan ndes gurum dē mo kə jī
 ndāen lutuk zak. **18** Yaksə pak nnen Ipikuriyan
 mo, kə nnen Stoyik mo, des desə mo a nenman
 mo. Mo kaat kə Pool, bə mo doom beetschik kə
 wur. Yaksə pak mo sat nānee, “Ngulupwoo buu
 koo mwen sə, kə rebet sat a miyi?” Dāng pak
 mo sat nānee, “Muu kəlāng koo wur leshap a
 nkaa mee Naan dēci mo sə.” Mo leshap desə, a
 mbādē Pool nkaa satpwoo deret nkaa Jesu, kə
 yool a peemúut zak. **19** Mo yaa Pool, bə mo kaa
 kə wur a peekuur dē mo kə pet a Ariyopagus,
 bə mo sat nwur nānee, “Muu rebet manshii mə
 kām depwoo dē gha nkaa leshap nkaa nā sə. **20**
 Mbādē pak mbii dē waa a sat nā mo a depwoo
 pə mun dī, kəzak muu rebet manshii mo nā.”
21 (Nen pee nkaam Atens mo jir, kə mæzep dē
 mo jī tong dī, mo kə fes rebet kəlāng, kə leshap
 nkaa mbii depwoo mo, bə mo le nā dēe a koo
 dāk sə.) **22** Pool yool dār a peekuur dē moo pet
 a Ariyopagus nā, bə wur sat mmo nānee, “Wun
 nnen Atens mo! An pə naa wun a nen dē wuu
 seyil nnaan mo des hakyeng. **23** Mbādē kaadē
 an pə mwaan ndāen pee nkaam fuu nā, bə an
 pə naa mbii dē wuu seyil mmo shini-shinā. Nə
 le nghan kat mee peewus mbiizuum, dē mo
 ran-ran nkaa nā nānee, ‘Mbə Naan dē baa mu
 man wur kas.’ Naan dē baa wu man wur kas, dē
 wuu seyil nwur sə, an pə kən leshap nwun a
 nkaa wur. **24** “Naan dēwur leyil desə, kə mbii dē
 mo ndāen yil nā jir. Wur a Daa mə dēng kə yil
 desə, kə baa wur kə tong a ndāen lu dē gurum
 mo dīyik shi sar mbə seyil nwur kas. **25** Baa
 wur kə yap mee bam pə gurum kas koo dāben,
 mbādē a wur shikāa fin, kə shin seen kə nook
 ngurum mo, kə mbii mo jir zak. **26** A ndāen
 gurum mändong, bə Naan le peeput mə gurum
 dē mo ndāen yil nā mo shini-shinā jir. Wur le
 kə mmo tong nkaa yil nā jir. Wur kə tap le bit
 nā mo, kə peekaat mə yil fur nā mo shini-shinā

zak. **27** Naan cīn kəsə, a mbəkə ngurum mo yap
 wur dī, meebē, mon nyap wur kat, mbādē baa
 wur jong kə mun gurum kas. **28** A mbə dēbal
 mə Naan, bə muu kat seen, kə muu mwaan,
 dāng mun dē zak. Kaadē pak nenkook fuu mo
 kə sat sə nānee, ‘Mun zak, a jep wur mo.’ **29**
 Kaadē mun a jep mə Naan mo sə, bə baa nā ret
 kə mmun pan nā, māsē mə Naan nā a koo mbii
 dē gurum mo kə dāk a shi zinariya, koo azurfa,
 koo ngək, koo mee mbii dē gurum mo am shi
 seen fur kas. **30** Gyet yam-yam bə baa Naan
 ledyeen nkaa mwen mə gurum nā mo kas, dāng
 yaksə, bə wur kə sat ngurum mo tuwap jir, koo
 a ndāen yil dādfang yi. **31** Mbādē Naan lepuus
 dēwur mbə tokdyeel ngurum dē ndāen nyil
 nā jir, shi gwar dēwur kə ten bələp. Naan wur
 kə woo langtāng mənə ngurum mo agaak jir,
 mbādē wur kə yool kə gwar mənə a peemúut.”
32 Kaadē mo kəlāng Pool leshap nkaa yool a
 peemúut, bə pak mo shwar wur shi shwar mə
 bákpee, dāng pak mo nānee. Muu rebet kən
 nghan cīn a leshap dī nkaa mbii desə zak. **33**
 Aasə bə Pool yool yit peekuur nā dī. **34** Pak
 gurum nā mo seet ndāng wur, bə mo shinzeen.
 Mbut nnen dē mo shinzeen nā, a Diyonisiiyus
 dēwur a memee mbut nennan mə peekuur dē
 mo kə pet nā a Ariyopagus, kə mee mat dē moo
 petsəm war a Damaris, kə pak gurum mo.

18 Aḃwoon desə, bə Pool yool yit Atens, bə
 wur dām nKoronti. **2** Bə wur kat mee ngu
 Yahudi, dē moo pet sām wur a Akila, dē mo lāa
 wur a mPontus. Wur kə mat fin Priskila mo
 yool a Itali mo jī nKoronti nā. Mbādē mishkoom
 Klodiyus sat nā, nen Yahudi mo jir, mo yool aku
 nRom. Pool dām pə mo dī. **3** Bə wur tong pə
 mo dī, mbādē wur a ngudak Tent koo mo sə,
 dāng mo cīn dāk fur ashak zak. **4** Koo a parpuus
 Nookdī dēdfangyii, bə Pool kə naa mbeetschik kə
 nnen Yahudi mo, kə nen Heleni mo mbəkə mo
 shinzeen dī. **5** Kaadē Silas kə Timoti mo tong
 mMasidoniya jī wul, bə Pool fes lekāa fin kyap,
 mbə satpwoo deret nā, dāng wur dēe a langtāng
 nen Yahudi mo nā, Jesu a Kristi. **6** Dāngbə kaadē
 nen Yahudi mo ciipwoo nā, kəzak mo leshap
 dēbuu nwur, bə wur ciir kəḃwoon mmo, bə wur
 sat mmo kə tuup nānee, “Katdāng wu murep
 ndāen shikbish fuu mo, bə a wun wu lesuk. Baa
 mee sar fen dībut kas. Yool nyaksə, bə an mbə
 dām a pə nen dē baa mo a nen Yahudi mo kas.”
7 Wur yool yit lu Naan mənə nen Yahudi nā mo, bə

wur dām dēl ntul mee gwar dē mo kə petsəm wur a Titus Jastus. Wur a mee nguseyil nNaan, dē lu wur nā kus kə lu Naan nā. **8** Krispus ngwe dēdes nlu Naan nā, shinzeen nDaa ashak kə nenlu wur mo jir. Kəzak gurum mo dēs ndāen nen Koronti mo, dē mo kəlāng pwoo Pool nā, bə mo shinzeen, yaksə mo cīn baptisma mmo zak. **9** Parmeeci sə mpar, bə Daa leshap kə Pool ndāen suun nānee, “Taji kəərmuut yaa gha kas, a satpwoo nā, kəzak taji a nook sat nā kas. **10** Mbədā an dī ashak kə gha. Baa mee gurum mmak cīn mee mbii nghan kas. Mbədā an dī kə gurum mo dēs ndāen pee nkaam dēsə nā.” **11** Aasə bə, Pool tong ndāen pee nkaam nKoronti, mbə bīt mēdong kə koor, wur nkaa kámpwoo Naan ngurum mo. **12** Dāngbā ndāen bīt dē moo le Galiyo a gofna mē yil Akaya, bə nnen Yahudi mo balkaa ashak, bə mo yaa Pool dām kə wur pə nentokdyeel mo dī. **13** Mo sat nānee, “Gwar dēsə wur nkaa pəring kə pan mē gurum mo, mbəkə mmo seyil dī nNaan ndāen ar dē baa nā nciit kə Wāar nā kas.” **14** Dāngbā kaadē Pool doom leshap, bə Galiyo dēwur a gofna, sat nnen Yahudi nā mo nānee, “Wun nnen Yahudi mol Katdāng bə dē gwar dē dēsə wur cīn a mee mbii dēbish, kə koo dēwur wat a mee mbii, bə yoo an mmak lekom kən nghan nkəlāng wun dī. **15** Dāngbā kaadē nā a bēetshik nkaa pak pwoo mo, kə sēmpwoo, kə Wāar fuu mo, bə wu dām wu bēet mənə mbuu shikāa fuu. Baa an mbə rebēt dē a ngutokdyeel mē mbii koo mənə mo sə kas.” **16** Yaksə wur ceen mo shin pwat aku ndāen ludyēel nā. **17** Mo jir mo yaa Sostenis, ngwe dēdes nkaa lu Naan nā, bə mo nārem wur mpwoo ludyēel nā, dāng baa Galiyo lekāa dīkye kas. **18** Pool waa cīn tong dī nKoronti nā dēs ashak kə nenseet ndāng Jesu nā mo. Bə wur yool yit mo, bə wur dēl ndāen tii mbə dām nyil nSiriya, ashak kə Priskila kə mish war Akila. Akudang Pool yool seet, bə wur sak kāa fin nSenkiriya, mbəkə nwur gampwoo dēwur kə ten cweer nən nNaan nkaa shin fin. **19** Mo jī wul ndāen yil Afisus bə Pool yit Priskila kə Akila mpee mənā. Yaksə wur dām dēl ndāen lu Naan, kə wur yakshii mē pwoo mo ashak kə nnen Yahudi mo. **20** Kaadē mo dāng pə wur kə nwur pan yēm dē pə mo, bə wur cīi. **21** Dāngbē kaadē wur yool yit mo, bə wur cweerpwoo mmo nānee, “Katdāng Naan rebēt, bə an mbə baajī pə wun dī.” Aasə bə, wur dēl ndāen tii dām nAfisus. **22** Kaadē wur dām wul nSizariya, bə

wur kaa nJerusalem, kə nwur tok dī kə nenseet ndāng Jesu nā mo. Aḃwoon mənā, bə wur dām Antiok. **23** Aḃwoon dēwur pan cīn rep teer mo dē, bə wur yool dām shipee-shipee, ngaar yil nGalati, kə Firijiya, wur nkaa gangkwak mputuup nenseet ndāng Jesu nā mo jir. **24** Mee ngu Yahudi dē moo petsəm wur a Apolos, dē mo lāa wur a nAlekszandriya, bə wur jī Afisus. Wur a mee nguman, dāng wur man bəət-haal mē Naan dēs hakyeng. **25** Mo kə kām ar dē nā a mē Daa nwur, dāng wur dār ǂalǂal ndāen nā. Wur leshap, dāng wur kām ngurum mo nkaa Daa Jesu ndāre-ndāre, dāng jir kəsə, bə wur man a baptisma mē Joon bējee dāk. **26** Wur doom kop pwoo Naan agaak, baa ashak kə mee kəərmuut kas, ndāen lu Naan nā. Kaadē Priskila kə Akila mo kəlāng wur, bə mo pet wur dām kə nā ntul fur, kən mmo səət kām ar mē Naan dī nwur ndāre-ndāre. **27** Apolos yool mbə dām Akaya, bə nenseet ndāng Jesu dē mon Afisus mo ǂam wur, shi ran lep a rəran shin nwur pān nenseet ndāng Jesu dē mon nyil Akaya, mbəkə mmo kaat wur dī, katdāng wur dām wul. Kaadē wur dām wul, bə wur ǂam nnen dē mo kə shinzeen mbə dēret mē Daa zam. **28** Wur gan nnen Yahudi mo ntoom kə gurum mo, mbə bēetshik, kəzak wur kām ngurum mo agaak, wur nkaa leshap mmo nkaa mbii dē mo ndāen pwoo Naan nānee, “Jesu wur a Kristi azeen-zeen.”

19 Kaadē Apolos dī ndāen Koronti, bə Pool nkaa mwaan ndāen yil mo, bə wur jī wul Afisus. Yaksə wur jī kat pak nenseet ndāng Jesu mo dī mpee nkaam mənā. **2** Bə wur tal pə mo nānee, “Kaadē dā wu shinzeen, bə wuu lap Riin Dēǂang ee?” Mo lap nwur nānee, “Hai, baa muu cam kəlāng mee pwoo nkaa Riin Dēǂang kas.” **3** Wur tal pə mo nānee, “Bə dā mo cīn a baptisma dādāng nwun yii?” Mo lap nānee, “A baptisma mē Joon.” **4** Pool sat mmo nānee, “Baptisma mē Joon nā a mbə nen dē mo kə tuwap. Gyet Joon sat nnen Yahudi mo shinzeen a ngwe dēwur mbə jī mḃwoon fin. A Jesu mmənā.” **5** Kaadē mo kəlāng pwoo dēsə, bə mo cīn baptisma mmo ndāen sām kə Daa Jesu. **6** Pool lesar fin nkaa mo, bə Riin Dēǂang sham nkaa mo, bə mo leshap shi liispwoo dēci mo, dāng mo satpwoo Naan ngurum mo. **7** Nen dē mo lap baptisma nā, mo wul kaapaat baavəl. **8** Pool wur dēl ndāen lu Naan, mbə tar mo kun, bə wur leshap nā, baa

ashak kə kærmuut kas, kəzak wur cîn ɓeetshik kə mo, dang wur daar mbəkə nwur kām de mmo agaak nkaa mulki mə Naan. **9** Dangbə pak mo cəər ɓal mputuup, kə mmo cii shinzeen, ɓə mo leshap debuu nkaa pwoo mə Naan ntoom gurum mo jir. Aasə ɓə, Pool yit mo de, ɓə wur pərep nen shinzeen nə mo shin jì ashak. Bə koo a puus dɛdangyii, ɓə wur yakshii kə pwoo mo ndəən lu kam-kam de mə Tairanus. **10** Moo naa ncîn a kəsə dām wul mbə ɓit vəl. Aasə ɓə, nen de mo kə tong ndəən yil Eshiya, nen Yahudi mo, kə nnen de baa mo a nen Yahudi mo kas, mo jir mo kəlɔng pwoo kə Naan. **11** Naan le kə Pool cîn mbii lukshik mo des, de baa mo kə cam naa mo kas. **12** Nə le har mmo lap lee dɛwur kə pwes wun dishik, kə nlər dɛwur kə lep mo, kə mo dām tung nengok mo dishik, ɓə mo kat bar ndəən shwal mo mo shini-shini, kəzak riin debish mo pwat mɓut ngurum mo des zak. **13** Dangbə mee des mo di mɓut nnen Yahudi mo, de moo mwaan dām shiyil-shiyil, kən mmo kə ceen riin debish mo di. Mo doom leshap nnen de mo kə riin debish mo ndəən sām mə Jesu, ɓə mo sat nānee, “Ndəən sām mə Jesu de Pool kə leshap nkaa wur sə, ɓə an nsat ngha, a put aku.” **14** Mee dyemnəənsak mo di pwoovəl, de mo a jep mee pris dɛdɛs mə nnen Yahudi mo, di sām wur a Skiiva. A mo a nnen cîn mənə. **15** Riin debish nə lap mmo nānee, “Wen man Jesu, kə wen mman Pool zak, dang wun a wii mo yii?” **16** Bə gwar dɛwur kə riin debish nə, wur yool met nkaa mo, ɓə wur met mmo mɓal jir mo. Wur nas mo, dang wur le lāa mmo, ɓə wur yilang nlər mmo, ɓə mo yool shwe pwat ndəən lu nə ngúm, ɓə toom kə sham mmo. **17** Kaadɛ mbii dɛsə nə dɛɛ a dɛməman pə nnen Yahudi mo, kə nnen Heleni mo de mo kə tong ndəən yil Afisus, ɓə kærmuut yaa mo jir, ɓə gurum mo le dɛdɛs nsəm kə Daa Jesu. **18** Gurum mo dɛs mɓut nnen de mo shinzeen, mo jì woo shikbish mo mo, kə dāk mo debish mo agaak zak. **19** Pak gurum mo dɛs mɓut nnen de moo cîn yen debish mə gwampee mo, mo kok ɓəat-haal mə yen mo nə mo, kən mmo jì fwoo mo nwus ntoom gurum nə mo jir. Kaadɛ mo tang shool mə ɓəat-haal de mo fwo nwus nə mo, ɓə mo kat shool azurfa mo wul ngal laarpaat. **20** Aasə ɓə, pwoo mə Daa nə mwaan shipee-shipee jir, nə le nə ɓal hakyeng. **21** Aɓwoon de mbii dɛsə mo kə cîn, ɓə Pool naa nə ret nə, kə ndyin dām nJerusalem, ɓə dyin mbə yaa ar nə dām put a mMasidoniya kə Akaya. Bə wur sat nānee, “Aɓwoon de an ndəm wul nJerusalem, ɓə nə atəng an mbə ndəm nyil nRom zak.” **22** Pool lep Timoti kə Erastus de mo a nenɓam wur mo, kə mmo dām mMasidoniya akyeen wur, dang wur shikāa fin, wur mpan yém di lee ndəən yil Eshiya nə. **23** Nciit kə mənə, ɓə gurum mo yool kə pwoo debish de nə daampee zam nkaa pwoo Naan nə. **24** Mee ngukələm, dɛwur kə dāk mbii mo shi azurfa, de moo pet sām wur a Demetriyus. Wur naa nkələm pak jep kùm mo, shi azurfa de mo lapshak kə war kùm Atemis dɛdɛs nə, ɓə dāk dɛsə nii jì kə shool nnenkələm nə mo zam. **25** Demetriyus pərep nenkələm nə mo jì ashak jir, kə nen de dāk mo nə mo, a koo mə nenkələm nə mo sə zak. Yaksə wur sat mmo nānee, “Daa mo! Wu man nə, mmun muu kat shool dɛs a ndəən dāk fun dɛsə. **26** Yaksə wun shikāa fuu, ɓə wu naa, kə wuu kəlɔng mbii de gwar de moo pet wur a Pool sə wur kə cîn. Wur sat nə, naan de gurum mo kə dāk mo a shi sar, ɓə baa mo a naan kas koo lee lee, dang wur ciir kə pətuup gurum mo dɛs ndəən pee nkaam Afisus, kə yil de mo ngaar Eshiya jir. Nə, taji mo seet kùm nə mo kas. **27** Wu naa zak, yaksə baa dāk fun nə kutdi kə mee sām dɛret kas. Baa a dāk fun nə ɓejee dāk kas, kə Atemis dɛdɛs, war mbə dɛɛ a mbii shwar ngurum mo, kə naan nə war shikāa fer zak. Gurum de mo ngaar yil Eshiya, kə yil sə jir, mo kə seyil a nwar.” **28** Kaadɛ mo kəlɔng pwoo mənə, ɓə nə lāa mmo mɓut zam, mo le or pwoo mɔndong, mo sat nānee, “Atemis mə Afisus war a dɛdɛs!” **29** Gurum de mo ndəən pee nkaam nə, mo jir mo lap or nə zak. Gurum nə mo dām yaa Gayus kə Aristakus de mo a nen Masidoniya mo, kə de mo a shaar mwaan mə Pool, ɓə mo dām kə mo kəkəlak a peekuur. **30** Pool rebet dām dār akyeen gurum nə mo, ɓə nenseet ndang Jesu mo cii nwur. **31** Pak nen denan-nan de nyil Eshiya mo, de mo a shaar Pool. Mo lep shindəm nwur nə, taji wur dām di a peekuur nə kas. **32** Gurum nə mo le or a peekuur nə jir, mon nkaa sat mbii mo shini-shini, mbadɛ dɛs mə gurum nə mo, baa mo man mbii de nə le kə mo kuur ashak kas. **33** Nen Yahudi mo le kən Alekzanda dām dār akyeen mə gurum nə mo, ɓə wur diyeep sar, mbəkə ngurum nə mo dōk di tətək, mbadɛ wur kə rebet leshap ngurum nə mo nə, baa dyin kə nen fin mo, duu cîn mee mbii debish kas. Mbadə kaadɛ gurum nə mo

naa Alekzanda kə dər akyeen, bə mo pan nə, a wur kə mbii nə. **34** Kəzak kaade mo naa nə, wur a ngu Yahudi, bə mo sət le or pwoo mǎndong jir, mbə awa vəl. Mo nkaa sat nānee, “Atemis, kə nə Afisus mo, war a dedes!” **35** Kaade nguran mə pee nkaam nə wur le kə ngurum mo dök tətək, bə wur sat mmo nānee, “Wun nen Afisus mo! A wii nook man nə, a wun a nnen de wun pə tap kə lu kùm mə Atemis dedes ndǎən Afisus kas yii? Kəzak nghək de gyet nə tong adeng sham taa mpee desə kas yii?” **36** Baa mee gurum mak cǐpwoo mə mbii desə mo kas. Mbə mənə bə nə ret kə nwun tong coot, taji wu cìn mee mbii kəkəlak kəsə kas. **37** Wun wu jì kə nen desə mo mpee desə, bə baa mo kə cìn mee wat ndǎən lu kùm fuu nə mo kas, kə baa mo sat mee pwoo dēbish nkaa naan fuu dedes war kas zak. **38** Katdang Demetriyus ashak kə nniyee fin mo, mo kə mee pwoo nkaa mee gurum, bə mo dām kə pwoo nə nludyeel mpee de nendyeel mo dī, mbəkə mmo beetpwoo nə dī. **39** Dāngbə kat wun pə tang a mee mbii dēci, bə wu beetpwoo mənə a peekuur kə nenyil nə mo. **40** Azeen-zeen mun mbə teer dībut katdang mo dām kə mun nludyeel mbə or dā cicensə, mbəde baa mun manshii mə mbii de wun pə dīyee or nkaa nə kas, kəzak, baa kuur fuu nə kə mee koop nə kas.” **41** Aḃwoon dēwur kə leshap mənə, bə wur sat ngurum nə mo dām ntul mo.

20 Aḃwoon de or nə kyes, bə Pool pərep nenseet ndang Jesu mo, bə wur leshap kə mo, mbə shínbal mmo mputuup, bə wur sat dāng mukaat mmo, bə wur yool dām mMāsidiŋiya. **2** Wur mwaan dām ngaar nyil mənə mo jir, wur nkaa caa pətuup ngurum nə mo, bə wur jì wul nyil nGris. **3** A mpee dēwur cìn tar kun dī. Nen Yahudi mo bəlpwoo mo ashak nkaa wur, bə kaade wur mbə dēl ndǎən tii mbə dām nyil nSiriya, bə wur waa yaa ar nə a mMāsidiŋiya. **4** Bə Sopata lāa Pires ngu Beriya, dām ndang Pool kə Aristakus kə Sekundus, de mo a nnen Tasoloni mo, kə Gayus ngu Debi, kə Timoti, kə Tikikus, kə Trofimus de mo a nen Eshiya mo. **5** Nen desə mo shee dām wul nTrowas mmun akyeen, kən mmo dər naa jì fun a mpee nkaam mənə. **6** Mun mu dēl ndǎən tii nFilipi, aḃwoon retnyit mə se gəl aas de baa nə kə yist kas. Bə ndǎən teer mo paat, bə mu dām mu wul pə mo de nTrowas nə. Mun cìn teer pwoovəl dī mpee mənə. **7** Parpuus denshee mbut nteer

dēpwoovəl, bə mu kuur ashak mbə se Tong Ashak. Pool kə dāk shin, mbəkə daar wur yool mwaan dī, bə wur leshap ngurum mo. Wur naa a nleshap nə dāk, dām wul nnaar mpar. **8** Mo lewus naapee mo dī des ndǎən ludeng de muu kuur de nə. **9** Mee zəlang de mo kə pet sām wur a Yutikus kə tong mpwoo fung mə ludeng nə, bə kaade Pool naa an satpwoo Naan nə dāk, bə saam doom yaa Yutikus, bə saam nə jì met nwur mbal, bə wur yool mpwoo fung mə ludeng dēkun nə, sham taa nyil, kaade mo sham mang wur, bə mo kat wur kə muut. **10** Yaksə Pool sham zan shik fin nkaa kùm mə zəlang nə, bə wur kup kùm nə, bə wur sat ngurum nə mo nānee, “Taji nə daampee nwun kas, mbəde wur de kə seen.” **11** Bə Pool baakāa dī nludeng nə, wur tēp gəl aas se. Aḃwoon dēwur kə leshap kə mo har bit mang, bə wur yool seet. **12** Mo dām kə dīyem zəlang nən ntul kə seen, bə mo kat retnyit des hakyeng. **13** Pool sat mmun nə, dīyin pə rebet dām Asos a nshii, mbəmənə bə mun mu dām mu dēl ndǎən tii dām mu wul Asos nwur akyeen, a pee de mu mang wur dī. **14** Kaade wur jì kat mun Asos, bə mu mang wur ndǎən tii nə, kə mu dām mMitilini. **15** Mu yool mMitilini nə, bə daar nə mu dām mu wul kus kə yil nKiyos. Daar nə zak, bə mu jì mu wul ngaar Samos, kə daar nə zak, bə mu jì mMiletus. **16** Pool ledīyee mbə dēl dām Afisus ndǎən tii nə, mbəkə taji wur waa taa dēe ndǎən yil Eshiya kas, mbəde wur rebet wurung, mbəkə kat nə mak cìn, bə wur wul dī nJerusalem parpuus Pentikos. **17** Kaade Pool wul mMiletus, bə wur lep shindām nen denan-nan mə Eklesiya de Afisus mo, nə mo jì kat ndīyin dī. **18** Bə kaade mo jì wul pə wur dī, bə wur leshap mmo nānee, “Wun shikāa fuu, wu man tong fen nnaar fuu peedə dī an nshee jì dī ngaar nyil Eshiya. **19** Gyet ncìn dāk mə Daa nə, baa a shi mee dīyeepkāa kas, kəzak an kə shwaajeel des mbə cìn dāk nə shiḃit shiḃit, kə mbə gwak de dā nen Yahudi mo ḃwet mbə an. **20** Wun shikāa fuu wu man zak nə, baa gyet nsak shii mbə sat mee mbii de nə kəkoop nwun pə wun dī kas. An mbə kámpwoo nkaa Jesu nwun jir agaak, kə an kə dām nkámpwoo nə nwun shilu-shilu zak. **21** Gyet wen kən sat zeen nnen Yahudi mo, kə nen de baa mo a nnen Yahudi mo kas, bəlbəl nə, nə ret kə mmo tuwap jir, kə mo jì pə Naan dī, kə mmun shinzeen de nDaa fun Jesu Kristi zak. **22** Yaksə, wu naa an mbə dām nJerusalem, mbəde

a Riin 'Debang lep an shindəm, dang baa wen man mbii de nən ndəm kat an di mpee mənə kas. 23 Dangbə Riin 'Debang kə kām nghan nə jir ndəən pee nkaam dedangyii, kə jeel pə dārnaa an, bə gurum mon yaa an shoot zak. 24 Baa wen lesen fen nə kə mee koop nə pə an di kas, dang an kən rebet kə nghan kyes a dak de Daa Jesu kə shin nghan mbə cīn nə. 'Dak dewur shin nə nghan ndesə, kə nghan leshap deret di ngurum mo nkaa zuum mē Naan. 25 "Yaksə wen man nə, baa memee ndəən wun, de gyet an kən mwaan nnaar fuu, mbə leshap nwun nkaa yil mishkoom mē Naan nə, wun baa wu naa an di kas. 26 Mbə mənə, wen kən sat nwun cīnsə nə, katdang bə memee fuu muut mbut shikbish, bə sar fen mo paat. 27 Mbədə baa gyet wen nsak shii mbə sat pan mē Naan mo jir nwun kas. 28 Mbə mənə, wun nen de Riin mē Naan kə le a nennaa kuur mē tēm nə mo jir, wu tap kə kaa fuu mo rəret, kən nwun kyeer Eklesiya mē Naan dewur kə seet nshin shi toom mē kaa fin. 29 Wen man nə, aḃwoon de wen kən seet, bə ncuwe defyaal mo, mon nji del nnaar fuu, bə baa mon nyit tēm nə mo de kas. 30 Pee nə pə ji, bə pak gurum mon nyool nnaar fuu, mo mbə sat pwoo de mo a dūng nkaa zeen nə, mbəkə mmo dul nenseet ndang Jesu mo dām di ndang mo. 31 Mbə mənə, bə wu tong shi gongpee, taji wu munsuk kas nə, gyet mbə bit mo kun, bə baa wen nook leshap nə nwun mpar kə puus balbal, kə yitmwaas kas. 32 "Yaksə, bə wen le wun nsar Naan, kə pwoo deret wur de nə kə bal mbə dyik wun, mbəkə nə shin deret mē Naan, di wur kə nə mbə nnen wur mo jir nwun zak. 33 Baa wen kən coor mee azurfa, koo zinariya, koo nlər mē mee gurum kas. 34 Wun shikaa fuu wu man nə, a shi sar fen desə mo, bə an kən cīn dak shi mo, mbə mbii de an kən rebet mo, kə mbə mbii de nnen de mo ashak kə an mo kə rebet zak. 35 An kən nkām nwun ndəən mbii mo jir, nə, a shi dak mē kaa fuu mo, dang wun bām nen de baa mo katbal kas, kaade muu panpwoo de Daa Jesu kə sat shikaa fin sə nənəe, 'Kat gurum shin mbii, bə wur nkat deret met ngwe dewur lap nə.'" 36 Aḃwoon de Pool sat pwoo mənə, bə wur kurum nkaa furum ashak kə mo jir, kən nwur dangnaan di 37 Kaade mo doom sat dang mukaat mPool, bə mon nkaa wal, dang mo kə ji lesar nwur ntook, kə mo kə tung wur shi mishpwoo zak. 38 Mbii de nə sət wāt pətuup mmo met jir, nə aapwoo de Pool sat

mmo nə, baa mon nkutdi mbə naa yit fin kas. Mo dām bwet wur mpwoo tii.

21 Aḃwoon de muu sat dang mukaat mmo, bə mu del ndəən tii bə mu yaa ar wur wur mu dām nyil nKos. Daar nə, bə mu dām mu wul nRodes. Mu yool mpeemənə, bə mu dām mPatara. 2 Kaade mu kat mee tii de nə mbə candel mFonisha, bə mu del ndəən nə, bə mu yool. 3 Kaade mu naa yil nSaiprus kə dee, bə mu yit nə nsarkul, mu del mē dām akyeen nyil nSiriya. Mu dām mu sham mpee nkaam nTaya, mbəde tii nən nsham kə lee mo a mpee mənə. 4 Kaade mu katpee de pak nenseet ndang Jesu mo de, bə mo sat mPool nə, taji wur dām nJerusalem kas. 5 Dangbə kaade puus seet fun nə ji wul, bə mu yool mē sekyeen kə mwaan fun. Bə nenseet ndang Jesu nə mo ashak kə shurep fur mo, kə jep fur mo, mo dām ndang mun mbwoon pee nkaam nə, a pee de mē kurum nkaa furum mbə dangnaan di ashak kə mo mpwoo am kuur nə. 6 Aḃwoon de mu sat dang mukaat nshak, bə mmun mu del ndəən tii nə, bə mo baa ntul. 7 Yaksə mmun mu sekyeen kə mwaan fun. Mu yool nTaya, bə mu ji mē wul mPolemayas. Bə mu dām mu tok kə nenseet ndang Jesu mo mpeemənə, bə mu tong ashak kə mo, mu teer mandong. 8 Daar nə, bə mu yool, mu dām mu wul nSizariya, bə mu tong ntul Filip ngusat pwoo Naan dewur a memee mbut nnen depwoovəl sə mo, de gyet mo baləp mo nJerusalem. 9 Filip kə jiraap mo feer, de baa mo kə yool dyik kas. Jiraap desə nə mo kə leshap nkaa mbii de nə mbə ji. 10 Kaade mu pan mu yēm de, mbə meeteer mo ruk, bə mee ngusatpwoo mē Naan di sām wur a Agabus, wur kə tong nJudiya ji di. 11 Kaade wur ji pə mun di, bə wur mang zaal de Pool kə dyiin mbwoon, bə wur bwoot sar kə shii fin mo dishik. Bə wur sat nənəe, "Riin 'Debang sat nə, nnen Yahudi de mon nJerusalem, mon ndəm bwoot ngu zaal desə nə a kəsə zak, kən mmo shin wur nsar mē nen de baa mo a nnen Yahudi mo kas." 12 Kaade mu kələng pwoo mənə, bə mmun kə koor nə mo, mu dang pə Pool mbəkə taji wur dām nJerusalem kas. 13 Dangbə Pool lap nənəe, "A mii le dang wun pə wal, kən nwun wāt pətuup fen di yii? Yaksə wen kən dak sen, baa a mbəkə mmo buḃwoot an di bejee dak kas, koo a mbəkə nghan muut di ndəən yil nJerusalem zak, mbə sām mē Daa Jesu." 14 Kaade baa mu mak daam

wur kas, bə mu nook, dāng mu sat nānee, “Dee a mbii de Daa Naan naa kə gha dāk.” 15 Aḃwoon rep meeteer mo, bə mu ḃwoot lee fun mo, kə mmun kàa di nJerusalem. 16 Pak nen Jesu de mon nSizariya mo jì ndāng mun, de mo jì wul kə mun ntul Mason, a mpee de mə tong di. Wur a ngu Saiprus, dāng wur a memee mbut nenseet ndāng Jesu dēnshee mo. 17 Kaade mu jì mu wul nJerusalem, bə nenseet ndāng Jesu mo kaat mun shi retnyit. 18 Daar nā, bə Pool dām kə mun pə Jemis di, a pee de nennan mə Eklesiya mo de ashak jir. 19 Aḃwoon de Pool kə tok kə mo, bə wur yaa yakshii nə mmo ḃang-ḃang, mbii de Naan le kən nwur cìn mo ndāen nen de baa mo a nnen Yahudi mo kas. 20 Aḃwoon de mo kəlāng pwoo nkaa mbii mənə mo, bə mo kwoop Naan hakyeng. Bə mo sat mPool nānee, “Dyemnāen fun, a naa nnen Yahudi mo des hakyeng mo kə dee a nen shinzeen mo, dāng mo fes le pətuup fur mo nkaa Wàar mə Mosis. 21 Mo kə kəlāng pwoo nkaa gha nānee, ‘Waa a kām nnen Yahudi mo jir, de mo kə tong mbut nnen de baa mo a nnen Yahudi mo kas, nā, mo yit Wàar Mosis mo, dāng nə taji mo can jep fur mo kas, kəzak nə taji mo tap kə mbii de puun fun mo kə loot kə cìn mo kas.’ 22 Bə, yaksə, bə gha arang yaksə yii? A lekom kən nghan kəlāng mbii de mun nsat, de nə ret kə nghan cìn. Mbədə tēng mon nkəlāng nā, aa jì. 23 A mbii de muu rebet kə nghan cìn ndesə. Mun kə gurum mo feer, de mo kə cweerpwoo nDaa Naan nkaa kaa fur. 24 A dām ashak kə mo, kən nwun cìn mbii de wun nlesuk dee di a deḃang nyit mə Naan. A gha nkwat shool mbə mbii de mon ncìn jir. Bə mon mmak sak shweepkàa fur mo zak. A ndāen ar desə, bə jir mo mman nā, baa mee zeen mbut pwoo de mo kə sat nkaa gha nā kas, mbədə gha shikàa fwaa aa tap kə Wàar mə Mosis nā mo. 25 Mbə nnen de mo shinzeen de baa mo a nnen Yahudi mo kas, bə mu ten mulep a rəran mmo, nkaa pwoo de gyet mu yool mu dār nkaa nā, nā, taji mo se mee mbiise de mo kə ten shin nkum kas, kə taji mo se toom kas, kəzak taji mo se long de mo miyoor took nnə kas, kə taji mo cìn ngaa kas.” 26 Daar nā, bə Pool seet ashak kə des defeer nā mo, kə mmo cìn mbii de mon nlesut dee di a deḃang nyit mə Naan. Yaksə wur del ndāen Lu Naan Dēdes nā, mbəkə nwur sat di ngurum mo, puus de mon nlesut dee a deḃang nən nkyes di, parpuus de koo a wii, bə wur nshin mbiizuum mbə shik.

27 Kaade teer depwoovəl nə mo kus kəgam, bə pak nnen Yahudi de mo kə tong Eshiya mo jì naa Pool ndāen Lu Naan dēdes, bə mo kar, kəzak mo lepshii nkuur mə gurum nā mo jir, bə mo yaa Pool. 28 Moo le or, bə mon nkaa sat nānee, “Wun nnen Isreil mo, wu ḃam mun! Wu naa gwar de dā wur dām shipee-shipee ndāen yil nə mo, mbəkə nwur kām ngurum mo, kən mmo bák mun nnen Isreil mo de, kə Wàar mə Mosis mo, kə Lu Naan dēdes sə zak. Baa a mənə bejee dāk kas, wur kə del kə pak nnen de baa mo a nnen Yahudi mo kas ndāen Lu Naan dēdes zak. Wur kə le Lu Naan dēdes nə dee a deḃuu.” 29 Mo leshap desə, a mbədə mo kə naa Trofimus ngu Afisus ashak kə wur ndāen pee nkaam, bə mo pan nā, ntong a Pool kə jì kə wur ndāen Lu Naan dēdes nā. 30 Bə nen pee nkaam nā mo yool jir, gurum nā mo shwe jì kuur ashak abet, koo a nkoop pee deḃangyii, mo yaa Pool, bə mo fee wur put mḃwoon Lu Naan dēdes nā, bə mo shoot pwoolu nə mo abet-abet. 31 Kaade mo nkaa tangpee tu Pool, bə ngwe dēdes mə shiitooon mə nnen Rom mo, kəlāng nā, Jerusalem nā gam kə or des zam. 32 Abet-abet bə wur pərep shiitooon mo, kə pak dānan-nan mə shiitooon nə mo, bə mo shwe dām pə nen de mo yaa Pool di. Kaade mo naa ngwe dēdes nā kə shiitooon mo, bə mo nook nārem Pool. 33 Yaksə ngwe dēdes nā jì kus kə Pool, bə wur yaa Pool, wur le kə mmo ḃwoot Pool shi shoobəring mo vəl. Wur tal nānee, “Gwar desə wur a wii? Kəzak wur cìn a mii?” 34 Yaksə kuur mə gurum nə mo le or. Pak mo nkaa sat mee mbii, dāng pak mo nkaa sat mee mbii deḃi mo zak. Kaade baa ngwe dēdes nā wur mak manshii mə mbii de nə le kən ngurum nə mo kə dīeep doo des kas, bə wur le kə mmo dām kə wur mpeetong mə shiitooon mo. 35 Kaade mo jì wul a pee kəkàa mpwoo lu nā, bə shiitooon mo mang wur diyeep adeng mbədə kuur mə gurum nā mo dee a koo nentar mo sə. 36 Mo nkaa diyeep doo bə, mo nkaa sat nānee, “Wu tu wur, wu tu wur!” 37 Kaade mo nkaa del kə Pool ndāen peetong mə shiitooon nə mo, bə wur sat ngwe dēdes mə shiitooon nə mo nānee, “Kyet a mmak yit nghan nsat mee mbii di nghan wo?” Ngu taakyeen nə tal pə wur nānee, “A man pwoo mə nnen Heleni mo ee? 38 Tan! Baa a gha a ngu ljiip de gyet ndāen meeteer dedel sə mo, bə wur ḃwetbeer nkaa gwomnati, dēwur dul gurum mo ngal feer, dām ndāng shin a naaryil, mbə twe

gurum mo sə kas ee?" 39 Pool lap nwur nānee, "An a ngu Yahudi. Mo lāa an a nTarsus ndāen yil nSilisiya. An a laayil mənə, də nə a mə man nkòo a wii. An pə dāng pə gha, a shínpee nghan nleshap dī kə kuur mə gurum nə mo." 40 Ngu taakyen nə wur shínpee nwur. Yaksə Pool dār nkaa pee kəkāa nə, wur dīyeep sar nkuur mə gurum nə mo, mbəkə mmo dōk də tətək. Kaadē mo dōk tətək, bə wur leshap ngurum nə mo shi liispuwo Hiburu. Wur sat mmo nānee,

22 "Dyemnaa mo, kə puun fen mo, wu lekom kən nwun kələng an dī, kən nghan leshap də nwun agaak, də nenkām nə, baa wen kən cìn mee mbii debish kas." 2 Kaadē mo kələng wur leshap mmo a shi liispuwo Hiburu, bə mo sət dōk tətək. Yaksə Pool sat nānee, 3 "An a ngu Yahudi, də mo lāa an a nTarsus mə yil nSilisiya. Dāngbə nwurang a ndāen pee nkaam desə. An nkam tang ran a nsar mə Gamaliyel. Mo kə tap kām nghan rəret hakyeng ndāen Wāar də mo a mə puun fun mo, də an kə zuur des zam mbə cìn dāk Naan, koo wun sə. 4 Nə le gyet wen kən shinjeel des, nnen də mo kə seet ndāng Jesu Kristi, kəzak, wen kən twe pak mo, dāng kən mbwoot shurep mo kə daas mo, də nle mo nlushoot. 5 Koo a pris dedes sə, kə nen denan-nan desə mo, bə mon mmak dār langtəng fen, nə pwoō də an pə sat nə azeen. Mbədə gyet wen kən lap bəat-haal a pə mo, mbəkə nghan ndəm kə nə ndyemnaen fun nnen Yahudi mo, də mo kə tong ndāen Damaskus, kə nghan nyak nenseet ndāng Jesu, də mo kə tong pee nkaam mənə. Mbəkə nghan jì dī kə mo nJerusalem a bubwōot, kən mmo shinjeel dī mmo." 6 "Kaadē an a ar yoo mwaan nə, bə jì nwul kus kə Damaskus, koo puus a naar sə. Nnen mman, bə mee peeəng dedes, tong adəng sham bāngpee də an dī cəərkaat. 7 Yaksə ntaa nyil, bə kələng mee dōo nə pə sat nghan nānee, 'Sool, Sool, a mii le dāng aa shin jeel nghan yii?' 8 Bə ntal nānee, 'A gha wii Daa?' bə wu sat nghan nānee, 'A an Jesu ngu Nazaret də gha nkaa shinjeel nghan.' 9 Nən də mo ashak kə an, mo naa peeəng nə, dāng baa mo kələng dōo mə ngwe dewur leshap kə an nə kas. 10 Bə ntal nānee, 'Daa, waa a rebet kən nghan cìn a mii?' Yaksə Daa sat nghan nānee, 'A yool a dām nDamaskus, a mpeemənə bə mon nsat mbii mo nghan jir, də an kən nle mo mbəkə gha cìn dī.' 11 Wen ncəər ndee a vum, mbə bal mə peeəng

nə. Bə nen də mo ashak kə an, mo yaa sar nghan, bə mo dām kə an nDamaskus. 12 "Mee gwar dī də mo kə petsəm wur a Ananiyas, wur a mee nguseet ndāng Naan, dēwur kə cìn mbii də Wāar Mosis moo sat rəret. Nnen Yahudi də mo kə tong nDamaskus jir, moo shin dedes nwur. 13 Wur jì dār kus kə an, bə wur sat nghan nānee, 'Dyemnaen fen Sool, a naapee' Abet-abet bə nnaapee, də nə le nghan nnaa wur. 14 Bə wur sat nghan zak nānee, 'Naan mə puun fun mo, kə bələp gha, mbəkə nghan man mbii də Naan kə rebet kən gha cìn dī, kə mbəkə nghan naa Ngwe də ndəre sə, kə nghan kələng dōopwoō wur dī zak. 15 Mbədə gha mbə dee a langtəng wur, mbəkə nghan leshap dī ngurum mo nkaa mbii də aa naa, kə mbii də aa kələng zak. 16 Yaksə, bə aa yap a mii? A yool kən mmo cìn baptisma də nghan, Mbəkə nghan dāng dī ndāen sām mə Daa, kən nwur vvang shikbish fwaa mo dī.'" 17 "Kaadē waa baa nji nJerusalem, bə an nkaa dāngnaan ndāen Lu Naan dedes, bə nsuun suun. 18 An naa Daa, bə wur sat nghan nānee, 'A yool nkyen, a put aku ndāen Jerusalem nə, mbədə baa mon lap langtəng də gha mbə sat nə nkaa an kas.' 19 Bə nlap nə, daa, mo shikāa mo, mo man nə, gyet an kən dēl nkòo a lu Naan dēdāngyii, mbəkə nghan twe nen də mo shinzeen nghan, kə gyet an kən nārem mo zak. 20 Kəzak, kaadē gyet mo tu Stivin ngusatpwoō fwaa, bə gyet an kən dār dī zak, dāng gyet an abwoon mə mbii də mo cìn nə jir, də gyet a an nyaa leelep mə nen də mo tu Stivin nə zak. 21 Bə Daa sat nghan nānee, 'A yool a dām, mpeede an mbə lep gha dām jong-jong, pə nen də baa mo a nnen Yahudi mo kas.'" 22 Kuur mə gurum nə mo lekom pə kələng Pool bə jì wul mpwoō dēwur sat nə, dāngbə mo waa baa dīyeep dōo dī zak, mo sat nānee, "Wu tu wur! Wu tu wur! Wu baa kə gwar də mənə aku ndāen yil nə. Baa nə ret kə mmo yit gwar də mənə dī mmeen kas!" 23 Kaadē mo nkaa dīyeep dōo nə, kə mo nkaa taat leelep fur mo shin kaa adəng, dāng mo nkaa woo ərong kaa kə nə adəng zak. 24 Yaksə ngwe dedes mə shiitoon mo, le kən mmo dēl kə Pool ndāen lu də a peetong mə shiitoon nə mo. Wur le kə mo cam Pool shi mbwat, mbəkə nwur mak manshii mə mbii də nə le kə nkuur gurum nə mo kə dīyeep dōo dī nkaa wur. 25 Dāngbə kaadē mo bwoot wur shi teng shim, mbəkə mmo shin mbwat dī nwur, bə Pool sat mmee dedes mə shiitoon nə mo, dēwur dār kus

kə wur nənee, “Tan, kyet nə a ndəre kən nwun shin mbwat ngwe dēwur a ngu Rom, bə baa mo kə tok mee dīyeel de nə yaa wur kas aa?” 26 Kaade shiitooon dedes kələng pwoo mənə, bə wur dām sat ngwe dedes mə shiitooon nə mo nənee, “Aa rebet cīn a mii ngwar desə yii? Gwar desə nə wur a ngu Rom.” 27 Bə ngwe dedes nə wur jī sat mPool nənee, “A sat an azeen-zeen, gha a ngu Rom ee?” Yaksə wur lap nənee, “Kəzak an a ngu Rom!” 28 Bə ngwe dedes nə sat nwur nənee, “Gyet wen nkwat a shoold des, akudang bə wen dee a nguyil nRom nə.” Pool sat nənee, “Dang mo lāa wen a ngu Rom.” 29 Mbə mənə bə nen de mo kə rebet cīn tal pə wur de, mo yool abet bə mo yit wur mbəshin. Kaade ngwe dedes nə man nə, Pool a ngu Rom, bə kəərmuut yaa wur hakyeng, mbəde wur kə ten bwoot wur. 30 Dangbə daar nə, bə ngwe dedes nə rebet man zeen mə mbii de nə le kə nnen Yahudi mo rebet yaa wur nə. Yaksə wur fwen Pool, wur le kən mmo pərep pris denan mo, kə nendīyeel mo, mo kuur ashak jir, dang wur dām le Pool dar ntoom nendīyeel nə mo.

23 Pool ban yit nkaa nendīyeel nə mo, bə wur sat mmo nənee, “Dyemnaa mo, an kən ncīn dāk mə Naan a shi pan kə pətuup fen de nə a nde ndəre ntoom mə Naan jiwul nCicinə.” 2 Kaade Ananiyas, pris dedes kələng pwoo mənə, bə wur sat nnen de mo dar kus kə Pool, kə mmo shweer wur mpwoo. 3 Bə Pool sat nwur nənee, “Naan nshweer gha zak, gha a koo shibutlu de mo pwes shi tweep piyaa piyaa sə. Waa aa tong mbəkə nghan tokdīyeel dī nghan shi wāar nə mo, dang a gha waa ciir a tep wāar nə zak. Mbədə a gha sat nə mo shweer an.” 4 Nen de mo dar dī a pee nə, mo sat mPool nənee, “Waa aa fələp a pris dedes mə Naan mmənə. 5 Pool sat nənee, “Dyemnaa mo, baa wen mman nə, wur a pris dedes mə Naan kas, mbəde mo kə ten ran ndəən bəət-haal mə Naan nənee, ‘Taji a sat mee pwoo debish nkaa ngwe dedes dēwur nkaa nen fwaa mo kas.’” 6 Kaade Pool man nə, pak mo ndəən nendīyeel nə mo a nnen Sadusi mo, kə pak mo a nnen Farisi mo, bə wur dīyeep dōo ndəən ludyēel nə. Wur sat nənee, “Dyemnaa mo, an a ngu Farisi, dang a ngu Farisi lāa an zak. A mbəde wen shinzeen nə, gurum mon nyool a peemúut, a nə le dang mo mbəkə tokdīyeel nghan ndesə.” 7 Kaade Pool sat pwoo mənə, bə bələp yool nnaar nnen Farisi

mo, kə nnen Sadusi mo, bə kuur kə gurum nə mo bək sut vəl. 8 Nen Sadusi moo sat nə baa gurum mon nyool a peemúut kas, kə baa mee nenlep mə Naan mo dī kas, kə baa mee mə riin mo de kas zak, dang nnen Farisi mo shinzeen nə mbii desə mo de jir. 9 Bə or dedes yool dī ndəən ludyēel nə. Pak nenkām Wāar mə Mosis de mo a nnen Farisi mo, mo yool dar atəng, mo yaa beetshik des hakyeng. Mo sat nənee, “Baa mu naa mee mbii debish ndəən gwar desə kas, ngul a mee riin, koo a mee ngulep mə Naan leshap kə wur.” 10 Kaade beetshik nə naat zam, bə ngwe dedes kəər nə, mon nyool tu Pool, bə wur lep shiitooon mo dām dul wur bəlbəl shin put ndəən ludyēel nə, kə mmo dām kə wur a mpeetong mə shiitooon nə mo. 11 Parmənə mpar, bə Daa jī woo shin mPool, bə wur sat nənee, “Taji kəərmuut yaa gha kas, kaade aa leshap ngurum mo nkaa an ndəən Jerusalem kə kaade a dee a langtəng nkaa an sə, bə təng gha mbə dām a leshap ngurum mo nkaa an ndəən Rom a kəsə zak.” 12 Daar mbīt, bə pak nnen Yahudi mo bəlpwoo mo shi bə ashak, kə mmo bələmcuk shi toom ndəən sām mə Naan nə, baa dūn nse mee mbii, koo shwaa mee am kas, təng dūn tu Pool akudang. 13 Nen de mo bəlpwoo ashak mbə tu Pool nə, mo met nlaarfeer. 14 Yaksə mo jī pə pris denan mo, kə nen denan-nan mo, mo sat nənee, “Mun muu bəlpwoo fun bəlbəl ashak, kə mmun tuweer ndəən sām mə Naan nə, baa mun cam mee mbīse kas, təng mun tu Pool akudang. 15 “Mbə mənə yaksə, wun kə nendīyeel mo jir, wu sat ngwe dedes, kən nwur jī kə Pool pə wun dī, koo wuu tang a naa pwoo wur nə dī rəret sə. Mun mun ten mu dāk sun, mbəkə mun taa mu tu wur dī a ar, akudang wur jī wul pə wun dī.” 16 Dangbə kən Pool, kələng pwoo de mo sat nkaa loom ndəm mo pəkom ar nə, bə wur dām dēl ndəən Peetong shiitooon nə mo, bə wur woo pwoo mənə mPool. 17 Yaksə Pool pet memee mbūt denan mə shiitooon nə mo, bə wur sat nənee, “A dām kə lāa zəlāng desə pə ngwe dedes dī, mbəde wur kə mee pwoo dēwur kə rebet sat nə ngwe dedes.” 18 Mee dedes nkaa shiitooon nə mo, wur mang lāa zəlāng nə, wur dām kə wur pə ngwe dedes dī, bə wur sat nənee, “A Pool dēwur a bəbwoot sə, a wur pet an, kən nwur dang pə an, kən nghan nji kə lāa zəlāng desə pə gha dī. Nə, lāa nə wur kə mee pwoo dēwur kə rebet sat nə nghan.” 19 Bə ngwe dedes nə yaa sar lāa zəlāng nə, wur dām kə lāa

zəlang nə mmee koop mbəshin. Yaksə wur tal pə lāa zəlang nə coot nānee, “Waa aa mee pwoo dēdāng dē aa rebet sat nə nghan yii?” **20** Lāa zəlang nə sat nānee, “A nnen Yahudi mo kə bəlpwoo mo ashak nə, mo mbə jì dāng pə gha, mbəkə daar a dām dī kə Pool a pee beetpwoo. Mo mbə cìn koo mo a mbə baa naa pwoo nə dī rəret sə. **21** Taji a rebet mmo kas, mbədə gurum mo met nlaarfeer mbūt mmo, mo kə lām a ar, mo mbə yap Pool dām. Mo kə bəlemcuk shi toom ndāen sēm mə Naan nə, baa dūn nse, koo shwaa mee mbii kas, tēng dūn ntu Pool akudāng. Yaksə mo kə dāk sut, moo dār naa a dē gha mbə lep Pool shindām bējee.” **22** Aḃwoon mənə, bə ngwe dedes nə wur b̄wet lāa zəlang nə shinseet, bə wur sat lāa zəlang nə nānee, “Taji a woo mmee gurum nə aa leshap desə nə nghan kas.” **23** Aḃwoon mənə, bə ngwe dedes nə pet mee dānan-nan mə shiitooon mo vəl, dē mo kə tap shiitooon mo kambil kambil. Wur sat mmo nānee, “Wu le shiitooon mo kambil vəl, kə shiitooon mə lang bəring mo laarpwoovəl, kə shiitooon mə lek lek shi kop mo kambil vəl zak. Mbəkə mmo dām nSizariya, koo naapuus pwoofeer dē mə par cicensə.” **24** Wur sat kən mmo le mee bəring dē nən mang Pool, mbəkə mo seet kə wur ryang pə gofna Feliks dī. **25** Ngu taakyeen nə ran mee lep a rəran shindām ngofna Feliks, dē nə sat nānee, **26** “Tokshik nsar ngwe dedes Klodiyus Lisiyas, dām pə ngwe dedes gofna Feliks dī. **27** Nnen Yahudi mo kə yaa gwar desə, dāng dā mo yappē dē mon ntu wur dī, a kəsə bə a, an ndəm kə shiitooon mo, bə a an mbām wur, mbədə nkəlāng nə, wur a ngu Rom. **28** Kaadē an pə rebet manshii mə mbii dē nə le dāng mo yaa wur, bə ndām kə wur ndāen ludyēel mo. **29** Yaksə nkat mo yaa wur a mbə pak mbii dē mo ndāen Wāar mo mo, dāng pwoo dē mo sat nkaa wur nə, bə baa nə mak muut nwur, koo nə le kə mo shoot wur kas. **30** Bə kaadē nkəlāng nə pak nnen Yahudi nə mo kə bəlpwoo mo mbə tu gwar nə, bə nlep wur shindām pə gha dī abet. An kən nsat nnen dē mo kə pwoo nkaa wur nə, kən mmo dām leshap dē mo kə nə nkaa wur dī ntoom fwaa.” **31** Aasə bə shiitooon nə mo mang Pool, kaadē mo kə sat mmo sə, mo dām kə wur Antipatris mpar. **32** Daar nə, bə mo yit kən nnenbəring mo dām kə wur, kən nnenshii mo waa baa dī a peetong shiitooon nə mo. **33** Kaadē nenbəring desə nə mo dām wul nSizariya, bə mo shin Pool kə lep dī a

rəran nə ngofna. **34** Kaadē gofna tang lep dī a rəran nə, bə wur tal pə Pool nānee, “Waa a put a nkoop yil dēdāngyii” Bə kaadē wur kəlāng nə Pool put a nkoop nSilisiya, **35** Yaksə gofna nə sat nānee, “An mbə kəlāng pwoo fwaa nə, katdāng nen dē mo pungwool fwaa nə mo jì wul.” Wur le kən mmo shoot Pool nkoop tul mə mishkoom Herot.

24 Aḃwoon meeteer mo paat, bə Ananiyas pris dedes, jì ashak kə pak pris denan mo, kə mee Nguḃerepdyēel dē sām wur a Tartulus, mo dām kə d̄yēel nkaa Pool pə gofna dī. **2** Kaadē mo pet Pool, bə Tartulus doom leshap nkaa Pool nānee, “Waa Feliks ngwe dēret met jir. A mbə gha, dāng muu tongriyang, hakyeng, kə a mbə dāk dēret fwaa mo zak, dāng yil fun desə nə dēe a dē dāk, koo a mpee dēdāngyii. **3** Mbii dē a cìn nə mo, bə mu plang des zam, koo a nii, bə gurum moo plang gha. **4** Dāngbə mbəkə taji nle kən nghan yool a yaa pwoo a tong mpee desə kas, bə an pə dāng pə gha mbə dēret fwaa, a lekom kən nghan kəlāng mun dī mbə reppee lee. **5** Mu kat gwar desə wur a ngu təkook kə pee, dā wur le bəlep debish yool nnaar kə nnen Yahudi mo. Koo mpee dēdāngyii ndāen yil nə. Kazak wur a ngu taakyeen mə soon mə nnen Nazarin mo zak. **6** Nə le gyet wur rebet le Lu Naan dedes nə dēe a mbii debuū, dāng mu yaa wur. Muu rebet tokd̄yēel nwur a shi wāar fun mo. **7** Dāngbə gyet ngwe dedes Lisiyas jì dul wur put kənə shiḃal nsar fun. **8** Yaksə Lisiyas sat nnen dē mo kə pwoo nkaa wur nə, kən mo jì pə gha dī. Katdāng a tal pwoo mo nkaa mbii dē muu sat sə mo shikāa fwaa pə wur, bə a mman zeen mə pwoo desə mo jir, dē muu jì kə mo nkaa wur.” **9** Nən Yahudi mon mbwoon pwoo dē Ngu bərep d̄yēel nə sat, dām mo tong a langtāng nə, pwoo dē Ngu bərep d̄yēel sat nə mo azeen jir. **10** Bə gofna kam sar mPool, mbəkə nwur leshap dī. Yaksə Pool sat nānee, “Wen man nə, waa aa cìn ḃit mo dēs, bə gha nkaa tokd̄yēel nnen desə mo. Mbə mənə bə an pə leshap desə nə a shi retnyit, mbə put kə kāa fen. **11** Waa shikāa fwaa a mak bəlap shii mənə, bə a mman nə, mbūt teer dē mo dēl kaapaat baavəl sə mo, bə gyet wen nkāa nJerusalem mbə seyil nNaan. **12** Baa nnen Yahudi mo kə cam kat an mpwoo kə mee gurum ndāen Lu Naan dedes kas, kə baa mo cam kat wen nle mee gurum b̄wetbēer kas, koo a ndāen Lu Naan mo, kə koo a ndāen pee

nkaam nà kas zak. **13** Kəzak, baa mon mmak kām nghan agaak azeen-zeen nkaa mbii de mo ji kà dyeel fen pə gha yaksə nà kas. **14** Dangbà nà azeen-zeen, an kən seyil nNaan mə puun fun mo a ndəən ar de mə mo kə pet a dūng. An kən seyil nNaan mə puun fun mo, dang nshinzeen mbii de mo ran mo ndəən bəət-haal mə Mosis mo jir. Kə mbii de mo ran mo ndəən bəət-haal mə nen satpwoo mə Naan mo zak. **15** An kən canciin ndəən Naan, kaade mə mo kə canciin ndəən Naan sə zak nà, mon nyool kə gurum mo a peemuūt jir, nnen de ndəre mo, kə nen debish mo zak. **16** A mbə canciin mənə, dang an pə mbə gung, mbəkə nghan tong de shi məse dēret ntoom kə Naan, kə ntoom kə gurum mo shidaar-shidaar. **17** “Aḡwoon mə ɓit mo ruk, bə wen nji kə shooll mbə ɓam nen fen mo, kə mbii mo mbə wus mbiizuum nNaan zak. **18** Kaade an nkaa cɪn mənə, bə mo ji kat an ndəən Lu Naan dēdes nà, bə kən lesen a dēɓang. Bə baa mo kat an ashak kə mee kuur gurum mo, de mun nkaa dʒeep dōo koo wat mee mbii mo kas. Gyet pak nnen Yahudi de mo pwat Eshiya mo di. **19** Katdang yoo mo kə mee pwoo nkaa an, bə yoo nà nret kən nnen Yahudi de mo pwat Eshiya sə, mo de ntoom fwaa, mbə ji kə dyeel nkaa an nà. **20** An mbə rebet kə nnen de mon mpee desə shikaa fur kən mmo sat mbii debish de mo kat ndəən an, kaade de ndar ntoom nendyeel mo sə di. **21** Dee a mbii məndong, de diyeep dōo fen nnaar mo, bə a an sat mmo nānee, ‘A mbə pwoo nkaa yool a peemuūt, dang wun bə tokdyeel nghan ntoom fuu cicinsə, ɓejee dāk.” **22** Dangbà mbəde Feliks pan man pwoo nkaa ar nà rəret, bə wur dār kə dyeel nà. Wur sat nānee, “Katdang parpuus de Lisiyas ngwe dēdes mə shiitoon mo ji wul, bə an nsəet nnaa pwoo fuu nà.” **23** Wur sat ngwe dēdes nkaa shiitoon mo, kə nwur tap kə Pool, dang wur shínpee mPool, taji mo daampee nshaar mə Pool mo mbə ji cɪn ɓam nwur kas. **24** Aḡwoon pak meeteer mo, bə Feliks ji ashak kə mat fin Drusila, de war a reep Yahudi. Yaksə wur lep mmo dām ji kə Pool. Feliks lekom kən nwur kələng pwoo de Pool nkaa sat nà, de nà a mə shinzeen ndəən Jesu Kristi. **25** Pool leshap nkaa tong de ndəre-ndəre, kə ngurum yaashin, kə pwoo nkaa tokdyeel de nən mbə ji. Bə kəərmuut yaa Feliks, nà le nwur sat mPool nānee, “A mak seet yaksə aku, katdang parpuus de nkatpee, bə an mbə pet gha zak.” **26** Feliks ledyeen nà, tong Pool mbə

shin a shooll ndyin, a nà le dang wur naa mpet Pool shidaar-shidaar, mbəkə nwur leshap de kə nwur. **27** Aḡwoon ɓit mo wəl, bə Poncus Festus wur kaa a gofna a koppee Feliks. Gyet a mbəde Feliks rebet kən nnen Yahudi mo dee a shaar fin mo, a nà le dang gyet wur yit Pool ndəən lushoot.

25 Aḡwoon meeteer mo kun, de Festus kə ji ndəən yil mə mulki mishkoom fin, bə wur yool nSizariya kaa nJerusalem. **2** Yaksə pris denan mo, kə nennan mə nnen Yahudi mo ji kə dyeel mə mbii debish mo, de nà, Pool kə cɪn mo pə Festus di, mo dang pə wur, **3** mbəkə nwur ɓam mo di. Moo rebet kən Festus lep mmo ji kə Pool nJerusalem, mbəde mo kə tap daksut, mbəkə mmo taa tu Pool di a ar. **4** Dangbà Festus lap mmo nānee, “Pool wur a ɓuḡwoot nSizariya. An shikaa fen, wen nrebet yool sham nSizariya nà ndəən meeteer desə mo. **5** Wur sat zak nānee, wu yit kən mpak nen denan-nan mo mɓut nwun, mo sham ashak kə an, mbəkə mmo sat mbii debish de gwar nà wur cɪn mo di.” **6** Aḡwoon de Festus tong ashak kə mo mbə teer mo pwookun koo kaapaat, bə wur yool sham nSizariya. Yaksə wur tong nkaa mbii tong mə tokdyeel, bə wur sat mmo dām ji kə Pool. **7** Kaade mo ji wul kə Pool, bə nnen Yahudi mo ji, de mo tong nyil Jerusalem kə pwoo debish mo des nkaa wur, de baa mə mo shikaa mo mo mak kām agaak zeen mə pwoo nà mo kas. **8** Pool dār ɓalɓal mbə shang kaa fin, bə wur sat nānee, “Baa an kən cɪn mee mbii debish kas, koo a nkaa Wàar mə nnen Yahudi mo, kə koo a nkaa Lu Naan dēdes nà, kə koo a nkaa Wàar mə mishkoom Siza kas koo lee lee.” **9** Dangbà mbəde Festus rebet kə nnen Yahudi mo dee a shaar fin, bə wur tal pə Pool nānee, “Kyet aa rebet kaa nJerusalem, kən nghan tokdyeel di nghan mpeemənə nkaa mbii desə mo aa?” **10** Bə Pool sat nānee, “An mbə dār a ntoom mbii tong mə tokdyeel mə Siza, a pee de nà ret kə mmo tokdyeel di nghan mmənə. Baa an kən cɪn mee shikbish nnen Yahudi mo kas. Waa shikaa fwaa a man azeen-zeen nà, baa an kən cɪn mee mbii debish kas. **11** Katdang yoo an kən tep Wàar nà, koo cɪn mee mbii debish de nà mak kən mmo tu an, bə di baa an kəərmuut nà kas. Dangbà katdang bə baa mee zeen di ndəən mbii de nnen desə moo dyeel fen mbə nà kas, bə baa mee gurum mak shin an nsar

mo kas. An kæn rebet kǎ a Siza tokdyeel nǎ nghan.” **12** Bǎ aḃwoon de Festus beetpwoo nǎ ashak kǎ nnen de moo ḃam wur ndýeel, ḃǎ wur sat nǎnee, “Waa a ḃang mbǎ ḃǎm pǎ Siza dǐ! Bǎ gha mbǎ ḃǎm a pǎ Siza dǐ.” **13** Aḃwoon teer mo ruk, ḃǎ mishkoom Agripa kǎ Benis mo jǐ wul nSizariya, mbǎkǎ mmo sat mwaanlee dǐ nFestus. **14** Mbǎḃǎ mo kǎ cǐn teer mo des dǐ nSizariya nǎ, ḃǎ Festus yakshii mǎ pwoo nkaa Pool mishkoom Agripa, wur sat nǎnee, “Mee gwar dǐ, de gyet Feliks yit wur a ḃuḃwoot nlushoot. **15** Kaade dǎ nkǎa nJerusalem, ḃǎ pris denan mo, kǎ nen denan-nan mǎ nnen Yahudi mo jǐ kǎ dýeel nkaa gwar nǎ pǎ an dǐ. Mo ḃang pǎ an, mbǎkǎ nghan candyeel muut dǐ ngwar nǎ. **16** Dangḃǎ nlap mmo nǎ, baa nǎ a mǎse mǎ nnen Rom mo, kǎn mmo candyeel mmee gurum, de mo kǎ jǐ kǎ dýeel nkaa wur nen pee mmo kǎn shínpee nwur, kǎn nwur leshap mǎ shang kǎa fin dǐ nludyeel ashak kǎ nen de mmo jǐ kǎ dýeel nǎ mo kas. Dangḃǎ tǎng mo nshee shínpee nwur, kǎn nwur leshap mǎ shang kǎa fin dǐ akuḃang mon nandyeel ngwar nǎ. **17** Kaade mo jǐ mpee desǎ ashak kǎ an, ḃǎ baa wen ndar dǐ kǎ pwoo nǎ kas, ḃǎ daar nǎ, ḃǎ wen tong nkaa mbii tong mǎ tokdyeel, ḃǎ wen nle kǎ mmo ḃǎm jǐ kǎ gwar nǎ. **18** Kaade nen de mo jǐ kǎ dýeel nkaa gwar nǎ, mo yool ḃar leshap, ḃǎ baa mo sat mee pwoo debish mo nkaa gwar nǎ, kaade an kǎn pan sǎ kas. **19** Dangḃǎ pwoo de mo sat nkǎa wur nǎ, a pwoo nkaa pak mbii de mo a mǎ mǎse mǎ seyl nNaan mo, kǎ pwoo nkaa mee ngwe de moo pet sǎm wur a Jesu zak. De nǎ, wur muut. Bǎ nǎ, Pool leshap ngurum mo balǎal nǎ, Jesu de mmeen. **20** Kaade baa wen mman mbii de an mbǎ cǐn nkaa pwoo desǎ nǎ mo kas, ḃǎ wen ntal pǎ Pool nǎ, kyet aa rebet kǎa nJerusalem, kǎ mmo tokdyeel de nghan nkaa mbii desǎ mo mpeemǎnǎ aa? **21** Dangḃǎ kaade Pool ḃang nǎ, tǎng a Siza tokdyeel nǎ ndýin, ḃǎ wen nle kǎ mmo tap kǎ wur rǎret, ḃǎm wul parpuus de an mbǎ lep wur shindǎm pǎ Siza dǐ.” **22** Bǎ Agripa sat nFestus nǎnee, “An kǎn nrebet kǎlang pwoo mǎ gwar mǎnǎ shikǎa fen.” Festus sat nǎnee, “Dǎḃaar ḃǎ gha mbǎ nkǎlang wur.” **23** Daar nǎ, ḃǎ Agripa kǎ Benis mo jǐ ndǎen dedes mo hakyeng, ḃǎ mo del ndǎen ludyeel nǎ ashak kǎ pak shiitoon ḃǎnan-nan mo, kǎ nnen ḃǎnan-nan mǎ pee nkaam nǎ mo. Yaksǎ Festus lep mmo ḃǎm jǐ kǎ Pool. **24** Bǎ Festus sat nǎnee, “Mishkoom Agripa, kǎ wun

nen de wun ashak kǎ mun jir mpee desǎ. Wu naa gwar desǎ, dǎ nnen Yahudi mo jir, mo kǎ jǐ kǎ dýeel nkaa wur pǎ an dǐ nJerusalem, kǎ mpee desǎ zak. Dǎ mon nkaa dýeep doo ḃang moo sat nǎ baa nǎ ret kǎ mmo yit gwar desǎ dǐ mmeen kas. **25** Dangḃǎ baa wen kat wur kǎ cǐn mee mbii debish de nǎn mmak kǎ mmo tu wur kas. Pool shikǎa fin, ḃang kǎ mmo ḃǎm kǎ dýeel fin nǎ pǎ Siza dǐ. Yaksǎ ḃǎ wen kǎn ledyeen mbǎ lep Pool shindǎm pǎ Siza dǐ. **26** Dangḃǎ baa wen mman zeen kǎ mǎ mbii dewur cǐn nǎ, de wen nran Agustus nkaa nǎ kas. Mbǎ mǎnǎ wen nǐ kǎ wur ntoom fuu, met jir, ḃǎ a ntoom fwaaw mishkoom Agripa, mbǎkǎ aḃwoon de mo balǎp pwoo wur nǎ, ḃǎ an nkat mee mbii de an nran shindǎm dǐ Agustus. **27** Mbǎḃǎ wen naa nǎ dee a koo ḃak mwen sǎ, kǎn mmo lep mee gurum shindǎm a ḃuḃwoot, baa ashak kǎ satpwoo nkaa mbii debish de ngwe nǎ cǐn kas.”

26 Mishkoom Agripa sat mPool nǎnee, “Mo shínpee nghan, mbǎkǎ nghan leshap dǐ shikǎa fwaaw.” Aasǎ ḃǎ Pool dýeep sar fin, ḃǎ wur leshap mǎ shang kǎa fin. Wur sat nǎnee, **2** “Azeen-zeen, mishkoom Agripa, yaksǎ ḃǎ nǎ fes shang nghan zam, mbǎde wen nkatpee leshap mǎ shang nkǎa fen ntoom fwaaw cǐcǐnsǎ, nkaa mbii de nnen Yahudi moo sat cǐn nkaa an mo jir. **3** Mbǎḃǎ gha kǎ man des zam, nkaa mǎse mǎ mbii de mo a mǎ nnen Yahudi mo, kǎ pwoo nkaa mbii de moo balǎp nkaa nǎ zak. Wen ndang pǎ gha, a gung kǎn nghan kǎlang mbii de an mbǎ nsat mo shi pǎtuup mǎ gung. **4** Nnen Yahudi mo jir, mo man tong fen, peegyēt nkutdǐ a nzǎlang. Mḃut nnen fen mo, kǎ ndǎen Jerusalem zak, jǐ wul cǐcǐnsǎ. **5** Mo man an peegyēt dǐ nshee. Kǎzak katḃang ḃǎ de moo rebet langtǎng nǎ, yoo mon nsat nǎ, azeen an a ngu Farisi, de nǎ a mee soon de mo fes ḃar bal-bal nkaa seyl nNaan fun nǎ. **6** Mbǎmǎnǎ kǎn ḃar mpee desǎ, mbǎkǎ mmo tokdyeel dǐ nghan, a mbǎde an pǎ canciin nkaa gampwoo de gyet Naan kǎ cweer nǎn mpuun fun mo. **7** A pwoo de gyet Naan kǎ cweer nsoon fun de kaapaat baavǎl sǎ mo, de moo canciin mbǎ lap nǎ, ḃang mo kǎ gung mbǎ seyl nNaan mpar kǎ puus, mbǎ canciin desǎ. Bǎ nnen Yahudi mo ḃǎm kǎ dýeel fen, ntoom fwaaw mishkoom! **8** A mii le ḃang baa nnen Yahudi mon mmak shinzeen nǎ, Naan mbǎ nyool kǎ nnen de mo kǎ murep a peemúut kas yii? **9** Gyet wen mpan shikǎa fen nǎ, an mbǎ cǐn mbii de

mmak jir, mbəkə nghan tekook kə sām Jesu ngu Nazaret di. **10** Gyet a mbii de nc̄in nJerusalem mmənə, de kən nlap ɓal pə pris denan mo. Gyet kən shoot nenseet ndang Jesu mo des ndāen lushoot, kəzak gyet an mɓwoon nnen de mo twe nenseet ndang Jesu nə mo zak. **11** Yit des, ɓə nshinjeel nnenseet ndang Jesu nə mo ndāen lu Naan mo zak. Gyet kən rebet le kən mmo ciipwoon nə, baa Jesu a Kristi kas. Mbədə gyet njar naa mo nyit ɓəbish zam. Mbə mənə ɓə gyet mmwaan ndəm mpee nkaam de baa mo a mən nnen Yahudi mo kas, mbəkə nghan nshinjeel di nnenseet ndang Jesu mo.” **12** “Par sə mpuus ɓə an a ar dām nDamaskus mbə yak nenseet ndang Jesu nə mo, shi ɓal de kən nlap pə pris denan mo, də a mo lep an zak. **13** Bə kaade puus a naar, mishkoom! Yaksə nnaa mee peeɓang de nə tong adeng sham ɓangpee, de nə met mɓangpee mə puus. Nə ɓangpee neer an cəərkaat ashak kə nen de mo ashak kə an. **14** Bə mun jir mu dōng nyil, ɓə nkəlōng mee dōo nə sat nghan shi liispuwo Hiburū nənē, ‘Sool, Sool, a mii le dāng waa aa shinjeel nghan yii? Nən nshwal nghan, kən nghan cut sak shi deelkam de peet peet.’ **15** Bə ntal nənē, ‘A gha wii Daa?’ Yaksə Daa sat nghan nənē, ‘A an Jesu de aa shinjeel nghan sə. **16** Yaksə a yool a dar atāng, mbədē an mbə woo sen fen nghan, a mbəkə nghan dēe de a ngudak fen, kə ngudar langtāng ngurum mo nkaa mbii de aa naa, kə mbii de an mbə kām mo nghan zak.’ **17** An mbə ɓam gha nsar nnen Isreil mo, kə nsar nnen de baa mo a nnen Yahudi mo kas. An mbə lep gha shindəm pə nnen de baa mo a nnen Yahudi mo kas zak. **18** Mbəkə nghan wang yit mo mo di. Kən mmo yit peenkwō, kə mmo dēl di ndāen peeɓang. Kəzak mbəkə mmo put di mɓut mɓal mə nguɓwaan. Kən mmo jì di pə Naan zak. Mbəkə katdang mo shinzeen, ɓə mon nkat fwoon mə shikbish fur mo, kən mon nkat peetong de ashak kə nen de Naan kə ten ɓələp mo zak.” **19** “Mishkoom Agripa, baa gyet nc̄ii c̄in mbii de suun de nə tong adeng sham sat nghan kas. **20** Gyet nshee satpuwo Naan nə a nnen Damaskus mo, dāng ndəm kən nghan sat de nnen Jerusalem mo, kə yil de mo neer Judiya jir. Aɓwoon mənə, ɓə nsat nnen de baa mo a nnen Yahudi mo kas zak. An pə sat mmo tuwap, kən mmo ciir pə Naan di, kən mmo c̄in dāk de nə kām tuwap mo nə di zak. **21** A mpeemənə, dāng nnen Yahudi mo yaa an ndāen Lu Naan dēdes, kə gyet mo kə tang ar

mbə tu an. **22** Dangɓə mbədē nkat ɓam pə Naan di, a nə le dāng kən ndar di ntoom fwaa mbə cicinsə. An nkaa satpuwo Naan nə nennan mo, kə jep dēdyeen mo jir. Baa nsat a mmee puwo dēci kas, tāng a puwo de nensatpuwo Naan mo, kə Mosis mo kə ten sat nə, nən nyool c̄in a kəsə. **23** Nə, tāng Kristi mbə shwaajeel, kə a wur a ngwe dēnshee mə yool a peemúut zak. A wur mbə shee leshap nkaa peeɓang nə nnen Yahudi mo, kə nen de baa mo a nnen Yahudi mo kas zak.” **24** Kaade Pool nkaa leshap mbə shang kaa nə, ɓə Festus sat shii dōo dēdes nənē, “Pool aa təttar aa? Man fwaa nii le gha dēe a ngutar.” **25** Bə Pool lap nənē, “Baa an a ngutar kas Festus, ngwe dēret met jir. An kən sat a puwo de mo azeen-zeen kə de mo a ndəre zak. **26** Mishkoom man mbii de kən nsat sə mo agaak. Mbədə mman azeen-zeen nə, baa mee mbii loom gha mɓut mbii dēsə mo jir kas. Mbədə baa gyet mo c̄in mbii mənə mo a səsok kas. **27** Mishkoom Agripa, a shinzeen nnensat puwo mə Naan mo ee? Mman nə, a shinzeen.” **28** Mishkoom Agripa sat mPool nənē, “Ndāen reppee di lee sə, ɓə aa rebet ciir kə an, kən nghan ndēe di a nguseet ndang Jesu ee?” **29** Pool lap nənē, “koo a ndāen reppee lee. Koo a ndāen pee de nə dēs, ɓə an nkaa dāngnaan mbə gha, kə nnen de mo nkaa kəlōng an cicinsə jir, mbəkə mmo tuwap kən mmo dēe di a nenseet ndang Jesu koo an sə. Dangbe taji a shi shoobəring kaade an kə nə sə kas.” **30** Aɓwoon mənə, ɓə mishkoom yool, kə gofna, kə Benis, kə nnen de mo kə tong ashak kə mo. **31** Bə mo dām mmee koop mɓasut, ɓə mo beet kə shak nənē, “Baa gwar dēsə kə c̄in mee mbii dēbish de nə mak muut, koo mo nle wur ndāen lushoot kas.” **32** Agripa sat nFestus nənē, “Katdang yoo baa gwar dēsə wur kə dāng mbə dām kə d̄yeel nə pə Siza di kas, ɓə yoo mon ɓwet wur.”

27 Kaade mo beet nə, mun ndel ntii kən mmo dām di nyil Itali, ɓə mo le Pool kə pak nən de mo a ɓuɓwoot, nsar mə mee ngwe dēdes nkaa shiitoon mo, de moo pet sām wur a Juliyus, de nə a soon mə nentap mə mishkoom Agustus. **2** Mu dēl ndāen mee tii de nə tong a nyil Adramitiyum jì, dāng nən mbə yool mbə dām ngaar yil de mo nkoop yil Eshiya mo. Yaksə mu yool mwaan nə ndāen tii nə. Aristakus mee ngu Masidoniya mə yil nTasoloni, wur di ashak kə mun zak. **3** Daar nə, ɓə mə wul nSidon.

Juliyus cìn deret mPool, wur shínpee mPool
 kə nwur dām pə shaar fin mo, mbəkə mmo
 bam wur di. **4** Kaade mə yool mpeemənə, bə
 mu dām shigəng mə yil nSaiprus nə, mbədə
 kut nə daampee mmun zam. **5** Aḃwoon mənə,
 bə mu dām mu wul nkor kuur de nən ngaar
 Silisiya kə Pamfiliya. Yaksə mu dām mu wul
 mMira de nən nyil nLisiya. **6** A mMira nə, bə
 ngwe dedes nkaa shiitoo mo, kat mee tii de nə
 tong Alekzandriya jì, de nən mbə dām Itali, bə
 wur le mun ndān nə. **7** Mu cìn teer mo des-
 des mun mmwaan lee-lee, nkaa am kuur nə, a
 purut-purut dāng mə jì mə wul kus kə Nidus.
 Kaade baa kut nə yit mmun dām de a kyeen
 kas, bə mə waa mə yaa ar nə shigəng mə yil
 nKrit, kus kə Salmone. **8** A purut-purut dāng
 mu jì mu wul di a pəkom dər nə, bə mu jì
 mə wul mmee mpee de mo kə pet a peekaat
 deret, de nə kus kə pee nkaam nLasiya. **9** Mbədə
 mun mbə yém di mpeemənə mbə teer mo des,
 bə kaade mə yaa mwaan, bə nə jì kə jeel des,
 mbədə tar mwaan nkaa am nə kə ten del, dāng
 nə aḃwoon tartong kə neen, bə Pool leshap
 nnen de mo ndān tii nə. **10** Wur sat mmo
 nānee, “Daa mo, wen nnaa mwaan fun desə nən
 nden kə jeel, kə lée de mun kə mo ndān tii
 nə mon ntəkook, dāng tii mənən ntəkook, dām
 wul kə seen fun mo zak.” **11** Jir aasə baa ngwe
 dedes nkaa shiitoo nə mo, ledyeen mpwoo
 de Pool sat kas, təng wur nkələng a pwoo mə
 ngutung tii nə dāk, kə mə ngu tii nə met mbii
 de Pool sat nwur. **12** Baa peedar mə tii desə nii
 ret ntarkut kas, a kəsə bə des mə gurum nə mo
 beet nə, ngyel mə yool aku mpeemənə, kə koo
 de arang yii bə mu nwul di nFoniks, de nə a mee
 pee am kuur deret ndān pee nkaam nKrit, nii
 naa gaar ngyeen, nsar puusru, kə ngaar ndeng
 nsar puusru zak, mu hos ntarkut a mpee mənə.
13 Kaade kut nə doom cut pee lee-lee ngaar
 ngyeen, bə mo pan nə, nən nji wudun nciit kə
 pan fur mo, bə mo dul ḃwootsəep nə, kə mmo
 tung tii nə shindəm kus kə pəkom dər mə yil
 nKrit. **14** Dāng bə kaade mo lang di lee, bə mee
 kut dedes de moo pet a Yurakium də nə put
 nnar kwang dēng kə sar puus kaa nə cutpee
 jì di nkaa pee nkaam nə. **15** Kaade kut dedes
 nə cut tii nə, bə baa tii nə mak dām ngaar pee
 de kut nə kə jì de kas. Bə mu yit nkut nə təp
 mun shindəm di mmee ngaar dyik. **16** Mu del
 shigəng mərəp mee yil de am neer ciirkaat de
 moo pet a Kauda. A purut-purut dāng mu mak

ḃwoot lāa tii nə nkaa dedes nə. **17** Aḃwoon de
 mo kə diyeep lāa tii nə le ndān tii dedes nə,
 bə mo ḃwoot teng shin ciir nkaa tii dedes nə.
 Mo sham kə nlər mə tii nə mo. Mbədə mo kəər
 nə, taji kut nə təp tii nə dām shweer shi pəkom
 dʏees nSirtis kas. Mo dul ḃwootsəep mə tii nə
 kaa ndān am nə kən mmo yit, kən nkut nə təp
 tii nə shindəm di. **18** Mbədə kut nə des zam,
 dāng nə fes yoon mun des zam. Daar nə, bə mo
 doom kok pak lee de mo ndān tii nə car mbūt
 am. **19** Parpuus dēkun nə zak, bə mo shikāa
 fur, mo kok lee tii nə mo car mbūt am zak. **20**
 Mu cìn teer mo des, baa mu mak naa puus koo
 zar mo kas. Dee a kut dedes, kə tungzung mo
 kaa paa mun dāk, de nə le kən mmun put kə
 pətuup nə baa mun mbar kas. **21** Mbədə gurum
 nə mo kə cìn teer mo des nnen se mbiise, bə
 Pool yool nnaar mo, bə wur sat nānee, “Daa
 mo, katdāng də wu kələng pwoo fen, bə baa də
 wun nyool ndān yil nKrit, kən nwun shwaajeel
 desə, kən nwun bələng nlée fuu mo kərong kas.
22 Mbəmənə an pə sat nwun, wu yaa pətuup fuu
 mo, mbədə baa mee gurum ndān wun, mbə
 mmuut kas, a tii nən mpyan kash-kash dāk. **23**
 Mbədə dādoon mpar, bə mee ngulep mə Naan
 de an a mawur, kə de an kən nseyil nwur zak,
 wur jì woo shin nghan. **24** “Bə wur sat nghan
 nānee, ‘Taji kəərmmuut yaa gha kas Pool. Nə a
 təng gha mbə dar ntoom kə Siza. A naa Naan kə
 cìn deret nghan, ashak kə nen de mo ndān tii
 nə jir. Baa mee gurum ndān tii nən mmuut
 kas.’ **25** Mbə mənə, daa mo, wu cìn retnyit.
 Mbədə wen nshinzeen nNaan nə, mbii de mo
 woo nghan, bə nən ncìn a kəsə. **26** Dāng jir kəsə
 bə kut nən təp tii nə shweer nkaa mee yil de
 am neer nə ciirkaat.” **27** Ndān teer de kaapaat
 baafeer nə, bə kut nə təp mun kaa kə sham
 ndān am kuur mə Adriya. Yaksə nnaar par, bə
 nen tii nə mo pan nə, muu wul kus kə mee yil.
28 Bə mo kam lu mə am nə, bə mo kat nə a shii
 mo kambil mändong kə laarvəl. Kaade mu gyes
 mu dām di lee, bə mo cìn shin kam lu mə am nə
 de zak, bə mo kat nə wul a shii laarpwoofeer.
29 Mbə kəərmmuut de nə, meesə, kut nən ndām
 shweer tii nə nkaa ngək, bə mo fwen ḃwootsəep
 nə mo sham feer mḃwoon mə tii nə, mbəkə ntiit
 nə dār di coot, mbədə mo le pan nkaa bit de
 nən mbə mang. **30** Nentung tii nə mo nkaa yap
 ar de mon nshwe yit tii nə di, bə mo kə ten
 shang lāa tii nə shinsham mbūt am kuur nə. Mo
 cìn kəsə a mbə gwam gurum mo, kən mmo naa

di nā, wudun a mbā fwo ɓwootsāp nā de mon mpakyeen mā tii nā, de moo ɓwet shinsham sē. 31 Dangbē Pool sat ngwe dedes mā shiitoo nā mo nānee, “Katdang bā baa nentung tii nā mo tong di ndāen tii nā kas, bā wu mmurep jir.” 32 Bā shiitoo mo can teng mā lāa tii nā, mo yit nā sham taa ndāen am nā, yaksā kut mang nā seet kē nā. 33 Kaade ɓit kus kē mang, bā Pool sat ngurum nā mo jir kē mmo se mbiise, wur sat nānee, “A teer mo kaapaat baafeer ndesā, bā wun pā tong gongpee, kē baa wu se mee mbiise kas. 34 Mbāmānā kēn dang pā wun, mbākā nwun se mbiise, mbāde mānān nshīnbal nwun ndāen shik fuu mo. Baa mee shweepkāa mā mee gurum mēndong ndāen wun nān nloom kas.” 35 Kaade Pool sat pwoo mānā, bā wur mang gāl aas, bā wur dangnaan de mā plang Naan a yit gurum nā mo jir, bā wur tep gāl aas nā, bā wur yaa se nā. 36 Yaksā gurum nā mo jir mo kat retniyit, bā mo shikāa fur mo se gāl aas nā zak. 37 Mun gurum de mun ndāen tii nā jir, mu wul kambil vāl kē laarpwoovāl kē peemee. 38 Kaade gurum mo se mbiise mo ābāl, bā mo kok aas dāben de nā ndāen tii nā, mo car shinsham mbut am kuur nā, kēn ntii nā pan fiyeel di. 39 Kaade ɓit mang, bā baa nentung tii nā mo man yil de mo di nā kas, bā mo naa mee pākōm dāer de nā kē dyees, bā mo beet nā, katdang nā mak cīn, bā mo dām kē tii di pākōm nā. 40 Bā mo saa teng de mo yaa ɓwootsāp nā mo, kēn mmo yit ɓwootsāp nā mo mbut am kuur nā, kēn mmo fween teng de moo yaa mbii ciir kē tii nā. Yaksā mo diyeep nlar de nān mpakyeen mā tii nā nkor de kut kē jī di, bā mo yaa ar dām pākōm dāer. 41 Dangbā kaade mu wul mmee mpee de kut kē cut am nā jī kaat di, bā tii nā del shamru mbut diyees, de baa nā kut di kē tungpee kas, bā koor mɓwoon mā tii nā doom pyan, mbā ɓal mā kut de nii cut nā. 42 Yaksā shiitoo nā mo beetpwoo, mbā twe nen de mo a ɓuɓwoot jir, mbākā taji mo cut lung, kē mo dām loom di kas. 43 Dangbā ngwe dedes nkaa shiitoo nā mo, kē rebet ɓam Pool, bā wur cīi mmo. Wur le kē nnen de mo man lung jir, mo mērep sham mbut am nā, kēn mmo taa lung dām wul de a pwoo dāer. 44 Aɓwoon mānā, bā koor gurum nā mo mērep sham taa nkaa shiyeep mo, kē pak mo nkaa yoom mā tii de nā pyan nā zak.

28 Aɓwoon de mu wul ndāen yil nā nkoom jir, bā mo kəlāng nā, moo pet sām yil de

am neer nā cārkaat a Malta. 2 Nenyil nā mo kaat mun jir, kəzak mo ɓam mun zam, bā mo ɓil wus mmun, mbāde fwan nkaa jī, kē pee zuum zak. 3 Dangbā kaade Pool kok yoom le nwus, bā mbā tal mā wus nā, bā mee nwōo de sām nā a pang, nā pus sar mPool, dang nā dyiin nkaa sar wur. 4 Kaade nenyil nā mo naa nwōo desā nii dyiin mPool nkaa sar, bā mo sat nshak nānee, “Azeen-zeen gwar desā wur a ngutukāa, koo dēwur kē put mbut njeel mā am kuur nā, bā baa kwat mā shikbish nā mak yit wur de mmeen kas.” 5 Bā Pool vwet nwōo nā sham taa nwus. Mbāde nwōo de nā pus wur nā, bā baa nā cīn mee mbii nwur kas. 6 Nenyil nā mo pan nā, yak mon nnaa Pool wup, koo mo nnaa wur taa nyil muut. Dangbā kaade mo tong naapee, bā baa mo naa mee mbii cīn Pool kas, bā mo waa sheepwoo de, mo sat nānee, “Gwar desā wur a mee naan.” 7 Kus kē peemānā, bā mee maar mā Pubiliyus ngwe dedes nkaa yil de am neer cārkaat nā, wur kaat mun le nlu fin mbā teer mo kun, dang wur tap kē mun, wur cīn deret mmun zam. 8 Puun mā Pubiliyus, baa wur nkoom kas, wur a peesaam kē shikshwal, kē dyestoom zak. Pool del pā ngunan nā di, bā wur dangnaan bā wur lesar fin nkaa ngunan nā, bā ngunan nā bar. 9 Kaade Pool cīn mānā, bā koor nengok de mo ndāen yil de am neer cārkaat nā, mo jī jir, mbākā mPool bar mo di. 10 Nenyil nā mo shin zuum mo mmun des, dang kaade mun mbā del ndāen tii nā mbā seet, bā mo shin mbii de mon mɓam mun a ar mwaan nā jir zak. 11 Aɓwoon tar mo kun, bā mā yool ndāen mee tii de nā tong a Alekzandriya jī, de nii hos ntarkut ndāen yil de am neer cārkaat sē. tii desā nā kē sām pwoo (alaama) mā kāa Jan demish mo nkaa nā, de mo a Kasto, kē Pollukus, mee naan mā mo, nā mo. 12 Mu jī mā wul nSirakus, bā mu cīn teer mo kun di, mpee mānā. 13 Kaade mu yool mpee mānā, bā mu jī mu wul nRegiyum. Mu teer mpeemānā, bā mee kut yool nkor ngyeen, bā daar nā, bā mu dām mu wul mPutiyoli. 14 Mu kat nenseet ndāng Jesu mo mpeemānā, bā mo dang mun kēn mmun cīn teer mo pwoovāl di ashak kē mo. A mwaan fun nā mmānā, dee mu dām mu wul nRom. 15 Kaade nenseet ndāng Jesu de mon mpee nkaam nRom, mo kəlāng pwoo nkaa mun, bā mo pwat jī mbā kaat mun, bā mo jī wul mpeepring Apiyus, kē pee de lumāzep mo dēkun. Kaade Pool naa mo, bā wur plang Naan, dang pātuup wur nā sāt katɓal. 16

Kaade mu ji mu wul ndaæn pee nkaam nRom, bə mo shĩnpee mPool tong di mbashin mpee dɛwur rəbɛt, ashak kə shiitoon dɛwur kə tap Pool. 17 Aɔwoon teer mo kun, bə Pool pərep nen denan-nan mə nnen Yahudi mo. Kaade mo kuur ashak, bə wur sat mmo nānee, “Dyemnaa mo, baa kən cìn mee mbii dɛbish nnen fun mo kas. Koo a nkaa māsɛ mə wàar puun fun mo, bə baa kən cìn mee mbii dɛbish kas, jir kəsə, bə mo yaa an shin nnen Rom mo a buɔwoot ndaæn yil nJerusalem. 18 Kaade nnen Rom mo tokdyeel nghan, bə mo rəbɛt ɔwet an, mbəde baa kən cìn mee mbii dɛbish dɛ nə mak kə mmo tu an kas. 19 Dangbə baa nnen Yahudi mo rəbɛt kə mmo ɔwet an kas, bə nə dɛɛ nghan a təng kən nghan dang nə, mo ji kə dyeel fɛn nə pə Siza di. Baa nə, kən rəbɛt yap a nen fun mo kə dyeel kas. 20 A mbə pwoo dɛsə, bə wen nyappee dɛ an nnaa wun di, mbəkə wen leshap di kə wun, mbəde a mbə canciin dɛ nnen Isreil mo kə nə, dang an di a buɔwoot shi shoobəring dɛsə.” 21 Mo sat nwur nānee, “Baa mmun muu kat mee lep a rəran nyil Judiya nkaa gha kas. Kəzak baa mee dyemnaən fun mo ji mpee dɛsə, kən mmo satpwoo di mmun nkaa gha, koo mo sat mee pwoo mmun nkaa mbii dɛbish dɛ a cìn mo kas zak. 22 Dangbə mu rəbɛt kələng nə mpwoo fwaa mbii dɛ gha naa nə ret, mbəde katdang a pwoo nkaa Ar dɛsə nə, bə mu man nə, koo a nii, bə mo nkaa leshap dɛbish nkaa nə.” 23 Aɔwoon mənə, bə mo lepuus. Bə kaade puus nə wul, bə gurum mo dɛs mo ji pə Pool di a pee dɛwur kə tong di. Yool mbít, dəm wul nkansəən, bə Pool kámshii mə mulki mə Naan nə ngurum mo, dang wur tong a langtəng nkaa nə zak. Wur rəbɛt dul mo ji pə Jesu di, shi kám mə Wàar mə Mosis, kə shi kám mə nensatpwoo mə Naan mo zak. 24 Pak gurum nə mo shinzeen mpwoo dɛwur sat nə, dang baa pak mo shinzeen kas. 25 Kaade baa mo kələngkar nə ashak jir kas, bə akudang moo rangkàa, bə Pool sat mee pwoo mmo məndong, nānee, “Azeen-zeen pwoo dɛ gyet Riin Dɛbang wur kə sat mpuun fuu mo nsar kə ngusat pwoo Naan Aizaya nānee, 26 A dəm pə nnen dɛsə mo di, kən nghan sat mmo nānee, wun nsat a kələngpee, dang baa wun mmanshii mə mbii dɛ wun kələng nə kas koo dābɛn. Wun nsat a nnaapee ɔak, dang baa wun mmanshii mə mbii dɛ wuu naa nə kas koo dābɛn. 27 Mbəɔə pətuup mə nnen dɛsə nə mo fii dɛɛ kakras. Mo kə duur kom fur mo, dang mo kə kup ar fur mo

zak. Mbəkə taji mo naapee shi yit fur mo, kə taji mo kələngpee shi kom fur mo zak, kəzak, mbəkə taji mo manshii nə ndaæn pətuup fur mo. Kən mmo ciir pə an di, bə yool an bəm mo.’ 28 “Mbə mənə, bə wen nrəbɛt kə nwun man nə, mo kə lep pwoo nkaa bəm mə Naan nə shindəm nnen dɛ baa mo a nen Yahudi mo kas. Yaksə mon nlekom mbə pwoo nə, bə mon nkələng.” 29 Kaade Pool leshap dɛsə mmo, bə nnen Yahudi mo rangkàa, kə mon nkaa beetpwoo nə kə shak. 30 Pool tong ndaæn lu dɛ a wur kwat shikàa fin, mbə bit mo vəl. Wur kə kaat nen dɛ mo ji pə wur di jir. 31 Wur leshap ngurum mo nkaa mulki mə Naan nə, baa ashak kə mee kəermuut kas, kə baa mee ngwe cíi nwur kas, kəzak, wur kámpwoo ngurum mo nkaa Daa Jesu Kristi.

1 Koronti

1 Lepran dāsə nə put a nsar kə Pool, de shi dem Naan, be Naan pet wur kə wur dee a laalep mə Kristi Jesu, kə dyemnaən fun Sosfenes. **2** Wen kən lep pwoo desə nə dām pee Ekəlisya mə Naan de nə nyil nKoronti. Nen de Naan kə ten bələp mo le, mbəkə mo dee di a nen fir mo ndəən Jesu Kristi, kə mpee nen di koo a nneye, de moo pet sām kə Daa fun Jesu Kristi dēwur a Daa fur kə Daa fun zak. **3** Deret kə tongryang de nə put a pee Naan puun kə Daa fun Jesu Kristi nə tong ashak kə wun. **4** Wen pəlang Naan shidaar-shidaar mbe wun, mbədə Naan wur cin deret wun ndəən Kristi Jesu. **5** nDəən Jesu Kristi, be Naan wu kə shin man mbii mo wun, kə man leshap rəret des hakyeng. **6** Mbədə langtəng fun nkaa Kristi nə dee azeen-nzeen ndəən wun. **7** Mbəmənə, be baa wu nook kat mee zuum de nə a mə Riin Naan kas, kaade wuu choor mbe kum parpuus di Daa fun Jesu Kristi wun nji put agaak. **8** Wur nwaa shin bal nwun har peekyes nə, mbəkə wu dee di a de ndəre-ndəre parpuus mə Daa fun Jesu Kristi. **9** Naan dēwur kə ten pərep wun, kə wu dee di a nentong ashak kə Lāa fir Jesu Kristi, Daa fun, wur a nguzeen. **10** Dyemnaa mo, wen dang pee wun, ndəən sām kə Daa fun Jesu Kristi, nee, nə ret kə pwoo fuu mo dām ndangshak, mbəkə taji mee bākshak yool nnaar fuu kas. Dangbe nə ret kə wu dee a deməndong ndəən pan fuu mo kə ndəən mbii de wu rəbet cin mo. **11** Dyemnaa mo, nentul kə Klo mo ji sat wen nə, bələp kə yool nnaar fuu. **12** Mbii de mo sat nə a nə, koo a weye ndəən wun, be wur sat mbii mo shini-shini, pak moo sat nānee, “Wen a mə Pool,” Koo “wen a mə Apolos,” Koo, “wen a mə Kefas,” Koo, “wen a mə Kristi.” **13** Kristi wur dee a deḃəḃak ee? Gyet mo pwas a Pool nkaa shiyeepyoom mbə wun aa? Aa koo gyet mo cin baptisma nwun a ndəən sām kə Pool yii? **14** Wen pəlang Naan, mbədə baa gyet wen cin baptisma memee fuu kas, təng a Krispus kə Gayus bejee dāk. **15** Mbəmənə be baa mee fuu mmak sat nə, gyet mo cin baptisma wudin a ndəən sām fen kas. **16** (Dangbe gyet wen cin baptisma nentul Stifenas mo. Katdang baa a mo kas, be baa wen pan nə, gyet Wen cin baptisma mmee gwe kas.) **17** Baa gyet Kristi wur lep wen a mbəkə wen cin baptisma di kas, amma gyet

wur lep an, a mbəkə wen satpwoo deret nə di, baa a shi mee seen kə man satpwoo kas. Mbeekə taji mo leḃal mə shiyeepmūt kə Kristi nə dee a debuu kas. **18** Pee nenyil di mo nkaa loom, be pwoo nkaa shiyeep nə a pwoo debuu pee mo di. Dangbe pee mun, nen de muu kat seen, be shiyeep nə a iiko Naan. **19** Mbədə mo kə ten ran ndəən ḃəət haal Naan nānee, “Wen nshirip seen nenseen mo, kə nghan mmang man kə nenman mo nle mmee kwang akudang.” **20** Katdang nə a kəsə, be nguseen nə a nneyii? Be nguman mbii a nneyii? Be nguḃeetshik mḃut mḃit dāsə a nneyii? Naan wu kə ten shin ciir kə nenseen mə yil desə nə dee a mwen mo. (aiōn g165) **21** Mbədə ndəən seen kə Naan, be yil nə shi seen kə nə, baa nə man Naan kas. Dangbe nə ret Naan nyit mbe pwoo deret di mə sat nə, de pak nenkəngpwoo mo, be moo sat nə, nə a pwoo mwen mo. Dangbe nə a ḃam mpee nen de mo shinzeen. **22** Nen Yahudi moo tang mbii aapwoo mo, kə nen Heleni moo tang a seen. **23** Dangbe mun, muu sat a pwoo nkaa Kristi de mo pwas wur nkaa shiyeepyoom. Desə nə dee a mbii canshii nen Yahudi mo, kə nə dee a pwoo mwen pee nen di baa mo a nen Yahudi mo kas. **24** Dangbe pee nen de Naan kə ten pərep mo, koo a nen Yahudi mo, koo a nen Heleni mo, be Kristi wur a iiko mə Naan kə seen fir zak. **25** Mbədə mwen Naan nə met nseen gurum mo, kə ḃwāar kə Naan nə kə ḃal met ḃal mə gurum mo. **26** Dyemnaa mo, wu pan kaade Naan wur pərep wun sə. Baa gyet wur pərep a nen de moo seen mə yil dāsə des kas, kə baa gyet a nen de mo kə iiko des kas. Baa a nen de gyet mo lāa mo mḃut ndang mə nenlong mo des kas. **27** Dangbe Naan wur bələp a mbii demwen mə yil nə mo, mbəkə wur cin yitlwaan di nenseen mə yil nə mo. Naan wur bələp mbii de baa mo kə ḃal ndəən yil nə kas, mbəkə mo shweep mbii de moo ḃal mo di. **28** Naan wur bələp a mbii de yil nə ḃees, kə yil nii naa mo a kaa mbii debuu mo sə, har kaa mbii di baa mo di kas sə, mbəkə nə twe mbii de yil nii naa mo, a kaa mbii de moo koop nə sə de. **29** Mbeekə taji mee gwe canjoom nyit Naan kas. **30** Dangbe Naan wur ji kə wun ndəən Kristi Jesu, kə wur le Jesu Kristi a seen fun, kə deret fun, kə a mḃee wur dangbe wu mak dee a deḃang nyit Naan, kə a wurang mun mḃut shikbish fun mo zak. **31** Nə a kaa de mo kə ten ran ndəən ḃəət haal Naan sə nānee,

“Koo a weyii de wur canjoom, be nā ret kə wur canjoom nā ndāen be de Daa Naan Cin.”

2 Dyemnaa mo, kaade gyet wen jì pee wun de, be baa gyet wen satpwoo nwun nkaa mbii desəsok mā Naan nā mo a shi liispwoo deshang kələng, kə man satpwoo mā seen kas. **2** Mḃədā, kaade gyet wen ashak kə wun, be gyet wen kə ten lesen a kaa gwe dī baa wur man mā be kas, a Jesu Kristi bejee, de mo kə pwas wur nkaa shiyeepyoom sā. **3** Gyet wen ashak kə wun, be wen a ndāen cīnbal, kə ndāen kəarmuut kə daar zak. **4** Kə gyet pwoo de wen kən sat nā, kə kām fen nā mo, baa gyet wen kən sat mo a shi pwoo deshang kələng kə seen mā man satpwoo kas, amma gyet nā a ndāen kām mā iiko kə Riin. **5** Mbeekā taji wu le shinzeen fuu mo tong a ndāen seen mā gurum mo kas, amma wu le shinzeen fuu mo a ndāen iiko kə Naan. **6** Dāngbe muu sat a pwoo dī mā man, pee nen de mo kə wurang ndāen mbii de mo a mā Riin Naan. Baa man dāsə nā a mā yil dāsə kas, kə baa nā put a pee nen mulki mā yil dāsə mo, de mo mbə dēl dām sā kas. (aiōn g165) **7** Dāngbe mun muu sat a pwoo nkaa man Naan de nā a səsok ngurum mo, man de Naan wur kə ten le mbe dedes fun akudang wur leyil nā. (aiōn g165) **8** Baa mee ngu mulki mā yil dāsə mmak man mənā kas. Katdāng de gyet moo man mənī, be baa gyet mon mpwas Daa de hai nkaa shiyeepyoom kas. (aiōn g165) **9** Kaadā mo kə ten ran ndāen bəət haal sā nēnee, “Mbii dī baa gurum kə cham naa kə yit kas, “de baa gurum kə cham kələng nā shi kom kas, “de baa pətuup gurum kə cham pan “mbii de Naan wur kə tap dāk nā le, “nen de mo wal nwur mo kas.” **10** Dāngbe Naan wur kāmshii mənā mmun a shi Riin fir, mḃədā Riin wur bələp mbii mo jir, har koo dī a jurum kə mbii aapwoo mā Naan mo. **11** A gurum dedāng mmak man pan kə mee gwe yii? Katdāng baa a riin kə gwe nā kas yii? Nā aasə zak, baa mee ngwar cham man pan Naan kas, naa tōng a Riin Naan bejee dāk. **12** Baa mun mu kat a riin mā yil dāsə kas, amma mā lap a Riin Naan, mbəkā mu manshii kə mbii de Naan wur ten shīn mmun de. **13** Mḃəmənā, pwoo de muu sat nwun, baa nā put a mḃut mman mā gurum kas, amma a Riin wur woo nā mmun. Riin nā wur woo zeen, mbe nen de mo kə Riin Naan ndāen pətuup fur mo. **14** Ngwar dī baa wu kə Riin kə Naan ndāen pətuup fin kas, be baa wur mak lap zuum de

mo a mā Riin Naan kas. Mḃədā mbii de mo a mā Riin Naan, mo a pwoo dəbuu pee gwe mənā dī, kəzak, baa pan kə gwe mənā mak manshii mo nā kas, mḃədā a Riin Naan kə mak le gurum man mbii dāsə nā mo. **15** Ngwe dəwur kə Riin Naan ndāen pətuup fir, be wur mak manshii mbii dāsə nā mo, amma baa mee gurum mak tokdyeel nwur kas. **16** Kaadā mo kə ten ran ndāen bəət haal kə Naan sā nēnee, “A wii kə man pan Daa yii? Mbeekā gwe mənā beetpwoo de kə wur yii?” amma mun kə pətuup mā Kristi.

3 Dyemnaa mo, baa wen mak leshap kə wun kaa nen de mo kə Riin Naan sā kas, dāngbe Wen katpwoo kə wun a kaa nen dī mā yil nā mo sā, mḃədā gyet wun a laa njuu mo ndāen mbii de mo a mā Kristi. **2** Gyet wen kən shin a wur nwun. Baa gyet a mbiise dəbal kas, mḃədā baa gyet wu mak se mbiise dəbal kas, har yaksə be baa wuu daksuk mbe se mbiise dəbal nā kas. **3** Tong fuu, nā de a mā yil dāsə, mḃədā wun kə cīn zuur, kə wuu jəər kə shak. Kiyeet kə tong dəsə kām nā, wun de a mā yil nā, kə wuu mwaan a ndāen shiimwaan mā yil dəsə nā. **4** Katdāng memee fuu sat nā, wudin a mā Pool, kə memee sat nā, wudin a mā Apolos, dāng ntan azeen-nzeen be wuu sat mbii mənā mo a ndāen pan mā gurum kas aa? **5** A wii a Apolos yii? A wii a Pool yii? Mun a kərem Naan, de Naan wur shīn dāk mun kə har wu shinzeen. Koo dāng a weyi ndāen mun, be gyet muu cīn a mbii de Naan wur kə ten le nsar fun. **6** A an kop, dāngbe Apolos wur le am dīke, amma a Naan wur le nā wurang. **7** Mḃəmənā be gwe dəwur kop mbii, kə gwe dəwur le am dīke, be baa mo a mee mbii kas, amma a Naan bəshin wur kə le mbii nā mo wurang. **8** Ngwe de wur kop, kə gwe dəwur le am dīkə, be mo a nchiit-nchiit. Koo a weyi be wur nlap kwat fir a nchiit-nchiit kə dāk de gwe nā cīn. **9** Mun jir a shaar dāk kə Naan. Wun a bong kə Naan, kə wun a lu kə Naan. **10** Shi deret de Naan wur kə ten shīn nā wen, be wen kən b̄wet kuklu nā, a kaa nguman dyiklu sā, kə mee gwe dyiklu nkaa kuk nā. Dāngbe nā a tōng kə koo a weyi, be wur tap kə dyikpee de wur dyik nā nkaa kuk nā. **11** Baa mee kuk dī, de mee gurum nwaa baa b̄wet dī, waa met kuk de Naan wur kə ten b̄wet nā, shi Jesu Kristi kas. **12** Yaksə, katdāng mee gwe kə dyikpee nkaa kuk nā a shi zinariya, koo shi azurfa, koo shi ghək dekəram mo, koo shi yoom, koo shi shit, koo shi yangkas,

13 Be nā ret kə ngwar mənə man nā, ret kə dāk fir nən ndee agaak parpuus de Daa Jesu wur mbaaji ndəən yil desə. Parpuus mənə be mon nwoo dāk kə koo a ngwar dedangyii, har a wus ncham ret mē dāk kə koo weyii. 14 Katdang baa wus se mbii de gurum kə ten dyik nkaa kuk nā kas, be gwar mənə nlap kwat. 15 Dangbe katdang wus se mbii de gurum kə ten cīn nā, be nən ndee a dāk debuū, amma gwar mənə shikāa fir, be wur nkat 6am wur, amma nā dee kaa wu del put wus nā a shi tambut sē. 16 Baa wu man nā, wun shikāa fuu wun a lu dādes kə Daa Naan kas aa? Kə Riin kə Naan kə tong ndəən wun kas aa? 17 Katdang mee ngwar təkook lu kə Naan nā, be Naan wun təkook gwar mənə zak. Mbədə lu kə Naan nā a dəbang kə a wuwun a lu kə Naan nā. 18 Taji mee gurum numkāa fir kas, katdang mee gurum ndəən wun di wu kə lekāa fir a kaa ngwar di kə seen nyicinsə, be nā ret kə gwar mənə lekāa fir kaa mwen sē, mbəkə wur kat seen di. (aiōn g165) 19 Mbēdi seen mā yil desə nā a mwen nyit Naan bejee, kaade mo kə ten ran ndəən bəət haal Naan sē nānee, “Naan wur yak nenseen mā yil desə mo, ndəən seen fur dəbish.” 20 Kəzak, “Daa wur man nānee, “pan kə nenseen mā yil desə mo nā a mbii debuū.” 21 Mbəmənə be taji mee gurum canjoom nkaa gurum mo kas. Mbēdi mbii mo jir a muu. 22 Koo dāng de a Pool, koo a Apolos, koo a Kefas, koo de a yil desə, koo de a seen, koo de a muut, koo de a yaksə, koo de a mbii de mo akyeen, be mo jir a muu. 23 Kəzak, wun a mā Kristi, kə Kristi wur a mā Naan.

4 Nā ret kə gurum mo man mun a kaa jeplep kə Kristi mo sē, kə kaa nendak mo, de Naan wur kə ten le zeen mbii fir desəsok mo ndəən sar fun sē. 2 Nā a təng nen de mo kə ten le zeen nā nsar fur, be mo dee a nenyil de mon ncīnzeen mmo. 3 Baa nā daampee wen kas koo dāben, katdang wu cham an, koo de cham nā a nludyeel mā gurum mo, baa wen kən tokdyeel nsen kas. 4 Wen man nā, baa an del dīke kas, amma jir kəsə, be baa nā kām nā wen a nen nshikbish kas. A Daa wur a gwe de wur tokdyeel wen. 5 Mbəmənə be, taji wu candyeel nkaa mee gurum kas, atəng pee nā wul akudāng. Wu gong waaji nDaa. Daa wur nji le mbii de mo a səsok mo dee agaak, kə wur nwang pan de mo ndəən pətuup kə gurum mo dee agaak zak. A nchiit kə mənə be koo a weyii, be Naan

wun nkwoop wur nchiit-nchiit kə kwoop de nā ret kə wu kat. 6 Yaksə dyemnaa mo, wen kən sat səmpwoo dəsə mo nkaa Apolos kə sen fen, mbəkə mu dee di a mbiikām pee wun di, “Taji wu cīn mbii mo met mbii di mo kə ten ran nā kas,” Kə taji memee fuu cīn roop nkaa mee gurum, kə wur bees mee gurum di kas zak. 7 A wii le waa met niyee mo yii? Baa dā a Naan shin mbii de waa kə mo jir kas aa? Katdang nā aasə, be a me le dāng gha kə dyeepkāa ye, kaa baaji waa ləlap a nzuum sē kas sē aa? 8 Wu ten wu kat mbii de wuu Rəbet mo jir. Wu ten wu dee a nenlong mo. Wu dee a mishkoom mo, baa ashak kə mun kas. Dyen wen kə de wuu ten wu dee a mishkoom mo, kə mun dee di a mishkoom ashak kə wun. 9 Nnaa mənə, be Naan wu kə le mun a jeplep Jesu mo. Muu dee a nen de mo tong sham sət nā, kaa nen de mo kə ten candyeel muut mmo sē, mbəkə mo twe mun di nyit gurum mo des. Mu dee a mbiishwar nyil nā jir, nyit mā Nenlep Naan mo, kə nyit gurum mo zak. 10 Mu dee a mwen mo mbe sām kə Kristi, amma wun a nenseen mo ndəən Kristi. Baa mun kə 6al kas, amma wun kə 6al. Gurum mo shīn dedes nwun, amma mo bees mun. 11 Har yaksə be neen kə lāa mmun, kə neen am kə tu mun. Muu jwal a goklee mo, kə gurum moo nas mun. Baa mun kə mee tul kas. 12 Muu cīn dāk 6al6al shi sar fun mo. Katdang gurum mo bees mun, be muu le deret nkaa mo. Katdang mo lejele mmun, be muu gung. 13 Katdang mo satpwoo debish nkaa mun, be muu lap mmo shi pwoo deret. Yaksə, be mo dee a kaa zungtung di gurum moo beerpee de sē. Muu dee a mbii dəbish de koo weyii kə cii mun ndəən yil nā. 14 Wen kən ran desə nwun, baa a mbəkə an cīn yitluwaan di nwun kas, amma a mbəkə nghan kāmshii nā di nwun, kaa jep fen di nghan wal mmo sē. 15 Koo dāng di wun kə nenkām mo ngal kaapaat ndəən Kristi, amma be wun kə puun a mandong. Mbədə ndəən Jesu Kristi, be wen kən dee a puun fuu ndəən pwoo deret nā. 16 Mbəmənə, be Wen kən dāng pə wun, kə wu mwaaan ndəən shiimwaan fen zak. 17 A mbii de nā le mmənə, dāngbe Wen kən lep Timoti, dyem fen, de wen wal nwur, de wur kə 6ar 6al6al ndəən Daa, dām pee wun dā. Wur yee nwun nkaa mwaaan fen ndəən Kristi Jesu. Mwaaan fen nā nchiit-nchiit kə mbii di Wen kən kām ngurum mo, koo a nneye ndəən Ekəlisya mo. 18 Pak mo ndəən wun, moo roop kaa baa

wen nkudi kən mbaadəm pee wun di kas sà. 19 Katdang Daa wur rəbet, kə wen dām pee wun di kələk-kələk, 6e wen nnaa mbii de nenroop nə moo sat, kə wen nnaa iiko de mo kə nə zak. 20 Baa mulki Naan nə a sat shi pwoo kas, amma nə a iiko. 21 Wu rəbet a dēdangyii? Kyet wen nji pee wun di a shi mbwat wo? Koo dāng a shi wal mə riin de nə a pədok yii?

5 Azeen gurum moo sat nwen nə nencin ngaa mo di nnaar fuu, kaan ngaa de koo a nenkum mo, 6e baa moo cìn mənə kas. Mbēdi wen kələng nə, laa kə saam kə mat kə puun fin. 2 Har nnə, wuu cìn roop kə mənə. Baa di nə ret kə wu gam aa wat pətuup, kə di nə ret kə wu ceen kaan nen de moo cìn mbii debish mənə mo ndəən tong ashak fuu kas aa? 3 Koo dāng di baa nghan ashak kə wun mbut nan kas, amma wen di ashak kə wun ndəən Riin, kə wen kən ten candyeel debish gwe di wu cìn mbii debish mənə ndeen sām kə Jesu Kristi, kaa nghan di ashak kə wun sà. 4 Katdang wu kuur ashak ndəən sām kə Daa Jesu, 6e wen di ashak kə wun ndəən riin, kə iiko mə Daa fun Jesu nə di ashak kə mun. 5 Wu shin ngucin ngaa nə nsar Shetan, mbəkə shin fin di nə a mə cìn shikbish nə muut di, amma riin fir nə dee di a dēbədam parpuus mə Daa Jesu. 6 Baa roop fuu nə ret kas, koo dāben. Baa wu man nə a rep yist nlee 6e nii fuk gəl aas kas aa? 7 Mbəmənə 6e wu pwat kə yist dəsəər mə shikbish nə ndəən tong fuu mo aku mbəkə wu dee di a nenyil dēbang mo. Gyet Jesu Kristi wu muut a mbə shikbish fun mo, a wu a Laatəm mə Retnyit kə Candel fun, de mo kə ten shin wur a mbiizuum sà. 8 Mbəmənə 6e wu yit kə mu sekyeen kə cìn Retnyit mə Candel fun, baa a shi gəl aas de nii yist dəsəər mə shikbish kə butbish kas. Dāngbē mə cìn Retnyit mə Candel nə shi gəl aas di baa nii yist kas, gəl aas de nə a mə pətuup mändong kə zeen. 9 Gyet wen kən ran nwun ndəən lepran fen nnə taji wu balkaa fuu ashak kə nencin ngaa mo kas. 10 Baa gyet wen kən satpwoo a nkaa nencin ngaa di mə yil dəsə mo, kə nenrəbet mbii mo, koo wat mo, koo nenyil di moo seyil nkum mo kas. Katdang wu rəbet kə taji mee mbii bəl wun kə nenyil dəsə mo kas, 6e nə a təng kə wun mpwat aku ndəən yil dəsə kənding-nding mənə. 11 Amma wen kən ran nwun, nə, taji wu balkaa fuu kə ngwar de wu kə pet shin a ngudəm ndang Jesu, dāngbē wur kə cìn ngaa, koo rəbet mbii, koo

seyil nkum, koo satpwoo debish nkaa gurum mo, koo shwaamwes, koo ngucin wat kas. Baa nə ret kə wu se mbiise ashak kə gwar mənə kas. 12 Baa nə a dak fen mbəkə an tokdyeel nenyil di baa mo a nen dām ndang Jesu mo kas. A wun tokdyeel nenyil de mo ndəən Ekəlisya mo bejee. 13 A Naan nwur ntokdyeel nenyil di baa mo a nendəm ndang Jesu kas. Wen sat nənēe, “Wu ceen ngwar debish put aku mbut nwun.”

6 Katdang memee ndəən wun kə mee pwoo nkaa dyemnəən fin, 6e wu naa nə ret kə wu mang pwoo nə, dām kə nə ntoom kə ngudyeel di baa wu a ngucinzeen kas aa? Baa nə ret kə a nen Naan mo beetpwoo mənə kas aa? 2 Baa wu man nə, a nen Jesu mon ntokdyeel nyil nə kas aa? Katdang a wun nyool wu tokdyeel nyil nə, 6e baa, wu mak beet rep jep pwoo deleelee mo kas aa? 3 Baa wu man nə, parmeeci 6e a mun ntokdyeel Nenlep kə Naan mo kas aa? Katdang nə aasə, 6e a me le dāng baa mə mak beet dyeel di mə yil dəsə kas ye? 4 Katdang wun kə dyeel mo, 6e a me le dāng wuu dām kə dyeel nə a ntoom kə nen de baa mo a mee mbii pee Ekəlisya mo de kas ye? 5 Wen sat dəsə nə a mbəkə nə shweep wun di. A nə le dāng kən sat nwun nə, baa wun kə mee gurum deseen ndəən wun, dēwur mmak beet dyeel mənə mo nwun nendəm ndang Jesu mo kas aa? 6 Kyet nə ret kə ngudəm ndang Jesu mang dyemnəən fir ngudəm ndang Jesu zak, dām kə wur nludyeel, mbəkə wu dār di ntoom ngudyeel de baa wu a ngucinzeen kas wo? 7 Katdang wuu mangshak wu dām kə nə nludyeel, 6e nə kām nə, wuu taa wu dee kənding-nding mmənə. Gyel dəsə 6e wu yit kə dyemnəən fuu mo wāt pətuup wun met aku di wun dām kə shak nludyeel. Gyel dee a sà 6e wu yit kə mo seen kaa wun kas aa? 8 Dāngbē wun shikāa fuu, wuu wāt pətuup nshak, kə wuu seen kaa shak zak. Jir di wun a dyemnəən deməndong ndəən Kristi. 9 Baa wu man kas aa? Nə, baa nen dābish mon ndel mmulki Daa Naan kas. Taji wu numkāa fuu kas. Baa nencin mbii debish mo, koo nenseyil nkum mo, koo nencin ngaa mo, koo mish de moo teer kə shak, koo mat di moo teer nshak, koo wat mo, koo nenrəbet mbii mo, koo nenshwaaw mwas mo, koo nensatpwoo debish nkaa gurum mo. Koo dāng nenseen akə gurum mo. 10 Baa mon mmak dēl ndəən mulki Naan kas. 11 Gyet yam 6e pak fuu mo kə cìn mbii diisi mo, amma mo

kə vwang wun mbut shikbish. Yaksə mo kə le kə wu dee a nen Naan. Yaksə 6e Daa Jesu Kristi, kə Riin Naan fun, wu kə le kə wu dee a nen dīn dāre mo nyit Naan. 12 Meebe mee gurum sat nā, “Baa mee mbii de nā cī cīn dī kas.” Ii, azeen, amma baa a mbii mo jir dī mo kə kwoop nā kas, “Pee wen dī, 6e nā azeen-nzeen nā, baa mee mbii de nā cī cīn dī wen kas.” Dangbe baa Wen rābet dee a karem kə mee mbii kas. 13 Mee gwe tal nānee, “Mbiise nā a mbə but, kə but a mbə mbiise.” Nā azeen, amma Naan wu nshirip mo weet. Baa mo leshin kə gurum, a mbə cīn mbii debish mo kaa ngaa sə kas. Dangbe mo leshin kə gurum a mbəkə nā cīn dāk dī Daa, kə a Daa wur tap kə shin kə gurum nā zak. 14 Naan wu yool kə Daa a peemūt, 6e wu nyool kə mun a peemūt shi iiko fin aasə zak. 15 Baa wu man nā, fwoshik fuu nā mo, a beep kə Kristi kas aa? Chinarang dangbe wen mmang mee beep kə Kristi, kə nghan 6al nā ashak kə beep mā mat ngaa yii? Baa mənə mmak cīn kas koo dāben! 16 Baa wu man nā, ngwar dī wu 6alshin fin kə mat ngaa, 6e wu dee a nan deməndong kə mat ngaa nā kas aa? Mbədə mo kə ten ran ndāen 6əət haal Naan nānee, “Mo vəl, mon ndee a nan deməndong.” 17 Dangbe ngwar de wu 6al shin kə Daa, 6e mo dee a deməndong ndāen Riin. 18 Wu swa wu baa aku pee mbii debish mo, kaa ngaa sə. Koo a shikbish dedangyii, de gurum kə cīn nā, 6e wur kə cīn nā a kəbwoon kə fwoshik fin. Dangbe gwar dī wu kə cīn ngaa, 6e wu kə cīn shikbish a nkaa fwoshik fin. 19 Baa wu man nā, fwoshik fuu nā a lu kə Riin kə Naan dewur tong ndāen wun kas aa? A Naan wu shin Riin mənə wun kə baa wun a mukāa fuu kas. 20 Jesu kə seet kə wun shi mbii dekərəm, mbəmənə, 6e nā a təng, kə wu shīn dedes nNaan shi fwoshik fuu mo.

7 Yaksə, 6e wen kən rābet satpwoo nwun nkaa mbii de dī wu ran mo. Nā ret kə gurum tong kəsə nen nlapmat. 2 Dangbe mbe jwaan mā cīn ngaa, 6e nā ret kə koo a mish dedangyi, 6e wur kə mat fin, kə koo a mat dedangyi, 6e war kə mish fer. 3 Nā ret kə mish nā wu cīn mbii de nā ret kə wur cīn mmāt fin, kə nā ret kə mat nā waa cīn mbii dī nā ret kə war cīn mmish fer zak. 4 Baa mat war kə iiko nkaa fwopshik fer kas, amma mish war wur kə nā. Nā aasə zak, baa mish wur kə mee iiko nkaa fwoshik fin kas, amma a mat wur war kə nā. 5 Taji wu cī nshak

akə fwoshik fuu mo kas, see katdang wuu ten wu lap ii kə shak nā, wun nnookdī mbe rep mee pee mo nlee dāk, mbəkə wu lekāa fuu dī mbe cīn dangnaan (leshap kə Naan). Dangbe a6woon mənə, 6e wu baa wu kaat dī nshak, mbəkə taji ngujwan gwam wun mbe cīn yaasuk kas. 6 Wen kən satpwoo desə mo nwun a kaa chiin sə, baa wen kən sat a mee Wāar nwun kas. 7 Azeen, wen rābet kə, de wun ntong kaa an sə, amma koo weyi, 6e wu kə lap zuum pee Naan dī dīyik kə mā gənəən. Naan wu shin zuum mo mmun a shini-shini. 8 Yaksə, wen kən sat nen dī baa mo kə cīndīyik kas, kə matkaa mo nā, nā ret kə mo tong kə sə, kaa an sə. 9 Dangbe katdang 6e baa mo mak yaasut kas, 6e nā ret kə mo cīndīyik, mbədə ngyel gurum cīndīyik, met aku dī coor se seen ngurum. 10 Mpee nen de mo kə cīndīyik, 6e wen kə mee Wāar dī, (baa a an kas, amma a Daa wu kə shin nwen) mbəkə an sat dī mo nā. Taji mat waa 6ākshak kə mish fer kas. 11 Katdang war 6ākshak kə mish war, 6e taji war baa cīn mee dīyik dī zak kas, kasbe, war waaji pee mish waa dī, kə mo dāk dīyik fur dī. Taji mee mish wur tudīyik kə mat fin kas. 12 Mpee koor nā mo, 6e wen sat nā, (baa a Daa wu sat mənə kas, a an), katdang mee ngudəm ndang Jesu, wur kə mat dī baa war kə cīnleen kas, dangbe war rābet tong ashak kə mish fer, 6e taji wur 6ākshak kə war kas. 13 Katdang mee mat dām ndang Jesu war kə mish dī baa wur kə shinleen kas, dangbe wur rābet tong ashak kə war, 6e taji war 6ākshak kə wur kas. 14 Mbədə mish dī baa wur kə shinleen kas, 6e wur dee a deləlap nyit Naan, mbe mat fin dī war kə shinleen. Kəzak, mat dī baa war kə cīnleen kas, 6e war dee a deləlap nyit kə Naan, mbe mish war dewur shinleen. Kat kəsə kas, 6e jep fuu mon ndee a kaa jep kə nenkum mo sə, amma yaksə 6e mo a deləlap nyit Naan. 15 Dangbe katdang mish koo mat, de baa mo kə shinleen kas, moo rābet 6ākshak, 6e wur yit kə mo 6ākshak dī. Katdang nā aasə, 6e ngushīnleen nā, kyet a mish aa, koo a mat nā ye, 6e gwe nā kə pee, mbe cīn mbii dī wur naa nā ret. Mbədə Naan wur pərep mun a mbəkə mu tong de ryang kə shak. 16 Wii mat dām ndang Jesu, cirang yi mman dī ye? Ngul yi nyool yi 6am wur mish yii? Waa mish ngudəm ndang Jesu, cirang gha mman dī yii? Ngul waa nyool a 6am mat fwaa yii? 17 Koo weyi, 6e wur tong nchiit kə peede Daa wur le gwe nā dī, Naan wur kə pet gwe nā mbe nā. A dəsə nā a Wāar

fen pee koo a Ekəlisya dedangyi. 18 Ngwe di gyet mo kə ten can wur akudang Naan kə pet wur, be taji wur yappee dewur ndee di nsuluk kas. Kə gwar de baa gyet mo kə ten can wur kas, dangbe Naan pet wu, be taji wur waa tang ar di mon ncan wur di kas. 19 Mbəda koo di mo can gwe nə, kə koo di baa mo can ngwar nə kas, be baa mənə mo kəkoop nə kas. Dangbe mbii de nə kəkoop nə, a di gurum ntap kə Wàar kə Naan mo bejee dak. 20 Koo weyi, be wur tong di ndəən peedi gyet wur kəən, akudang Naan kə pet wur sə. 21 Katdang gyet waa a kərem, akudang Naan kə pet gha, be taji mənə daampee nwaa kas. Dangbe katdang waa mak katpee, mbəkə a dee di a mukaa fwaa, be a gung kə a kat nə di. 22 Ngwe di gyet Naan pet wur be wur kudi a kərem, dangbe yaksə, be wur dee a mukaa fin ndəən Daa. Nə aasə zak, gwe de gyet wur a laa lu kaa de Naan pet wur, amma yaksə gwe mənə dee a kərem mə Kristi. 23 Jesu Kristi sərep wun a shi toom dekəram, Mbəmənə be taji wu dee a kərem mə gurum mo kas. 24 Nə aasə, dyemnaa mo, koo di gyet mo pərep wun a ndəən tong dedangyi, be nə ret kə mu tong di a ndəən tong mənə ashak kə Naan. 25 Pwoo nkaa nen de baa mo kə cindyik kas, be baa wen kə mee Wàar pee Daa di, mbe mo kas. Dangbe wen kən sat a pan fen, kaa gwe di ndəən kambok kə Naan, be gurum mo mak shinzeen wen sə, be wen kən pan nə, 26 Mpee mbii daampee di mo di yaksə, be wen naa nnə nə ret kə taji gurum cindyik kas. 27 Dangbe katdang waa kə mat, be taji a tang ar mbe tudyik nə kas. Katdang baa waa kə mat kas, be taji a tang ar mbəkə a lapmat di kas. 28 Dangbe katdang waa cindyik, be baa waa cən a shikbish kas, kə katdang mee reep cindyik, be baa war cən shikbish kas. Dangbe jir kəsə, nen di mo cindyik, be mon nkat jeel mə yil nə. Mbəmənə, nnaa fen be taji gurum cindyik kas, mbəkə taji wur shwaajeel. 29 Mbii de wen kən rəbet sat nə ndesə dyemnaa mo, peedi Naan wur kə ten bələp nə le, nə kə wul kus. Yool nyaksə, be nen de mo kə mat mo, be mo tong kaa baa mo kə cham cindyik kas sə. 30 Nen di mon mmaap, be mo tong kaa nen di baa mon mmaap kas sə. Nen di mon nretnyit, be mo tong kaa baa mo a nretnyit kas sə. Nen di mo nkaa nweer mo, be mo tong kaa nen di baa mo kə mee mbii kas sə. 31 Nen di moo cən dak kə mbii mə yil desə mo, be mo tong kaa baa mo kə cham cən mee mbii kə mbii mə yil nə mo kas

sə. Mbəda mbii de mə yil desə nə mo nkaa del seet. 32 Dyeen nwen, kə taji wu daampee nsuk kas. Ngwe di baa wu kə cindyik kas, be wur le pətuup fin a nkaa mbii di mo a mə Daa. Wur pan a ar di wur ncən dak di mo ret di nDaa nyit. 33 Dangbe ngwar di wu kə cindyik, be wur kə le pətuup fin a nkaa mbii mə yil nə mo, wur kə pan a ar di wur ncən mbii de mo ret di mmat fin nyit. 34 Desə nə le kə pan fin mo bək vəl mmənə. Mat di baa war kə cindyik kas, koo reep, be war le pətuup war a nkaa ar di war ncən mbii de mo ret di nDaa nyit, kə ar di war ndee a debang ndəən nan, kə ndəən Riin. Dangbe mat di war kə cindyik, be waa le pətuup fer a nkaa mbii mə yil nə mo, di war ncən, mbəkə nə ret di mmish fer nyit. 35 Wen kən sat desə a mbəkə nə bəm wu wun di, baa wen cī a cindyik nwun kas, dangbe wen sat pwoo sə mo a mbəkə mbii mo dəm di nwun ndəre-ndəre, kə mbəkə wu cən dak mə Daa di shi pətuup məndong. 36 Katdang nə dampee mə gwar, kaa baa wur pee cən be de ndere nmat kwam fin kas dang katdang coor mat kə jar dampee nwur, dang wur nan nə ret kə mo cən dyik di, be nə ret kə wur cən be de nə nbut pan wur, baa wur pee cən a shikbish kas. 37 Dangbe katdang be wur naa nə, baa nə a təng kə wur cindyik nreep fin kas, kə wur dar kə pan fin nkaa mbii di wur naa nə ret nwur, kə wur fes le pətuup fin balbal nə, wur mmak tap kə waar, be wur cən a mbii de nə ret. 38 Ngwe de wur cindyik, be wur cən a mbii di nə ret, dangbe gwe di baa wur cindyik kas, be wur cən a mbii de nə waa ret met. 39 Mat war a nder mish fer, har parpuus di wur mmuut. Katdang mish nə muut, be waa kə pee mbe cindyik koo a weyi di war kə rəbet, dangbe təng a gwe di wur ndəən Daa. 40 Amma katdang a nnaa mənə, be war ntong shi retnyit met, katdang war nook cindyik. Pan fen, be wen kə Riin Naan zak.

8 Yaksə, pwoo nkaa mbiise di mo kə ten shīn nkūm mo, mə man nənee, “mun jir mun kə man” Man nii le kə gurum dyeepkaa, dangbe wal nii tap dyik gurum kaa rəret. 2 Katdang mee gurum kə pan nə, wudi man mee mbii, be baa wu kə man mee mbii kaade nə ret kə wur man sə kas. 3 Dangbe gwe de kə wur wal nNaan, be Naan man gwe mənə. 4 Yaksə, pwoo nkaa se mbiise de mo kə ten shīn nə nkūm mo, mə man azeen nə, baa kum mo kə mee seen kas. Kəzak, mə man nə, Naan wur a bishin bejee dak. 5 Koo

di pak mbii mo di, de moo pet mo a naan mo, di mo ndaen dengnaan, koo de mo ndaen yil desə, mbəde naan mo di des, kə daa mo di des zak. 6 Dangbe jir kəsə, be pee mumun di, be Naan wur a mändong bejee, dewur a puun fun, a wur le mbii mo jir, kə a mbə wur dangbe mun kə seen. Daa fun wur a mändong bejee zak, wur Jesu Kristi, di a ndaen wur be Naan le mbii mo jir, kə a ndaen wur be mun kə seen. 7 Dangbe baa a gurum mo jir mo kə man zeen desə nə kas. Pak mo kə fes loot kə kùm mo hakyeng, har mbə cicensi, be katdang mo se mbiise, be moo pan nə mbiise nə a mə kùm. Baa pan de mputuup fur nə ɓal kas, kə mo pan nə, wudun kə dee, a dewuwat mbə mbiise. 8 Baa mbiise mak ji kə mun kus kə Naan kas. Koo di mu se mbiise, be baa mun nshee di kas, kə koo di baa mu se mbiise kas, be baa mun ntaa mə kat kas. 9 Dangbe wu tap taji katpee fuu mbe cìn mbii di wuu rəbet nə dee a mbii canshii nen di baa shinzeen fur nə ɓal kas. 10 Mbəda katdang mee gwar de baa shinzeen fin nə ɓal ndaen mbii desə mo kas, wur naa gha gwar di waa kə man, aa se mbii nlukùm, be baa nən nshin ɓal nwur ndaen pətuup wur be kə wur se mbiise di mo kə ten shin nə nkùm kas aa? 11 Nə aasə, be shi man fwaa, gha le kə dyemnaən fwaa di Kristi kə muut mbe wu, wu dee a deləloom. 12 Katdang gha cìn mbii mənə, be gha cìn shikbish nkaa gənanə, mbəde gha kə le kə pətuup fin di baa nə kə dar ɓalɓal kas nə pal, kəzak, gha cìn shikbish a nkaa Kristi shikaa fin. 13 Mbəməna, katdang mbii de wen nse, nən ndee a mbii le canshii ndyemnaən fen, be baa wen nkudi kən se mbiise mənə zak kas, mbəkə taji wen le kə dyemnaən fen canshii kas. (aiŋ g165)

9 Baa wen mak cìn mbii di wen kən rəbet kas aa? Baa wen a laalep Kristi kas aa? Baa wen kən ten naa Daa fun Jesu Kristi kas aa? Baa gyet a Wen satpwoo Naan nə nwun, dangbe wu dee a nən dəm ndang Daa kas aa? 2 Koo di baa pak gurum mo lap an kaa laalep Kristi sə kas, be nə a təng wen a laalep Kristi pee wun di. Mbəda wun a langtəng mə dək fen kaa laalep Kristi sə pee Daa di. 3 A desə nə a mbii di wen kən sat, nen di moo chakpwoo ndang wen. 4 Baa wen kə pee mbəkə wen se mbiise kə shwaa mbii shwaa be dək fen kas aa? 5 Baa wen kə pee, mbe lapmat di war a ngudəm ndang Jesu, kə wen pan war ndang sen kas aa? Kaada koor jeplep

kə Kristi mo, kə dyemnaən mə Daa mo, kə Pita moo cìn sə kas aa? 6 Aa koo a wen kə Barnabas bejee de təng see mə cìn dək aku mu kat mbiise de mun nse di aa? 7 A mee shiitoon dedang wur kə cham kwat shool dək di wur cìn nshin ye? A wii kə cham kop anab mbong, be baa wur nyool se làa anab nə kas yi? A wii kə cham kyeer long mo, be baa wur nshwaa wur mo nə kas yi? 8 Kyet wen kən sat desə nə a shi pan mə gurum wo? Baa Wàar Mosis nə sat aasə zak kas aa? 9 Mo kə ten ran nə ndaen ɓəət haal Wàar Mosis nənee, “Taji a lep shang nkus randong mpwoo, “kaada nə nkaa təreng deben mbong “mbəkə aas nə put di kas.” Naan wur kə pan aa randong mo aa? 10 Dangbe gyet wur le kə mo ran Wàar mənə mo a mbe mun gurum. Mbəkə gwe di wur kop kə gwe di wur diip, be mo cìn dək fur di shi canciin mbe se dāben nə. 11 Katdang mun, muu ten mu kop a mbii di nə a mə Riin mbut nwun, be baa nə ret, kə wuwun wu ɓam mun kə mbii di mə yil nə mo kas aa? 12 Katdang pak gurum moo kat mbii desə mo pee wun di, be baa nə ret kə mun, mu kat mbii mo des met mumo nə pee wun di kas aa? Baa mun muu le təng nwun, mbəkə wu shin mbii desə mo di mmun kas, dangbe muu gung mbii mo jir, a mbəkə taji mu daam sekyeen mpwoo deret mə Kristi kas. 13 Baa wu man nə, nen di moo cìn dək ndaen Lu Naan dades, be moo kat mbiise fur a nLu Naan dedes nə kas aa? Kə baa wu man nə nen di moo wus mbiizuum a peewus mbiizuum mo, be moo se a pak mbiizuum nə kas aa? 14 Nə aasə zak, be Daa wu satpwoo nə. Nen di moo satpwoo deret ngurum mo, be nə ret kə mo kat mbiise fur a debut zak. 15 Dangbe, baa wen kən cham cìn dək kə iiko fen desə kas, kə baa Wen ran lepran desə nwun, a mbəkə wu shin mbii mo di nwen kas. Ngyal desə be wen muut, met a kudi mee gwe le mbii di wen kən canjoom nkaa nə dee a mbii debuu. 16 Mbəda koo di wen kən satpwoo deret nə, be baa wen kə pee mbe canjoom kas. Dangbe kən satpwoo deret nə a mbəda, a Naan wur kə letəng an, mbəkə an satpwoo nə di. Jeel di mbe wen, katdang baa wen satpwoo deret nən ngurum mo kas. 17 Katdang di wen kən satpwoo nə a shi dyen fen, be di wen nkat kwat. Dangbe wen kən satpwoo deret nə ngurum mo, baa a shi dyen fen kas, mbəda a dək di Naan wur kə le nə nsar fen mmənə. 18 Kwat fen nə a meyii? A kwat fen nən ndesə, a peedi Naan wur kə shínpee nwen, mbəkə wen satpwoo deret

nə ngurum mo shi zuum, baa wen kən cìn dāk kə iiko fen mbe tang kwat pee wun di kas. **19** Koo di baa wen a kərem kə mee gurum kas, dangbe wen kən ten nle sen a kərem kə gurum mo jir, mbəkə wen jì di kə gurum mo des nDaa. **20** Mbə nen Yahudi mo, be wen dee a kaa mo sə, mbəkə wen jì kə mo di nDaa. Kəzak, nen Yahudi mo, a ndər Wàar Mosis, be wen dee a kaa mo sə, koo di baa wen shikáa fen an a nder Wàar Mosis kas. Dangbe wen kən dee a kaa nen di mon ndər Wàar Mosis nə sə, mbəkə wen jì kə mo di nDaa. **21** Mpee nen di baa mo kə Wàar kə Mosis kas, be wen dee a kaa mo sə, mbəkə wen jì kə mo di nDaa. Dangbe wen kən tap kə Wàar Naan. Azeen wen a ndər kə Wàar mə Kristi. **22** Mpee nen di baa mo kə bal ndəən shinzeen kas, be wen fwang mo, mbəkə wen jì kə mo nDaa. Wen kən ten dee a mbii mo jir, pee gurum mo di jir, mbəkə koo di a ndəən ar dedangyi, be wen bam pak mo di. **23** Wen kən lesen ndəən mbii mo jir, a mbe pwoo deret nə, kə mbəkə wen kat pak deret mə pwoo deret nə di zak. **24** Baa wu man nə, ndəən kwoon mə sushii, be gurum mo des moo shwe, dangbe a nguməndong kə lap zuum nə bejee dāk kas aa? Nə aasə zak, nə ret kə wu shwe, mbəkə wu kat zuum nə di. **25** Koo weyi, di wur a ngusushii, be wu naa nkar shin fin ndəən mbii mo jir. Wur kar shin fin, mbəkə wur lap zuum di nii kəlak kə wat di, amma mumun, muu lap a zum di baa nən cham wat kas. **26** Baa wen kən su a buu-buu kas, kə cutpee di wen kən cìn nə, baa wen kən cut a buu kas. **27** Dangbe wen kən cìn kə sen fen, mbəkə sen fen nə bal di, kə nə dee di ndər fen kaa kərem sə, mbəkə taji aḃwoon di wen kə satpwoo deret nə ngurum mo, dangbe mo yool baa kə wen shikáa fen mḃwoon kas.

10 Dyemnaa mo, wen rəbet kə wu man, gyet puun fun mo jir, mo a nder nluu, kə gyet mo jir mo can am Bahar Dənaat mo del ryang ndang Mosis zak. **2** Gyet mo cìn baptisma mmo jir a ndəən nluu, kə ndəən am bahar kaade gyet mo dām ndang Mosis sə. **3** Gyet mo jir, mo se mbiise di gyet Naan shin mmo di nə a mə Riin. **4** Gyet mo jir mo shwaa am di Naan shin mmo. Mḃedi gyet mo shwaa am di gyet nə jì put mḃut jwak. Gyet jwak desə nə mwaan ndang mo. Gyet jwak desə a Kristi shikáa fir. **5** Jir kəsə, be baa gyet Naan wur kat retnyit kə pak mo kas. Mḃəmənə be mo murep des a naaryil. **6** Yaksə,

be mbii desə mo jir, mo dee a mbiikám mumun. Mo gwak mun, mbəkə taji mu coor mbii debish mo, kaade gyet mo cìn sə kas. **7** Taji wu dee a nenkum mo, kaade gyet pak mo ndəən mo, mo cìn sə kas, kaade mo kə ten ran ndəən bəət haal mə Naan sə nənnee, “Gurum nə mo tong nyil, “mbəkə mo se gwom kùm, “kə shwaa mwes, “kə mo yool a täng mbe cìn kook.” **8** Taji mu cìn ngaa kas, kaade gyet pak mo ndəən mo, mo cìn sə, har gurum mo ngal laarvəl baakun, mo murəp parpuus məndong. **9** Taji mu kam Daa kas, kaade gyet pak mo ndəən mo, mo cìn sə, be har gyet nwòo mo, twe mo. **10** Taji mə chakpwoo ndoom-ndoom kas, kaade gyet pak mo ndəən mo, mo cìn sə, har mo murəp nsar kə ngulep mə muut. **11** Mbii di gyet nə kat mo, nə dee a mbiikám pee mun di. Mo kə ten ran mo, a mbəkə mo gwak mun di, mun de peekyes kə bit nə mo kə jì a nkaa mun. (aiōn g165) **12** Mḃəmənə, be koo a weyi, di wur kə pan nnə wudin kə dər balbal, be wur tap, taji wur pal kas. **13** Baa mee jwaan de nən nkat wun di kas, see a di nən nkat koor gurum mo jir zak. Naan wur a nguzeen, baa wur nyit kə mee jwaan kat wun, de nən mmet mḃal fuu kas. Dangbe a shi jwaan nə, be nwun nle ar put nə di zak, mbəkə wu mak gung jwaan nə di. **14** Mḃəmənə dyemnaa mo, taji wu seyil nkùm mo kas. **15** Wen kən katpwoo wun, a kaa nen de mo kə dyen sə, Naan wur kə ten kám ar nə wun sə. Mḃəmənə, be wu beet kə suk, nkaa mbii di wen kən sat nə. **16** Katdang mu mang laadaa mə Se Tong Ashak di muu pəlang Naan mbe nə, be baa wu man nə, muu bəl a káa fun mo ashak kə Kristi ndəən toom fir kas aa? Gill aas de muu yilang sə, be baa wu man nə, muu bəl a káa fun ndəən fwoshik Kristi kas aa? **17** Mḃəḃə gill aas nə a məndong, di muu yilang nə mə mu se ashak. Nə aasə zak, mun di des, dangbe mun a nan deməndong, mḃəḃə muu se a gill aas deməndong. **18** Wu pan nkaa nen lisreal mo ndəən nan, nen di moo se ndəən mbiizuum di mo wus nə, be moo bal a káa fur kə Naan di moo shìn nə nwur. **19** Wen kən rəbet sat a meyii? Kyet mbiise di moo shìn nkùm, mənə a mee mbii ee? Koo a kùm nə a mee mbii ye? **20** Hai yo, wen kən sat a nə, mbii di nenkum moo gap mpee cìn zuum, be moo shìn nə a riin debish mo, baa moo shin zuum nə a nNaan kas. Baa wen rəbet kə wu balkaa fuu mo ashak kə riin debish mo kas. **21** Baa wun mmak shwaa mḃut laadaa mə Daa, kə wu waa

wu shwaa mbut laadaa mə riin debish mo zak kas. **22** Taji mu cìn mee mbii di nən nle kə Naan cìn tuup kas. Kyet mun, mu ɓal met wur wo? **23** Gurum mo sat nə, “Mu mak cìn koo meye, di mu rəbet.” Nə azeen, ɗangbe baa a mbii mo jir di mo mak ɗik wun koo moo koop nə mbə gurum kas. **24** Taji mee gurum tang mbii de mo ret mukaa fin kas. Amma nə ret kə wur tang a mbii di mo ret mbə niyee mo. **25** Wu se mbii di moo sərep mo ndəən lutuk mə luwaa mo. Taji wu talpwoo kas, mbə pan di nə ndəən pətuup. **26** Mbəɗə mo kə ten ran ndəən ɓəet haal Naan nənee, “Yil nə kə mbii de mo ndəən nə jir, mo a mə Daa.” **27** Katɗang mee gwar di baa wur kə shinzeen nDaa Jesu kas, wur pet wun mbə sese ashak kə wur. Katɗang wuu lap ii, nnə wun ndem, ɓe wu se mbii di wu nle a kyeen fuu. Taji wu tal kas, mbə pan di nə ndəən pətuup fuu. **28** Amma katɗang mee gwe kə ten sat nwun nənee, “Mo kə ten shin luwaa ɗesə nə nkum.” ʔe taji wu se luwaa nə kas, mbə gwar de wu sat pwoo mənə nwun, kə mbe pan de nə ndəən pətuup. **29** Baa a mbe pan muu mo kas, amma a mbe pan kə gwar nə. Mbəme ɗang pan kə mee gurum nən nci nwen, mbə katpee de wen kə nə, mbe cìn mbii di wen kən rəbet yi? **30** Katɗang wen pəlang Naan mbe mbiise fen. ʔe cirang ɗangbe gurum moo leshap ɗebuu nkaa wen, mbə mbiise di wen kən ten pəlang Naan nkaa nə yi? **31** Mbəməna, ɓe koo a mbii ɗedangyi de wuu cìn, koo a se mbiise, koo a shwaa mbiishwaa, ɓe wu cìn mbii mo jir mbə shin ɗehai Naan. **32** Taji wu le kə mee gurum canshii kas. Koo ɗang di gwe nə a ngu Yahudi koo baa a ngu Yahudi kas, koo di a Ekəlisya mə Naan. **33** Kaadə wen kən gung mbəkə wen cìn mbii di mo shang di ngurum mo jir. Baa wen kən tang a ɗeret mukaa fen kas, ɗangbe wen kən tang a ɗeret mə gurum mo ɗes, mbəkə mo kat ɓam wur di.

11 Wu mwaan ndəən shiimwaan fen, kaadi wen kən mwaan ndəən shiimwaan mə Kristi sə. **2** Wen kwoop wun, mbeɗə wuu pan an ndəən mbii mo jir, kə wuu mwaan ndəən kám ɗə wen kám mo nwun zak. **3** Amma wen rəbet kə wun man nə, a Kristi wu a kaa kə koo a mish ɗedangyi, kə a mish wu a kaa kə mat fin, kə Naan wu a kaa kə Kristi. **4** Mbəməna koo mish ɗedangyi di wu cìn ɗangnaan (leshap kə Naan), kə satpwoo Naan ndəən ɗuu kə gurum

mo kə kaa fin a pəpaa, ɓe wur ji kə yitluwaan nkaa Kristi di a wu a kaa fin mmənə. **5** Koo mat ɗedangyi di war cìn ɗangnaan (leshap kə Naan), kə satpwoo kə Naan di baa war Paakaa war kas, ɓe war ji kə yitluwaan nkaa mish war. Dewur a kaa fin, kəzak, ɓe war ɗee a kaa mat di mo sak kaa nwar ngau sə mmənə. **6** Katɗang baa mat Paakaa fin kas, ɓe nə ret kə war saa shweepkaa fer. Amma katɗang saa shweepkaa koo sak shweepkaa nən nji kə yitluwaan mmət, ɓe nə ret kə war Paakaa fer. **7** Baa nə ret kə ngumish Paakaa fin kas, mbeɗə Naan ɗak mish a kaa shin sə, kə wur kám a ɗedes kə Naan. Amma mat war kə kám a ɗedes mə mish. **8** Baa gyet Naan ɗak mish a shi fwoshik mə mat kas, ɗangbe gyet wur ɗak mat a fwoshik mə mish. **9** Kəzak, baa gyet Naan wu le mish a mbe mat kas, amma gyet wur le mat a mbe mish. **10** Mbəməna, ɓe nə ret kə mat Paakaa war, kə nə kám di nə, war nder kə mish fer, kə mbe nenlep kə Naan mo zak. **11** Jir kəsə, ɓe seen fun di mun kə nə ndəən Daa, ɓe baa mat war ɗyik kə mish fer kas, kə baa mish wur ɗik kə mat fin kas zak. **12** Mbəɗi gyet Naan wu ɗak mat a shi mee ɗyes kə mish, kə nə aasə zak, yaksə ɓe a mat war kə lāa mish. Mbii moo pwat a pee Naan di jir. **13** Wun shikaa fuu, wu ɓeetpwoo ɗesə nə, kyet nən ndere mbəkə mat war cìn ɗangnaan (leshap kə Naan) nNaan ndəən kuur kə gurum mo, de baa war Paakaa war kas wo? **14** Koo a shi ɗyen, ɓe nə kám nwun kas aa? Nə a mbii yitluwaan kə mish wur ɗyel shweepkaa shwal-shwal. **15** Amma katɗang ɓe mat war ɗyel sheepkaa deshwal-shwal, ɓe mənə a mbii jwat nwar kas aa? Mbəɗə mo shin sheepkaa deshwal-shwal nə nwar, a mbəkə waa Paakaa war di. **16** Amma katɗang mee ngwar kə rəbet ɓeetshik nkaa pwoo ɗesə, ɓe baa mumun, koo Ekəlisya mə Naan mo, baa mu loot kə mee ar di nə a mə seyil nNaan di nə ɗik kə mənə kas. **17** nDəən wàar ɗesə, ɓe baa wen kwoop wun kas, mbeɗə kuur fuu nə baa nii kwoop nə kas. Mbəɗi katɗang wu ji wu kaat ndəən kuur fuu, ɓe mbii di wuu cìn nə mo, ɓe baa mo ret kas. Nii waa wuwat gurum mo met aku di nən mbam mo. **18** To, ɗinshee nə, katɗang wu kuur, kaa Ekəlisya sə, mbe seyil nNaan, ɓe baa pwoo fuu moo ɗəm ndangshak kas, har kaade de wen kəlang pwoo mənə, ɓe wen doom shinzeen nə. **19** Baa nə kə mee kyetwoo kas, nə a təng, kə mo kat ɓəkshak di ndəən wun, mbəkə mo man

nen dām ndang Naan dē dāre nā mo di azeen-
nzen. **20** Katdang wu ji wu kaat ashak, 6e baa
wuu se a Tong Ashak mā Daa nā kas. **21** M6ədā
katdang wu doom se nā, 6e koo weye wur yaa
se mbiise di wur ji kani, har wuu le kē neenlāa
mpak mo, kē pak moo shwaa 6e yiirkaa di. **22**
Kai! Baa wun kē tul di wun nse kē shwaa di
kas aa? A me le dang wuu toklong shi nkuur
mā Ekālisya kē Daa ye? Kē a me le dang wuu
shin yitluwaan nen di baa mo kē mee mbii kas
yi? Wen nsat a me nwun mbē mbii kaa dēsē
sē yi? Wen nkwoop wun aa? Hai yo, baa wen
nkwoop wun kas koo dāben. **23** Wen lap kām
dēsē nā a pee Daa dā, dē wen kēn shin nwun sē
zak. Nā, mpar di gyet mo seet Daa Jesu di, 6e
Daa Jesu wur mang gill aas. **24** A6woon di wur
kē cīn dangnaan (leshap kē Naan) mā pēlang
Naan nkaa gill aas nā, 6e wur yilang nā, wur
sat nānee, “Dēsē nā a fwoshik fen, “di wen kēn
shin nā m6e wun, “Wu naa nshin aasē, “mbākē
taji wu muunshik nwen kas.” **25** Nā aasē zak, 6e
a6woon di mo se mbiise, 6e wur mang laadaa,
6e wu sat nānee, “Laadaa dēsē nā a 6ālemcuk
shi toom kē Naan dēpwoo, di nā ndāen toom
fen. Katdang koo a pērangye di wun nshwaa
am anab ndāen laadaa nā, 6e wuu shwaa nā a
mbākē taji wu muunshik wen kas.” **26** Shii kē
dēsē nā a nā, koo a pērangye di wuu se gill aas
nā, kē wu shwaa am anab ndāen laadaa nā, 6e
wuu cīn a langtēng nkaa muut kē Daa Jesu, har
pardī wur mbaa ji. **27** Katdang mee gwe kē se
gill aas nā kē shwaa am anab ndāen laadaa mā
Daa nā, baa a ndāen ar dīn dāre kas, 6e gwe
mānē kē cīn a shikbish nkaa fwoshik mā Jesu
kē toom fir mmānē. **28** Nā ret kē gurum shee
kyamshin fin akudang wur se gill aas, kē shwaa
am anab di nān ndāen laadaa mā Daa nā. **29**
M6ədā katdang baa gurum manshii kē shin mā
Daa Jesu kē toom fin nā kas, dang6e wu kē se
gill aas kē shwaa am anab di nā ndāen laadaa
mā Daa ni, 6e gwar mānē kē ji aa dēel nkaa
fwoshik fin mmānē. **30** A nii le, dang6e pak fuu
mo a gok, kē baa pak mo kē 6al kas, har pak fuu
mo dēs, mo kē murēp. **31** Amma katdang mā
kyamsun fun mo azeen-nzen, kē mā cīn mbii
mon ndāre-ndāre 6e baa Naan tokdēel mmun
kas. **32** Amma Naan wur tokdēel mmun, kē
wur kar mun, a mbākē taji wu ncandēel dēbish
mmun ashak kē gurum dēbish, di mo ndāen
yil dēsē, parkyes kē yil nā kas. **33** M6āmānē,
dyemnaa mo, katdang wu kuur ashak m6e Se

Tong Ashak mā Daa, 6e nā ret kē wu dānaa
shak. **34** Katdang neenlāa mmemee fuu, 6e nā
ret kē gwar mānē sese ntul fir akudang wur ji
kuur nā. Mbeekē taji Naan wur candēel dēbish
nkaa wun jir, a peekuur fuu nā. Pwoo nkaa koor
mbii di mo dēe di, 6e see pardē wen wul pee
wun di, dang6e wen nsatpwoo nwun nkaa mo
jir.

12 Dyemnaa mo, pwoo nkaa zuum di Riin
Naan wur shin ngurum. Baa wen rābet kē
wu nook manshii nā kas. **2** Wu man nā, kaadē
gyet wu kudi a nenseyil nkūm mo, 6e wuu seyil
nkūm dē baa mo kē seen kas, shi ar mo shinā-
shinā. **3** Wen rābet kē wu man nā, baa mee gwe,
di wur katpwoo shi Riin Naan, wur mmak sat
nānee “Jesu candoor!” kas, kē baa mee gurum
mak cīn langtēng nānee, “Jesu wur a Daa.”
Katdang baa wur mwaan a ndāen Riin Naan kas.
4 Zuum di Riin kē Naan wur shin ngurum mo,
mo di shinā-shinā, amma a Riin dēmāndong
wur cīn mo ngurum mo. **5** Dak mo di shinā-
shinā, amma Daa a mēndong. **6** Man di gurum
moo cīn dāk dishik mo shinā-shinā, dangbe
a Naan dēmāndong wur cīn man nā ngurum
mo, mbākē mo cīn dāk nā di. **7** Riin Naan wur
kām shin ngurum mo ndāen ar mo shinā-shinā,
mbākē mo cīn dāk dē nā m6am niyee mo di jir.
8 Mee gurum, 6e Riin Naan nā shin a zuum mā
man satpwoo nwur shi seen, kē mee gurum
6e Riin nā shīn a zuum mā man mbii nwur. **9**
Mee gurum, 6e Riin nā shin a zuum mā cinzeen
nwur, kē mee gurum 6e Riin nā shin a iiko nwur
m6e bar nenchānkoom mo. **10** Mee gurum 6e
Riin Naan nā shin a zuum mā cīn mbii aapwoo
nwur, kē mee gurum 6e Riin Naan nā shin a
iiko mu satpwoo Naan gwe nā. Mee gurum 6e
Riin wur shin a man mā 6ākuyit nzuum dē mo
put a pee Riin Naan di, kē riin di baa mo put
a pee Naan di kas zak. Mee gurum 6e Riin wu
shin a zuum mā katpwoo shi lāpwoo mo shinā-
shinā ngwar mānē. Kē Mee gurum zak, 6e wur
shin a zuum dē mā manshii kē pēring lāpwoo
mā gurum mo shinā-shinā gwe nā. **11** A Riin
Naan dēsē wur mēndong, di wur shin zuum
dēsē mo ngurum mo shinā-shinā zak, kaadē
wur naa nā ret nwur nyit sē. **12** Kristi wur a kaa
fwoshik kē gurum sē. Kaadē wu man nā, shin
kē gurum nā kē 6eep mo dēs, amma jir kēsē
6e fwoshik kē gurum nā a mēndong 6ejee dāk,
koo di nā kē 6eep mo shinā-shinā. **13** Mo cīn

baptisma mmun jir a ndaen Riin demandong, aasa be mu dee a demandong, koo di mun a nen Yahudi mo, koo di baa mun a nen Yahudi mo kas, koo di mun a kaem mo, ka koo di mun a jeplu mo zak. Mun jir, be muu ten ma shwaa a bwut Riin Naan demandong. **14** Baa fwoshik ka gurum na ka beep a mandong bejee kas, amma na ka beep mo a des. **15** Katdang shii sat nanee, “mbade baa wen a sar kas, be baa wen a memee mbut fwoshik ka gurum kas.” Koo de shii sat pwoo mana, be baa nan nnook dee a memee mbut beep ma fwoshik ka gurum kas. **16** Kazak, katdang be kom sat nanee, “mbade baa wen a yit kas, be baa wen a memee mbut fwoshik ka gurum kas.” Koo de kom sat pwoo mana, be baa kom nan nnook dee a memee mbut shin ka gurum kas. **17** Katdang di fwoshik ka gurum na a yit jir, be de gurum ka kalangpee a shi meyii? Katdang di fwoshik ka gurum a kom jir bejee, be de cirang gurum nkalong du ka mbii mo di yi? **18** Amma Naan wur lebeep mo shina-shina ndaen fwoshik ka gurum, kaade wur naa na ret nwur nyit sa. **19** Katdang be di beep na a mandong bejee dak, be di fwoshik ka gurum na a nneyi? **20** Kaada beep ka gurum mo di des, amma be fwoshik ka gurum na a mandong bejee dak, **21** mpeemana, be baa yit mmak sat nsar na, “Baa wen kan rabet wii kas.” Kazak, baa kaa mmak sat nshii nanee, “Baa wen kan rabet wii kas.” **22** Azeen, baa na aasa kas, mbede rep beep di muu naa mo kaa baa mo ka bal kas sa, be mo kkoop na des mbe fwoshik ka gurum. **23** Ka muu tap ka beep di muu bak mo des zam. Beep de mo mbut nsun funu mo, di baa mo ret naa kas, be muu tap ka mo raret. **24** Dangbe baa muu shin dedes mana mbeep fun deret naa na mo kas. A Naan wur tap le fwoshik ka gurum aasa, mbaka beep di baa mo ka bal kas, be mu tap di ka mo raret zak. **25** Mbaka taji mee bakshak yool ndaen fwoshik ka gurum kas. Amma koo a beep dedangyi be nii tap ka ganaen. **26** Katdang jeel taa nkaa mee beep na, be koor beep na mo jir mon nshwajeel na. Amma katdang mo kwoop mee beep na, be koor beep na mo jir, mon ncin retniyit ashak ka beep mana. **27** Wun jir wun a fwoshik ka Kristi, koo a weye ndaen wun, be wur a memee mbut mbeep fin. **28** nDaan Ekalisya, be Naan wu ka balap gurum mo le shina-shina. Din nshee, be wu ka balap jeplep ka Jesu mo, devael, be wu balap nensatpwoo Naan mo, dekun, be wur ka

balap nenkam mo. Ka wur balap nen cin dak ma mbii aapwoo mo. Dangbe wur ka balap nen bar gurum mo, ka nenbam gurum mo, nennaa gurum mo, mbaka mo cin dak di ndare-ndare, ka nnen katpwoo mo shi liispwoo mo shina-shina zak. **29** Baa a gurum mo jir a jeplep ka Jesu kas. Baa a gurum mo jir mo a nensatpwoo Naan kas. Baa a gurum mo jir mo a nen kamkam kas. Baa a gurum mo jir mo cin dak di ma aapwoo kas. **30** Baa a gurum jir moo mak barr gurum mo kas. Baa a gurum jir mo ka mak katpwoo shi liispwoo mo shina-shina kas. Baa a gurum mo jir, di moo mak yakshii mbii di moo sat shi liispwoo mo shina-shina kas. **31** Dangbe na ret ka patuup fuu mo dee a nkaa zuum di mo kkoop na met ndaen zuum desa na mo. Yaksa, be wen nkam wun mee mbii de na ret ka wu cin met koor mbii mo jir.

13 Katdang wen mak katpwoo shi lapwoo ma gurum mo, ka ma nenlep Naan mo, dangbe katdang baa an ka wal ndaen patuup fen kas, be wen dee a kaa wal tuul de nan nfii sa, koo kaa wal kungguleng sa. **2** Katdang be Wen ka zuum ma satpwoo Naan nkaa mbii de mo pa ji, ka wen manshii mbii desasok mo, har ka koor seen mo jir, ka koo di wen ka shinzeen di na le ka wen sat njwak mo yool aku, a peede mo di, be katdang baa wen ka wal ndaen patuup fen kas, be baa wen a mee mbii kas, koo daen. **3** Koo de wen shin long fen mo jir ngurum mo shi zuum, ka koo de wen shin sen fen mbaka mo wus na di, be katdang baa wen ka wal kas, be baa nii mee koop pee wen di kas, koo daen. **4** Wal na a gung mbii mo, ka naajeel gurum mo zak. Baa wal na ka cin zuur koo canjoom kas koo wup nsat kas. **5** Baa wal na ka roop, koo toklong ngurum mo kas. Baa wal na ka dar a nkaa mbii de mo ret na nyit bejee dak kas. Baa wal na ka langtuup, koo na wet nyaa shikbish de gurum ka na mputuup kas. **6** Baa wal na ka kat retniyit ka mbii debish mo kas, amma wal nii kat retniyit a ndaen mbii di mo azeen. **7** Wal na ka gung ndaen mbii mo jir, ka nii shinzeen ndaen mbii mo jir zak. Wal nii canciin ndaen mbii mo jir, ka nii yaa sat ndaen mbii mo jir. **8** Baa wal nii kyes kas, har ngaa-ngaa. Amma satpwoo Naan nkaa mbii de mo pa ji mon ndel dam, ka zuum ma iiko ma katpwoo shi lapwoo mo shina-shina, mon ndel dam. Manshii mbii mo, be mana ndel seet zak. **9** Azeen baa man

fun nà a dè kàgam kas, kàzak, satpwoo Naan nkaa mbii dè mo pà jì, baa nà a degàgam kas. **10** Amma katdàng pardì gwe di wu a degàgam wu nji, bè mbii di baa mo a degàgam kas, mon ndel dàm sà. **11** Kaadà gyet wen kudì a làa, bè wen kèn katpwoo a kaa làa sà. Wen kèn cìn a pan njep mo ndàen pètuup fen, kàzak, wen kèn cìn mbii mo a kaa làa sà. Amma, yaksà kaadè wen a ngunan, bè wen yit dák di mo a mǎ jep mo jir. **12** Mbii di muu naa mo yaksà, bè muu naa mo a shir-shir kaadè muu naa muriin ndàen mbii naayit di baa nà naapee rǎret kas sà. Amma parmeeci bè mun nnaa mbii mo rǎret shi yit kà yit. Yaksà bè mbii dè wen man mo akáa-akáa bèjee dák, amma parpuus mǎnà bè wen mman mbii mo ndǎre-ndǎre jir, kaadè Naan wur kà ten man wen sà. **13** Mbii mo dè kun, dè baa mon cham dèl kas, mo a shinzeen, kà le pètuup, kà wal, amma wal nà dè met mmo jir.

14 Nà ret kà wu naa tong ndàen wal, kàzak, wu le pètuup fuu mo nkaa zuum di Riin wur shin mo, met jir, bè a zuum mǎ satpwoo Naan nkaa mbii di mon ncìn. **2** Koo a weyi di wu kà katpwoo a shi mee lǎpwoo dècà, bè wur katpwoo aa Naan, baa wur katpwoo aa gurum mo kas. Mbèdà baa mee gurum man mbii di wu sat nà kas, wur sat a mbii di mo a səsok ndàen ǎl kà Riin. **3** Dàngbè koo a weyi, dèwur sat a mbii dè Naan kàcìn nwur, mbəkà wur sat di ngurum mo, bè wur leshap aa gurum mo jir mmǎnà. Mbəku wur ǎl kwak di ngurum mo, kàzak, mbəkà wur gang kwak mo di, kà mbəkà wur caa mo di. **4** Ngwe dèwur katpwoo a shi mee lǎpwoo dècà, wur ǎm a káa fin bèjee. Amma gwe di wur sat a pwoo di Naan kà shin nwur, mbəkà wur sat di ngurum mo, bè wur ǎm a Ekəlisya nà jir. **5** Wen rǎbet kà wun jir, wu katpwoo shi lǎpwoo mo shinà-shinà, amma dyen nwen nà, di wun jir, wun nsat a pwoo dè Naan kà shin nwun, mbəkà wu sat dè ngurum mo. Ngwe di wur sat a pwoo dè Naan kà shin nwur mbəkà wu sat di ngurum mo, bè gwar mǎnà met gwar di wur kà katpwoo shi mee lǎpwoo dècà, see koo katdàng bè mee gurum di, di wur mmak pǎring kà pwoo nà akudàng, mbəkà nà ǎm Ekəlisya nà di. **6** Yaksà dyemnaa mo, katdàng wen dàm pee wun di, dǎngbè wen katpwoo kà wun a shi lǎpwoo mo shinà-shinà, bè kyet nghan kà mee koop nà pee wun di wa? Katdàng baa nghan dàm aa mee lep dèpwoo

nwun pee Naan di, koo mee man, koo mee pwoo di Naan wu kà shin nwen, mbəkà nghan kám di nwun kas, bè baa nà kà mee koop nà pee wun kas. **7** Koo dǎng a mbii cìn kook di baa mo kà mee seen kas, kaa koor kà ndeng-ndeng sà, katdàng baa ngutaa nà, taa dōo nà rǎret kas, bè cirang dǎng gurum mmanshii kà kook di gwar nii taa di yi? **8** Kàzak, katdàng baa ngutaa feer wu taa dōo nà rǎret kas, bè cirang dǎng gurum mon dák sut mǐbè lek yi? **9** Nà aasà zak kà wun, katdàng wu sat mbii mo a shi lǎpwoo dècà di baa gurum mo manshii nà rǎret kas, bè cirang dǎng gurum mon mmanshii kà mbii di wuu sat nà di yi? Katdàng nà aasà, bè pwoo di wuu sat nà, bè kut kà mang nà dèl dàm kà nà sà zhaap. **10** Azeen lǎpwoo mo di shinà-shinà ndàen yil dəsà, kà koo a dèdàngyi, bè nà kà manshii nà. **11** Dàngbè katdàng baa wen manshii lǎpwoo di mee gurum kà sat kas, bè gwar mǎnà a mǎzep pee wen di, kà wen dèe a mǎzep pee gwar mǎnà di zak. **12** Nà aasà zak kà wuwun. Kaadà wun wuu fes wu coor zuum mo di Riin kà Naan wur kà Shin mo, bè wu gung kà wu cìn dák di, a shi zuum dè mon ncìn mǎm mǐbè dyik Ekəlisya nà. **13** Mǐbəmǎnà, ngwar dè wur katpwoo shi lǎpwoo mo shinà-shinà, bè wu dǎngnaan (leshap kà Naan), mbəkà Naan wu shin zum mǎ man pǎring shii kà mbii di wur nsat nà mo di zak. **14** Mbèdè katdàng wen dǎngnaan (leshap kà Naan) nNaan shi mee lǎpwoo diidik, bè riin fen nii dǎngnaan (leshap kà Naan) nà zak, dǎngbè baa pan fen nii koop nà kas. **15** Katdàng nà aasà, bè wen ncìn a meye? Wen ndǎngnaan (leshap kà Naan) shi riin fen, kà wen dǎngnaan (leshap kà Naan) shi pan fen zak. Wen ncìn kook ndàen riin fen, kà wen ncìn kook nà shi pan fen zak. **16** Katdàng waa dǎngnaan (leshap kà Naan) mǎ pǎlang Naan ndàen kuur a shi riin fwaa bèjee, di baa gurum mo kǎlǎng mbii di gha sat nà kas, bè cirang mon nsat nǎnee “nà akəsè” mǐbè dǎngnaan (leshap kà Naan) mǎ pǎlang di gha sat nà ye? Mbèdà baa gurum nà mo man mbii di gha sat nà kas. **17** Koo dǎng di dǎngnaan (leshap kà Naan) fwaa mǎ pǎlang Naan nà ret nNaan nyit, bè baa nà ǎm gǎnang kas. **18** Wen pǎlang Naan, mbèdà wen kèn leshap mo shi lǎpwoo mo shinà-shinà met nwun jir. **19** Dàng bè ndàen kuur mǎ Ekəlisya, bè ngyel wen satpwoo mo a paat bèjee, di gurum mon nkǎlǎng, kà nà kám mbii mo zak, met di wen nsatpwoo mo ngal kaapaat shi lǎpwoo mo shinà-shinà dè baa

gurum mo manshii nə kas. **20** Dyemnaa mo, taji wu cín pan kaa jep mo sə kas, wu dee kaa jep mo sə ndəən mbii debish mo, dangbe wu dee kaa nennan mo sə ndəən pan fuu mo. **21** Mo kə ten ran ndəən ɓəət haal Naan nānee, “A shi gurum di moo leshap decə mo, “kə a shi ləpwoo kə məzep mo, “be wen nkatpwoo nen desə mo, “a dishik dangbe jir kəsə, “be baa mon nkələng wen kas, Daa wur sat aasə.” **22** Katpwoo shi ləpwoo mo shinə-shinə, nə dee a bee naa man mbe nen di baa mo shinzeen kas. Satpwoo di Naan kə shin mmee gurum, mbəkə wu sat mbii di ngurum mo, mənə a mbe nen di mo kə ten shinzeen mo, baa mənə a mbe nen di baa mo kə shinzeen kas. **23** Mbəmənə katdang nenyil Ekəlisya mo kaat ashak, dangbe koo weyi wu doom leshap shi ləpwoo mo shinə-shinə, be katdang nen di baa mo man mee mbii kas, koo nen di baa mo kə shinzeen kas, mo ji del ndəən kuur fuu nə, be wu pan nnə, mon nsat nə wun a nentar mo kas aa? **24** Dangbe katdang be koo weyi wur sat a pwoo kə Naan, be katdang mee gurum di baa wur kə shinzeen kas, koo gwar di baa wur man mee mbii kas, wur ji del ndəən kuur fuu nə. Be pwoo Naan di wuu sat nə, nən nle kə gwar mənə man nānee azeen-nzeen di a ngushikbish, be pwoo dewur kələng nə, nən mbiyang pətuup fin. **25** Mbii di gwar mənə kə pan mo a səsok ndəən pətuup fin, be mon nkāa put agaak, kə har wu ntaa nyil, kə wu seyil di nNaan, kə wur nsat di nə, azeen-nzeen Naan wu di nnaar fuu. **26** A mbii de wen kən rəbet sat nə ndesə, dyemnaa mo. Katdang wu kuur ashak mbe seyil nNaan, be memee fuu kə kook mə kwoop Naan, kə memee kə mbiikám, kə memee kə pwoo di Naan kə woo nwur, kə memee kə satpwoo ndəən ləpwoo decə mo, kəzak, memee kə pəring mbii di moo sat shi ləpwoo decə nə mo. Wu yit kə mbii desə mo jir, mo dee a mbii de mon cín ɓal Ekəlisya nə. **27** Katdang mee gurum mo man katpwoo shi ləpwoo decə mo, be gurum mo kaa vəl koo kun sə, mo katpwoo nə ndangshak-ndangshak, be nə a təng mee gurum pəring shii mbii de mo sat nə ngurum mo jir. **28** Dangbe katdang baa mee gurum di, dewur mmak yakshii mbii de ngusatpwoo shi ləpwoo decə nə wu sat kas, be gwar mənə dok tətək ndəən kuur Ekəlisya nə, be see wu leshap mənə a ndəən pətuup fin kə Naan ɓejee dak. **29** Gurum mo kaa vəl koo kun sə, mo leshap de Naan wur kə shin mo, mbəkə mo sat nə di

ngurum mo. Nə ret kə kwoor nə mo ɓeetshii kə mbii di mo sat nə. **30** Dangbe katdang Naan wu shin mee pwoo mee gurum dewur di ndəən kuur nə, mbəkə wur sat di ngurum nə mo, be nə ret kə gwar dewur nkaa leshap nshee sə wur dok tətək. **31** Wu mak satpwoo kə Naan nə ngurum mo ndangshak-ndangshak, mbəkə koo weyi be wu kám mee mbii di kə nə ɓam pətuup nwur di zak. **32** Zuum mə satpwoo Naan, nə a nder kə ngusatpwoo Naan nə. **33** Baa Naan wur a Naan dewur cín mbii mo a ɓurish kas, amma wur a Naan dewur tap cín mbii mo ndangshak-ndangshak ndəən ryang. ndəən Ekəlisya mə nen deɓang mo jir, **34** nə ret kə, mat mo dok tətək ndəən kuur mə Ekəlisya mo. Baa mu rəbet mmo, kə mo leshap di kas. Amma nə ret kə, mo sham kə káa fur mo, kaadi Wàar kə nen Yahudi mo sat sə. **35** Katdang mo rəbet man mee mbii, be mo tal pə mish fur mo ntul. Mbədi nə a mbii shweeppee, mbəkə mat katpwoo ndəən kuur kə Ekəlisya mo. **36** De mo shee pwoo kə Naan nə a shi wun aa? Koo a wun a nen di pwoo Naan nə wul pee wun di ɓejee dak yi? **37** Katdang mee gurum kə pan nə, wudin a ngusatpwoo Naan, koo wudi kə zuum di nə a mə Riin, be nə ret kə gwar mənə man nə, mbii de wen kən ran nwun nə a Wàar Naan. **38** Katdang gwar mənə chii kələng pwoo desə nə mo, be taji wu kələng wu kas. **39** Mbəmənə, dyemnaa mo, wu le pətuup fuu mo a nkaa satpwoo kə Naan, kə taji wu cfi katpwoo ndəən ləpwoo mo shinə-shinə kas. **40** Amma wu cín koo a meyii ndəən dyen, kə ndangshak-ndangshak zak.

15 Dyemnaa mo, yaksə be wen rəbet baa lepan di nwun, nkaa pwoo deret, de gyet wen kən sat nə nwun, de gyet wuu lap nə, kə de wu shinzeen, di wuu ɗar a nkaa nə zak. **2** A shi pwoo deret desə nə, be wuu kat ɓam wur katdang be wu yaa pwoo di nghan kən sat nə nwun ɓalɓal. Katdang aasə kas, be shinzeen fuu nə a debuu. **3** Mbii di gyet nghan kən lap nə, be wen kə shin a nə nwun, di nə kə kwoop nə hakyeng nə Kristi wu muut mbe shikbish fun mo, kaadi mo kə ten ran ndəən ɓəət haal Naan sə. **4** Mo wum wur, be wur yool a peemúut par shii dekun, nchiit kə mbii di mo kə ten ran ndəən ɓəət haal kə Naan sə. **5** Wur shee kámshin fin mPita, dangbe wu kámshin fin njelep fin dekaapaat baavəl sə mo. **6** Aɓwoon mənə, be wur kámshin fin nenshínzeen mo,

di mo met kambəlpàat a nook məndong. Pak nenyil de jì mo naa wu, mo di des de mo kudin kə seen, amma pak mo kə ten murep. 7 Wur kámshin fin njemis zak, kə jelep fin nə mo jir. 8 Dangbe a peekyes nə, be wur kámshin fin nwen zak, wen de an a kaa lāa de mo taa lāa, be baa tar lāa nə kə wul kas sə. 9 Mbədi nghan a delee mbut jelep kə Jesu nə mo. Baa di nə ret kə mo pet wen a memee mbut jelep Jesu mo kas, mbəde gyet wen kən shin jeel Ekəlisya Naan. 10 Amma mbe deret Naan, be wen de, a agwe de wen a nə yaksə sə. Dəret desə de Naan wu shin nwen, nə kə cìn dək des ndəən wen. Har wen kən cìn dək shibəl met jelep fin nə mo jir. Dangbe jir kəsə, be baa a wen cìn dək mənə mo kas, dāngbe a deret Naan de nə cìn dək ndəən pətuup fen. 11 Nə aasə, koo di gyet, a Wen satpwoo nə, koo di gyet a mo satpwoo nə, be muu sat a mbii deməndong, kə wun wuu shinzeen a pwoo mənə. 12 Katdang moo satpwoo nə, Kristi wur kə yool a peemúut, be a me le dāng pak fuu moo sat nnə, baa mee yool a peemúut di mbe nen di mo kə ten murəp mo kas yi? 13 Katdang baa mee yool a peemúut di, mbe nen di mo kə ten murəp kas, be nə kám nə, baa Kristi wur kə yool a peemúut kas mmənə. 14 Katdang be baa di Kristi wur kə yool a peemúut kas, be pwoo deret, di muu sat nə dee a debuu, kə be de shinzeen fuu nə dee a debuu zak. 15 Be di mə dee a nen cìn langtəng mə dūng mo nkaa Naan, mbədə muu cìn langtəng nkaa Naan nə, a Naan wur yool kə Kristi a peemúut. Amma katdang di nə azeen-nzeen nnə, baa nen di mo kə ten murəp mon nyool a peemúut kas, be baa Naan wu kə yool kə Kristi a peemúut kas mənə zak. 16 Katdang baa nen di mo kə murəp mon nyool kas, be baa Kristi wur kə yool kas zak. 17 Katdang di baa Kristi wur kə yool a peemúut kas, be shinzeen fuu nə dee a debuu, be de har yaksə, wuu tong di a mbut shikbish fuu mo vit. 18 Be di nen di mo kə ten murəp mbut Kristi, mo kə dee a diiləloom mo mmənə zak. 19 Katdang di canciin fun ndəən Kristi nə a mbe seen di mə yil diisi dək, be di mə dee a mbii naajeel, met koor gurum mo jir. 20 Yaksə Naan wur kə yool kə Kristi a peemúut azeen-nzeen. A wur a dinshee, mə yool a peemúut, mə nen di mo kə ten murəp mo jir. 21 Kaadə gyet, muut nə dəl ndəən yil dəsə, a mbe nguməndong, nə aasə zak, be a mbe nguməndong, be Naan wur nyool kə gurum di mo kə ten murəp mo a peemúut zak. 22 Mbədə a mbe Adam be gurum mo jir mo murəp, nə aasə zak, a ndəən Kristi be gurum mo jir mon nyool a peemúut kə seen. 23 Dangbe koo meye be mo a ndangshak-ndangshak. A Kristi wur a dinshee mə yool a peemúut akudang. Katdang wur mbaajì, dāngbe nen wur mon nyool a peemúut zak. 24 Dangbe peekyes kə yil nən nji wul, be Kristi wur nshin mulki nə nNaan puun, abwoon di wur kə ten twe koo a mulki, kə iiko, kə koo a bal dedang ye. 25 Mbədə təng Kristi wur ncin mulki nə har parpuus de Naan wur nle shaarlek kə Jesu mo dee nder shii fen. 26 Shaarlek de wur ntu nə a peekyes nə, a muut. 27 Mbədə Naan wur kə ten le mbii mo jir nder shii fen. Kaadə mo kə sat sə nānee, “mo kə le mbii mo jir nder shii fen.” Be nə dee agaak nnə, baa a Naan dee nder fir kas, amma Naan wur kə le mbii mo jir nder kə Kristi. 28 Dangbe, abwoon di mo kə le mbii mo jir, nder mulki mə Naan, be Lāa nə wur shikáa fen, wur nleshin fen nder kə Naan. Naan di wur le mbii mo jir nder Kristi, mbəkə Naan wur se mulki di nkaa mbii mo jir. 29 Yaksə, katdang be de baa mee yool a peemúut di kas, be di nen de moo cìn baptisma mmo a koppee kə nen di mo kə murəp, be mon nkat a meye? Katdang di baa mee yool a peemúut di kas, be a me le dāngbe gurum moo cìn baptisma a koppee kə nenmuut mo ye? 30 Kəzak, be di a me le dāngbe muu lappee, kə muu shwaajeel di kəsə shidaar-shidaar yi? 31 Dyemnaa mo, wen kən naa muut, koo a puus dedang yi. A roop di wen kən ndəən wun, di nə a seen fun ndəən Kristi Jesu, Daa fun, a nə le dāng wen sat pwoo mənə. 32 Katdang di gyet wen cìn lek ashak kə luwayil mo nyil Afisus a mbe pan mə gurum dək, be ləbet di wen nkat nə a me yi? Katdang be baa mo yool kə nen di mo kə ten murəp a peemúut kas, “Be wu yit kə mu se, mu shwaa, mbəkə dədəar be mə murəp di.” 33 Taji wu yit kə mee gurum ngwam wun kas. Katdang gurum kə mwaan ashak kə nendebish mo, be məse fin nən ndee a debish zak. 34 Wu baa wu jì ndəən pan fuu mo kaadi nə ret kə wu cìn sə, kə wu nook cìn shikbish. Wen kən sat nwun nə, baa pak fuu mo man Naan kas. Wen kən sat diisi a mbəkə nə shweep wun di. 35 Meebe, mee gurum ntal nānee, “Chinarang dāngbe nen di mo kə ten murəp, mon mbaa yool di a peemúut kə seen yi? Mon nyool a shi nkan fwoshik dedang yi?” 36 Waa mwen! A man nə, katdang a kop cirem

ndæen yil, 6e see cirem næn nwam, dang6e aas mbii di a kop næ kaa put. 37 Katdang a kop mee cirem nyil, 6e baa waa kæ iiko nkaa næ kas, amma waa kakop a aas næ 6ejee dak. Bishmee 6e, næ a aas shwaa, kas mee6e mee cirem dedik. 38 Dang6e Naan wur nshin mee fwooshin di nnæ, kaade wur kæ ten le næ sæ. Koo aas cirem dedangyi, 6e Naan wur ntap shin fwooshin kæ næ dîk. 39 Baa nan mo a nchiit-nchiit jir kas. Gurum mo kæ nan muru dyik, kæ luwa mo kæ nan muru dyik, kæ nyer mo kæ nan muru dyik, kæ pupwap mo kæ nan muru dyik zak. 40 Mun di kæ fwoshik di mo a mæ dengnaan, kæ mun di kæ fwoshik di mo a mæ yil desæ zak. Amma fwoshik fun di mo a mæ dengnaan, ret kæ dedes kæ mo dîk zak kæ fwoshik fun de mo a mæ yil desæ. 41 Ret dedes mæ puus næ dîk, ret kæ dedes mæ tar næ dîk, kæ mæ zar mo dîk zak, jir kæsæ, 6e pak ret kæ dædes, mæ zar næ moo met nshak zak. Mo de kæ dedes fur mo shinæ-shinæ. 42 Nin ndee aasæ zak, parpuus di nen di mo kæ ten murep, mon nyool a peemúut. Kaadæ mo wum gurum, 6e fwoshik fin næ wam, amma kaade Naan wu nyool kæ gurum a peemúut, 6e baa fwoshik fin næn nwam di zak kas. 43 Kaadæ mo wum gurum, 6e nii bish naa, kæ baa næ kæ bal kas, amma parpuus de Naan wur nyool kæ næ a peemúut, 6e næn yool a ndæen dædes, næn nret naa zak. 44 Kúm gurum di moo wum næ aa fwoshik mæ nan 6ejee dak, dang6e parpuus di Naan wur nyool kæ gurum a peemúut, 6e næ den a fwoshik mæ riin. Kaadæ fwoshik di næ a mæ nan næ di sæ, 6e azeen-nzeen fwoshik de næ a mæ riin næ di zak. 45 Mo kæ ten ran ndæen 6æt haal Naan nænee, “Naan wur shee le Adam wur a gurum deseen.” Amma Adam de mæ kyes næ, wur a Riin, kæ wur shin seen ngurum mo. 46 Baa gyet a gwe mæ riin wur shee jî kas, amma gyet a gwe mæ nan shee jî dang6e gwe mæ Riin kæ waaji. 47 Gwar de gyet Naan shee le wur, 6e gyet Naan dak wur a shi yil, dang6e gwar devæl næ wur tong adeng sham di. 48 Nen di mo a mæ yil næ, 6e mo a kaa gwar di gyet Naan shee dak wur shi yil næ sæ. Dang6e nen di mo a mæ deng, 6e mo a kaa gwar di gyet wur tong adeng sham di sæ. 49 Kaadæ muu lep a fwoshik di næ a kaa mæ gwar de gyet Naan dak wur a shi yil sæ, 6e mun nyool mæ lep a fwoshik de næ a kaa mæ gwar dewur tong adeng sham di sæ zak. 50 Dyemnaa mo, wen kæn sat nwun agaak næ, baa gurum ndæen mæse mæ nan kæ toom, mak sekoop mæ mulki

Naan kas. Kæ baa mbii dewam, næn mmak sekop a koppee kæ mbii di baa nii cam wam kas, zak. 51 Wu lekom, kæ wen sat mee mbii de næ a sæsok di nwun. Baa mun jir mun mmurep kas, amma Naan wur nchæær kæ fwoshik fun næ mo jir. 52 Kælak kaa dyaapyit (kup yit chæær wang) sæ, parpuus di mon ntæa feer di mæ kyes næ, 6e nen di mo kæ ten murep, mon nyool kæ seen. Baa mon mbaa wam di zak kas. Dang6e mon nchæær kæ fwoshik fun næ mo jir. 53 M6ædæ næ a tæng parpuus mænæ, 6e fwoshik fun di mo a mæ wam, mon nlep sun di baa mænæ mon cham wam kas zak, kæ sun fun di mo a mæ muut, 6e baa mon cham muræp kas zak. 54 A6woon di fwoshik fun di mo a mæ wam, mo lep fwoshik di baa mon cham wam kas, kæ fwoshik fun di mo a mæ muut, mo lep fwoshik di baa mon cham muræp kas zak. Dang6e sæmpwoo di mo kæ ten ran næ ndæen 6æt haal kæ Naan næn ngam di, de næ sat nænee, “Mo kæ see koorong kæ muut hakyeng kænding-nding. 55 Muut, koorong fii næ a nneyi? Muut, 6al fii di wii twe gurum mo dîshik sæ næ a nneyi?” (Hadës g86) 56 Bal mæ twapee kæ muut næ a shikbish, kæ a mbæ Wàar dang6e shikbish næ kat iiko. 57 Dang6e yaksæ, mæ pælang Naan, dewur shin se koorong mmun ndæen Daa funu Jesu Kristi. 58 M6æmænæ dyemnaa mo, wu dær 6al6al. Taji wu le kæ mee mbii tær wun kas. Dang6e wu sat a ncîn dak mæ Daa shidaar-shidaar, mbæde wu man næ, koo a dak dedangyi de wuu cîn næ m6e Daa, 6e baa næn cham dee a mbii debuuk kas, koo dæben

16 Yaksæ, 6e pwoo nkaa kok shooll di wun ntul næ m6e 6am nen Naan de mo nyil nJudiya, næ ret kæ wu cîn kaadæ gyet wen kæn sat Ekælisya di mo ndæen yil nGalati mo cîn sæ. 2 Koo a puus Láadi dedangyi, 6e næ ret kæ koo weye wu le mee shooll m6e shin zuum nciit-nciit kæ 6al fin, mbækæ katdang parpuus de wen ndem pee wun di, 6e taji wu dee ncak mee shooll kas. 3 Katdang wen ndem wul pee wun di, 6e wen nshin lepran Nen de wuu ten wu bælæp mo, mbækæ mo dæm di kæ shooll næ yilkaam nJerusalem. 4 Katdang wen naa næ ret, kæ wen dæm nJerusalem, 6e mon ndem ashak kæ wen zak. 5 Wen nji pee wun di, a6woon de wen kæn dæm nyil mMasidoniya, m6edæ wen kæn Ræbet yaa ar næ del dæm a nyil mMasidoniya næ. 6 Mee6e wen mpan nyém pee wun di m6e rep pee mo nlær dak, kæ mee6e wen ntong pee wun di m6e tar kut, mbækæ wu 6am

wen di, a ar mwaan fen, koo pee dedang ye di mənə dee a mbii caan Naan. Daa fun wur mbə
wen ndem di. 7 Dyeen nwen nnaa wun zam, waaji. 23 Dəret kə Daa fun Jesu nə tong ashak
baa a de wen nnaa wun, be wen a ar del dām kə wun jir. 24 Wal fen nə tong ashak kə wun jir
kəlak-kəlak kas. Katdang Daa wur rəbet, be wen ndəən sām kə Kristi Jesu. Nə aa sə.
ncanciin mbe dām tong pee wun di pan pong. 8
Amma wen ntong mpeesə nyil Afisus, har see
parpuus mə serəbet mə Pentikos. 9 Mbədə, pee
de nwen des mpee desə, mbəkə wen katpee cīn
dāk dēret, kə di nii koop nə ndəən nyil Afisus
nə zak. Koo de gurum mo des moo cii dāk fen
nə. 10 Katdang Timoti wur dām wul pee wun di,
be wu kaat wur rəret nnaar fuu. Taji wu le mee
kərmuut yaa wur kas, mbedə wur kə cīn a dāk
kə Daa, kaade wen kən cīn sə zak. 11 Taji mee
gurum bāk wur kas, amma nə ret kə wu bām
wur ndəən mwaan fin, mbəkə wur sekyeen di kə
mwaan fin nə ndəən ryang, kə mbəkə wur waaji
di pee wen di zak, mbedə wen kən leyit mbe
naa waaji fin ashak kə pak dyemnāa mo zak.
12 Yaksə, pwoō nkaa dyemnəən fun, Apolos, dī
wen kən satpwoō nwur shiḅal nə, nə ret kə wur
dām naa wun ashak kə dyemnəən mo. Baa gyet
dyeen nwur ndām pee wun di nciit kə mənə
kas, dangbe katdang wur nkatpee, be wur ndām
pee wun di. 13 Wu tong shi gongpee, kə wu dār
bāḅal ndəən shinzeen fuu. Wu dee a nengung
mo ndəən pətuup, kə nendēḅal mo. 14 Wu cīn
dāk fuu mo jir ndəən wal. 15 Wu man nə, gyet a
nentul kə Stifenas mo a nen di gyet mo shee
shinzeen ndəən nyil Akaya, kə mo shin sut fur
mo mbe cīn dāk di mo bām nen Naan mo di zak.
Wen kən dang pə wun dyemnāa fen mo, 16 kə
wu mwaan ndang mase kə gurum mo kaa mənə
mo sə, kə wu mwaan ndang koo weyi de wu
shin kaa fin, mbe cīn dāk mə bām wur, ashak
kə mo. 17 Nə fes ret nwen nyit zam, mbe jī kə
Stifenas kə Fortunatus, kə Akaikus, mbedə mo jī
kə mbii mo nwen a koppee fuu, mbii de baa dī
wen kə mo kas. 18 Kəzak, mo caa wen, kaade di
moo caa wuwun sə. Gurum mo kaa mo sə, nə
ret kə wu shin dedes mmo. 19 Ekəḷisya de mon
nkwang yil mə Eshiya moo lep tokshik fur mo
dām pee wun di. Akwila kə Priskila, kə Ekəḷisya
di moo kaat ashak ndəən tul fur, mo lep tokshik
mə nen dām ndang Jesu mo dām nwun ndəən
sām kə Daa. 20 Dyemnəən fun, di mo mpeesə,
moo lep tokshik fur mo dām pee wun di jir. Wu
tok kə shak ndəən wal kaa mə nen dām ndang
Naan mo sə. 21 A wen Pool, kən ran tokshik
desə nwun, shi sar fen. 22 Koo ngwar dedangyi
de baa wur wal nDaa kas, be wu yit kə gwar

2 Koronti

1 Lepran desə nə put a nsar Pool laaləp mə Kristi Jesu, shi reβet Naan, kə nsar kə dʏemnən fun nə Timoti. Wen kən lep lepran desə nə dām pee Ekəlisya joon Naan di moo nKoronti, kə nenseet ndang Jesu di mo ndəən yil Akaya jir. **2** Deret, kə ryang mə Naan puun fun, kə mə Daa fun Jesu Kristi mo tong ashak kə wun. **3** wen kən pəlang Naan puun Daa fun Jesu Kristi. Puun di wur gam kə kussuk mə naajeel. Naan di wur a nguβam mun jir. **4** A wur βam mun mβut njeel fun mo jir, mbəkə mə katpee βam nen di moo shwaajeel mu shina-shina shi βam di mu mə kat nə pee Naan di sə zak. **5** Kaade mu shwaajeel des, ndəən jeel de Kristi wur kə shwaajeel sə, bə Naan wur mβam mun des ndəən Kristi aasə zak. **6** Katdang mu shwaajeel, bə nə a mbə gang pətuup fuu mo, kə nə a mbə βam fuu zak. Katdang Naan wur βam mun, bə nə a mbə βam wun zak, di nən nle kə wu gung caan jeel di wuu shwaə nə mo, kaa mun sə zak. **7** Mbəmənə bə canciin fun di nə ndəən wun, baa nə mak yoon kas, koo lee. Pe gyet di mu man nə, kaadi wuu shwaajeel ashak kə mun sə, bə wun nkat βam ashak kə mun aasə zak. **8** Dʏemnaa mo, muu reβet kə mə le nwun npan, nkaa jeel di mə shwaə nə ndəən yil Eshiya. Gyet jeel nə fes ten mun toon-toon hakyeng, har gyet nə met mmun mβal, kə har gyet mu put kə pətuup fun mo nə, baa mun mbar kas. **9** Kə gyet mə naa kaa mo can a dʏeel tukáa mmun sə, dāng nə cìn aasə, a mbəkə taji mu gāngkáa fun a nkaa sun fun mo kas, amma mu gāngkáa fun nə mo a nkaa Naan βejee dāk. Naan di wur yool kə gurum mo a peemúut. **10** Naan wur ten put kə mun ndəən muut nə, kə wur mbə put kə mun ndəən muut nə zak. Mun mə shinzeen nə, wur waa put kə mun ndəən muut nə ryang zak. **11** Wu βam mun shi dāngnaan (leshap kə Naan) fuu mo, mbəkə gurum mo des mo pəlang Naan di mbə mun, mbə βam di Naan wur cam cìn nə mmun. Pe di Naan wur lap dāngnaan (leshap kə Naan) di gurum mo des moo cìn nə mbə mun. **12** A mbii de mu canjoom dikə ndesə, apan di ndəən pətuup fun mo kə cìn langtəng nə, tong fun ndəən yil desə nə a shi pətuup məndong, pə Naan, kə pee wun di zak. Baa a shi mee seen di nə a mu gurum mo kas, amma a shi deret

mə Naan. **13** Baa mu ran a mee pwoo deluk nwun ndəən ran nə kas, dāng a pwoo nkaa mbii de wun mmak tang nə, bə wun mmanshii nə zak. Wen canciin nə, wun mmanshii nə rəret. **14** Kaade wuu ten wu manshii nə lee sə nə, wun mmak canjoom shi mun, kaade mumun ncanjoom shi wun sə zak, pardə Daa fun Jesu wur nji ndəən yil desə zak. **15** A mbəde gyet wen naa nə ret aasə, a nə le dāng gyet wen kə reβet dām pee wun di nshee, mbəkə wu kat deret di kaa yit vəl sə. **16** Wen kən reβet taa pee wun di, a ar dām mMasidoniya, kə katdang wen dām mMasidoniya nə, bə wen nji taa pee wun di zak, mbəkə wu βam wen di a ar dām nyil nJudiya. **17** Asheel! Kaade di wen reβet cìn kəsə, bə wen cìn a mbii de nkan mmənə aa? Aa koo, wu yee nə wen kən cìn mbii a buubuu, kaadi gurum mə yil nə moo cìn sə yi? De wen nsat nənee, “li, li” dāngbe nbwoon, bə wen waa sat nənee, “haiyoo, haiyoo” Zak aa? **18** Kaade Naan wur a nguzeen sə, bə pwoo de muu sat nwun, baa nə a “li” Kə “haiyoo” Kas. **19** Pwoo di gyet Silas kə Timoti kə wen, mu sat nwun nkaa Jesu Kristi làa Naan, bə baa pwoo mənə a li, koo haiyoo kas. Amma ndəən Naan, bə koo a pərangye, bə pwoo mənə a “li” **20** Pe gyet di pwoo de Naan wur tuweerpwoo mo jir, bə mo gampwoo mənə mo a ndəən Jesu, kə a mbə Jesu dāngbe muu sat nənee, “Nə aasə” Zak mbəkə mo le Naan di a dedes. **21** A Naan di wur bəlep mun le dʏik, a wur le mun ashak kə wun ndəən Kristi. **22** Wur bii naa man wur nkaa mun, nə mun a mu wur mo. Wur shin Riin wur deβang mmun ndəən pətuup fun mo, mbəkə Riin nə kám di mmun mbii de wur le nə mmun a kyeen. **23** Amma wen pet Naan a langtəng fen nə, mbii de di nə le kə wen nook dām nKoronti nə, a mbəkə taji wen lejeel nwun kas. **24** Baa muu gung a mbəkə mu le təng di nwun nkaa mbii di wu shinzeen nnə kas koo lee, mbəde wuu dār βalβal ndəən shinzeen nə. Amma muu cìn dāk ashak kə wun, mbəkə wu kat retnyit di.

2 Wen lepan ndəən pətuup fen nə, baa wen mbaa dām pee wun di kas, mbəkə taji wen wāt pətuup nwun. **2** Katdang bə wen wāt pətuup nwun, bə a wii ndee di a de wur nle retnyit nwen yi? A wun nen di wen wāt pətuup nwun, bə a wun ncaa wen. **3** A mbəmənə, bə wen ran-ran nə nwun, mbəkə katdang wen ji pee wun di, bə taji wen kat mee mbii wāt pətuup

mōut nwun, nen di wu le retnyit nwen kas. Wen shinzeen nwun jir nā, retnyit fen nā a muu jir zak. **4** Wen ran-ran nā nwun a shi pātuup deewuwat hakyeng, kə shi yitmwa, kə jeel des zak. Wen ran-ran desə, baa a mbəkə wen wāt pātuup di nwun kas, amma a mbəkə wu man di nā, wen wal nwun zam. **5** Katdang mee ngwe wāt pātuup mmee gurum, bə baa ngwe mənə təkook a pātuup mənə bejee dāk kas, amma wur təkook aa pātuup muu, koo a pātuup mē pak fuu mo. Baa dyan nwen nsatpwoo shiḃal nkaa ngwe mənə kas. **6** Mpee nkaan ngwe mənə, bə kar de wuu ten shin nwur, nā mak. **7** Amma yaksə, bə ngyel wu fwo di ngwar mənə, mbəkə wu ḃam wur di, mbəkə taji pātuup de wat wur nā waa sət daampee nwur hakyeng. **8** Mbəmənə wen dang pee wun, wu sət wu kām wal fuu moo nwur. **9** Gyet wen ran-ran nā nwun, a mbəkə wen cam wun di, kə wen man di nā, kyet wun a nen cīn mbii mo, ndāen dyan jir wo? **10** Koo ngwe dedangyi di wu fwo nwur, mbə mee debish de wur cīn, bə wen nfwo ngwe nā aasə zak. Katdang bə mee mbii mē fwo nā di, bə wen nfwo ngwe mənə a mbə wun, mbə deret Kristi. **11** Mbəkə taji Gujwan kat mee ləbet ndāen mun kas, mbəde baa seen wur debish mo a desəsok mmun kas. **12** Kaade wen baaji nTrowas mbə satpwoo nkaa Kristi ngurum mo, bə wen kat Daa wur kə wang ar mbə wen. **13** Jir kəsə, bə baa pātuup fen nā kat retnyit kas, mbəde baa wen kat dyemnəen fen Titus di mpəmənə kas. Mbəmənə bə gyet wen sat dang-mukaat mmo, bə wen del dām nyil Masidoniya. **14** wen pəlang Naan, de a wur kə ḃwet mun shidaar-shidaar, kə mu dee di a koorong mo, mbə deret Kristi. A shi mun, bə wur pwəer man Kristi de nā a kaa mbii de nā kə toos shangshang sə, koo a mpee dedangyi. **15** Pe gyet di pee Naan di, bə mun a kaa toos deshang mo, mē Kristi, pə nen de mo kat ḃam, kə nen de mo a ar loom. **16** A mē peekyes nā ndesə, dū devəl nā a dū de mē wam, mē muut di nā dām a peeloom. Amma a mu dīnshee nā ndesə, nā a fwaap deshang mē seen di nā dām a peeseen. A wii mmak mang toon mbii desə mo yii? **17** Mbəde baa mun a kaa pak gurum de moo satpwoo Naan nā a mbə kat ləbet mē shool kas. Pwoo munu nā a mēdong, mbii di Naan wur sat mmun, bə mu sat a pwoo mənə dāen zeen ntoom Naan aasə, kaa kərem Kristi mo sə.

3 Yaksə, bə mun nwaa mē doom kwoop a kaa fun zak aa? Kyet mu reḃet mee ran nkaa mu mē langtəng dām pə wun di, koo ran mē langtəng nkaa wun ji pə mun di, kaadə pak gurum moo kə cīn sə wo? **2** Wun shikaa fuu, a wun a ran fun, di mon cīn langtəng dīshik nā. Mo joon ran nā ndāen pātuup fuu mo, mbəkə koo wii wur man nā di, kə wur tang di zak. **3** Nā kām agaak nā, a Kristi shikaa wur ran-ran desə nā mo ndāen pātuup fuu mo, dangḃe wur lep nā nsar fun. Baa mo ran-ran desə nā a shi ink kas, kə baa mo ran nā a nkaa sulet mē ngək kas. Amma mo ran nā a ndāen pātuup gurum mo, shi Riin Naan di wur mmeen har ngaa-ngaa. **4** Muu sat pwoo mənə, a mbəde mu ḃangkāa nkaa Naan ndāen Kristi. **5** Baa mee mbii ndāen mun, di nā mak le kə mu sat nā, mē cīn mbii desə mo a shikaa fun nā kas. Dāk desə nā a ḃal di mu mak cīn pak mbii mo, put a pee Naan di. **6** Mbəde a wur le kə mē dee a nen cīn dāk mē ḃəlemcuk shi toom Naan depwoo, baa a shi Wār derəran mo kas, amma a shi Riin. Wār derəran nā ji kə muut, amma Riin mē Naan wur shin seen. **7** Gyet mo ran Wār Mosis nā mo a nkaa sulet mē ngək mo, kə Kaade gyet Naan shin Wār nā mo mMosis, bə dedes mē Naan ji put agaak. Koo di gyet mēlep mē yit Mosis nā kyes, bə baa gyet nen Yahudi mo mak tər yit fur mo nkaa yit Mosis kas, mbə peeḃang di nā des nā. Katdang bə gyet Wār mē Mosis di nā ji kə muut nā ji aa dedes aasə, **8** be nā a tēng dāk mē Riin mē Naan nā ndes met mē Wār nā. **9** Katdang bə mo le dāk mē Wār di nā ji kə loom a dedes, bə azeen-nzeen dāk mē Riin di nāen nji kə deret mē Naan, nā a dedes met dāk mē Wār nā hakyeng. **10** Ndāen desə, bə wu naa nā, mbii di gyet nā a dedes, bə mbii di nāen ntong di har ngaa-ngaa nā fes met di gyet yam nā. **11** Katdang bə mo kām nā, mbii di ndung del dām a dedes, bə mbii di nā ntong di har ngaa-ngaa nāen nden kə dedes met di nā ndung del dām nā, des hakyeng. **12** Mbəde mun kə canciin ndāen pwoo deret nā aasə, bə muu satpwoo fun shiḃal agaak hakyeng. **13** Baa mun a kaa Mosis sə kas, di gyet wur paa yit wur shi fwaat, mbəkə taji nen Yahudi mo naa kyes dedes, mē mēlep mē yit wur di nāen ndel dām sə kas. **14** Mbəde gyet pan fur nā mo a deduduur har mbə cicinsə. Katdang mo doom tang pwoo Naan desəer, bə fwaat paapee desə nā paa nā, kə nā kutdi, a depəpaa pee mo di. See katdang gurum shinzeen nKristi

bejee, dāngbe moo mmak mang fwaat nā waa kə nā. **15** Azeen-nzeen har cicensə, katdang mo doom tang Wàar mē Mosis nā mo, bə fwaat desə, nā kə paa pətuup fur mo di vit. **16** Amma katdang mee gurum cəər pee Daa di, bə abet, mon mmang fwaat nā baa kə nā aku pee ngu nā di. **17** Daa wur a Riin, kə peeđe Riin Daa nā di, bə gurum mo dee a mukaa fur. **18** Yaksə, mun nenseet ndang Jesu mo jir, bə mo mang fwaat di nā paa yit fun mo ba kə nā aku. Yaksə bə gurum moo naa a dedes kə Daa ndāen tong fun nā mo, kə wur cəər kə mun, kə mē dee di kaa wur sə, ndāen dedes wur di nā nkaa wurang. Desə nā put a pee Riin mē Naan dēwur a Daa.

4 A Naan Wur cin dak mē Satpwoo wur deret wo mun ndāen deret mē kussuk wur. Mbəmənə, bə taji nā waam kwak mun kas. **2** Mu cii cìn dak debish mo, kə mbii naashweep de a səsok, kə mbii de mo le naashweep ngurum mo jir. Baa mun ncìn dung ngurum mo, koo sat dung nkaa pwoo kə Naan kas. Dang mu sat zeen nā agaak, mbəkə koo a wii, bə wur naa zeen fun nā di, ndāen dŷen wur, nyit Naan. **3** Katdang bə pwoo Naan de muu sat nā a dēpəpaa, bə nā a pəpaa a mbee nen de mo a ar loom bejee dak. **4** Baa mo shinzeen kas, a mbəde mishkoom debish mē yil desə wur kə paa yit fur mo, Mbəkə taji mo naa peeḅang mē pwoo deret mē Kristi kas, dēwur a deməndong kə Naan. (aiōnios g165) **5** Mbəde baa muu satpwoo nā ngurum mo nkaa fwoshik fun kas, amma a pwoo nkaa Jesu Kristi, di wur a Daa, kə mun shikaa fun bə mu dee a kərem fuu mo mbə sēm kə Jesu. **6** Naan wur kə ten sat nā, peeḅang nā put a ndāen peenkwoo, kə nā ḅangpee di. A wur le kə nā ḅang pətuup fun mo, mbəkə nā shin peeḅang di mmun, kə mbəkə mu man dedes Naan di, ndāen yit Jesu Kristi. **7** Mun kə long de mē Riin kə Naan nā, a ndāen Tuulwan. Shii kə mənə, a fwoshik fun mo, mbəkə mo kām ḅal dedes desə nā di, agaak nā, nā a mē Naan, kə baa nā a munu kas. **8** Moo tərəng mun koo a nkwoop dēdangyi, jir kəsə, bə baa mo mpyan mun kas. Moo wuk mun, jir kəsə bə baa kəərmuut yaa mun kas. **9** Gurum mo lejeel mmun, jir kəsə, bə pak gurum moo wal mmun. Moo hər mun car nyil, jir kəsə, bə baa Mu murep kas. **10** Koo a pərangyi, bə mun a ndāen jeel mē muut, kaa caan kə muut de gyet Jesu cìn sə, mbəkə gurum mo naa mase kə Jesu nā di ndāen fwoshik fun mo. **11** Kaade mun de

mmeen sə, bə muu tong a tong mē muut mbə Jesu, mbəkə mo kām mase kə Jesu nā di, ndāen fwoshik fun, de mo a mē muut sə. **12** Desə nā kām nā, muut nā nkaa cìn dak ndāen mun, amma seen nā nkaa cìn dak ndāen wun. **13** Mo kə ten ran ndāen ḅəət haal kə Naan nənēe, “wen shinzeen, a nā le dāngbe wuu satpwoo.” A mbəde mun mē shinzeen nNaan aakəsə, a nā le dang mu satpwoo zak. **14** Mu man nā, ngwe də wur yool kə Daa Jesu a peemúut, nwur nyool kə mun ashak kə Jesu aasə zak, kə wur nji kə mun ashak kə wun ntoom wur zak. **15** Mbii desə mo jir a mbə wun, mbəkə deret kə Naan nā wul di mbut ngurum mo des, kə mbəkə gurum mo des mo pəlang Naan di mbə dedes wur. **16** Mbəmənə, bə baa nā waam mmun kas. Koo də mun kə fwoshik di nā a mu gurum, de nā wam, amma jir kəsə, bə koo puus dēdangyi, bə moo le riin fun nā mo dee a dēpwoo. **17** Mbəde rep jeel de mu shwaa nā a mbə rep pee lee dak, nən nkəlak kə dēl dām, kə nən nji kə dedes de nā dām ngaa-ngaa, de nā met mu sat, nā met jir. (aiōnios g166) **18** Baa mu leyit fun nā mo nkaa mbii de gurum moo naa nā yaksə kas, amma muu leyit fun nā mo a nkaa mbii də baa mu mak naa nā yaksə sə kas. Mbəde mbii de gurum mo mak naa mo shi yit yaksə, ḅe a mo a mbii de mo nkəlak kə dēl dām. Amma mbii de baa gurum mo mak naa mo yaksə shi yit kas, a mo a mbii de moo tong di har ngaa-ngaa. (aiōnios g166)

5 Yaksə bə mu man nā, katdang bə fwoshik fun de mun kə mo ndāen yil desə, mo wam, bə Naan wur kə dak mee fwoshik fun de mon ntong de har ngaa-ngaa ndāen dengnaan. A Naan wur dak fwoshik mənə mo shikaa wur. (aiōnios g166) **2** Ndāen fwoshik fun, bə muu gwaar gwan, kə mu coor, mbəkə Naan shin fwoshik fun de mo a mē dengnaan sə de mmun. **3** Mbəde katdang Naan cin fwoshik fun mənə mo mmun, bə baa mo mmak kat mun ngum kas. **4** Kaade mu kutdi mu tong ndāen fwoshik fun de nā. A mē yil nā, bə muu gwaar gwan mbə jeel de mu shwaa. Baa a mbəde nā, muu reḅet a ḅàkshak kə fwoshik fun de mo a mē yil desə kas. Amma muu reḅet kə Naan shin fwoshik fun de mo a mē dengnaan sə mmun. Be fwoshik fun de mo kə seen sə, mo ndee de a koppee kə fwoshik fun de mo a mē muut yaksə. **5** A Naan wur dak mun, mbə cəər desə mo, kə wur kə ten shin Riin wur mmun, de nā dee a ḅe naa man mē mbii

dewur kə ɖak mo le mbə mun. **6** Mbəmənə, bə koo a pərangyi, bə mun kə shinzeen ndəən pətuup fun, kə mu man zak nə, kaaɖe mu kutdi ndəən fwoshik fun de mə yil desə, bə baa mun ashak kə Daa kas. Mu jong kə wur. **7** Muu tong ndəən yil desə nə a shi shinzeen, baa a shi mbii de mu naa mo shi yit kas. **8** Azeen-nzeen mun kə shinzeen ndəən pətuup fun, kə dʒeen mmun mɔ̀akshak kə fwoshik desə nə mo, mbəkə mu tong de ashak kə Daa ntul. **9** Mbəmənə bə koo de mun di ndəən yil desə, kə koo a ndəən yil de nən ndung ji, bə dʒen mmun kə mu cin a mbii de mo ret nNaan nyit. **10** Mbəɖe təng, mun jir, mun ndar ntoom kə mbii tong mə tokɖeel kə Kristi, mbəkə koo a weyi ɓe wur nlap kwat mə ɖak de wur kəcin mo, bə wur kutdi ndəən shin mə yil desə. Kyet kwat nə a ɖeret aa? Aa koo a ɖebish yi? **11** A mbəɖe mu manshii mə kəər Daa, a nə le ɖang mu gung mbə dul gurum mo ji pee Kristi di. Ndəən tong fun, bə Naan wur man rəret hakyeng, kə mu canciin nə, wun wu man mun akəsə zak, ndəən pətuup fuu mo. **12** Baa muu gung a mbəkə mu waa mu baa mu sat mee langtəng de nkaa sun fun mo pee wun di kas. Amma mu kām a ar nwun, mbəkə wu cin retnyit de shi mun, kə mbəkə wu katpee lappwoo de nen di moo canjoom a shi ɖedes fur mo. Baa a shi məse fur mo kas sə. **13** Mbəɖe koo de baa mun de mɔ̀ut məse fun nə mo kas, bə mənə a mbə Naan, kə katɖang mun di ndəən məse fun mo, bə mənə a mbə wun. **14** Yaksə, bə wal kə Kristi nə se mulki ndəən pətuup fun mo mbə wun, kə mu man azeen nə, mee ngwe məndong wur kə muut mbə gurum mo jir. Mbəmənə, bə gurum mo jir mo cam muut zak. **15** Wur muut a mbə gurum mo jir, mbəkə nen de mo kə lap seen wur, bə taji mo waa baa tong di a mukāa fur. Zak kas. Amma mo tong a mə ngwe ɖewur kə muut mbə mo, kə mo waa yool kə wu a peemúut mbə mo zak. **16** Mbəmənə, yaksə, bə baa mu kutdi mu naa tong kə gurum a shi yit de mə yil desə kas. ɖe mu naa Kristi a shi shin de mə yil desə, amma yaksə, bə baa mu kutdi mu naa wur a shi fwoshik de mə yil sə kas. **17** Koo ngwe ɖeɖangyi de wur tong ndəən Kristi, ɓe ngwe mənə kə ɖee a ɖepwoo. Mbəɖe məse wur ɖesəər mo kə ɖel ɖəm jee, kə koo mii nə kə ɖee a ɖepwoo zak. **18** Mbii desə mo jir, a cin Naan, de wur cəər kə mun shaarlek wur mo, mbəkə mu ɖee di a shaar wur mo shi Kristi. Wur cin ɖak desə mmun, mbəkə mu cəər kə

gurum mo, di mo a shaarlek wur mo, mbəkə mo ɖee di a shaar wur mo zak. **19** A pwoo ɖe mun nkaa sat nə desə nə, Naan wur nkaa le gurum de mo ndəən yil nə, kə mo ɖee a shaar wur. Baa Naan wur tang shikbish kə gurum nə mo nkaa mo kas, kə wur kə lepwoo mu cəər kə gurum de mo a shaarlek wur mo, kə mo ɖee a shaar wur mo nsar fun zak. **20** Mbəmənə, bə yaksə mun a jeplep mə Kristi mo, de Naan wur pərep gurum mo a shi mun. Mu ɖang pə wun a koppee kə Kristi, wu yit kə Naan wur cəər kə wun, kə wu ɖee di a shaar wur mo. **21** Wur de baa wur man cin mee shikbish kas, bə Naan le wur mang shikbish fun mo, mbəkə ndəən wur bə mu ɖee di a nen ɖin ndəre mo, nyit Naan.

6 Kaaɖe mun mu cin ɖak ashak kə Naan zak, bə mu ɖang pee wun, mbəkə taji wu lap ɖeret kə Naan wu le nə a mbii ɖebuu kas. **2** Wu kələng mbii de Naan wur kə sat nənnee, “Kaaɖe pee mə cin ɖeret nə wul, ɓe wen cin ɖeret nwaa. Kaaɖe puus ɓam nə ji wul, ɓe wen ɓam waa zak.” Azeen-nzeen wen sat nwun nə, cicinsə nə a pee mə lap ɖeret mə Naan! Kəzak, cicinsə nə a puus mə kat ɓam pee Naan di. **3** Baa mu le mee mbii canshii mmee gurum kas, mbəkə taji mo ɓees ɖak fun nə di kas. **4** Amma koo a ndəən ar ɖeɖangyi, bə muu kām ngurum mo azeen-nzeen nə, Mun a kərem mə Naan mo, kə muu kām nə, mun a kərem kə Naan mo shi gung kə shwaajeel ɖes, kə mwaan ndəən mbii lejeel mo. **5** Muu shwaanās, kə mo naa mɔ̀woot mun, kə muu tong mɔ̀ut nenyool kə ɓəlep mo, kə ɖak mo ɖes, kə tong shi gongpee, kə tong kə neen, kə ciin saam zak. **6** Muu kām zeen fun shi məse ɖeret kə man, kə gung shi məse de mə naajeel ndəən Riin ɖeɖang, kə shi wal mu azeen-zeen zak, **7** kə shi pwoo de mo azeen-nzeen, kə shiɓal kə Naan. Mun kə zeen nə, kaa leelele ɖin ndəre mo sə, nsarse kə nsarkul fun mo. **8** Gurum mo le mun a ɖedes, amma pak moo waa lejeel mmun zak. Pak gurum moo kwoop mun, ɖang pak moo waa ɓees mun zak. Moo le mun a kaa nendung mo sə, ɖang mun a nensat zeen mo. **9** Gurum mo le mun a kaa baa mo man mun kas sə, ɖang mun a de mə man pee mo. Mu ɖee kaa muu mumurep sə, ɖang mun di kə seen. Mo nərem mun, jir kəsə, bə baa mo twe mun kas. **10** Mu ɖee kaa mun aa pətuup ɖeewat sə, ɖangɓe mun a mɔ̀ut nretnyit shidaar-shidaar. Mu ɖee kaa nenjeel mo sə, ɖang jir kəsə, bə

mu le kə gurum mo des mo kat long. Mu dee kaa baa mun kə mee mbii kas sə, dang jir kəsə, bə koo mbii dedangyi bə nə a munu. **11** Wun nen Koronti mo, wu man nə, baa mu sok mee mbii nwun kas. Gyet muu satpwoo nwun agaak mbii de mo ndəən pətuup fun jir. **12** Baa gyet mu nook sat nwun mbii de mo ndəən pətuup fun kas. Gyet a wun wu nook sat mmun mbii de mo ndəən pətuup fuu mo. **13** Wen dang pee wun kaa jep fen mo sə, mbəkə wu woo mbii də mo ndəən pətuup fuu mo mmun. **14** Taji wu bəlsuk ashak kə nen de baa mo shinzeen nNaan kas. Mbəde a mii bal dək deret kə dək debish yii? Kə a mii bal peeəang kə peenkwoo yii? **15** Baa mee shaar ashak de nnaar Kristi kə Gujwan kas. A mii bal ngushinzeen, kə ngwe de baa wur shinzeen kas yi? **16** A mii bal Lu Naan dedes kə lu kùm yii? Pətuup fun mo a peeəde Naan wur tong di, Kaade wur kə ten sat sə nānee, “wen ntong ashak kə mo, kə wen mmwaan nnaar fu zak. Wen ndee a Naan fu, kə mon ndee a nen fen mo zak.” **17** Mbəmənə bə wu put aku, “mbut nen de baa mo shinzeen kas, kə wu bəksak kə mo zak, Daa Naan wur sat akəsə. Taji wu tung mee mbii de nə a derap kas, dangbe wen nlap wun. **18** Wen ndee a puun fuu, kə wun ndee a jep fen demish mo, kə de mat mo. A Daa debal met jir, wur sat pwoo mənə.”

7 Shaar fen mo de wen wal nwun, kaade Naan wur kə ten tuweerpwoo mbii desə mo mmun akəsə, bə nə ret kə mu lesun fun mo dee a debang, ndəən koo a mbii debish dedangyi, de nə təkook kə nan fun mo, kə riin fun mo zak. Nə ret kə mu dee a nen debang mo rəret ndəən shiimwaan fun mo, mbə shin dedes nNaan. **2** Wu wang pətuup fuu mo mmun, mbəde baa di mu cīn mee mbii debish mmee gurum kas, kə baa mu tikook kə mee gurum kas zak. Baa di mu seen nkaa mee gurum kas. **3** Baa wen sat desə nə a mbəkə wen le wun di a nenshikbish mo kas, dang wen satpwoo desə nə a mbəde di wen kə ten sat nwun nə, mu wal nwun zam. Kə koo de a ndəən muut, kə koo de mun di kə seen, bə mun di ashak vit ndəən pətuup fun mo. **4** Wen shinzeen nwun azeen-nzeen, kə wen kə cīn roop des a shi wun zak. Har wu fes wu caa pətuup fen nə rəret hakyeng. Jir kə jeel de muu shwaa nə, bə wen nkaa cīn retniyit des zam. **5** Kaade gyet mu dām mu wul nyil mMasiḏoniya sə, be baa gyet mu kat mee pee bwet sun kas.

Gurum mo shin jeel mmun des, koo a ndəən ar dedangyi. Gurum mo bəlep kə mun, kə gyet ndəən pətuup fun mo, bə kərmuut nə di zak. **6** Dangnaan wur shin bal kə wur caa pətuup mu nen de baa mo bal mputuup kas. Gyet wur shin bal pətuup fun mo shi jī kə Titus. **7** Baa a jī kə Titus nə bejee dək kas, dang ashak kə di gyet wu cīn caa pətuup wur, har wur sat mmun nə, wu coor mbə naa wen, kə wuu naajeel fen, kə nə, wun mḡwoon fen zak. Pwoo desə nə mo sət le retniyit nwen des hakyeng. **8** Koo de gyet wen wāt pətuup nwun shi ran de wen ran nwun sə, be baa gyet nə daampee nwen, mbəde wen ran-ran nə nwun kas. Gyet yam be nə wāt pətuup nwen, mbəde gyet wen naa nə, ran nən wāt pətuup fuu mo zam. Koo di gyet nə wāt pətuup nwen a mbə rep pee mo lee dək. **9** Dang yaksə wen kat retniyit. Baa nānee mbəde a ran nə le pətuup fuu mo tikook kas, dang a mbəkə wu tuwap di, mbə mbii de mo le kə pətuup fuu mo tikook. Daa Naan wur rebet a kyeet kə tikook kə pətuup mənə, mbəde nə nle kə wu tuwap. Mbəmənə be baa mu cīn a mee mbii debish nwun kas. **10** Mbəde kyeet kə pətuup dewat di a Naan le, nə kə jī kə tuwap, kə nə jī kə kat bam zak. Baa nə le kə gurum mak sat nānee, “katdang di wen ool!” Kas. Dang pətuup dewat mə yil desə, mənə kə jī aa muut. **11** Wu naa, mbii de Naan wur kə cīn kə pətuup dewat nə, nə le kə wu dək məse fuu mo azeen-nzeen. Kə nə le kə wuu rebet kām agaak nə, baa gyet wu man mee mbii debish kas, har nə kə le kə wu kat canciin. Nə le kə wu katbal, kə nə le kə wu kat gung ndəən kar fuu zak. Mbut mbii desə mo, bə koo a ndəən ar dedangyi, be nə kām azeen-nzeen nānee, “wuu mwaan a ndəən deret. **12** Koo de gyet wen kə ran-ran nwun, bə baa nə a mbə mee ngwe de wur kə cīn shikbish kas. Kə baa nə a nkaa mee ngwe də mo cīn debish nwur kas. Dang wen ran-ran nə, a mbəkə nə kām di nwun agaak ntoom kə Naan, canciin fuu mbə mun. **13** A mbə mbii desə mo, dangbe gyet pətuup fun mo katbal. Baa gyet nə gang a kwak fun mo bejee dək kas, dang mu kat retniyit di kə des, mbə retniyit kə Titus, mbəde gyet wun jir wuu kaat wur shi retniyit. **14** Gyet wen kə ten canjoom fuu nwur, be baa gyet mee naashweep yaa wen mbəmənə kas. Mbii de mu sat mo nwun sə, mo azeen-nzeen. Canjoom fun de mu sat nTitus nkaa wun, nə azeen a kə sə zak. **15** Wur le pətuup wur nkaa wun jir met deyam

hakyeng. Kaade wur yee na, wun jir, wun a nen gyet de wu lappwo de wur sat mo nwun. Ka wu kaat wur shi retnyit, ka gyet wu cin mbii deret wur zak. **16** Wen kat retnyit mbade wen mak kak kaa nkaa wun raret hakyeng.

8 Dyemnaa mo, muu rebet ka wu man pwoo nkaa deret de Naan wur shin na Ekalisya de mo nyil mMasidoniya. **2** Koo de di mo ka cam mo shi jeel denaat, ka mo nkaa shwaajeel ma mbii mo zak, ba jir kasa, retnyit fur na des. Ba na le ka mo cin mbii deret mbade mo shin mbii fur mo shi zuum, koo de baa mo ka mee mbii des kas. **3** Wen man azeen na, mbii de mo cin na a nciit ka bal fur, har na met bal fur, mbade mo shin na a shi rebet ka patuup fur mo. **4** Moo dang pa mun des hakyeng na, mu shin pee ndun ka mo ledun mbut nen de mon ncin bam mbane Jesu mo sa. **5** Har mo shin mbii mo des met mbii de mu lepan. Dang mo shee shin a patuup fur mo nDaa, ka mun zak, nciit ka mbii de Naan ka rebet ka mo cin. **6** Kaade mu naa na ret, ba mu lep Titus dam pee wun di, mbade di a wur shee cin dak deret des na ndaen wun, ba na ret ka a wur nsat sekyeen ka dak na. **7** Wun ka sekyeen ndaen koo a mbii dedangyii, har ndaen shinzeen, ka satpwoo, ka man, ka gung mbii mo des, ka wal di wun ka na mbane mun. Na ret ka wu sekyeen ka cin dak deret ma shin zuum shi patuup mandong. **8** Baa wen ka le a mee waa pee wun di kas, dang na a mbane kame gung de nwun, mbaka wen man di azeen na, wal de wun ka na, mbane bam niyee mo, na azeen. **9** Mbade wun ka man deret mu Daa fun Jesu Kristi, koo de gyet wur a ngulong, jir kasa, ba wur lekaa wur dee kaa ngujeel sa mbane wun. Mbaka ndaen jeel wur na, ba wu dee di a nenlong mo. **10** A pan man nkaa mbii na ndesa, nan nret ka yaks ba wu sat koor mbii de gyet wuu yaa cin na doontoom sa. Gyet a wun shee shin mbii, ka wun ka patuup mu shin mbii hakyeng. **11** Na ret ka wu kyes koor dak na shi rebet ka patuup fuu mo, nciit ka bal fuu, kaade gyet wu shee cin na sa. **12** Katdang ba mee gurum ka patuup de ma shin mbiizuum, ba Naan nlap mbiizuum ka ngwe na nciit ka mbii de ngwe na shin nNaan. Baa Naan wur ntang a mbii di ngwe na nna kas. **13** Baa wen sat pwoo man a mbaka pak gurum mo nook shin mbiizuum, mbaka na toon di wuwun kas. **14** Dang a mbaka mo le mbii mo dee din ndare,

ba wu bam mo yaks, shi mbii kakat fuu mo, mbade baa mo ka mee mbii kas. Mbaka katdang parpuus de wu ta njeel, ba mo bam wun di zak. Desina na a mbaka mo shwap mbii mo di nciit-nciit. **15** Kaade mo ka ten ran ndaen baet haal ka Naan sa nane, “Ngwe dewur chak des, ba baa nan njar des kaa wur kas, ka ngwe dewur chak lee, ba baa nan njar kat kaa wur kas.” **16** wen palang Naan, de wur lepan ndaen patuup ka Titus, mbaka wur bam wun di, kaade wen kan cin wun sa. **17** Baa wur lap ii a mbane dang fun bejee dak kas, amma wur ka fes lepan wur, mbaka wur dam pee wun shi pan mukaa wur. **18** Muu lep wur dam pee wun di ashak ka dyemnane fun di gurum moo fes shin dedes nwur, mbane satpwoo ka Naan ndaen Ekalisya mo jir. **19** Baa a man bejee dak kas, amma Ekalisya mo balep wur, mbaka wur dam di ashak ka mun, mbane dam ka mbiizuum de muu shin na, mbane le Daa a dedes, ka kame agaak na, mun ka patuup de na a ma bam zak. **20** Baa muu rebet ka mee gurum falep mun nkaa mbiizuum desa, de gurum moo shin na shi patuup mandong, de mun nkaa shin na sa kas. **21** Mbii de muu rebet ndesa, ka wu cin mbii mo di ndare-ndare, baa a ntoom ka Daa bejee dak kas, har ka ntoom ka gurum mo jir zak. **22** Muu lep dyemnane fun ashak ka mo zak. Mun ka cam dyemnane fun wur yit mo des, ba ma kat wur a ngudak zam ndaen ar mo shina-shina. Yaks ba wur cin dak na waa met deyam zak. Wur ka cin dak deret na des mbane bam wun. **23** Titus wur a shaarmwaan fen, dewur cin dak ashak ka wen mbane bam wun zak. Mpee dyemnane fun desa mo, ba mo a nen de Ekalisya mo lep mo, mbaka mo le sam ka Kristi di a dedes. **24** Mbamane, ba wu kame wal fuu mmo, mbaka Ekalisya na mo man di azeen-nzeen na, joom de mu can na mbane wun, na a ndare azeen-nzeen.

9 Pwoo nkaa cin bam mbane nenseet ndang Jesu mo, ba baa na a tang ka wen ran mee pwoo nwun nkaa na kas. Mbade wen man sekyeen fuu, har wen ka canjoom shi wun ntoom ka nen Masidoniya mo. Wen sat mmo na, gyet doontoom ba Ekalisya din Akaya war ka ten dak set mbane cin bam. Rabet fuu mbane shin mbiizuum de wu shin na balkwak ngurum mo des ndaen mo zam. **3** Amma wen lep dyemnane fun desa mo dam pee wun di, mbaka taji canjoom de mu sat shi wun, nkaa mbii desa na dee a mbii

debuu kas, dang mbəkə wu tong di shi dak suk, kə mbiizuum nə, kaade gyet wen kən sat nwun nə, wu tong shi dak suk sə. **4** Mbəde katdang pak nen Masidoniya nə mo yool ji ashak kə wen, dangbe mo ji kat baa wuu dak suk kas, bə naashweep nyaa mun, kə nən nsəet yaa wun met nwen zak, mbəde muu shinzeen nwun. **5** Nə akəsə be wen naa nə, nə ret kə wen dang dyemnaən fun desə mo, mbəkə mo shee dəm pee wun di nwen atələng, mbəkə mo cak mbiizuum de gyet wuu tuweer nə, wun nshin nə di. Katbaa wen kən dəm wul pee wun di, be mo kə ten chak mbiizuum nə mo. Be nə kām nə, wu shin mbiizuum nə a shi rebet kə pətuup fuu mo, baa a mee gurum le täng nwun kas. **6** Taji wu munsuk kas nə, ngwe dewur kop cirem lee ndəən maar wur, be wur ndiip deben nə a lee dak. Ngwe dewur kop cirem des, bə wur ndiip deben nə des akəsə zak. **7** Koo weyi be wur cin mbii dewur kə pan mputuup mbə shin nə, baa a shi pətuup vəl-vəl kas, kə baa a gurum mo le täng nwur kas. Mbəde Naan wur kə rebet a ngwe dewur shin mbiizuum, a shi retnyit ndəən pətuup wur. **8** Naan wur kə bal de wur nshin mbii mo nwun des met mbii de wuu rebet mo. Mbəkə koo a pərangyi, be wu kat mbii de wuu rebet mo di mbə suk fuu mo, kə mbəkə wu katpee shin mbiizuum di shi pətuup məndong mbə dak deret mo jir. **9** Kaade mo kə ran ndəən bəet haal kə Naan sə nənee, “Wur shin mbii nenjeel mo shi zuum des, kə shi pətuup məndong, Deret wur nən ntong de har ngaa-ngaa.” (aiōn 9165) **10** A Naan kə shin cirem ngumaar, kə a wur shin mbiise mu se zak. A wur nshin cirem nwun wu kop, kə a wur nle kə nə kaa wurang. Wur nle deret nkaa dak fuu din ndəre, kə nə des di hakyeng. **11** Wur nle kə wu dee a nenlong mo koo a ndəən ar dedangyi, mbəkə wu naa nshin mbiizuum di shi pətuup məndong. Mbiizuum de wun nshin nə, nə ndee ngurum mo a mbii pəlang pee Naan. **12** Mbəde dak fuu deret desə nə, baa nə bam a nen Naan mo bejee dak kas, dang nə waa səet le kə gurum mo pəlang Naan des zam. **13** Dak fuu deret desə nə kām nə, shinzeen fuu nə dar balbal hakyeng. Nən nle kə gurum mo le Naan a dedes, mbə mbiizuum de wu shin mo ashak kə koor gurum nə mo shi pətuup məndong. Be nə kām agaak nə, wuu lappwo deret mu Kristi nə azeen-nzeen. **14** A mbə wal de gurum mo kə nə mbə wun, be mo ncin dangnaan (leshap

kə Naan) mbə wun, Mbəde mo man nə, Naan wur kəcin deret nwun des zam. **15** Wu yit kə mu pəlang Naan mbə zuum de wur shin mmun. Zuum di nə met mbal mu sat.

10 Wen Pool shikaa fen, wen dang pee wun, mbə məse mu pədok kə deret mə Kristi. Wen de moo sat nə, wen a ngudokpwo taktək, katdang wen ashak kə wun, dang Nnee wen kən sat mbii mo nwun agaak, katdang baa wen ashak kə wun kas. **2** Wen dang pee wun, mbəkə taji wu le täng nwen satpwo nwun shibal kas, katdang wen ji pee wun di. Mbəde wen man azeen nə, wen mak satpwo shibal nen de moo sat nnə, mbii de muu cin sə be nə a dak mə yil desə. **3** Koo de muu tong a ndəən yil nə, be mbii de mun nkaa cin lek mbə nə, baa nə a mə yil desə kas. **4** Leelek de muu cin lek dishik, baa nə a mə yil desə kas. Dang leelek fun nə a bal mə Naan, de nən mmak shirip kok debal mo. **5** Muu shirip pwo kə nen de moo ji kə mbii langkaa nkaa man Naan, kəzak, muu shirip koo a kok mə roop dedangyi de nə daam man Naan ngurum mo. Kə muu le kə koo a pan kə weyi, be nə cin dyen kə Kristi di zak. **6** Abwoon de wun nkām agaak azeen-nzeen nə, wuu kəlang pwo fun, bə mun dak sun fun rəret mbə kar nencii kəlangpee mo. **7** A mii le dang wuu leyit fuu mo nkaa mbii də mo abwoon yi? Katdang mee gurum kə leshin nnə, wudin a mə Kristi, be nə ret kə wur pan rəret, kə wur man nnə mun a mə Kristi zak. **8** Mbəde koo də wen canjoom des shi bal de Daa wur shin mmun, be nə a mbəkə mu dak wun di, baa a mbəkə mu shirip wun di kas. Baa mee naashweep yaa wen kas. **9** Taji wu pan nə, wen kən gung a mbəkə wen lekəərmuut di nwun shi ran fen nə mo kas. **10** Mbəde pak gurum moo sat nə, mbii de wur ran ndəən ran wur nə mo toon, kə mo bal zam, amma katdang gurum naa wur nyit, bə baa shin wur nə kə mee bal kas. Pwo de wur sat nə, be baa nə ke koop nə kas. **11** Nə ret kə nen sat pwo mənə mo man nə, mbii de muu sat ndəən ran, bə baa nə dyik kə mbii de muu sat nwun nyit kə yit kas, katdang mukaat ashak kə wun. **12** Baa mu mak lekāa fun, koo mu kāmkaa fun mo nciit kə nen de moo canjoom a shi sut fur mo kas. Mbəde moo kām sut fur mo kə shak, kə moo camsut fur kə shak zak. Nen mənə mo a mwen mo. **13** Baa mun ncanjoom del peede nə ret kə mu dar di kas. Amma mu dar a nkaa pee dak de Naan

wur kə can nə mmun, desə nə ɓal kə ɗak fun nnaar fu. **14** Wun a ndəən pee ɗak də Naan wur kə can mun, akəsə bə baa di mu canjoom mbə ɗak fun ɗik kas, kaade gyet mu dām kə pwoo mə Kristi nə nwun sə. **15** Baa canjoom fun nə ɗel met mbii də nə ret kas, kə baa nə tung ɗak ke mee gurum mo kas. Amma mu canciin nə, a shinzeen fuu nə ɓul hakyeng, ɓe ɗak fun ndəən wun, nən mɓul des hakyeng zak. **16** Mbəkə mu katpee satpwoo kə Naan di ndəən yil de mo a kyeen fuu. Baa mu canjoom a shi peeɗe mee gurum kə cam cɪn ɗak di kas. **17** Amma kaade moo kə ran ndəən ɓəət haal kə Naan sə nānee, “Jir ngwe de wur canjoom, bə nə ret kə wur canjoom nə a shi mbii de Daa wur kə cɪn.” **18** Mbəɗe baa Naan wur kə rebet ngwe de wur ke kwoop a shin kas, amma a ngwe de Daa wur kə kwoop bejee.

11 Wen canciin nə, wu ngung kə wen mbə rep mwen fen sə. Kussuk wu gung kə wen! **2** Wen kən cɪn zuur nkaa wun mbə Naan. Wun a kaa reep nuk de baa war kə man mish kas. Wen kən tuweerppoo mbə shin wun ndyik, kaa matpoo sə pee mish war de, a Kristi wur a mish fuu nə. **3** Amma wen kən kəər, taji nə yool de a kaa gyet nwoo gwam lɪf shi seen wur de mu ɗung sə kas. Taji mo yool gwam wun, kə mo mer kə pan fuu mo nkaa wal ɗeret, de wun kə nə mbə Kristi kas. **4** A mii le ɗang katɗang mee gurum ji satpwoo nkaa mee Jesu de ɗyik kə pwoo de mun mu sat nə nwun bə wuu kəlɔng pwoo mənə yi? Wu pan nə riin mənə ɗyik kə Riin Naan de wuu kat nə yi? Kə wu pan nə, mee pwoo Naan nə de ɗyik waa met pwoo Naan de wuu lap nə yi? **5** Wen man azeen nə, baa wen a ɗekat met jir ndəən jeplep nə mo kas. **6** Meeɓe, baa wen man satpwoo rəret kas, amma wen man satpwoo ɗeret nə. Muu kām man nə nwun agaak koo a pərangyi mɓut mbii mo jir. **7** Tan, gyet wen cɪn a mbii debish, mbəɗe gyet wen sham kə kaa fen, mbəkə Naan wur ɗiyeep wun di kaade wen satpwoo kə Naan nə nwun shi zuum sə wa? **8** Wen lap ɓam pə pak Ekəlisya mo, mbəkə wen cɪn ɗak di nnaar fuu. Wen mak sat nə, gyet wen ghər a long fur mo, mbəkə wen ɓam wun di. **9** Kaade gyet wen de ashak kə wun, bə baa gyet wen kə mee mbii kas, kəzak, baa gyet wen lejeel mmee gurum kas. Mbəɗe ɗyemnəən fun de mo tong mMasidoniya ji di, a mo ji shin wen mbii de wen kən rebet mo. A

mbəməna, ɗangɓe koo a ndəən ar ɗeɗangyi, ɓe baa wen le mee jeel wun kas. Kaade baa gyet wen lejeel wun kas sə. **10** Mbəɗe wen man nə, pwoo de wen kən sat nə a pwoo mə Kristi azeen, ɓe baa mee ngwe mak cɪi canjoom nwen ndəən yil Akaya kas. **11** A mii le ɗang wen sat kəsə yi? A mbəɗe baa wen wal nwun kas aa? Naan wur man nə, wen wal nwun zam. **12** ɗak de wen nkaa cɪn nə, ɓe wen sat a ncɪn a nə, mbəkə wen shootpwoo mu canjoom di jeplep de moo sat nə, ɗak fur nə a nciit kə munu. **13** Kaan kə nen mənə mo a jeplep mu ɗung mo. Moo cɪn a ɗak de mu numpee mo. Moo lekāa fur kaa mo a jeplep mu Kristi mo sə, ɗang baa mo a jeplep Kristi kas. **14** Baa nə de a mbii aapwoo kas, mbəɗe koo a Gujwan shikāa wur, bə wur leshin kaa wur a ngulep mu peeɓang sə. **15** Mbəməna ɓe baa nə de a mbii aapwoo kas, katɗang bə kərem mu Gujwan mo lesut fur, kaa mo a nen cɪn ɗak ɗeret mo sə zak. A peekyes nə, ɓe mon nlap kwat fur mo nciit kə ɗak fur mo zak. **16** Wen kən baa sat di zak nə, taji mee gurum pan nə, wen a mwen kas. Amma katɗang wu pan nə, wen a mwen, ɓe wu lap wen de sə kaa mwen nə sə, mbəkə wen kat pee can rep joom di lee. **17** Pwoo de wen sat sə, ɓe baa wen sat a mee pwoo de Daa wur lep wen kas, amma wen kən satpwoo nə a kaa mwen sə, wen kən sat pwoo mənə a tyap. **18** Kaade gurum mo des moo can a joom de mu yil de sə bejee ɗak sə, ɓe wen ncanjoom nə akəsə zak. **19** Wun nen de wu seen ɓe wu gung kə nenmmə mo shi retnyit. **20** Mbəɗe katɗang, ɓe mee gurum le wun kaa kərem mo sə, koo wur ghəər wun, koo wur se ləbet nkaa wun, kə koo wur kām a ɓal mu tuur nwun, kə koo wur nānas wun, jir kəsə ɓe wuu gung kə ngwe mənə. **21** Nə shweep wen mbə lap ii, nə gyet mun kə ɓal mbə cɪn mbii de sə mo kas, amma katɗang mee gurum kə canjoom nkaa mee mbii, ɓe wen kən satpwoo nə a kaa mwen sə. Wen ncanjoom akəsə zak. **22** Katɗang ɓə, mo a nen Hiburu mo, bə wen a ngu Hiburu zak. Katɗang ɓe, mo a nen Izrel mo, ɓe wen a ngu Izrel zak. Katɗang ɓe mo a ɗang kə Abraham, ɓe wen a ɗang kə Abraham zak. **23** Katɗang ɓe mo a kərem mu Kristi mo, ɓe wen a kərem mu Kristi zak. Wen satpwoo nə a kaa ngutar sə! Mbəɗe wen cɪn ɗak de nə des met mumo nə. Mo kə ɗwoot wen le nlushoot, kə wen shwaanas met mə sat zak. Wen kən shwaajeel mo shina-shina har kus kə muut zak. **24** Gyet

yit paat, 6e nen Yahudi mo fwo ngwoor nwen laarkun baapwoofeer. **25** Nennan-nan mu Rom mo sarem wen shi gwoor yitkun. Nen Yahudi mo car wen shi nding yit mändong, mbəkə mo tu wen di. Yitkun 6e tii am, nə taa pyan kə mun. Wen kən cam teer kə wet nkaa am bahar. **26** Shidaar-shidaar bə wen a ar mwaan mo des, kə nwen kən naa muut shi yit fen mbut ndung mo. Wen kən naa muut nsar kə nenwat mo, kə nwen naa muut nsar kə dang fun nə Yahudi mo zak. Wen kə naa muut nsar kə nenkum mo. Wen kən naa muut ndəən yilkaam mo, kəzak, wen kən naa muut a naaryil mo. Wen kə naa muut nkaa am bahar mo. Wen kən naa muut nsar kə dyemnəən de mu dung mo. **27** Wen kən shwaadak mo, kə wen kən shwaajeel mo, kən nnaa nteer mmeen, kə wen kə shwaaneen zak, kə neen am tu wen zak. Yit mo des baa wen kat mee mbiise kas. Wen kən shwaakut, mbə ciin mbiisəp, **28** kə pak mbii mo des de kəzak. Mbii de mo daampee nwen, koo puus dēdangyi, nə a mbəde wen kə toon mə tap kə Ekəlisya mo jir zak. **29** Katdang baa mee ngwe katbal kas, 6e nə le kə baa wen katbal kas zak. Katdang mee ngwe taa pal ndəən shikbish, 6e nə shwal nwen zam. **30** Katdang bə nə a təng kə wen canjoom, 6e wen canjoom nə a nkaa mbii de nən nkām agaak nə baa wen kə bal kas, **31** Naan puun kə Daa Jesu de səm wur nə kat deret har ngaa-ngaa. Wur man azeen-nzeen nə, baa wen kən sat a dung kas. (aiōn g165) **32** Ndəən yil nDamaskus, 6e gofna dewur ndir kə mishkoom Aritas wur shootpwoow sheep pəbong dīn nDamaskus mo, mbəkə mo yaa wen di. **33** Mo le wen sham ndəən kəci dedes mmee fung mu fwang mu yilkaam nə, har wen put nkoom nsar wur.

12 Wen ncanjoom a təng, koo de baa wen kat mee ləbet ndəən nə kas. Amma yaksə 6e wen nsekyeen kə satpwoow nkaa suun mo, kə mbii de Daa wur woo mo nwen. **2** Wen man mee gurum ndəən Kristi de gyet Naan mang wur kaa kə wur ndəən dengnaan dēkun. Nə wul a bit mo kaapaat baafeer yaksə. Kyet, gyet Naan kaa kə wur a ndəən nan mu yil desə aa? 'Be baa wen man kas, amma Naan man. **3** Wen man nə, mo mang gwar nə kaa kə wur a mparadayis. (Shii kə mənə a peede Naan di). Kyet a shi nan mu yil desə aa? Koo baa a shi fwoshik mu yil desə kas aa? 'Be baa wen man kas, amma

Naan wur man. **4** Wur kələng mbii mo, de baa mon mmak sat mo shi pwoow kas, kə mbii de baa gurum mo mak sat shi ləpwoow kas zak. **5** Wen kən canjoom a shi gwar desə. Baa wen kən canjoom a shikaa fen kas. Amma wen kən kām a ciin bal fen agaak. **6** Koo de wen rebet canjoom nə, 6e baa wen dee a mwen kas, mbəde wen kən sat azeen. Amma baa wen canjoom kas, mbəkə taji mee gurum lepan nkaa wen, waa met mbii dewur naa wen kən cīn mo, kə mbii dewur kələng kə pwoow fen kas. **7** Mbəkə taji wen diyeep kaa fen mbə suun dedes desə di Naan kə kām mo nwen kas. Amma mo le mee ghər ndəən fwoshik fen, de nə dee a mee shwal pee wen di, ngulep kə Gujwan wur daampee nwen, mbəkə taji wen canjoom kə fwoshik fen kas. **8** Wen kən dang pee Daa yit kun, mbəkə wur shang mbii desə nə baa kə nə aku. **9** Amma Daa wur sat nwen nənəe, "Deret fen nə mak waa. Mbəde a ndəən ciin bal mu gurum, dangbe mon naa gam kə bal fen." Mbəmənə 6e wen sət canjoom ndəən ciin bal fen nə. Mbəkə bal mu Kristi nə tong di ndəən wen. **10** Aasə 6e wen kən kat retnyit ndəən səm mu Kristi, mbə ciin bal fen nə, kə fəlap de moo cīn nwen, kə mbii daampee mo, kə jeel mo, kə luk mo shinə-shinə, mbə Kristi. Mbəde katdang baa wen kə bal kas, 6e wur shīnbal nwen. **11** Wen kən lesen dee a kaa mwen sə, amma a wun wu le kə wen dee a mwen nə. Gyet nə ret kə a wun, wun nkwoop wen, mbəde baa wen a dēkat met jir ndəən jelep nə mo kas, koo de baa wen a mee mbii kas. **12** Naan cīn mbii lukshik kə mbii aapwoow mo, kə dək denan-nan mo shi wen, kaade wen gung mbə cīn dək fen mo shidaar-shidaar. Dək mu mbii aapwoow de mo kām agaak nə, wen a ngulep azeen-nzeen. **13** Wen kən cīn a mii, koor Ekəlisya nə mo yii? 'Di baa wen kən cīn mənə nwun kas yi? Aa koo a mbəde baa gyet wen le mee toon nwun kas aa? 'Be wu fwo di nwen. **14** Yaksə 6e wen kən dək sen mbə dām pee wun di, 6e a dām dēkun pee wun di mmənə. Baa wen le kə wu kwat wen kas, mbəde baa wen kən tang a mee mbii pee wun di kas, amma wen kən tang a wuwun. Mbəde baa a jep mon ntang mbii le mbə puun fur mo kas. Amma puun nə mon ntang mbii le mbə jep fur mo. **15** Nə nret nwen nyit zam, mbəkə wen cīn mbii de wen kə nə jir, kə sen fen zak, mbə 6am wun. Wen wal nwun des, dangbe wun wu wal nwen a lee dək aa? **16** Wu man azeen nə, baa gyet wen lejeel

wun kas. Amma mee gurum sat nə gyet wen səseen nkaa wun, kə wen le cip mu gwampee wun zak. 17 Kyet wen kən cam seen a wun shi gwampee mbut nen də wen lep mo dəm pee wun di wa? 18 Gyet wen dāng Titus, kə wur dəm pee wun di, ashak kə dyemnən fun desə. Kyet, gyet Titus wur lap mee mbii pee wun di wa? Baa a Riin Naan de mändong wur bwet mun weet kas aa? Baa mun weet muu cīn dāk nə a ar de mändong kas aa? 19 Tan, peedi di 6e wuu pan nə, mu jì aa mee mbii langkää mbə sun fun pee wun di wa? Hai. Muu sat a pwoo mu Kristi ntoom Naan. Shaar fen mo, mbii de muu cīn mo jir, 6e muu cīn mo a mbə 6am wun. 20 Mbəde wen kəər nə, mee6e, katdang wen dəm pee wun di, 6e wen nkat məse fuu nə dyik kə məse də dyyen nwen nkat wun kə nə. Kəzak, wun nnaa məse mənə nə dyik, kə məse də dyyen wun naa wen kə nə. Mee6e wen kat 6əlep, kə zuur, kə tuup, kə walnkää, kə dūng kə pwoo ndom ndom, kə dyyepkää, kə ciin tongryang nnaar fuu. 21 Wen kəər nə, katdang wen waa ndəm pee wun di, 6e baa Naan fen wur nsham kə wen ntoom fuu kas. Katdang Naan sham kə wen ntoom fuu, bə wen nkat pətuup dəwat, kə gurum mo des ndəən wun. Nen də gyet mo kə cīn shikbish yam, dāng6e baa mo kə tuwap kas mbə məse debish, kaa cīn ngaa, kə koor mu cīn mbii debish mo zak.

13 Wen kən dəm pee wun di, a dəkun ndesə, “Mbəkə mo man zeen kə meepwoo azeen-nzeen, bə nə a təng kə mo kat langtəng mo vəl koo kun” kaade mo ran ndeen bəet haal. 2 Wen kən gwak a nen də gyet mo cīn shikbish yam, kə koor nə mo jir zak. Gyet wen kən gwak mo, 6e baa wen di ashak kə mo kas. Wen gwak wun kaade gyet wen gwak wun nji fen dəvəl pee wun di sə, nə, katdang wen mbaaji, 6e wen nshin kar nen de di mo cīn shikbish sə, kə koor nə mo. 3 Katdang 6e dyyen nwun kə wu man azeen-nzeen nə, wen kən satpwoo desə mo a shi 6al mu Kristi, 6e nə ret kə wu man nə Kristi wur kə 6al des. A wur nkar wun, kə a wur kām 6al wur ndəən wun. 4 Mbəde koo de gyet mo pwas wur nkaa shyeeep, 6e gyet a wur shin shin nə mo pwas nkaa shyeeep nə, 6e jir kəsə, 6e wur di kə seen shi iiko mu Naan. Mun a nen de baa mun kə 6al kas, dāng ndəən iiko mu Naan shi Kristi, 6e mun di kə seen, mbəkə mu 6am wun di. 5 Wu camkää fuu mo, kə wu man di rəret

nə, kyet wuu mwaan a ndəən shinzeen fuu nə mo wa? Wu camkää fuu mo rəret. Baa wu man nə, Jesu Kristi wur kə tong a ndəən wun kas aa? See koo katdang wuu taa wu pal kənding-nding. 6 Muu rebet kə wu man nə, baa mun mu taa mu kat kas. 7 Muu dāng pə Naan kə taji wu cīn mee mbii debish kas. Muu dāng pə Naan, baa a mbəkə nə cām di agaak nə, mun kə se koorong nkaa cam nə kas, amma see a mbəkə wun wu cīn mbii deret mo di, koo də wu naa kaa mun muu taa mu kəkat sə. 8 Mbəde baa nə mmak cīn kə mu cīn mee mbii nkaa zeen nə kas, amma see muu sat azeen nə. 9 Muu kat retniyit, katdang baa mun kə 6al kas, kə wun di kə 6al. Dāngnaan de muu cīn nə a mbəkə wu dee di a dəgəgam. 10 Mbəmənə, bə wen ran-ran desə dəm wun bə baa wen di ashak kə wun kas, a shi6al də Naan wur shin nə nwen mbə dyik wun, baa nə a mbə shirip wun kas. 11 Peekyes kə nə, dyemnaa mo, dāng mukaat. Wu dāk məse fuu mo. Wu kələng pwoo fen mo. Wu lappwoo kə shak, kə wu tongryang kə shak zak. Naan də wur a wal, kə ryang, wur ntong ashak kə wun. 12 Wu tok kə shak shi wal rəret. 13 Nen Naan mo jir, moo tok kə wun. 14 Deret kə Daa Jesu Kristi, kə wal Naan, kə shaar ashak kə Riin Də6ang, mo tong ashak kə wun jir. Nə a kə sə.

Nen Galati Mo

1 Wen Pool, laalep Jesu Kristi, de baa a gurum mo pet an koo a me gwar pet an, dang nā le kə nghan dee a laalep wur kas, dangbe a shi rəbet Jesu Kristi, kə Naan puun, dewur yool kə Jesu a peemúut. **2** Dyemnaa de mo ashak kə wen, moo lep tokshik fur mo shindəm pə nendəm ndang Naan (Ekəlisya) de mo ndəən yil nGalati. **3** Naan puun kə Daa fun Jesu Kristi mo naa wun shi yit mə naajeel, kə mo shin tongryang nwun zak. **4** Jesu Kristi wur shín shin mbə shikbish fun mo, mbəkə wur ɓam mun de ndəən ɓit debish desə mo, nciit-nciit kə rəbet kə Naan puun fun. (aiŋn g165) **5** Dedes dee pə wur mbe ngaa-ngaa kə ngaa-ngaa. Nə aasə. (aiŋn g165) **6** Nə aapwoo nwen zam, mbəde wu ciir wu cii ngwe dewur pet wun shi yit naajeel mə Kristi kəlak-kəlak aasə, mbəkə wu shindəm de ndang mee pwoo Naan deɓi. **7** Azeen-nzeen baa mee pwoo deret waa dee de, de nə waa met de wuu kəlong pə ghan de kas. Dang pak gurum moo daampee nwun, kə mo rəbet ciir kə pwoo deret mə Kristi nə. **8** Dangbe koo de a mun, jir de a mee ngulep Naan tong a dengnaan sham, dangbe wur sat mee pwoo deret de nwun, dyik kə mbii de mu ten mu sat nwun, be gwar mənə dee a mbii debuu-buu mbə vit. **9** Kaade mu ten mu sat sə, an kən baa nsat de nənee. Katdang mee ngusatpwoo deret de nwun dyik kə de mu ten mu sat nwun, be wu yit kə ngwar mənə dee ndər tuup Naan mbə vit. **10** Wu pan nee, an kən tang a dedes pə gurum mo de aa? Aa koo a pə Naan di yi? dang wu pan nee, an tang a tong dyen ngurum mo ghe? Katdang de an kən tang a tong dyen ngurum mo, be de baa an a kərem Kristi kas. **11** Dyemnaa mo, dyen wen kə wun man nee, pwoo deret de gyet wen kən sat nwun, baa nə put a pə mee gurum di kas. **12** Mbəde, baa gyet wen nla nə a nsar mee gurum kas. Kəzak, baa a mee gurum kám nə nwen kas, a Jesu Kristi shikáa wur, wur woo nə nwen. **13** Wu kəlong pwoo nkaa shiimwaan fen, de gyet nyam, ndəən seyil nNaan mə nen Yahudi mo, mbít mənə, be wen shínjeel Ekəlisya Naan mo hakyeng, mbe gyet wen kən gung mbəkə nghan tu nə di. **14** Gyet ndəən gang fen mo, be wen met mmo jir, mbə mwaan ndəən rat nen Yahudi mo. Gyet wen cin zuur mbə mwaan ndəən wàar puun fen de moo ten murep mo. **15** Dangbe

Naan dewur ten bəlep an yam-yam, akudang moo làa an, be ndəən deret wur, be wur pet ghan mbəkə wen dee di a mə wur. **16** Be nə ret nNaan wur nyit be wur kám Làa wur nwen, mbəkə nghan sat pwoo deret de nkaa wur, nen de baa mo a nen Yahudi mo kas. Baa gyet wen beet mənə kə mee gurum kas. **17** Kəzak, baa gyet wen kàa nJerusalem, pə jeplep Jesu Kristi mo de kas, de gyet wur shee pərep mo baadang wur pet an. Dangbe wen dām nyil Arabiya, aɓwoon mənə be wen waa mbaa dām nDamaskus. **18** Aɓwoon ɓit mo kun, be wen kàa nJerusalem, mbəkə nghan naa Kefas di. Wen tong ashak kə wur mbee teer mo kaapaat baapaat. **19** Baa gyet wen waa nkaat kə memee ndəən jeplep Jesu mo kas. Gyet wen kaat aa Jemis dyemnaən Daa, bejee ɗak. **20** Ntoom Naan, be mbii de wen ran nwun, baa mo a ɗung kas. **21** Aɓwoon mənə, be wen ndəm nkwan yil nSiriya kə Silisiya. **22** Baa gyet nendəm ndang Kristi de mo ndəən Judiya nə mo man wen kas. **23** Moo kəlong a gurum mo nkaa sat nənee, “Gwar de də wur shínjeel mmun sə, yaksə be wur nkaa satpwoo ngurum mo nkaa shinzeen de gyet wur gung mbə tu nə.” **24** Mo kwoop Naan mbə an.

2 Aɓwoon ɓit mo kaapaat baafeer, be wen mbaa nkàa nJerusalem, ashak kə Barnabas. Gyet wen mang Titus mpan di. **2** Wen kàa nJerusalem nə, a mbəde Naan woo nwen nə, nkàa di. Gyet nciit kə mənə, be nkaat kə nen denan-nan nə mo a səsok, mbəkə wen sat di mmo, nkaa pwoo deret de wen nkaa sat nə nen de baa mo a nen Yahudi mo kas. Mbəkə taji, ɗak de gyet wen cin nə kə de wen nkaa cin yool dee a buu kas. **3** Dangbe Titus, dewur ashak kə wen, jir dewur a ngu Heleni, be baa gyet mo letəng nwur, kə mo can nwur di kas. **4** Dang pak nendəm ndang Kristi de mə ɗung sə mo, mo tap jì del ndəən mun, kaa nengwol mo sə, mbəkə mo tap gwol mun, kə mo katpee de mɓut mun, de mun ndəən Kristi Jesu, mbəkə mo le mu dee di a kərem fur mo. **5** Baa gyet mu shínpee mmo kas koo dāben, mbəkə mu tap de kə zeen mə pwoo deret nə de mbə wun. **6** Dangbe mbə nen de mo lekáa fur mo a kaa mee mbii sə, koo de mo a wii mo yi, be baa nə daampee nwen kas. Baa Naan wur shwatyit mmee gurum kas. Nen de kən sat mmo, koo de gyet mo a nen denan-nan mo, dangbe be jir kəsə, be baa gyet mo le mee mbii dyik nkaa pwoo fen nə kas. **7**

Akoppee mənə bə mo naa nə, Naan wur cin dak mə satpwoo dərət nə nen de baa mo a nen Yahudi mo kas nsar fen, kaađe wur cin dak mə satpwoo dərət nə mPita mbə nen Yahudi mo sə. **8** Be mo naa nənnee, “Naan dēwur shinbal mPita, mbəkə wur dee de a ngusatpwoo dərət nə nen Yahudi mo, a wur shinbal nwen zak, mbəkə wen dee di a ngusatpwoo dərət nə nen de baa mo a nen Yahudi mo kas. **9** Kaađe mo naa dərət de Naan wur cin nwen, Jemis kə Pita, kə Joon, de gyet mo a nen nan mə nendəm ndang Naan nə mo, (Ekəlisya) nə, mo shin sarse fur de mə shaarshak nwen, kə Barnabas. Mo sat nə, mmun mu dām mu satpwoo Naan nə nen de baa mo a nen Yahudi mo kas, kə nwufun, du dām de pee nen Yahudi mo. **10** Mo sat mmun nee, taji mu mundər nenjeel de mo ndāən mo kas, a mbii de gyet kən fes le pətuup fen mbee cìn nə mənə. **11** Dang kaadi Pita gyet kaa nAntiyok, be wen shin sar wur nyit, mbə mbii de gyet wur cìn nə baa nə nkaa ar kas. **12** Akudang pak gurum mo tong pə Jemis ji de, be wur kə sese ashak kə nen de baa mo a nen Yahudi mo kas, dangbe kaađe des desə nə mo ji wul, be wur cii sese ashak kə nen de baa mo a nen Yahudi mo kas, mbəde wur kəər nen Yahudi mo. **13** Ashak kə wur, be koor nen Yahudi de mo a nendəm ndang Jesu mo, baa mo dər nkaa zeen kas, kaa wur sə, dang kə Barnabas zak, wur mbwoon mo ndāən mwaan mo kə pətuup de vəl-vəl nə. **14** Dang kaađe wen naa mənə, baa mo dər ndəre-ndəre nkaa zeen mə pwoo dərət nə kas, be nsat mPita, nnaar mo nənnee, “Katdang waa de waa a ngu Yahudi aa tong a kaa ngwe de baa wur a ngu Yahudi kas, be cirang dangbe gha nle təng nen de baa mo a nen Yahudi mo kas, kə mo tong kaa nen Yahudi mo sə yi?” **15** Mun shikaa fun, mo làa mun a nen Yahudi mo, baa a nen shikbish kaa koor gurum mo sə kas. **16** Dang mu man nee, baa gurum kə dee a dəbang nyit Naan, a shi dak dēwur cìn ndāən Wàar mo kas, dangbe gurum kə dee a dəbang, a mbə shinzeen ndāən Jesu Kristi. Har mun, mu shinzeen ndāən Kristi, mbəkə mmun dee di a dəbang shi shinzeen nKristi, baa a shi mee dak de mu cìn ndāən Wàar nə kas. Mbəde, shi dak de gurum cìn nə ndāən Wàar nə, be baa gurum ncam dee a dəbang nyit Naan kas. **17** Dangbe muu gung kə mun dee de a dəbang ndāən Kristi. Katdang mo waa kat a mun a nenshikbish mo, be nə kām nə, Kristi wur a mee ngulep mə shikbish aa? Hai baa aasə kas

koo dəben! **18** Dangbe katdang wen kən dyik, a nkaa mbii de wen kən ten nshirip mo, be kən kām kaa fen agaak nə, an a ngushikbish. **19** Wen kən dee a demumuut ndāən Wàar nə, mbəkə wen tong de kə seen pə Naan de. **20** Mo pwas an ashak kə Kristi. Baa a an kən tong ndāən seen desə kas, dangbe a Kristi wur kə tong ndāən an. Kə seen de wen kə nə yaksə ndāən an desə, an kən tong a shi shinzeen ndāən Làa Naan, dēwur wal nwen, dang wur shìn kaashin mbə an. **21** Baa wen cii dərət Naan kas, mbəde katdang gurum kə dee a dəbang nyit Naan, a shi Wàar mo, be muut de Kristi wur muut nə, nə ndee a buu mənə be baa nə kə mee koop nə kas.

3 Hai! Wun nen Galati mo, wu mwen zam. A soot dədang kə se but nwun yi? A yit fuu mo, be mo sat nwun agaak kaađe mo pwas Kristi. **2** Wu dər kə wen cìn mee tal de pə wun. Gyet wu lap Riin nə a mbə dak de wu cìn ndāən Wàar nə aa koo a mbəde gyet wu shinzeen yi? **3** Wun wu mwen aasə wo? Gyet wu shee wu yaa a ndāən Riin, dangbe yaksə, be wuu rəbet kyes nə a ndāən nan fuu mo aa? **4** Tan wu shwaaajeel kə mbii mo shini-shinə a buu mənə aa? Taji wu yit kə nə dee a debuu kas. **5** Wur dēwur shin Riin wur nwun, kə wur cìn mbii aapwoo mo ndāən wun, be wu pan nee, a mbəde wuu tap kə Wàar nə mo aa koo a mbəde wu kəlang, dang wu shinzeen pwoo dərət nə yi? **6** Wu cìn pan nkaa Abraham, kaađe pwoo Naan nə sat sə nənnee, “Wur shinzeen nNaan mbə mo tang mənə wur a kaa ngwe de ndəre sə.” **7** Mbəmənə, be yaksə, wu naa a nenshinzeen mo a jep Abraham nə mo. **8** nDāən pwoo Naan, be mu ten mu naa nə, Naan wur le nen de baa mo a nen Yahudi mo kas, kə mo dee a dəbang nyit wur a mbee shinzeen. Mo satpwoo dərət desə nə mbif mə Abraham nənnee, “A ndāən waa be gurum mo jir, ndāən nyil nə mon nkat dərət.” **9** Nə aasə be, nen de mo shinzeen, mon nkat dərət ashak kə Abraham, mbəde gyet wur kə shinzeen. **10** Nen de moo le pətuup fur mo, a nkaa dak Wàar nə, be mo a ndər tuup Naan. Mo ran ndāən bəət haal Naan nənnee, “Koo a wii de baa wur gam Wàar de mo ran mo ndāən bəət haal mə Wàar nə kas, be gwar mənə a ndər tuup Naan.” **11** Yaksə, nə dee agaak nə, baa mee gurum mak dee a dəbang nyit Naan shi Wàar mo kas. Mbəde koo a wii, dēwur dee a de ndəre a mbə shinzeen wur, be a wur nkat seen.

12 Dangbe baa Wàar nà dar a nkaa shinzeen kas, “Koo a wii dewur ngam Wàar nà mo, be gwar mənə wur nkat seen a shi mo.” 13 Mun jir, mon ntokdyeel debish mun, mbəde baa mu gam Wàar nà mo jir kas, dangbe Kristi, wur can mun ndəən dyeel debish nà. A mbə mun, be wur shwaajeel fun mo, dang wur mang dyeel debish nà le nkaa shin. Nə a rəran ndəən bəət haal Naan nənəe, “Koo a wii, de mo pwas wur nkaa təng, be wur a ndər tuup Naan.” 14 Mbəkə ndəən Kristi Jesu, be deret mə Abraham nà deə nkaa nen de baa mo a nen Yahudi mo kas. Kəzak, mbəkə mun mu lap Riin de Naan wur kə ten cweer nà nnə, wudin ncin mmun mbə shinzeen fun mo. 15 Dyemnaa mo, an ncin kām kə mbii de mu ten mu loot kə mo ndəən tong fun mo shidaar-shidaar. Katdang gurum mo vəl moo ten bwootpwoow ashak nkaa me mbii, be nà nluk kə mee gurum dyik teppwoow de mo kə ten bwoot nà, kəzak, baa mee gurum mak le mee mbii de nkaa nà kas, mbəde mo kə ten bwoot nà. 16 Nə aasə, Naan wur kə ten cweerpwoow mo Abraham yam-yam kə dang wur. Baa mo ran a nee kə dang wur mo kas. Katdang de mo sat nee, a dang wur mo, be de nà kām nà, dang nà mo a deś, dangbe mo ran a nkaa dang wur məndong bejee. Dang wur deməndong deśə nà a Kristi. 17 Mbii de an nkaa sat nà a nee, gyet yam-yam, be Naan wur kə ten bəlemcuk shi toom. Dangbe aḃwoon biḃ mo kambil feer kə laarkun, aku dang Naan wur shin Wàar nà nen Yahudi mo. Wàar de Naan wur shin deśə nà, baa nà mak teppwoow de gyet wur kə ten cweer nà kas, kəzak, baa Wàar nà mo mak tupwoow de Naan wur kə ten cweer mo kas. 18 Katdang de Naan wur shin zuum wur ngurum mo a mbəde moo tap Wàar nà, be de baa gurum mo nkat zuum wur nà a mbə pwoow de Naan wur kə ten cweer nà kas. Dang mu man nee, a mbəde gyet Naan kə ten cweer nà, dangbe wur shin zuum nà Abraham. 19 Dang, a mii a koop Wàar nà yi? Naan wur shin Wàar nà mo, a mbəkə mmun man mbii debish mo di. Gyet Naan wur shin Wàar nà mo mmun, a mbəkə mo tap mun di, mbə reppəe lee, be parde pee nà wul, mbəkə dang Abraham nà jì di. Mbəde Naan wur kə ten cweerpwoow mənə a nwur. Naan wur shin Wàar nà a nnenlep wur mo, mbəkə mo sham shin di nsar mee gurum de gyet wur a ngu ar nnaar Naan kə gurum mo. 20 Katdang ngu ar de mbut mee mbii, bə nà kām mmun nà wur dar a

naar gurum mo vəl. Dang ndəən pwoow de gyet Naan cweer Abraham nà, be gyet a Naan wur mbəshin bejee, de gyet wur cweerpwoow mənə. 21 Kyet deśə nà kām mmun nà, Wàar nà a nkaa koon kə pwoow de Naan wur kə ten cweer nà wo? Baa nà aasə kas koo dəben. Katdang gyet mee Wàar nà de, de gyet nà mmak shin seen ngurum mo, be gyet nà mmak le gurum mo deə a de ndəre nyit Naan. Dang baa mee kaan Wàar mənə di kas. 22 Dang kaade mo ran ndəən bəət haal Naan sə nee, mbii de mo ndəən nyil nà jir, mo a ndər shikbish. A nen de mo shinzeen nJesu Kristi, mo lap mbii di Naan wur kə ten cweer nənəe, wudin shin nen de mo shinzeen Kristi bejee. 23 Gyet akudang shinzeen nà jì, be mun a de shishoot ndəən Wàar nà, aku dang Naan wur wang ar mmun, kə mu shinzeen di nJesu Kristi. 24 Mbəmənə, be gyet Wàar nà a ngukām fun, akudang Jesu Kristi wur jì. Kaadi wur jì be mu deə a di ndəre nyit Naan, mbəde mu shinzeen wur. 25 Dang nyaksə, kaadi Naan kə wang ar nà mun, mbəkə mu shinzeen de Jesu Kristi, be baa mu kudi a ndər ngupan mun kas. 26 Mbəde yaksə bə shinzeen, ndəən Jesu Kristi, be wun a jep Naan mo jir. 27 Wun de moo cìn baptisma nwun jir ndəən Kristi, be wuu deə a debəbal kə Kristi mənə. Mbəmənə mu mwaan ndəən dyen mə Kristi. 28 Yaksə, baa mee shwatyit kudi nnaar nen Yahudi mo kə nen de baa mo a nen Yahudi mo kas, koo naar kərem kə jeplu mo kas, koo nnaar mish mo kə mat mo kas, mbəde wun a deməndong jir ndəən Kristi Jesu. 29 Katdang wun a mə Kristi, be wun a jep Abraham mo. Wuu lap mbii mo jir, de gyet Naan wur kə ten cweer nà.

4 Mbii de an nkaa sat nà a nee, làa dewur nsekop, baa wur met kərem kas, naar dewur kudi a làa, jir kə de long nà mo a mə wur. 2 Kaadi wur kudi a làa, be a gurum moo tap wur zak. A gurum moo naa mbii wur mo, har parpuus de puun wur le nà wul. 3 Nə kə mun aasə zak. Gyet nyam, naar de gyet baa mu mانشii zeen kə mbii mo kas, be gyet mun a kərem mon ndər Wàar kə mbii de gurum mo loot kə cìn mo, de mo nyil deśə mo. 4 Dang kaadi pee nà wul tyap, be Naan wur lep Làa wur sham ndəən nyil deśə. Mo làa wur a kaadi mo kə làa gurum mo sə, ndər Wàar. 5 Mbəkə wurang nen de mon ndər Wàar nà di, mbəkə wur le mun deə de a jep Naan mo. 6 Mbəde wun a jep wur mo yaksə,

6e Naan wur lep Riin kə Lāa wur sham ndəən pətuup fun mo. Riin nə wur petpee shiḡal nee, Daa puun! 7 Yaksə, 6e ndəən Naan, baa wu kudi a kərem mo kas, dāngbe wun a jeplu mo. Katdang wu dee a jeplu mo, 6e wun nsekoḡ kə mbii de Naan wur ncin nə jep wur mo. 8 Gyet nyam, 6e baa wu man Naan kas, 6e gyet wun a kərem mo ndər riin de baa mo a naan kas. 9 Dāngbe yaksə kaadi wu man Naan sə, koo kaadi Naan kə man wun sə, 6e cirang dāng wun ciir kəḡwoon nNaan, kə wun waa wu baa wu dām de ndang Wàar kə mbii de gurum mo loot kə cin yi mē riin de mo nyil desə baa moo mee ḡal kas yi? Dyen nwun kə wu baa wu dee de a kərem mo zak aa? 10 Wuu tap kə teer mo, kə puus serəbet mo, kə tar mo, kə pak teer mo ndəən bit nə. 11 Dāngbe wu shin kəərmut taji ḡak de gyet wen cin pee wun, nə yool dee a ḡebu. 12 Dyemnaa mo, an kən dāng pee wun, kə wu dee kaa ghan sə. Kaadi ghan kən dee kaa wun sə. Baa wuu cin mee mbii debish nwen kas. 13 Wu man nee, gyet a wen shee jì kə pwoo ḡeret nə nwun. Mbii de gyet nə le dāng wen tong pee wun de, a mbəḡi baa gyet wen nkoom kas. 14 Koo de gyet shwal nə daampee nwun, bə baa wu cii an kas, kəzak, baa wu ḡak an kas. Dāngbe wu lap ghan shi pətuup mēndong kaa wuu lap a mee ngulep Naan sə. Gyet wu lap ghan a kaa Kristi Jesu shikāa wur sə. 15 A nee, retnyt de gyet wu cin ashak kə wen sə, nə a nii? Mbəḡe wen sat nwun azeen, katdang de a mbii de nə mmak cin, 6e di gyet wun shwatyt fuu mo wu shìn nghan. 16 Cirang dāngbe wen mbə ciir ndee a shaarlek fuu yi? Mbəḡe wen sat zeen nə nwun aa? 17 Nen de mo nkaa cin ḡung nwun sə mo, moo gung a mbəkə mo kat ḡeret de nyit fuu, dāngbe mbii de nə le dāng mo rəbet cin kəsə nə, baa nə ret kas. Mo rəbet a kə wun ḡākshak de kə wen, mbəkə wu kəḡəng a mo ḡi bejee. 18 Katdang gurum mo tap shak a mbee mbii ḡeret, 6e nə ret zam. ḡesə nə azeen-nzeen, koo a pərangyi. Koo de ghan ashak kə wun, koo de baa ghan ashak kə wun kas, 6e wen kən pan wun. 19 Jep fen de kən wal nwun sə mo, ghan a kaa mat de war nkaa shwaajeel mbee lāa-lāa sə. Wen nsat a nshwaajeel nə ḡak, har pardi məse fuu dee nciit-nciit kə mē Kristi. 20 Dyeen ghan ndəəm pee wun de zam, mbəkə nghan man ar de an nsat mbii ḡesə mo de nwun. Yaksə, baa wen man mbii de an nsat nwun kas. Mbii nə daampee nwen nkaa wun zam. 21 Wun nen de

wu sat nee, wun a ndər Wàar nə mo. Wu sat nwen yaksə, wu kəḡəng mbii de Wàar ḡesə nə mo nkaa sat nə aa? 22 Mo ran ndəən ḡəet haal Naan nānee “Gyet Abraham kə jep ḡemish mo vəl. Gyet nāen memee war a kərem, kə nāen ḡevəl nə, baa war a kərem kas.” 23 Dāngbe mo lāa-lāa kə mat de gyet war a kərem sə, ndəən nan, dāngbe lāa mat de gyet baa war a kərem kas sə, mo lāa wur a nciit-nciit kə pwoo de gyet Naan wur ten cweer nə Abraham. 24 Pwoo ḡesə nə mee mbii kām ḡejurum de but. Mat ḡevəl ḡesə nə mo, mo ḡee a kaa cweerpwoo shi toom mo vəl sə, de gyet Naan wur sat nə mo. Hagar a mat de war a kərem sə, war ḡee a səmpwoo de Naan wur cweer nə mMosis nkaa jwak Sinai. A war de war lāa-lāa mo 6e mo ḡee a kərem mo. 25 Hagar war ḡee a səmpwoo kə jwak Sinai de nə nyil Arabiya. War ḡee a kaa Jerusalem sə, de war kə jep war mo, mo ḡee nkaa cin ḡak kərem mbə cicinsə. 26 Dāng Jerusalem de nə ndəən ḡəngnaan, baa war a kərem kas, war a nāen fun. 27 ḡəet haal Naan sat nānee, “Wii jeer, yi cin retnyt. Wii de baa yii cam shwaajeel mē lāa-lāa kas, mbəḡe mat ḡemish ceen war, war kat jep mo ḡes met mat de war tong ashak kə mish war.” 28 Yaksə, dyemnaa, mo mmun a jep de mo kə tuwap nkaa de wun a kaa Aizik sə. 29 Gyet nyam nə, 6e lāa de gyet mo lāa wur a ndəən nan sə, wur shínjeel laa de gyet mo lāa wur a ndəən Riin. Nə aasə yaksə. 30 Dāng, mbii de mo ran nə ndəən ḡəet haal Naan nə sat a mbəmi? Nə sat nānee, “A ceen kərem nə war kə lāa war nə, mbəḡe baa lāa kərem nə mmak sekop ashak kə laalu nə kas.” 31 Mbəmənə dyemnaa mo, baa mun a kərem mo kas, dāngbe mun a jeplu mo.

5 Mbii de nə le, dāngbe Kristi wur pwat kə mun ndər Wàar kə nen Yahudi nə mo, a mbəkə mun ḡee ḡi a nankāa sun azeen-nzeen. Mbəmənə, 6e wen kən sat nwun nee, wu ḡar ḡalḡal kaa nen de mo a nankāa sut sə. Taji wu baa wu shìn kāa fuu, mbəkə wu baa wu ḡee ḡi a kərem kas. 2 Wen Pool, an nkaa sat nə wun nee, katdang wu yit mmee gurum can wun, 6e nə ḡee agaak nānee, “mbii de Kristi kə cin mbə wun, 6e nə ḡee a buu mənə. 3 Wen kən rəbet kə koo a weyi man azeen-nzeen nə, katdang mee gurum waa rəbet kə mo can wur, 6e nə ḡee a təng kə wur gam koor wàar nə mo ḡi jir. 4 Wun nen de wu pan nee, wuu ḡee a ḡe ndəre nyit Naan, mbəḡe wuu tap kə wàar nə

mo, be wu pwat kə káa fuu mo aku ndæen Kristi. Wuu dee a depəpal ndæen deret de Kristi kə ten cìn mo mbə wun. **5** Dangbe mun nen de baa mu leyit a nkaa can kas, be ndæen Riin shi shinzeen be, muu tong a shi gongpee shi canciin mə de ndære mə Naan. **6** Katdang mu dee a demədong kə Kristi Jesu, be baa nə kudi mee koop nə kas, koo de mo can gurum, kə koo de baa mo can gurum kas, dangbe mbii de nə kəkoop nə a shinzeen de nə kám sat ndæen wal. **7** Də nyam, be wun nkaa sekyeen ndæen pwoo deret nə hakyeng, dangbe yaksa, be a me le dang baa wu kudi wuu mwaan ndæen zeen nə kas yi? **8** Baa a Naan dewur pərep wun, a wur cíi sekyeen nwun kas. **9** “A rep yist lee nə le kə bred wup dí.” **10** Dang mbəde mun a demədong ndæen Daa fun, be an shinzeen nee, baa pan fuu mo waa den dyik kə mənə kas. Wen shinzeen nee, ngwe dewur nək wun sə, koo dewur a wii, be Naan nshín kar wur. **11** Dang dyemnaa mo, katdang an kən sat an satpwoo nə, can nə a təng, be a me le dang ghan kən sat a nshwaajeel dak yi? Katdang nə aasə, be moo shang mbii de nə le canshi ngurum mo ndæen shiyeepyoom Kristi. **12** Nen de mo daampee nookdi nwun sə, wen fes nrəbet kə mo dəm pun sut kə mo dee dí a meermuut mo. **13** Dyemnaa mo, Naan wur pərep wun, mbəkə taji wu dee a kərem mo ndər wàar mə nen Yahudi mo kas, dangbe, taji wu le kə katpee fuu nə, nə dee a ar de wun ncín mbii debish mə nan dí kas. Dangbe nə ret kə wu walnshak kə ɓamshak zak. **14** Mo gam wàar nə mo jir a ndæen pwoo desə nənee, “A wal ngə nang fwaa kaa sak sə.” **15** Katdang wun ndee a kaa luwaayil de moo seshak sə, be wu tap taji wu tu shak kyes kədang-ndəng. **16** Wen kən sat nwun nee, wu mwaan ndæen Riin, mbəkə taji wu gam dyen mə nan nə kas. **17** Mbəde mbii denan nə kə rəbet, be baa mo a nciit kə mbii de Riin nə rəbet kas. Kəzak, mbii de Riin nə rəbet be baa mo a nciit kə mbii denan nə rəbet kas. Mbii devəl sə mo baa moo rəbet shak kas. Desə nə dee nee baa wu mak cìn mbii de wuu rəbet kas. **18** Dang katdang wuu mwaan a ndæen Riin Naan, be baa wu kudi a ndər Wàar nə kas. **19** Dak de gurum moo cìn ndæen məse kə gurum, nə agaak. Kyeet kə dak mənə mo, a kaa cín ngaa, dak debish mo, cìn mbii debish nen yitlwaan. **20** Seyil nkùm, dak soot, ciishak, jəər, zuur, tuup, rəbetkăa, ɓákshak, məse de nə a mə yilangpee. **21** Zuur debish, shwaayuur,

kuur ashak debish mo, kə mbii debish mo de shini-shinə. Wen kən satpwoo nwun shiɓal, kaade gyet ghan kən sat nwun sə nə, nen de moo cìn mbii desə mo jir, be baa mon ncam del ndæen mulki Naan kas, koo dəben. **22** Dang dak de gurum moo cìn ndæen Riin Naan mo a, walnshak, kə retnyit, tongryang, gung mbii mo, naajeel nshak, cìn mbii deret mo, shinzeen, **23** sham kə káa, yaasuk. Mbii desə mo jir, baa mee Wàar de nkaa mo kas. **24** Nen de mo a mə Kristi Jesu, mo kə ten pwas nan fur mo nkaa shiyeep ashak kə koor nə. **25** Katdang mu tong a ndæen Riin, be nə ret kə mu mwaan ndæen Riin nə zak. **26** Taji mu diyeepkăa kas, kə taji mu le tuup nshak kas. Taji mu cìn zuur kə shak kas zak.

6 Dyemnaa mo, katdang mee gurum taa pal, be wun de wun a de ɓalɓal ndæen Riin Naan wu ɓam wur, mbəkə wur tuwap de. Wu sham kə káa fuu mo, kaade wun nkaa ɓam wur. Wu tap kə káa fuu, mbəkə taji wun wu waa wu del ndæen jwaan nə kas. **2** Wu ɓamshak, katdang wu cìn aasə be wu gam Wàar Kristi mənə. **3** Katdang memee fuu lekăa wur a mee mbii, dangbe ndæen zeen nə, be baa wur a mee mbii kas, be gwar mənə nək a kaa shin bejee dak. **4** Dang nə ret kə, koo a wii be wur cam dak wur, dangbe wur nleshap shikăa shin, baa ashak kə dewur kám shin kə mee gurum kas. **5** Koo a weyi ndæen wun be wur mang toon kə mbii dewur cìn mo shikăa wur. **6** Koo weyi dewur nkaa lap kămpwoo Naan, be nə ret kə wur ɓak mbii deret mo jir, ashak kə ngukám nə. **7** Taji mee gurum gwamkăa shin kas, mbəde baa mee ngwe cam zaal nNaan kas. Mbii de gurum kop be wur ndyiip a nə. **8** Ngwe dewur kop a ndæen nan nwur, be wur ndyiip a mbii dewam ndæen nan nə. Dang ngwe dewur kop ndæen Riin Naan, be ndæen Riin be wur ndyiip a seen de ngaa-ngaa. (aiōnios g166) **9** Taji kwak fun mo waam mbə cìn mbii deret mo kas, mbəde katdang pee nə wul, be mun ndyiip deret mə dak fun mo, ka baa mu taa mu muutleet kas. **10** Aasə, nə ret kə mu cìn mbii deret mo, kaade mu katpee nə sə. Mu cìn mbii deret ngurum mo jir, met jir, a dyemnəen fun mo, de mo a nendəm ndang Kristi mo. **11** Ran denan-nan de wu naa sə mo, a an ran mo shi sar fen shindəm nwun. **12** A nen de mo rəbet leshap ndæen nan desə, a moo rəbet letəng nwun, mbəkə wu can-can de, kəzak, mbəkə taji mo shwaajeel, mbə

shiyeeppoom Kristi kas. **13** Nen de moo ten can mo, mo shikaa fur, baa mo kyeer waar na kas. Dangbe na a rabet ka mo, ka mo can wun, mbeka mo katpee de mba canpwoo nkaa wun ndaen nan. **14** Dangbe pee wen de be a shi shiyeeppoom Daa fun Jesu Kristi, a na a mbii mandong de na mmak le ka nghan canpwoo bejee dak. A mba shiyeepmuut wur, be mbii de ma nyil deso mo, baa mo kudi mee koop na pee ghan de kas. Na dee a kaa moo ten kwas mo nkaa shiyeepmuut Kristi, kəzak, an a kaa ngwe de ka ten muut sa, har wen kan yit mbii ma nyil deso mo mboon. **15** Koo de mo can gurum, ka koo de baa mo can gurum kas, be baa na ka mee koop na kas. Mbii de na kəkoop na hakyeng na ndeso, Naan wur shin seen depwoo mun. **16** Mba de mo ka mwaan ndaen seen depwoo deso na, be mo a nen Naan mo azeen. Moo tongryang ka Naan ka wur naa mo shi yit naajeel zak. **17** Yool yaksə, be baa dyen nwen ka mee gurum daampee nwen zak kas, mbafe namer de mo nkaa an mo kam na, an a karem ma Jesu. **18** Dyemnaa mo, deret ma Daa fun Jesu Kristi na tong ashak ka riin fuu mo jir. Na a kasə.

Afesus

1 Pool laalep Kristi shi ræbet Naan, shindæm pee nen Naan de mo ndæan nyil Afesus, de mo shinzeen nJesu Kristi azeen-nzeen. **2** Deret kə ryang mə Naan puun fun kə Daa fun Jesu Kristi mo tong ashak kə wun. **3** Mu pəlang Naan puun, kə Daa fun Jesu Kristi, dewur le deret wur nkaa mun, shi koo a deret dedangyi de nə a mə Riin ndæan dengnaan mo, shi Kristi. **4** Akudang Naan wur leyil nə, 6e wur kə ten bələp mun, mbəkə mu deə a mə wur ndæan Kristi, mbəkə mu deə de a dəbang ndæan wal mbədə baa mee shikbish di ntoom nwur kas. **5** Naan kə ten sat nee, ndæan Jesu Kristi, 6e dyin nle kə mun deə a jep wur mo. Desə nə put a ndæan pan mə retnyit wur. **6** Wu yit kə mun kwoop wur mbə dedes mə yit naajeel nwur, dewur shin mmun nzuum ndæan Låa wur dewur wal wur. **7** Mbədə a shi muut Kristi dangbe mo fween mun, shii mənə a nee, mo fwo shikbish fun mo mmun. Yit naajeel nNaan nə des zam, **8** dewur doo nə nkaa mun des, kə seen kə manshii mbii mo jir. **9** Yaksə Naan wur le kə mun man mbii de mo a səsok mə pan wur mo, nciit-nciit kə pan wur dewur kə ten le nə, kə nə deə a dəgəgam ndæan Kristi. **10** Mbii de Naan wur kə ten sat nee, wudyin ncin mo katdang pee nə wul. Be Naan wur nji kə mbii dewur kə ten le mo ndæan nyil desə ashak, kə de mo ndæan dengnaan kə de mo ndæan nyil desə jir, 6e Kristi wur ndee a kaa mmo jir. **11** Mon cin mbii mo jir a nciit-nciit kə mbii de Naan wur kə ten sat nə wudin cin mo. Naan wur ten bələp mun, kə mun deə a nen wur mo ndæan Kristi nciit-nciit kə pan wur. Mbii mo des aasə, nciit-nciit kə mbii dewur kə ten sat nə wudin cin mo pəgyet di nshee. **12** Mun de mu shee canciin nkaa Kristi, wu yit kə mun kwoop Naan mbə dedes wur. **13** A wun zak, wu deə a nen Naan mo kaadi wu kələng pwoo de azeen nə. Pwoo deret de nə ji bam wun, kaade wu shinzeen nKristi sə, 6e Naan wur kə le sar wur nkaa wun, kə nwun deə de a mə wur. Kaade wur shin Riin Dəbang nə nwun nciit-nciit kə mbii dewur kə ten sat sə. **14** Riin Dəbang de Naan wur shin nə mun, wur deə a mbii denshee de nə kām mun nə, mu lap mbii de Naan ten sat nə wudyin shin nen wur mo. Desə nə kām mun nə, Naan wur shīnpee nen de mo a mawur mo, yit kə mu kwoop Dəhai wur

di. **15** Mbə mbii desə, 6e yool mparpuus de wen kələng pwoo nkaa shinzeen fuu nə ndæan Daa Jesu, kə wal fuu nə mbə nen Naan mo jir, **16** 6e baa wen kən nook pələng Naan mbə wun kas. Wen kən pan wun ndæan dangnaan fen mo. **17** Wen kən dang pə Naan kə Daa fun Jesu Kristi, puun dəhai shidaar-shidaar nee, dewur nshin Riin nwun, kə wur le nwun deə a nenseen mo, kə woo man mə Naan nwun ræret hakyeng. **18** Yit kə pətuup fuu mo wang di, kə wu naan pee bang wur di, mbəkə wu man mbii de wuu canciin de ke dewur kə ten pərep wun mbə nə, kə kop dewur nshin nen wur mo. **19** Baa mee ngwe mmak kām dedes wur, de nə nkaa cin dak ndæan mun kas, mun nen de mu shinzeen wur. Iiko de nə nkaa cin dak ndæan mun, nə nciit-nciit kə dedes mə bal wur, **20** de gyet wur cin dak kə nə, mbəkə wur yool de kə Kristi a peemút, kə nNaan wur le kə Kristi kaa tong nsarse wur ndæan dengnaan. **21** Kristi wur met mbal mishkoom mo jir, kə iiko, kə bal, kə des mə se mishkoom mo jir. Səm wur nə met koor səm mo jir. Baa a ndæan bit deyaksə bejee dak kas, dangbe kə ndæan bit de mo ndung ji akyeen. (aiōn g165) **22** Naan wur kə ten le mbii mo jir ndershii wur, kəzak wur le wur deə a kaa mbii mo jir mbə Ekalisya nə. **23** Kuur nendəm ndang wur mo, a shin wur, de mo gam kə wur shikaa wur, dewur gam mbii mo jir, koo a ndæan ar dedangyi

2 Gyet nyam 6e, wun a deməturep ndæan tep waar kə shikbish fuu mo. **2** Gyet nciit kə mənə, 6e wuu mwaan a ndæan coor debish mə yil desə, kə nwun kələng a doo mə mishkoom bal kə riin de mo ndæan kut mo, riin de nə pə cin dak nkaa nen de mo cii cin dyen Naan. (aiōn g165) **3** Gyet mu tong a kaa mo sə, ndæan coor mə nan fun mo. Kə gyet mu cin mbii de mu naa mo shang nnan fun mo, kə pan mə pətuup fun mo zak. dang ndæan tong fun, kaa koor gurum mo sə, 6e də mu ten mu deə a de mun nshwaajeel mbə tuup Naan. **4** Dang mbədə kussuk Naan kə wal wur nə des zam, **5** 6e jir de gyet mun a deməturep ndæan shikbish fun mo, 6e wur le kə mu kat seen ashak kə Kristi. Nə a mbə yit naajeel Naan, dangbe mu kat bam. **6** Naan wur nle kə mun yool ashak kə Kristi, kə wur le kə mun tong ashak kə wur ndæan dengnaan mbə səm kə Kristi Jesu. **7** Ndæan bit de mo pə ji, 6e wur nkām mmun des shi dedes wur de

baa mee gurum mak kám nà kas. Desə nà a yit naajeel wur dedes mbə mun ndəən Kristi Jesu.

(aiōn g165) **8** A mbə yit naajeel Naan, dāngbē wu kat ɓam, mbəde wu shinzeen. Baa wu kat ɓam desə nà a mbə mee ɗak ɗeret de wu cìn kas, nà a zuum mə Naan. **9** Baa nà a mbə mənə ɗak kas. Mpeemənə, be taji mee gurum ɗiyeepkàa wur kas. **10** A Naan wur le mun shi sar wur, kaade mun de sə, dāngbē yaksə ndəən Kristi, be wur le mun a mbə cìn ɗak ɗeret mo, dewur kə ten ɗak nà le mbə mun, mbəkə mun cìn mo ɗi. **11** Taji wu mundər kas, nà, gyet nyam be wun a nen de baa mo làa wun a nen Yahudi mo kas. Be gyet nen Yahudi de dā mo lesut a nen de mo can mo ndəən nan shi sar gurum mo, moo pet wun a nen de nsuluk mo. **12** Taji wu mundər kas nà, gyet mbít mənə mo, be baa wu kus kə Kristi kas, kə baa gyet wu man Naan kas. Gyet mo shwat wun ndəən jep mə nen Yahudi mo, kə gyet wun a mæzep mo. Mbəde Naan kə ten ɓəlemcuk shi toom, kə baa gyet wun kə mee mbii canciin ndəən yil nà kas. **13** Amma, yaksə ndəən Kristi Jesu, be wun de gyet wu jong, mo kə jì kə wun kus, shi toom Kristi. **14** A Kristi jì kə tongryang mmun, be wur le kə nen Yahudi mo dee a deməndong kə nen de baa mo a nen Yahudi mo kas. Wur shirip kok de gyet nà ɓàk mun, mbəkə mun dee ɗi a shaarshak. **15** Wur mang Wàar nen Yahudi mo baa kənə aku, mbəkə wur waa le gurum ɗepwoo mo de ndəən dāng ɗəwəl sə mo. De a ndəən ar desə, be wur jì kə tongryang. **16** A shi muut wur nkaa shiyeepyoom, be wur tu mbii de nà jì kə ciishak ngurum mo. A shi shiyeepmúut wur, be wur ɓàl dāng mo shini-shini, kə mo dee a deməndong ndəən Naan. **17** Jesu wur jì satpwoo, mə ryang nwun. Wun nen de gyet wu jong kə Naan, kəzak, wur jì kə pwoo nà nen de gyet mo kus kə Naan zak. **18** A ndəən Kristi be mun gurum jir, mu mak jì ndəən Riin deməndong pə puun fun ɗi. **19** Mbəmənə, be yaksə, wun nen de baa wun a nen Yahudi mo kas, baa wu kuɗi a mæzep koo pəkor mo kas. Yaksə wun a deməndong kə jepyil mə nen Naan mo, kə nwun dee a jeplu mə Naan mo zak. **20** Mo ɗyik wun a nkaa kuk de jeplep kə Jesu mo, kə nensatpwoo Naan mo kə ten ɗyik nà. Jesu Kristi wur shikàa wur, a nghək dedes mə kwang lu nà. **21** A ndəən wur, be jir koor lu nà kəkàa nkaa wur, kə a wur le kə lu nà wurang, kə nà dee a lu ɗəɓang mə Daa. **22** A

ndəən wur, be mo ɗyik wun, kə nwun dee a pee ɗi Naan wur tong ɗi, shi riin wur.

3 A mbə desə, be wen Pool, an a shishoot mbə Kristi Jesu, mbə wun nen de baa wun a nen Yahudi mo kas. **2** Azeen-nzeen wu man nee, ndəən ɗeret Naan, be wur shin ɗak desə nà nwen, mbəkə nghan cìn ɗi mbə wun. **3** Naan wur woo mbii desəsok mo nwen dewur kə ten sat nà wuɗin ncìn nwen. Wen kən ran pwoo nwun lee nkaa nà. **4** Katdāng wu tang mbii de ghan kən ran nà, be wun mmanshii mman fen, nkaa mbii desəsok mə Kristi. **5** Gyet nyam, be baa mo woo mbii desəsok nà mo ngurum mo kas, amma yaksə be Naan wur kə woo nà agaak pee jeplep Jesu Kristi mo, kə nensatpwoo Naan ɗəɓang mo, shi Riin wur ɗəɓang. **6** Mbii desəsok nà a nee, nen de baa mo a nen Yahudi mo kas, yaksə ndəən pwoo ɗeret nà, be mo kat ɗeret mə Naan ashak kə nen Yahudi nà mo. Kəzak yaksə, be nen de baa mo a nen Yahudi mo kas, mo dee a mbii deməndong. Mo mak sekop ndəən mbii de Naan wur kə ten cweer nà, nwur gam nà ndəən Kristi. **7** A mbee pwoo ɗeret desə, be Naan wur nle kə ghan dee a ngucìn ɗak wur, nciit kə zuum ɗeret mə yit naajeel wur dewur kəcin nwen, de nà nkaa cìn ɗak ndəən ɓal wur. **8** Koo de ghan a detaakat met jir ndəən nen Naan mo, amma Naan wur cìn ɗak desə nà nwen, de nà satpwoo ɗeret nà mbə nen de baa mo a nen Yahudi mo kas. Pwoo nkaa long Kristi de baa nà kə peekyes kas. **9** Kəzak, mbəkə nghan le kə gurum mo manshii mbii desəsok mə Naan mo ɗi, de Naan dewur le mbii mo ndəən nyil nà jir, be wur kə ten sok mbii desə nà mbee bit mo des. (aiōn g165) **10** Pan wur desə nà, yaksə ndəən nendəm ndang wur mo, be dedes mə seen wur nà dee agaak ndəən ar mo shini-shini, pə nenlep Naan mo kə iiko de mo ndəən dengnaan. **11** Nciit-nciit kə mbii de Naan wur kə ten sat nee, wuɗin ncìn nà shindəm ngaa-ngaa, dewur gam nà ndəən ɓalkaa fun ashak kə Kristi Jesu Daa fun. (aiōn g165) **12** Kə shinzeen fun ndəən wur, be mu katɓal mpətuup, kə mu dām de ntoom Naan, baa a shi kærmmuut kas. **13** Wen kən dāng pə wun, taji kwak fuu mo murep kas, mbəde jir shawaajeel de an nkaa shwaa nà a mbə wun. Shawaajeel fen nà kəkoop nà pee wun ɗi. **14** A mbəmənə, be an kən kurum ntoom puun, **15** a mbə wur, be koo a weyi de mo ndəən dengnaan kə de mo ndəən nyil desə

moo kat sām wur. **16** Wen kən dang pə Naan ndāen long wur dedes, mbəkə wur shin iiko de nwun ndāen Riin wur. Mbəkə nwun katbal de ndāen pətuup fuu mo. **17** Mbe kə Kristi wur tong ndāen pətuup fuu mo, mbədə wu shinzeen wur. Wu shamseen, kə nwun dar nkaa kuk de nə a wal. **18** Mbəkə nwun, ashak kə nen Naan mo, be wu man kaam, kə shwal, kə wurang, kə jurum mə wal mə Kristi di. **19** Kəzak, mbəkə wu man wal mə Kristi de nə met nkoor man mo jir, mbəkə wu gam di kə man Naan ndāen pətuup fuu mo. **20** Yaksə, pee wur, dewur kə iiko de nə cìn dak ndāen mun, met mbii de mu mak dang mo, koo pan de mo ndāen pətuup fun. **21** Dedes nə dee a mə Naan ndāen nendəm ndang wur mo, kə ndāen Kristi Jesu mbə pə mo jir, yool yaksə kə, har ngaa-ngaa. Nə a kəsə. (aiōn g165)

4 Wen de an a shishoot mbə sām Daa. Wen kən dang pə wun, mbəkə wu mwaan-mwaan de mo lapshak kə petpee de Naan wur kə pərep wun mbə nə. **2** Wu sham kə káa fuu mo koo pəryani. Wu cìn mbii mo ndāen d̄yen, kə wun gung zak. Wu kám wal fuu mo agaak, kə nwun fwangshak zak. **3** Wu gung, kə nwun tap de kə balkaa de Riin wur shin nwun, shi tongryang de nə bál wun ashak. **4** Shin nə a mǝndong, kə Riin nə mǝndong bejee. Kaadi mo kə pərep wun, ndāen canciin mǝndong nkaa mbii de mo kə pet wun mbə nə. **5** Daa a mǝndong, shinzeen nə a mǝndong, baptisma nə a mǝndong, **6** Naan a mǝndong, dewur a puun fun jir. Wur met mbii mo jir, kə a wur cìn dak ndāen mun jir, kə a wur ndāen mun jir zak. **7** Dang koo a weyi ndāen mun, be wur kə lap deret nciit-nciit kə zuum kə Kristi. **8** Kaade mo kə ran ndāen bǝat haal Naan sə nǝnee, “Kaade Kristi wur kaa adeng, be wur pan kǝrem deyiyak mo des ashak kə wur, kə wur shin zuum ngurum mo zak.” **9** Yaksə, be nǝnee, “wur kaa adeng” be shii mǝnə a mii? Shii mǝnə nee, nshee be wur sham ndāen jurum kə peekyes kə yil desə. **10** Mbǝmǝnə, gwar de gyet wur sham, a wur a gwar dewur kaa adeng-deng a kǝkyeen dengnaan mo, mbəkə wur gam deng kə yil jir. **11** A wur shìn zuum ngurum mbəkə npak mo dee di, a jeplep mo, kə npak mo dee a nensatpwoo Naan mo, kə npak mo dee di a nenkop pwoo Naan mo, kə npak mo dee di a Pasto mo, kə npak mo dee di a nenkám kam mo zak. **12** Wur shin zuum desə mo, a mbəkə nə dak nen Naan mo de, mbə bamshak, kə

mbəkə mo d̄yik fwoshik kə Kristi di. **13** Nə aasə, be mun jir, mun nyool mu dee a demǝndong ndāen shinzeen fun, kə man fun de nə ndāen Lǝa Naan. Mun nyool mu dee a nen de kə man mo, Mbəkə mun wul mbə gam dedes mə Kristi. **14** Be baa mu kudi a jep ded̄yeeen mo kas mǝnə, de mo nnum mun shindəm sə, Mbəkə mo mang mun pán, shi koo a kyaan kám dedangyi kas. Mo a nenseen mo de mo a korong mbə bǝrǝm d̄ung. **15** Akoppee mǝnə nə ret kə mun sat zeen nə ndāen nwal. Nə ret kə mun wurang ndāen mbii mo jir, ndāen Kristi dewur a káa fun. **16** A mbə wur, dangbe koo a beep dedangyi, mo shini-shini, mo tap bál ashak, kə koo a pee bal dedangyi, nə katbal a ndāen wur. Katdang koo a beep dedangyi nə kə cìn dak war rǝret, be fwoshik nə nwurang, kə nə d̄yik set di ndāen nwal zak. **17** Nǝdāen sām Daa, be nkən satpwoo wun shi bal nə, taji wu sat a ntong kaa nen de baa mo a nen Yahudi mo kas sə, de pan mo a debuu. **18** Pan de ndāen pətuup mo, nə a mə peenkwoo, baa mo kə mee lǝbet ndāen seen de Naan shin kas, mbədə baa mo kə mee man kas, kə mo dee a nencinshik mo. **19** Baa mo kudi kə naashweep kə mee mbii kas. Mo fes shínkǝa fur mo mbə cìn mbii debish mo, kə moo coor mbə cìn koo a mbii debish dedangyi. Baa moo kə mee yaasut kas. **20** Amma baa a mbii de wun wu kám pee Kristi de mǝnə kas! **21** Mo sat nnə, wuu ten wu kǝlǝng pwoo nkaa wur, kə mmoo kám nwun zeen de nə ndāen Jesu. **22** Wu shwat suk desǝr nə mo wu baa kə mo aku, de də moo nnum wun ndāen coor mǝ nan sə. **23** Nə a tǝng kə npətuup fuu mo kə pan fuu mo dee a depwoo, **24** Kəzak, nə a tǝng kə wu jwal fwoshik depwoo nə mo, de Naan wur dak mǝnə shikaa fin sə, kə nə woo káa nnə agaak ndāen seen de nə azeen-nzeen de nə a deret kə debang. **25** Mbǝmǝnə, wu baa kə d̄ung ndāen wun, kə koo a weyi be wur sat azeen ngǝnǝn wur bejee dak. Mbədə mun a demǝndong kə shak ndāen Kristi. **26** Katdang wu langtuup, be taji wu cìn shikbish kas. Taji puus shamru, be wun de nkaa langtuup kas. **27** Taji wu shínpee ngujwaan kas. **28** Ngwe de wur cìn wat, be taji wur baa cìn de kas, dangbe nə ret kə wur cìn dak deret shi sar wur, mbəkə wur mak cin mee mbii de nen de mo mbut njeel **29** Taji pwoo debish mo put ndāen pwoo fuu mo kas, dangbe dang a mbii deret mo, de mon nd̄yik wun, kaadi nə tap ret kə pee nə sə. Mbəkə nə j̄i de kə deret nen de moo

kələng nə. 30 Taji wu wət pətuup nRiin 'Debang mə Naan kas, wur de a wur dee a langtəng nə, wuu dee a de fufwang mbə parpuus de mon mbam wun. 31 Wu pwat kə pwoo dedeet mo, kə ciishak, kə tuup, kə bətbish, kə fəlappee ashak kə cən nyang mo jir. 32 Dəng nə ret kə nwun naajeel shak, kə nwun bəm shak, kə nwun fwo di nshak, kaadi Naan wur fwo di nwun ndəən Kristi sə.

5 Kaade wun a jep Naan mo dewur wal wun sə, be nə a təng kə nwun kām shiimwaan Naan. 2 Kəzak, wu mwaan ndəən wal, kaade Kristi wur wal mmun sə, be wur shən kaashin mbə mun kaa zuum kə mbiizuum de nə kə toos shang shang pə Naan di. 3 Taji pwoo nkaa ngaa, kə mbii debish mo, kə rəbet mbii mo pwat ndəən pwoo fuu mo kas. Mbəde pwoo nkaa kaan kə mənə mo, baa nə ret kə mo pwat mpwoo nen Naan mo kas. 4 Kəsə zak, taji mee pwoo debish mə le naashweep kə pwoo mən mwen mo, kə pwoo debu mo, mo pwat ndəən pwoo fuu mo kas, amma wu yit kən plang put pwoo fuu mo. 5 Taji wu mundər nee, nen de moo cən ngaa, kə nen de pan mo a debish, kə ngutələk mo, be baa mee kaan nen mənə moo mee ləbet mə sekop ndəən mulki Kristi kə mə Naan kas. 6 Taji wu yit kə mee gurum nnum wun shi pwoo debu mo kas, mbəde a mbə mbii mo kaa desə mo be tuup Naan nə taa nkaa nencii kələngpee mo. 7 Mbəmənə, taji wu balkaa fuu ashak kə nen mənə mo kas. 8 Gyet nyam, wun a ndəən peenkwoo, dāngbē yaksə wun a ndəən peeəbang, ndəən Daa. Nə ret kə wu mwaan kaa nen de mo ndəən peeəbang nə sə. 9 Dək nen de mo ndəən peeəbang, nə a ndəən mbii dərət mo, kə de ndəre mo, kə zeen zak. 10 Wu gung, kə nwun kām mbii de mon nret nNaan nyit. 11 Taji wu lesar fuu mo ndəən dək de mo a mə peenkwoo, de baa mo kəkoop nə kas, dāngbē nə ret kə wu woo dək mənə mo agaak. 12 Nə a mbii naashweep mbee satpwoo nkaa mbii de moo cən mo a səsok. 13 Dəng katdəng jir mbii de nə agaak, a pee de bāng di, be nə ndee a de gurum mo mak naa nə. Mbəde jir mbii de gurum mo mak naa nə, be nə a ndəən peeəbang. 14 Nə a kaadi mo kə ran ndəən bəət haal nNaan sə nənəe, “Ngusaam, a mii, a yool a peemúut Mbəkə Kristi wur shin peeəbang de ngha” 15 Wu tap kə shiimwaan fuu mo. Taji wu mwaan kaa mwen mo sə kas, dāngbē wu mwaan kaa

nen de kə seen mo sə. 16 Wu cən dək koo a pee dēdangyi, mbəde teer de yaksə nə mo gam kə mbii debish mo. 17 Mbəmənə, be taji wu dee a mwen mo kas, amma wu manshii kə mbii de Daa wur rəbet kə nwun cən. 18 Taji wu shwaa am anab kə nə yuur wun kas, mbəde mənə mak jwaan wun, amma wu dee a dēgəgam shi Riin 'Debang. 19 Wu sat mee pwoo kə shak shi kook de mə kwoop mo, kə kook de mo a mə Riin. Wu cən kook dərət mo nNaan, kə pələng ndəən pətuup fuu mo. 20 Koo pəran yi be wu plang Naan puun mbə mbii mo jir ndəən səm nDaa fun Jesu Kristi. 21 Wu shin dedes ndər shak, mbəkə wu shin dedes di nKristi. 22 Mat mo, wu shin de dedes mmish fuu mo, kaadi wuu cən nDaa sə. 23 Mbəde mish wur a káa mat, kaadi Kristi wur a káa Ekəlisya sə, shii kə mənə a fwooshin fin kə wur shikáa fin a Nguəbam war zak. 24 Kaade Ekəlisya war ndər Kristi, nə aasə zak, wun mat mo, wu shin dedes mmish fuu mo ndəən mbii mo jir. 25 Mish mo, wu wal mmat fuu mo, kaadi Kristi wur wal Ekəlisya nə sə, har wur shinkaa shin mbə war. 26 Mbəkə wur le war dee di a dēbang shi vwang war kə am, kə pwoo Naan. 27 Mbəkə wur dək Ekəlisya nə le de nshin, ndəən dedes, kə demen, baa ashak kə mee rap, kə mee pee taakat mbut mo kas. Mbəkə mo dee de a dēbang baa kə mee rap kas. 28 Ni ret kə mish mo wal mmat fur mo kaa sut sə. Ngwe dewur wal mmat wur, be wur wal a nshin mənə. 29 Baa mee gurum kə cam cii shin kas, dāngbē wur tap shin mbiise nnə, kə wur tap kə nə rərət, kaadi Kristi wur cən Ekəlisya sə 30 Mbəde mun a beep mə foshik nwur. 31 A mbəmənə, be gurum wur nyit puun wur kə nənə wur, kə wur balkaa de ashak kə mat wur, kə mo wəl mo dee di a deməndong. 32 Desə nə a mee mbii dedes desəsok. Mbii de wen kən sat nə, a nkaa Kristi kə Ekəlisya. 33 Jir arang be wu yit koo weyi wur wal mmat wur, kaa kaashin sə, kə mat war shin dedes mmish war zak.

6 Jep mo, wu kələng pwoo mpuun fuu mo ndəən Daa, mbəde mənə a mbii de ndəre. 2 “A shin dedes mpuun fwa kə nənə fwaə mo,” desə nə a Wàar dēnshee de mo kə ten le, 3 “mbəkə a tong di ryang, kə mbəkə a kat teer mo di des ndəən nyil nə.” 4 Puun mo, taji wu le kə pətuup jep fuu mo wat, kə nə le kə mo cən tuup kas, amma wu kyeer mo, kə wu kar mo ndəən kām de mo a mə Daa Naan. 5 Kərem mo, wu

kəɫɛŋpwoo nɛn dɛ moo dyɛl wun nsar fur mo. nɛ dɛ shɪbəl, kaadi nɛ rɛt kə wɛn cɪn sɛ. **21** Kən sat a puun fuu dɛ mo a mɛ yil dɛsɛ nɛ. Wu Tikikus dʏɛmnən fun dɛ mu wal wur, dɛwʊr kəɫɛŋpwoo mo ndən kər kə ɖaar shi pətuup a kəɛm Daa azeen-nzeen, wur nsat mbii mo məndɔŋ, kaadi wuu cɪn nKristi sɛ. **6** Taji wun nwun jir, nkaa an, kə nkaa ɖak dɛ ghan nkaa cɪn nɛ. **22** Wɛn kən tɛn nlep wur shindəm pee wun dɛ, a mbəkə wur satpwoo dɪ nwun nkaa mun, mbəkə nwun man tong fun dɛ, kə nɛ ɓam pətuup fuu mo dɪ zak. **23** Naan puun, kə Daa fun Jesu Kristi shin tongryang, kə wal, kə shinzeen ndʏɛmnən fun mo jir. **24** Deret Naan nɛ dɛe ashak kə nɛn dɛ mo wal nDaa fun Jesu Kristi, shi wal dɛ baa nii peekyɛs kas har ngaa-ngaa.

kəɫɛŋpwoo nɛn dɛ moo dyɛl wun nsar fur mo. nɛ dɛ shɪbəl, kaadi nɛ rɛt kə wɛn cɪn sɛ. **21** Kən sat a puun fuu dɛ mo a mɛ yil dɛsɛ nɛ. Wu Tikikus dʏɛmnən fun dɛ mu wal wur, dɛwʊr kəɫɛŋpwoo mo ndən kər kə ɖaar shi pətuup a kəɛm Daa azeen-nzeen, wur nsat mbii mo məndɔŋ, kaadi wuu cɪn nKristi sɛ. **6** Taji wun nwun jir, nkaa an, kə nkaa ɖak dɛ ghan nkaa cɪn nɛ. **22** Wɛn kən tɛn nlep wur shindəm pee wun dɛ, a mbəkə wur satpwoo dɪ nwun nkaa mun, mbəkə nwun man tong fun dɛ, kə nɛ ɓam pətuup fuu mo dɪ zak. **23** Naan puun, kə Daa fun Jesu Kristi shin tongryang, kə wal, kə shinzeen ndʏɛmnən fun mo jir. **24** Deret Naan nɛ dɛe ashak kə nɛn dɛ mo wal nDaa fun Jesu Kristi, shi wal dɛ baa nii peekyɛs kas har ngaa-ngaa.

7 Wu cɪn ɖak shi pətuup dɛrɛt, mbədɛ wu cɪn a nDaa Naan, baa a mmee gurum kas. **8** Taji wu mundər kas nɛ, ɖak dɛrɛt dɛ gurum kə cɪn mo, bɛ wur nwaa lap kwat nɛ pee Daa dɪ, koo dɛwʊr a kəɛm, kə dɛwʊr a laalu. **9** Wun nɛn dɛ wun kə kəɛm mo wu cɪn mbii dɛrɛt mmo zak. Taji wu wuk mo kas, mbədɛ wu man nɛ, Daa fu kə moo, wur a ndən dɛngnaan, baa wur kə nshwatyit kas. **10** Peekyɛs nɛ, wu ɖar ɓalɓal ndən Daa ndən iiko mɛ dɛdɛs wur. **11** Wu jwal leeleɖ dɛ Naan wur shin mo wun jir, mbəkə nwun mak ɖar dɪ ɓalɓal nkaa Ngujwaan kə gwampee wur. **12** Mbədɛ baa mu cɪn lek nɛ a nkaa gurum mo, dɛ moo nan kə toom kas, dɛngɓɛ nɛ a nkaa se mishkoom, nɛn iiko dɛ mo a mɛ Ngujwaan mo, nkaa se mishkoom kə nɛn peeknwoo dɛ ndən dɛngnaan mo. **(aiɔŋ ɖ165)** **13** Mbəmənɛ, bɛ wu jwal leeleɖ dɛ Naan wur nshin nwun, mbəkə nwun ɖar dɪ ɓalɓal ndən tɛɛr dɛbɪsh mo. Mbəkə taji Ngujwaan wur se koorɔŋ nkaa wun kas. **14** Wu ɖar ɓalɓal shi ɖak suk, kə ɓwoot ɓwoon fuu mo shi zeen, kə cɪn mbii dɛ ndərə kaa kawung dɛ nɛ tap tuur ngurum sɛ. **15** Wu jwal kwoopshii nshii fuu mo, mbə satpwoo dɛrɛt, dɛ nən jɪ kə tongryang. **16** Koo pərangyi, bɛ wu mang gwat dɛ nɛ a shinzeen ashak kə wun, mbə tap pas mɛ wus dɛ gwar dɛbɪsh nɛ wur mpwas shinji nkaa wun. **17** Wu mang ɓam dɛ Naan wur cɪn nwun, kaa mbiikaa shool dɛ nenlek moo lep mbəkə nɛ tap kaa dɪ mmo sɛ. Kə wu dyɛl pwoo Naan nɛ, kaa kwai dɛ Riin Dɛɓang wur shin nwun sɛ. **18** Wu dɛngnaan (leshap kə Naan), mbə mbii dɛsɛ mo shidaar-shidaar ndən Riin. Wu tong shi gongpee, kəzak, wu gung ndən mbii mo jir. Wu cɪn dɛngnaan (leshap kə Naan) mbə nɛn Naan mo jir. **19** Wu dɛngnaan (leshap kə Naan) mbə ghan zak, mbəkə Naan wur cɪn mbii dɛ wɛn nsat mo dɪ, kə mbəkə ghan sat mbii dɛsəsok mɛ pwoo dɛrɛt nɛ mo, dɛ shɪbəl baa a shi kəərmuut kas. **20** A mbə pwoo dɛrɛt nɛ, dɛng mo lep an mbəkə wɛn sat nɛ dɪ. Bɛ wɛn a shishoot shi tasek mɛ shool yaksɛ. Jir kə dɛ an a shishoot, bɛ wu cɪn dɛngnaan (leshap kə Naan), mbəkə wur shinɓal dɪ nwen, kən satpwoo dɛrɛt

Nen Filipi Mo

1 Lepran desə nə put a nsar Pool kə Timoti kərem Daa Jesu Kristi mo, shindəm pee nen Naan, de mo ndəən nyil nFilipi de mo balkaa fur mo ashak kə Kristi, jir kə nen denan-nan mə Ekəliya mo, kə nenbām mo, kə Bishop mo, kə Dikon mo. **2** Naan puun fun kə Daa fun Jesu Kristi, mo shin deret kə tongryang nwun. **3** Wen kən plang Naan koo a pərangyi, katdang wen yee wun, **4** ndəən dangnaan de kən cīn mbə wun jir shidaar-shidaar, be kən cīn nə a shi retnyt **5** mbəde wu fes wu balkaa fuu kə an ndəən pwoo deret nə, yool mpuus de gyet wu shee kəlong nə jiwul cicinsə. **6** Wen man azeen-nzeen nee, Naan dewur yaa cīn dāk deret desə ndəən wun, wur nsat a ncīn nə har parpuus de Kristi Jesu wur mbaaji. **7** Wen kən yee wun ndəən pətuup fen shidaar-shidaar, mbəmənə, be nə ret kə wen kat pan mənə nkaa wun. Mbəde wu balkaa fuu mo kə an ndəən deret de Naan wur cīn nwen. Kaadi yaksə, be wen ndəən lushoot, kə kaadi gyet wen katpee mbəkə wen kām dī ngurum mo nee, pwoo deret nə azeen-nzeen. **8** Naan wur a langtəng fen, pan de ghan kə nə mbə wun nə a kaa wal de Jesu Kristi shikāa wur kə nə mbə mun sə. **9** Wen kən dangnaan, mbəkə nwal fuu nə naa nwurang de, kə mbəkə wu kat man kə seen dī wun mman beet mbii mo de ndəre-ndəre. **10** Mbəkə nwun bələp mbii de nə rəret met dī, kəzak, mbəkə wu dee de a dəbang, de baa wun kə mee rap kas parpuus Kristi wur mbaaji. **11** Seen fuu mo gam kə mbii deret mo azeen-nzeen, de a Jesu Kristi wur mak shin nə bejee, mbə le Naan a dedes kə kwoop wur. **12** Dyemnaa mo, kən rəbet kə nwun man nee, jeel de mo kat wen, be nə le kə pwoo deret nə sekyeen. **13** har shiitoun de moo tap lu mishkoom nRom, kə pak gurum mo, mo man nə, wen a shishoot a mbə sām Jesu Kristi. **14** Pak dyemnəən fun mo des de mo ndəən Daa mo waa katbal ndəən pətuup fur mo, mbə satpwoo deret nə shi pətuup məndong, baa a shi kəərmuut kas, mbəde wen a shishoot a mbə sām Jesu. **15** Ii, azeen-nzeen, pak moo satpwoo deret nkaa Kristi a mbə zuur, kə bələp, dangbe pak moo sat a shi pətuup məndong. **16** Nen de moo satpwoo deret nkaa Kristi shi pətuup məndong sə, moo sat mənə a ndəən nwal, kəzak, mo man nə, wen a shishoot a mbəde an kə dār balbal bə tap

pwoo deret nə. **17** Dangbe nen de moo satpwoo deret nkaa Kristi a mbə zuur sə, moo rəbet wat a pətuup fen, kə mo pan nə, wudun jī aa jeel nkaa wen ndəən lushoot nə. **18** Baa nə daampee nghan kas, katdang mo satpwoo deret nkaa Kristi, koo a mbə mbii dədangyi, be nə ret nwen nyit. Koo de moo sat a ndəən pan dəbish, koo de moo sat a ndəən pan deret, be ghan nsat a nkat retnyt dāk, mbəde gurum moo kəlong pwoo deret nkaa Kristi jir neyi. **19** Mbəde wen man nə, shi dangnaan fuu mbə ghan, kə bam de nə put pə Riin Jesu Kristi dī, be mon nbwot wen. **20** A dyen fen kə canciin fen desə nə, baa wen cīn mee mbii de nə nji kə naashweep nkaa ghan kas. Dangbe rəbet fen, kə nghan satpwoo deret nə shibal baa shi kəərmuut kas mbəkə koo a dədangyi, kə koo a pərangyi, be wen shin dedes de nKristi shibal kə foshik fen jir. Koo de wen de kə seen, kə koo dī wen mmuut. **21** Pee wen dī, be seen fen nə a Kristi, kə muut fen nə a ləbet zak. **22** Dang katdang wen sat a ntong ndəən nan desə dāk, be ghan ncīn dāk de nə mbām gurum mo. Yaksə baa nghan mman ar de ghan mbələp kas. **23** Wen dee a kaa kamlang a naar kə am sə. Pan dəval desə nə mo dul ghan shindəm ndəən ar mo vəl. Wen kən rəbet kə ghan muut de yaksə, mbəkə ghan dəm ntong de ashak kə Kristi, mənə ret nwen met. **24** Dang nə kəkoop nə zam, mbəkə nghan tong dī kə seen ndəən fwoshik desə, mbə bam wun. **25** Mbəde nghan man zeen nə aasə. Mbəmənə, be wen man nee, baa nghan mmuut yaksə kas, nghan ntong dī, mbəkə wen bam wun de kə wu sekyeen de shi retnyt ndəən shinzeen fuu. **26** Mbəkə katdang wen mbaaji pee wun dī zak, be wu kat mbii de wun canpwoo dī kaa an, mbə seen de wun kə nə ndəən Kristi Jesu, mbə tong de wen ntong ashak kə wun nə. **27** Nə a təng kə nwun mwaan a ndəən mbii de pwoo deret Kristi nə sat nnə wu cīn mo. Mbəkə koo de nghan nji naa wun, koo de baa nghan nkatpee baaji naa wun kas, be nghan kəlong nə, wuu dār a de balbal, kə pwoo fuu mo dee a deməndong, kə pan fuu mo dee a deməndong zak. Mbəkə wu cīn lek dī ashak, mbə pwoo deret, de wuu shinzeen nə. **28** Taji wu kəər shaarlek fuu mo kas, koo dəben. Desə nə nkām mmo nə, Naan wur kə ten bam wun, dangbe wur ntwe mo mbə shikbish fur mo. Mbəkə nwun man de zak nə, Naan shikāa wur, wur nshin korong nə nwun aasə. **29** Naan wur shīnpee nwun, baa a mbəkə wu shinzeen dī

nKristi bejee kas, dangbe a mbaka wu shwaajeel de mba wur zak. 30 Yaksə nwun mak cin lek na ashak ka an. Lek desə na a lek demandong ka de gyet wu naa an nkaa cin na, ka kaade wu kalang na, an de a nkaa cin lek manə jiwul cicensə.

2 Katdang seen fuu de mo ndaen Jesu Kristi mo dee a defal. Katdang wal wur na jwan wun, katdang wuu shaar ashak ka Riin wur, katdang wuu naajeel shak kacin deret shak, 2 be wu le ka retnyit fen na gam, ka pan fuu mo dee a demandong ka wal fuu na dee a demandong ka patuup fuu mo dee a demandong ndaen mbii mo jir. 3 Taji wu cin mee mbii mba rabetkaa ka diyeepkaa kas, dangbe wu sham ka kaa fuu mo. Wu shin dedes nshak met nkaa fuu mo. 4 Taji memee fuu dee ntap a mbii de mo a makaa fin bejee dak kas, dangbe wun ntap ka mbii ma nyee fuu mo zak. 5 Wu yit ka mase fuu mo dee a kaa mase Jesu Kristi wur ka na. 6 Jesu dewur a demandong ka Naan, dangbe baa wur lekaa fin nciit-nciit ka Naan kas. Dang baa a mbii dewur nyaa na rip shifal ka wur dee di kaa Naan sa kas. 7 Dangbe Jesu wur sham ka kaa fin, har wur leshin a kaa karem sa. Mo laa wur ndaen nan kaa koor gurum mo sa. 8 Dangbe kaadi gyet wur de ndaen nan kaa gurum sa, be wur sham ka kaa fin, dang wur shin shin mba muut nkaa shiyeepyoom. 9 Mbaməna be Naan diyeep wur a dedes hakyeng, ka wur shin sam wur a nJesu, de na met koor sam mo jir. 10 Mbaka ndaen sam Jesu, be gurum mo jir ndaen dengnaan, ka ndaen nyil desə, ka ndr nyil desə, be mon nji kurum ntoom Jesu. 11 Kazak, koo a pwoo defangyi, be na nsat na, Jesu Kristi wur a Daa, mba ram Naan puun. 12 Mbaməna, wun de wen wal nwun sa kaadi shidaar-shidaar be wuu naa ncin mbii de da wen nsat nee, wu cin mo, be an ashak ka wun sa. Be wu sat a sekyeen ka cin mbii de gyet wen sat mo nwun dak. Jir ka de baa an kudi ashak ka wun kas, be wu shin dedes nNaan, ka wu kəar wur ndaen patuup fuu mo zak. Wu cin dak shifal fuu mo, mbaka bam fuu na dee di a degagam. 13 Mbade a Naan dewur ka cin dak ndaen patuup fuu mo shidaar-shidaar. A wur ka le ka nwun cin mbii de mo ret wur nyit. Wur nshin bal nwun mbaka nwun cin mbii deret na mo di. 14 Wu cin mbii mo jir, baa a shi pwoo ndoom-ndoom ka beetshik kas, 15 mbaka taji gurum mo naa bish fuu kas. Mbaka nwun dee de a defang kaa jep Naan degagam

mo sa, de mo tong ndaen nyil debish sa, ka ndaen gurum de mo gam ka shikbish sa. Wu dee a peeɓang mbut mmo ndaen nyil desə na, kaa peeɓang ma zar de mo adeng sa. 16 Kaadi wuu satpwoo deret ma seen na mo sa. Katdang wu cin aasa, be ghan nkatpee mba leshap shi wun parpuus ma Kristi. Mbadi parpuus manə, be na ndee agaak nee, daar ka dak de da ghan kan cin na, baa na a buu kas. 17 Koo de mon nfet ghan, ka mo doo toom fen kaa mbiizuum de shang sa mba shinzeen fuu ndaen Naan, be na ret nwen nyit, ka na shang nwen ashak ka wun jir. 18 Na aasa zak, na ret ka wun, wu cin retnyit ashak ka an zak. 19 Katdang Daa Jesu Kristi wur rabet, be wen kan lepan na, an nlep Timoti shindam pee wun de kakalak. Mbaka katdang wur baaji, be wen kalang pwoo de nkaa tong fuu, ka na caa an di. 20 Baa nghan ka mee ngwe kaa wur sa kas, dewur ka shin shin azeen-nzeen mba sekyeen fuu. 21 Koor gurum na mo dee a ncin mbii de makaa fur mo bejee dak, baa mo kak sekyeen ma pwoo Jesu Kristi kas. 22 Wun shikaa fuu wuu man tong Timoti, mbade an ka wur, mun a kaa puun ka dyem nwur sa, de muu cin dak ashak mba satpwoo deret na. 23 Mbaməna kan lepan, mbaka wen lep wur shindam pee wun di kakal-kalak. kadang mman mbii de na kat an di. 24 Wen shinzeen ndaen Daa nee, Baa na ntong des kas, be wur nle ka nghan shikaa fen wen dam pee wun di. 25 Wen kan pan nee, na ret ka nghan lep Epafradaitus dyemnəen fun, wur a shaardak fen, dewur ka cin lek na ashak ka an, shindam pee wun di. Gyet a wun lep wur ji pee an di, mbaka wur bam an de ndaen dak mo. 26 Gyet wur ka fes lepan mbaka wur naa wun de jir, dangbe wur ka patuup dewat mbade baa gyet wur nkoom kas kaadi gyet wu kalang sa. 27 Azeen-nzeen baa gyet wur nkoom kas, mba gyet wur kus ka muut, dangbe Naan wur naajeel wur. Baa Naan naa a jeel wur bejee kas, dangbe ka wen jir, mbaka taji nkat patuup dewat nkaa patuup dewat kas. 28 Mbaməna, wen kan fes nlepan, mbaka nghan lep wur shindam pee wun di. Mbaka nwun kat retnyit de mba baa naa wur shi yit fuu mo, mbaka patuup manə pan saam de zak. 29 Mbaməna, wul a wur ndaen sam nDaa shi retnyit hakyeng. Wu shin dedes nkaan nen manə mo. 30 Gyet dee di a lee ka wur muut mba dak Kristi. Gyet wur shin seen wur, mbaka wur

bam an de, ndaen dak de baa wun shikaa fuu wu mak cin na kas.

3 Dyemnaa mo, mpee kyes na, be wu cin retnyit ndaen Daa. Baa na daampee nwen mbə baa ran pwoo de gyet wen kan ten ran mo nwun kas, dangbe na a mbəka na bam wun de, ka wun tong de ryang. **2** Wu tap ka nen de moo cin mbii debish, kaa as mo sa. Nen de mo sat nee, na a tang ka gurum mo can-can. **3** A mun a de mo ka can mun, baa a mo kas. Mbəde muu seyil nNaan a ndaen Riin wur, ka muu cin retnyit ndaen Jesu Kristi, mbəde seen fun mo a ndaen wur. Baa muu gangkaa fun a nkaa mbii de gurum moo cin, de mo a ma nan kas. **4** Katdang be de kan rabet, be de an mmak gangkaa fen, nkaa mbii de gurum moo cin ma nan na. Mbəmana, katdang mee gurum ka pan na, wur ka mbii gangkaa ndaen nan na, be an met ngwar mənə hakyeng ndaen mbii de mo a ma nan na mo. **5** Kaadi gyet mo laa an, be abwoon de kan wul teer pwookun, be mo can ghan. Wen a ngu Yahudi, ndaen soon ma Benjamin. Wen a ngu Hiburu, laa nen Hiburu tyap. Katdang a ndaen ar ma tap Waar ma nen Yahudi mo, be ghan kan tap Waar na a kaa nen Farisi mo sa. **6** Gyet kan shin jeel nendam ndang Jesu mo. Nkwang ma tap Waar nnen Yahudi mo, be kan tap Waar na mon ndare-ndare jir. **7** Dangbe ndaen mbii de gyet wen kan kat mo, kaa labet sa, be yaksə kan le mo dee a debuu mbə sam nKristi. **8** Ii, azeen-nzeen, kan le mbii desə mo dee a debuu, mbəde yaksə, wen kan man dedes ma wal Kristi Jesu Daa fen, de na met mbii mo jir. Mbə sam wur, be ghan kan fwo mbii mənə mo jir. Yaksə, be kan nnaa moo dee a kaa pee de mo beer a zungtung sa, mbəde wen cii mo jir. ka nghan dee di a ma Kristi, **9** ka nghan tong de ndaen wur. Baa a mbə deret fen kas, de an mak kat na mbə tap Waar na mo kas. Dang a mbə deret de mu kat na mbə shinzeen de mun ka na ndaen Kristi. A deret de na put a pa Naan di, de na dar a nkaa shinzeen. **10** A mbii de nkən fes nrabet ndesə, ka nghan man Kristi di ka liko nyool a peemut nwur. Ka nghan shwaə pak jeel wur na de zak, mbəka nghan dee de kaa wur sa ndaen muut wur. **11** Mbəka koo de a me cin yii, be wen kat yool a peemut na di zak. **12** Baa kan ten kat mbii de kan leyt nkaa mo kas. Koo de baa kan dee a de ndare-ndare kas, dangbe kan gung mbəka mbii mənə mo dee

de a mənə, mbəde Kristi Jesu wur le ka wen dee a ma wur. **13** Dyemnaa mo, baa an kan lesen na, kan ten nkat mbii desə na mo kas, dangbe mbii mandong de kan cin, wen kan mundar mbii de mo ka ten del. Yaksə, wen kan leyt fen ndare-ndare a nkaa mbii de mo a taleng fen bejee dak. **14** Wen kan gung mbə dam wul a peekyes ndak fen, mbəka nghan lap kwat de ma kaa adeng de ashak ka Jesu Kristi, ndaen petpee de Naan wur pet an na di. **15** Wu yit ka pan desə, na dee ndaen patuup fun mo. Mun nen de mun ka seen, katdang mee mbii di, de baa wu manshii na kas, be Naan wur nkamshii na nwun. **16** Na ret ka mun cin mbii mo nciit-ciit de muu ten mu man ndaen Kristi. **17** Dyemnaa mo, wun jir wu mwaan ndaen shiimwaan fen, kazak, wu naa nen de mwaan mo mo a deret ndaen ar na, kaadi mun muu dee a mbiikam pee wun de sa. **18** Wen kan ten sat mbii desə mo nwun, yit des. Yaksə, be nghan baa sat a na de nwun, jir shi yitmwaə. Gurum mo dades ndaen wun, de mo a shaarlek ma shiyeepmut ma Kristi. **19** Peekyes ma nen desə na mo, a muut ma aawus de baa nii peekyes kas, mbəde naan mmo na a but mo. Baa mo ka mee naashweep kas. Moo diyeepkaa fur mo. Mo fes le patuup fur mo a nkaa mbii de ma nyil desə mo. **20** Dang mun, be tul fun na a ndaen dengnaan. A pee de muu naa Nguəam fun Daa Jesu Kristi dewur ntong adeng sham de. **21** Wur mbə ciir ka mase fun debish sa mo, mbəka mo dee de kaa ma ram wur sa. Shi iiko wur desə, be wur nji ka mbii mo jir, ka mo dee de ntoom wur.

4 Mbəmana dyemnaa mo, de wen wal nwun. Wen fes nrabet wun, de kan kat retnyit a shi wun, ka ghan kan cin roop a shi wun zak. Wu dar balbal ndaen Daa. **2** Wen kan satpwoo Yudiya, mo ka Sintiki na. Na ret ka mo tongryang ka shak, mbəde mo jir vel mo a ndaen Kristi. **3** Wen dang pee waa dyemnəen fen, de muu cin dak ashak, kussuk a bam mat desə mo. Mbədi mat desə na moo cin dak ashak ka an ndaen satpwoo deret na, ashak ka Kelemen ka koor des de muu cin dak ashak ka mo jir. Nen de sam mo a derəran ndaen bəət haal ma seen. **4** Wu cin retnyit ndaen Daa shidaar-shidaar. Wen baa nsat a na de nwun zak na, wu cin retnyit. **5** Wu yit ka gurum mo jir, mo naa gung fuu. Mbəda baaji Daa na wul kus. **6** Taji wu yit ka mee mbii daampee nwun kas, dangbe ndaen

mbii mo jir, be wu sat mbii, de wuu ræbet mon nNaan, ndæan dangnaan ka plang. 7 Tongriyang nNaan de na met man mo jir, na tap ka pætuup fuu mo ka pan fuu mo, ndæan Kristi Jesu. 8 Dyemnaa mo, peekyes na, be jir mbii de na azeen, de na mak shin dedes, de na a de ndære, de na a de bang, jir a de na a nwal, ka jir mbee de na rit naa, jir katdang nii mee mbii deret met jir de, jir de na mee mbii de na ret plang de, be wu cin pan nkaa mbii desæ mo jir. 9 Wu cin dak ka mbii de gyet wuu ten wu kām mo, ka mbii de gyet wuu ten wu lap mo, ka mbii de gyet wuu ten wu naa mo, ka mbii de gyet wuu ten wu kælæng mo pee an di. Naan dewur shin tongryang mmun, wur ntong ashak ka wun. 10 Wen kat retnyit ndæan Daa hakyeng, mbæde gyet wuu doom mundær nwen, dangbe yaksæ wuu pan ghan. Azeen-nzeen, gyet wuu pan an, dangbe baa gyet wu kat a pee mbæ bam an kas. 11 Baa na, a mee mbii jee nwen kas, mbæde gyet wen kæn ten kām ar mæ gung ndæan jir mbii de ghan ka na. Jir de na des, ka jir de na a lee, be wen kæn tong a shi retnyit. 12 Wen man mbii de an cin, katdang baa ghan ka mee mbii kas, kækak, mman mbii de ghan ncîn katdang ghan ka mbii mo des. nDæan mbii mo jir, be ghan kæn kām mbii desæsok desæ, mbækæ nghan katpee dar de balbal, jir a ndæan ghæbæl ka an ndæan neen. 13 Wen mak cîn mbii mo jir, a ndæan bal de Kristi wur shîn nwen shidaar-shidaar. 14 Wen plang wun, mbæde dæ wu bam an ndæan jeel fen. 15 Wun nen Filipi mo, wu man shikåa fuu na, gyet nshee mæ pwoo deret na, kaadi gyet an yool yit yil mMasidoniya, be baa mee Ekælisya de na shínkåa war ashak ka an mbæ shin zuum mo, ka lap zuum mo kas, dang a wun bejee dak. 16 dang kaadi gyet nghan ndæan nyil nTasoloni, be wuu lep bam shindam nwen nkaashak-nkaashak, baa a yit mændong ka væl bejee kas. 17 Baa na, a mbæde an kæn tang a mee zuum pee wun di kas, dangbe kæn ræbet ka nwun wu kat læbet de nkaa kwat fuu mo. 18 Wuu ten wu kwat ghan kændæng, mbæde kæn kat mbii de kæn ræbet na, dang na des met mbii de dæ ghan kæn ræbet na. Mbæde nghan kæn la zuum de wu lep shinji nwen nsar nEpafradaitus. Mbiizuum fuu desæ na mo, moo toos shang shang a kaa zuum de gurum moo shin nNaan sæ. Mbiizuum de Naan lap de mo shang nyit nNaan hakyeng. 19 Kækak Naan fen wur shin jir mbii de na ret ka nwun kat di nciit-nciit ka dedes mæ long wur ndæan Jesu Kristi. 20 Dedes na deæ a mæ Naan puun fun mbæ ngaa-ngaa, Næ aasæ. (aiðn g165) 21 Wu tok ka nen Naan de mo a mæ Kristi Jesu jir. Dyemnaa de mo ashak ka an, moo tok ka wun. 22 Nen Naan mo jir moo tok ka wun. Met jir, a nen Naan de mon ntul mishkoom dedes Siza. 23 Deret ka Daa fun Jesu Kristi na tong ashak ka riin fuu mo jir. Nee aasæ.

Kolosi

1 Lepran desə nə put a nsar mənə Pool de Naan wu kə ten bələp nghan mbəkə nghan tong de a laalep nJesu Kristi, kə Timoti dyemnənən fun ndəən Kristi. **2** Dəm pee nen Naan de mo ndəən yil nKolosi, pee dyemnənən fun mo de mo balkaa fur mo ashak kə Jesu Kristi. Deret kə Naan puun fun kə tongryang fin dee ashak kə wun jir. **3** Muu chìn dāngnaan nNaan mbe wun shidaar-shidaar. Kəzak, muu naa pələng Naan de wu a puun kə Daa fun Jesu Kristi. **4** Mbəde mu kələng nə, shinzeen fuu ndəən Jesu Kristi nii sekyeen, kəzak nnə, wuu wal nen kə Naan mo jir. **5** Mbəde wuu le pətuup nkaa mbii de Naan wu kə ten dək nə le ndəən dengnaan, Wu kələng pwoo nkaa mbii desə mo a ndəən pwoo deret de nə azeen de di wuu ten wu kələng nə. **6** Pwoo deret desə nə, nən nkaa mwan dām shipee-shipee ndəən yil desə. Nii shin ciir kə pətuup gurum mo, dāngbe nii le kə mo chìn dək deret mo. Yaksə, gurum mo des, mo nkaa shinzeen dikə-dikə. Nə aasə, be nə kə dām wul mpee fuu, dāngbe nə nkaa ciir kə pətuup fuu mo, mbəkə wun chìn dək deret mo de. Yaa mparpuus de di wu shee kələng nə, be yaksə wu manshii kə nə azeen-nzeen, kaadi Naan wur le deret nkaa wun sə. **7** Wu shee kələng pwoo deret desə, a mpwoo kə Abafaras, de muu wal nwur, dāng wur a shaardək fun. Wur cìn dək kə Jesu Kristi shi pətuup mēndong nnaar fuu a koppee fun. **8** A wur sat mmun pwoo nkaa nwal fuu ndəən Riin Debang. **9** Nə aasə, be yool mparpuus de di mu kələng pwoo mənə nkaa wun, be muu dāngnaan(leshap kə Naan) (leshap kə Naan) mbə wun shidaar-shidaar. Muu dāng pə Naan, mbəkə wur gam wun de seen mə man dyen fen, man de nə put a pee Riin wur jì dī. **10** Man mənə le, kə mwaan fuu mo lapshak kə mə nen de mo dām ndāng Jesu. Mwaan de nə tong dyen nJesu. Katdāng wu mwaan a ndəən dyen Jesu, be məse fuu nən nle kə wu chìn dək deret mo, kə wu sat a nwurang ndəən man pwoo nkaa Naan dək. **11** Muu dāngnaan (leshap kə Naan) nə, Naan dewur bal met jir, wur nshínbal nwun, mbəkə wu dār de balbal ndəən mbii mo jir. Kəzak, koo de a me cìn yi, be nwun sat a ngung de dək, kə nwun kat retniyit dī zak. **12** Wu pələng puun fun dewur adeng, wur dewur wang ar nə mmun, mbəkə mu sekop fen de

ashak kə nen fin mo ndəən pee debang. **13** Wur put kə mun ndəən iiko mu peenkoo, dāngbe wu waa mang mun dēl kə mun ndəən mulki kə Lāa fin. **14** A Lāa fin, wu ang mun, de nə kam nə a wur fwo shikbish fun mo mmun. **15** Baa mee gwar kə cam naa Naan kas, amma gurum mo kə naa Jesu de wu lapshak kə Naan. A wur kām tong kə Naan mmun agaak. Jesu wur a Lāa Naan dēnshee, dēwur met mbii de Naan wur le mo jir. **16** A ndəən Jesu, be Naan wur le mbii de mo ndəən yil nə jir. Mbii de mo ndəən dengnaan kə de mo ndəən yil desə. Mbii de gurum moo mak naa mo, kə mbii de baa gurum moo mak naa mo kas. A ndəən dedes wur, be Naan wur le mbii de mo kə iiko ndəən dengnaan. Mbii dēnan mo kə dedyeen mo nciit-nciit kə bal fur mo. A ndəən Jesu, be Naan wur le mbii mo jir, kə mbii mo jir, a Jesu wu kə mo nsar, be mo a mu wur jir zak. **17** Pəgyet de yam-yam, be Jesu wur de, akudāng Naan wur le mbii mo ndəən yil nə. Naan bāl mbii mo jir ashak a ndəən Jesu. **18** Ndəən nen Naan mo, be Jesu a kaa mo. Koor gurum nə mo a foshik wur. A Jesu a kaa mə nen dām ndāng Naan mo. A wur a dēnshee, zak, a wur shee yool a peemúut. Mpee mbii desə mo, be a wur a dēnshee ndəən mbii mo jir. **19** Nə ret nNaan nyit, be wur le kə dyen fen nə gam, kə nə tong ndəən Jesu. **20** Nə ret Naan nyit zak, mbəkə wur waaji kə mbii mo jir pə shin dī ndəən Jesu. A ndəən toom de Lāa kə Naan wur beer nkaa shiyeepoom, dāngbe Naan wur rəbet waa baaji kə mbii mo jir, pə shin dī. Mbii de mo ndəən yil desə, kə de mo ndəən dengnaan. **21** Di mmee nnaar, be wuu tong a jong-jong kə Naan, kə di wun a shaarlek Naan, mbə mbii debish, de di wuu cìn mo, kə pan fuu debish mo. **22** Amma yaksə, mbə muut Lāa Naan, de mo lāa wur ndəən nan, be Naan le kə wu dee a shaar fin mo, mbəkə pətuup fuu mo dee dī a debang, kə mbəkə wur jì kə wun de ntoom Naan, dewur a debang. **23** A mbii de Jesu cìn nwun mmənə, katdāng wu sekyeen kə shinzeen ndəən pwoo deret nə. Kəzak, katdāng wu dār balbal ndəən mbii desə mo. Wu sat a nlepətunp, nkaa mbii de wu kələng pwoo nkaa mo ndəən pwoo deret nə. A pwoo nkaa pwoo deret, de moo ten sat nə nkòo a weyi, ndəən yil desə. Wen Pool, dək fen nə a mbəkə nghan sat de ngurum mo, pwoo nkaa pwoo deret desə nə. **24** Kaade wen nkaa shwaajeel mbə sām fuu, be nghan kə retniyit mputuup. Kaade gvet Daa

Jesu shwaajeel sə, ɓe wen zak, kən shwaajeel ndān nan mbə sām kə nen fin mo de mo a fwooshin fin. Wen shwaajeel nə a mbəkə wen sət nkyes koor dāk wur nə di. **25** A Naan wur bəlap nghan, mbəkə nghan deɗ di a kərem mə nen kə Jesu mo, ɓe wu le dāk deɗə nə nsar fen mbə sām fuu. Dāk de wu le nsar fen nə, a mbəkə nghan satpwoo fen deret de ngurum mo kədang. **26** Pwoo de wen kən sat ngurum mo, ɓe gyet yam, ɓe nə a de səsok. Mbəmənə ɓe baa gyet gurum mo manshii nə kas, amma yaksə Naan woo mmun agaak nen fin mo. (aiŋ g165)

27 Nə ret nNaan nyit, ɓe wu le, kə nen fin mo manpwoo deɗurum deɗə, de nə a mbii aapwoo zam. Nii koop nə hakyeng, mbə gurum mo jir, koo a ndān yil deɗangyi. Pwoo deɗur woo nə mmun, a nə, Jesu Kristi wur tong ndān wun. Mbəmənə, ɓe wu lepətuup, mbə parpuus de wun ntong ashak kə wur ndān ram fen. **28** A mbəmənə ɓe muu satpwoo ngurum mo jir nkaa Jesu Kristi. Muu satpwoo nkōo a weyi, kə wur tap, kəzak, muu kām seen ngurum mo nkaa mbii deɗə nə mo, a mbəkə koo a weyi, ɓe wur deɗ de kə seen ndān Kristi. **29** A mbəmənə, ɓe wen kən cɪn dāk shiɓal de Jesu wu shin nghan, dang wen kən gung mbəkə nghan kyes dāk deɗə nə di.

2 Dyeen nghan, kə wun man dāk de nghan kən gung mɓe cɪn nə mbə sām fuu, kə mɓe nen de mo ndān yil Lodisiya, kə jir nen de baa mo kə cam naa an kas. **2** Wen nkaa cɪn dāk deɗə nə, a mbəkə mo katɓal de mputuup fur mo, mbəkə mo wal de nshak, mɓekə mo deɗ de a deməndong. Dyeen nghan kə mo man jurum kə man nkaa Jesu hakyeng nə kyeet, mbəkə mo manshii kə mbii deɗə mo de jir. Deɗə nə nji kə deret nkaa mo hakyeng. Mbii deɗurum nə, a Kristi shikāa fen. **3** Mo sok long mə seen kə man mo jir, a ndān Jesu. **4** Wen kən sat mbii deɗə mo nwun, a mbəkə taji mee gurum ngwom wun shi liispwoo de nə shangkəlong kas. **5** Koo dang de baa wen ashak kə wun ndān nan kas, ɓe nghan de ashak kə wun ndān riin. Nə shang nghan zam, kaade wen nna kəlong nə, wuu cɪn mbii mo a nciit-nciit ndān ar deret, kəzak, wuu dar ɓalɓal ndān shinzeen fuu de nə ndān Kristi. **6** Kaade, wu mang Jesu Kristi kaa Daa fuu sə, ɓe nə ret kə wu mwaan-mwaan de nə ret kə nen de mo ɓalkaa fur mo ashak kə Jesu, moo cɪn. Wu tong ndān wur. **7** Wu sham seen fu

mo nder-nder ndān nwur, wu dyik seen fu mo kaa wur, kə wun deng kə ɓal ndān shinzeen nwur, kaade mə kām nwun sə. Kəzak, wu pəlang wu shidaar-shidaar mbə mbii mo jir. **8** Wu tap, taji mee gurum ngwom wun shiman mə yil deɗə, mbəkə wu taa wu mer de a ar deret nə kas. Kyaan kə man de nə put a ndān wàar mə gurum mo, kə ndān riin deɓish mə yil deɗə, baa nii put a pee Kristi di kas. **9** A ndān Jesu, ɓe muu naa gam kə dyyen Naan, kə tong ndān nan nə zak. **10** Mo shin seen nwun, a mbədi wuu ɓalkaa ashak kə Jesu. A wur a kaa kə mulki kə mɓal mo jir. **11** A ndān wur, ɓe mo can wun, baa a can de moo cɪn shi sar ndān nan kas, dangɓe a can de Jesu Kristi wur cɪn nwun de nə put kə wun ndān shikbish. **12** Kaade gyet mo cɪn baptisma nwun, mɓe mo wum wun ashak kə Kristi, dangɓe mo waa yool kə wun ashak kə wur a peemúut. **13** Gyet yam ɓe wun a demumuut mɓe shikbish fuu mo, kə baa gyet wun a nen Naan mo kas de baa moo mee waar kas. Dangɓe Naan shin seen nwun ashak kə Kristi, kəzak, Naan kə fwo shikbish fun mo jir. **14** Gyet yam ɓe mun a demumurep mo nder wàar mə Naan, mbədi baa gyet muu cɪn mbii de wàar kə Naan nə sat kas. Dangɓe yaksə, Naan wur mang shikbish mənə mo baa kənə aku nkaa kaa fun mo, kə wu fwo de mmun jir zak. Mbəde gyet mo pwas Jesu Kristi nkaa shiyeepyoom, a mɓe shikbish fun deɗə nə mo. **15** Kaade gyet Jesu Kristi muut nkaa shiyeepyoom, ɓe wur se koorong nkaa riin deɓish mo kə iiko mo, wur kām ngurum mo a agaak nə, wur ɓal met mmo jir. **16** Mbəmənə, ɓe taji wu yit kə mee gurum lewàar nwun nkaa mbii de wuu se, kə shwaa kas, koo nkaa puus deɗang mo, koo nkaa mbii de wuu cɪn mo, mɓe tar deɗwoo, koo nkaa puus Nookdi. **17** Mbii deɗə mo deɗ a mə riin, de gyet moo kām ngurum mo mbii de mo pə ji akyeen. Mbii de gyet moo deɗ a mə riin deɗə nə, moo gam, a Kristi shikāa fin. **18** Mbəmənə, taji wu yit kə nen de mo lesut a kaa nendenan mo sə, mo tokdyeel deɓish nwun kas. Nen de mo sat nə, Naan kə woo mbii mo nwudun zuum. Mo sat nə, wu sham kə kaa fuu mo mə dung, kəzak, nna wu seyil nenlep Naan mo. Nen mənə, moo roop, koo de baa mo a mee mbii kas. Pan fur mo a mə yil deɗə. **19** Baa moo rəbet ɓalkaa fur ashak kə Kristi de wu a kaa mə nen mwaan ndang Naan nə mo kas. De a wur shɪnɓal mmo, dang a wur shin mbiise mmo zak. Jir nen de moo

6alkaa fur mo ashak kə Jesu, 6e wur kə shínbal mmo, mbəkə mo jì de ashak zak. Kə mbəkə, mo wurang de a ndāen mbii de mo a mə Kristi, kaadi Naan wur rəbet sə. Beep mə fwoshik fun moo kaat shishak, mbəde mo kə peeəbal mo, kə paar mo. Nə a kaadi Kristi wu 6əl nen mwaan ndang wur mo, de mo a shin fin sə. 20 Kaade wu murap ashak kə Kristi, 6e baa riin de mə yil desə mon nkat 6al nkaa wun kas. Dang6e a me le dang wuu sekyeen kə mwaan kaa kor gurum de mə yil desə mo yi? A me le dang6e wu cínkää fuu nder kə wāar de gurum sat nee, wu cín yi 21 Kaade moo sat nwun nə, taji wu tung mbii desə shi sar kas. Taji wu se mbii desə kas, kəzak, taji wu tung mbii desə shi sar kas. 22 Kyaan kə wāar desə mo, mo a kám mə gurum. De katdang mo gung cín 6ak kə mo, 6e mo dee a debuu. 23 Wāar kaa desə mo sə, mo kə lapshak kaa mo aa mee koop mə seen sə. M6edi wāar nə mo letang ngurum mo, kə mo seyil de ndāen ar deret, kə mo sham kə kaa fur mo, mə 6ung zak, kə moo shínjeel de nsut fur mo, dang6e azeen-nzeen, baa moo mee koop nə kas, mbəde baa moo mee 6al de mon m6am gurum, mbəkə wu tap de nə coor mə nan nə kas.

3 Mbəde mo kə yool kə wun ndāen seen ashak kə Kristi, mpeemənə, 6e wu le pətuup fuu mo nkaa mbii de mo ndāen dengnaan, a peedi Kristi wur tong de, nsarse kə Naan. 2 Wu lepan fuu mo a nkaa mbii de mo adeng. Taji wu lepan fuu mo nkaa mbii de mo ndāen yil desə kas. 3 M6edi wuu murep, dang 6e seen fuu depwoo nə mo a sasok pee Kristi de ndāen Naan. 4 Katdang Kristi dewur a seen fuu, wur jì put, 6e wuwun zak, wun mput ashak kə wur ndāen dehai fin. 5 Wu twe mbii de mo a mə yil desə, de moo cín 6ak ndāen seen fuu mo jir. Mbii kaa cín ngaa mo sə, kə mwaan debish mo, kə coor mbii mə nan mo, kə rəbet mbii debish mo kə tələk, de nə a see nyil mee naan deci. 6 A mbə mbii debish kaa desə mo sə, 6e Naan wur woo tuup fin nkaa nenyil de mo cii kəlang doo fin. 7 Gyet wun, shikāa fuu, wuu cín mbii desə mo, har gyet wuu mwaan a ndāen mo. 8 Dang6e yaksə, kaadi wun kə seen depwoo sə, 6e nə ret kə wu shwat sar fuu mo aku, ndāen mbii debish desə nə mo jir. Mbii mo kaa langtuup, pan debish nkaa shak, pwoo debuu nkaa shak, kə jir pwoo de baa mo kə mee koop nə kas. Taji wu baa wu cín mo de zak kas koo dāgen. 9 Taji wu cín 6ung

nshak kas, mbəde wuu ten wu yit shiimwaan fuu de gyet yam nə mo di. 10 Mbəmənə wu shee shiimwaan depwoo de Naan wu le ndāen pətuup fuu mo, de nə ndak shiimwaan fuu mo, kə wu dee de kaa wu sə, mbəkə wu man wu dīkə. 11 Yaksə, baa mee shwatnyit de nnaar kə ngu Heleni kə ngu Yahudi kas, koo nnaar kə gwar de moo can wu kə gwar de nsuluk kas. Nnaar kə nenseen mo, kə nenyil de baa moo seen kas, nnaar kə məzep mo, kə nenyil mo, nnaar kə kərem mo, kə jeplu mo. Yaksə 6e gurum mo dee a nciit-nciit, ndāen Kristi, mbəde wu met mbii mo jir. 12 Taji wu muunshik nə, Naan wal nwun zam, har wur bəlep wun, mbəkə wu dee de a nenyil fin mo. Nə a təng kə shiimwaan fuu mo ret, kaa jep Naan mo sə. Wu naajeel mə shak. Wu cín mbii deret nshak. Wu sham kə kaa fuu mo. Wu cín mbii mo ndāen dyyen, kəzak, wu gung ndāen mbii mo jir. 13 Taji wu kələk kə langtuup kə shak kas. Kat mee gurum cín shikbish ngənāen, 6e gwar de mo cín shikbish nə nwur, wu fwo de ngucín shikbish nə. Daa Naan kə fwo shikbish fuu mo, mpeemənə, 6e nə ret kə wuwun, wu fwo dī nshak zak. 14 Mbii de nii koop nə met jir, wu wal, mbəde nwal nə kə 6al gurum mo ashak ndāen tong de mbii mo a dekəgam jir. 15 Wu yit kə tongryang mə Kristi, nə se mishkoom ndāen pətuup fuu mo. A mpeemənə 6e Naan wu pərep wun, mbəkə wu tong ndāen tongryang mənə. Wu pəlang Naan shidaar-shidaar. 16 Wu yit kə pwoo kə Kristi nə tong ndāen wun hakyeng, kaadi wu cín kám, kə 6amshak ndāen seen de Naan wu cín nwun sə. Wu kwoop Naan shi kook mo, kə kook de mo a mə Riin, de mo put ndāen pətuup fuu, de Riin kə Naan wu cín wun. Kaade wuu koop Naan shi kook mo sə, 6e nə ret kə wu pəlang wu ndāen pətuup fuu mo. 17 Ndāen mbii de wuu cín mo jir, koo de a ndāen 6ak, 6e wu cín mo jir a ndāen sām kə Daa fun Jesu. Wu pəlang Naan puun ndāen sām fin. 18 Wun mat mo, wu shin dedes mish fuu mo, kaade nə ret kə nendām dangnaan mo cín sə. 19 Wun mish mo, wu nwal mmat fuu mo. Taji wu tong kə mo a shi lek kas. 20 Wun jep mo, wu kəlang pwoo puun fuu mo, mbəde mənə ret nNaan nyit zam. 21 Wun puun mo, taji wu le kə jep mo langtuup kas, mbəde kat wu le kə mo langtuup, 6e nə nroop kwak mmo. 22 Wun kərem mo, wu cín mbii de nenlu fuu mo sat nnə wu cín. Taji wu cín mbii mo a mbəde moo naa wun kas, mbəkə wu kat

deret de pee mo bejee kas, dangbe wu cin mbii mo a shi pətuup dəməndong, kə shin dedes nNaan. **23** Koo dang de dak fuu nə a meyii, be wu cin nə shi pətuup məndong, kaade wuu cin a nNaan sə, baa a mbe gurum mo kas. **24** A Daa Jesu Kristi wu a Daa fuu. Wun nlap kwat fuu mo a pə wu de. Kwat de wu nshin nwun nə, a sekop de wu dak nə le mbe nenyil fin mo ndəən dēngnaan, mbəde dak de wuu cin nə, be wuu seyil nDaa Jesu Kristi. **25** Ngwar de wu cin mbii debish, be Daa wu nkwat gwar mənə a shi mbii debish, nciit-nciit kə mbii debish de gwar mənə cin. Baa mee shwatyit de kas koo dəben.

4 Wun nen de wun kə kərem mo, wu fwang mo ndəən ar deret, ndəən zeen zak, mbəde wu man nə, wun de kə mee gwar dedes zak, ndəən dēngnaan, dewur kə fwang wun. **2** Wu dāngnaan(leshap kə Naan) shidaar-shidaar. Wu tong shi gongpee, kəzak, wu pəlang Naan mbe mbii mo jir. **3** Wu dāngnaan(leshap kə Naan) mbe mun zak, mbəkə Naan wang ar də mmun, kə mu satpwoo fin de ngurum mo. Kə mbəkə mu yakshii nə de ngurum mo mbii de jurum, de Naan wu woo mmun nkaa Jesu Kristi. A mbe pwoo deret nə, dangbe nghan a shishoot ndəən lushoot. **4** Wu dang pə Naan, mbəkə nghan satpwoo deret nə de ngurum mo agaak, kə mo manshii nə di, kaade nə ret kən ghan sat sə. **5** Wu mwaan shi seen, pə nenyil de baa mo a nendəm ndang Naan mo kas. Wu cin dak kə koo a pee dedangyi de Naan shin wun! **6** Wu yit kə liispwoo fuu mo shang kəlong ngurum mo, kaa mbii də mo tap le kəən dike sə, mbəkə wu man mbii de wun nlap de ngurum mo katdang mo tal mee mbii pə wun. **7** Tikikus satpwoo nwun, nkaa mbii də an kən cin mo jir. Wur a dyemnəən fun de muu wal wur ndəən Kristi. Wur kə cin dak kə nendəm ndang Naan mo, a shi pətuup məndong. Wen kə wu, mun a kərem kə Daa Jesu ndəən dak fin. **8** Wen kən lep wur dəm pee wun di, a mbəkə wur sat de nwun mbii de muu cin mo jir, kəzak, mbəkə wu caa wun di. **9** Unisimus dewur a nguyil fuu, wur ndəm ashak kə Tikikus. Mon nsat nwun mbii mo jir, nkaa an. Unisimus wu a dyemnəən fun, de muu wal nwur. Wur cin dak kə nen dəm ndang Naan mo a shi pətuup məndong. **10** Aristaakus dewur a shishoot ashak kə an, wur kə tok kə wun jir. Maak kən kə Barnabas, wur kə tok kə wun zak. Wen kən ten ran pwoo nwun nkaa wur

zak. Katdang wur dəm pə wun de, be wu lap wu shi pətuup məndong rəret. **11** Joshuwa de moo pet wur a Jastus, wur tok kə wun. Das dekun sə mo, moo bam nghan zam. A mo a nen Yahudi de moo cin dak ashak kə nghan mpeesə. Muu sat ngurum mo nə, Naan wu a mishkoom. **12** Abafaras dewur a ndəən wun, wur tok kə wun. Abafaras wu a kərem kə Jesu Kristi. Wur dāngnaan(leshap kə Naan) mbe wun shidaar-shidaar. Wur dang pə Naan, mbəkə wu dar de balbal, ndəən mbii de mo a mə Naan, mbəkə wu man mbii de moo ret de nNaan nyit. Kəzak, mbəkə wu kəlong dəo fin de, ndəən mbii mo jir. **13** Wen shikaa fen, nghan kən naa, kaade wur cin dak balbal mbe səm fuu wun de wun ndəən Kolosi, kə be nen de mo ndəən Lodisiya kə Hirapolis. **14** Luka dewur a nguyen, de muu wal nwur zam, kə Dimas moo tok kə wun. **15** Wu tok kə dyemnəən fun de mo ndəən Lodisiya, kə Nimfas, kə nendəm ndang Naan de mo ndəən tul nwur. **16** Ađwoon de mo kə tang lepran desə nwun, be wu le kə mee gurum tang nə ndəən nendəm ndang Naan de mon nLodisiya zak. Wu tang lepran, de nendəm ndang Naan də mon nyil nLodisiya mon nlep shiin ji nwun zak. **17** Wu sat Arkipus nənee, “Wur kyes dak de di Daa Jesu Kristi Shən nwur, mbəkə wur cin de sə.” **18** A an Pool ran lepran desə nwun shi sar fen. Taji wu muunshik nə, an a shishoot ndəən lushoot kas. Deret Naan tong ashak kə wun jir. nə aasə.

1 Tasoloni

1 Lepran desə nə put a nsar Pool kə Silas kə Timoti shin dām pə nendām ndang Naan de mo ndəən yil nTasoloni, de nā ndəən Naan puun kə Daa Jesu Kristi. Naan cin deret nwun kə tongryang zak. **2** Koo pərangyi, 6e muu pəlang Naan mbe wun jir, kəzak, muu yee wun jir ndəən leshap kə Naan fun mo shidaar-shidaar. **3** Muu yee wun mbe Naan fun, dēwur adeng, kaade wu kām cinzeen fuu nā ndəən mbii de wuu cīn mo. Kə kaade wal fuu nii le kə wu cīn dāk shībal, kə kaade canciin fuu nkaa Jesu Kristi nā dār 6al6al sə. **4** Dyemnaa mo, mu man nee, Naan wur wal nwun, dang wur kə ten bəlap wun, kə wu dee a nen fin mo zak. **5** Mbəde baa gyet mu satpwoo deret nā nwun a shi lepwoo fun bejee kas, amma a ndəən iiko mā Riin Debang. Kə mun mu cinzeen nee, mbii dā mā sat nā azeen. Wu man tong fun, kaade gyet mun de ashak kə wun. Muu cīn mbii mo jir a mbe fuu. **6** Gyet wun, wuu yaa mwaan ndəən shiimwaan fun, kə ndəən shiimwaan kə Daa fun, koo de wuu shwaajeel, amma nā a mbəde wun kə lappwoo deret nā shi retnyit de Riin Debang shin nwun. **7** Nā aasə 6e, wu dee a mbii kām nkoor nenshīnzeen nJesu Kristi de mo ndəən nyil mMasidoniya kə Akaya. **8** A mbə wun dang6e nenyil de mo kus, kə dejong mo, mo kəlong pwoo Daa. Baa a mMasidoniya kə Akaya bejee kas, amma shinzeen fuu ndəən Naan nā dām wul koo pee dedangyi. Mbəmənə, baa mun kə mee mbii mbə sat kas. **9** Gurum mo, koo a nnəyi, 6e moo sat a wun, kaade gyet wu lap mun shi pətuup məndong sə, kə kaade gyet wu yit kum fuu mo, mbəkə wu seyil di nNaan dēwur kə seen kə wur azeen, **10** kə wuu tong shi gongpee mbə waaji kə Lāa fin ndəən dengnaan, shii kə mənə a Lāa nwur Jesu Kristi de Naan wu yool kə wur a peemúut, kə wur 6am mun ndəən tuup Naan de nən a ar jì zak.

2 Dyemnaa mo, wun wu man shikāa fuu nee, jì fun pee wun de baa nā a buu kas. **2** Wu man kaade mun mu ten mu shwaajee kə fəlap ndəən yil nFilipi, akudang muu jì pee wun de nTasolona. Koo de gyet gurum mo des mmo cii mun, dang6e Naan fun wur shīn6al mmun mputuup, mbəkə mā satpwoo wur deret nā de nwun. **3** Pwoo de mu sat nwun nā, baa nā a dūng koo pan de6ish kas. Baa gyet mā sat nā, a

mbəkə mā gwam mee gurum de kas. **4** Amma mbəde Naan wur kə ten bəlap mun, kə wur kə ten le pwoo nwur nā ndəən sar wur. Muu cīn kə mā tong dyyen dā a nNaan, dēwur man pətuup fun mo jir. Baa muu cīn mbəkə mutong dyyen de a ngurum kas. **5** Wu man nā, baa muu kam jì kə mee pwoo deshang mmee gurum shi ləpwoo fun mo kas, mbəkə mā gwam wun, kə mā kat shoal de pee wun kas. Naan wu man nā aasə. **6** Baa muu cam tang a dedes pee gurum mo de kas, koo pə wun, koo pee nendeci mo. Koo di mun kə pee mbe cīn dāk kə iiko fun kaa nenlep Kristi mo sə. **7** Dang6e jir kəsə, 6e gyet muu fwang wun, a kaade nən kyee war fwang jep war mo sə. **8** Mbəde mā wal nwun zam, har gyet mu rəbet mbəkə mā shin seen fun mo mbe wun, baa a mbe pwoo deret Naan de gyet mā sat nwun bejee kas. **9** Dyemnaa mo, wu yee ndak de gyet mun mu cīn shībal pee wun di. Gyet mun mu cīn dāk mpar kə puus, mbəkə taji mu lejeel nwun kas, nnaar de gyet mun nkaa satpwoo deret mā Naan nā nwun. **10** Wun a langtəng fun, kə Naan zak, Gyet shiimwaan fun mo mbə wun di, wun de wu shinzeen nā a de6ang, deret dang nii mee luk kas. **11** Wu man nee, mu tap wun a kaade puun kə tap jep nwur mo sə. **12** Muu caa wun, muu 6am wun zak, kəzak, mun kə sat nā yit des nā, nā ret kə wun mwaan a mwaan de nā ret nNaan nyit. Naan dēwur pərep wun, mbəkə wu del de ndəən mulki nwur, kə mā tong de ashak kə wur ndəən ram fin. **13** Mee mbii de nii le, kə mu pəlang Naan shidaar-shidaar zak, gyet mā shee satpwoo Naan nā nwun, 6e kaade wu kəlong, 6e wu lap nā, baa a kaa pwoo gurum sə kas, amma wu lap nā a kaa pwoo Naan sə dang nā a pwoo nā azeen, de nā nkaa cīn dāk ndəən pətuup fuu mo, wun nen de wu cinzeen. **14** Dyemnaa fun mo, wu mwaan ndəən shiimwaan nendām ndang Naan de mo a mā Kristi Jesu, de mo ndəən yil nJudiya. Wuu nshwaajeel nsar nenyil fuu mo, kaade gyet mu shwaajeel nsar nen Yahudi mo sə. **15** Gyet a nen Yahudi nā mo tu Daa Jesu, kə mo twe nensatpwoo Naan mo. Mo ceen mun zak. Baa mbii de mo cīn nā ret nNaan nyit kas koo lee. Kəzak, mo a shaarlek gurum mo jir. **16** Mbəde moo yaappee, mbəkə mo cii satpwoo deret nā de mmun, mbe nen de baa mo a nen Yahudi mo kas, mbəkə taji mo kat seen de zak. A ndəən ar desī 6e, mo gam shi 6utbish fur de moo naa ncīn nā, amma yaksə

tuup Naan nii taa nkaa mo jir. 17 Dyemnaa mo, kaade gyet mu bākshak kə wun, mbe rep pee lee, yaksə nə daampee mmun, koo de a yit fun mo bākshak dak, be pətuup fun moo pan wun de shidaar-shidaar. 18 Dyeen mmun naa yit fuu mo zam. Muu fes mə rəbet dām pee wun de zam. An Pool, kə lepan fen mbə dām pee wun di met nyitvəl, amma nGujwaan dar a ar nə. 19 A me a mbii canciin fun, kə retnyit fun, de nə kām nnə, muu se koorong nyit Daa fun Jesu, parpuus dewur mbaaji yii? Baa a wun kas aa? 20 A wun a nen de wu le kə mu kat retyit kə nə nshang mmun parpuus de mun nnaa Jesu Kristi.

3 Mbəmənə, kaade baa mu mak gung kə kas. Nə aasə, be rəbet fun nə, mun koor nə mo, mun ntong Afens mbusun, 2 kə mə lep Timoti shindām pee wun de. Timoti wur a dyemnən fun ndəən dak Naan, mu satpwoo deret nkaa Jesu Kristi. Mu lep wur shindām pee wun di, mbəkə wur caa pətuup fuu mo de, kə wur kām dā nwun, kə wu dar di balbal ndəən shinzeen fuu. 3 Mbəkə taji jeel de wun nkaa shwaə nə lee, kə memee fuu baa mfwon kas. Wun wu man nnə, Naan wu kə ten lee nnə, mun nen fin mo mun nshwaajeel. 4 Kaade gyet mun de ashak kə wun, be muu sat nwun nnə, nə a tēng mun jir mun nshwaajeel. Yaksə wun nkaa naajeel nə, kaade gyet muu ten mu sat nwun sə. 5 Gyet wen man nnə, wun nkaa shwaajeel, a nə le dāngbe nghan lep Timoti dām pee wun, mbəkə ghan man de. Kyet wuu dar balbal ndəən shinzeen fuu nə wo? Baa di wen kudī kən mak gung kas mbəde kərmuut doom yaa an. Wen yee nee, meebe ngujwaan wur kə cəər kə wun, mbəkə dak de gyet mu cīn nnaar fuu, be nə a dee buu. 6 Yaksə Timoti wur kə jī pee mun di. Wur satpwoo de nə ret mmun nyit, kaade wuu dar balbal ndəən shinzeen fuu ndəən Jesu Kristi, kə wal fuu nə bal zak. Wur sat mmun nee, wuu yee mun shidaar-shidaar shi retnyit, kə nnə dyeen nwun nnaa mun kaade dyeen mmu nnaa wun sə zak. 7 Dyemnaa mo, kaade mu kəlōng nee, shinzeen fuu nii sekyeen, be koo de mun nkaa shwaajeel, kə mbii mo des moo daampee mmun, be desə nə, fes bam pətuup mmun zam. A shinzeen fuu nə bam pətuup fun mo. 8 Yaksə mun nkat gangkwak, katdang wu dar balbal ndəən Daa Jesu. 9 Mu pəlang Naan dedes hakyeng mbe wun, kə mu kat retnyit

a kyeen nwur mbe wun. Mu pəlang wur mbe retnyit de mu kat ntoom Naan fun, mbe wun. 10 Muu naa ncīn dāngnaan (leshap kə Naan) shidaar-shidaar, par kə puus, mbəkə, katdang mə katpee, be mun nji pee wun de, kə mə naa wun de shi yit fun. Kə mə bam wun de, ndəən mbii de moo luk wun ndəən shinzeen fuu nə. 11 Muu dāngnaan (leshap kə Naan) nee, Naan puun fun shikāa nwur, kə Daa fun Jesu Kristi wur nwang ar nə mmun, kə mu dām pee wun di. 12 Daa wur le kə wu sekyeen kə wal kə koor gurum mo jir, kaade muu wal nwun sə. 13 Mbəkə wur gangkwak de nwun ndəən pətuup fuu mo, mbəkə shiimwaan fuu nə dee de a deret, kə dəbang nyit Naan dewur a puun fun jir, parde Daa fun Jesu Kristi wur nji ndəən yil desə ashak kə nen nwur dəbang mo jir.

4 Dyemnaa mo peekyes nə, muu dāng pə wun ndəən sām nDaa Jesu. Wu kām shi mun, caan kə mwaan de mun muu cīn, mbəkə nə gam dyeen Naan de. Azeen, wuu ten wu yaa kyeet kə mwaan mənə, naa tēng wun sekyeen ndəən mwaan mənə dikə dikə. 2 Wu man kām de gyet mu cīn nwun ndəən bal Daa Jesu Kristi. 3 Naan wur rəbet kə wu dee a dəbang. Taji wu dēl ndəən shikbish de nə a mə ngaa kas. 4 Koo weyi ndəən wun, be nə ret kə wur man kaade wur yaa kaa fin di ndəən ar dəbang, de nə ret. 5 Baa a shi coor mə nan kas, kaade nenkum de baa mo man Naan kas, moo cīn sə. 6 Taji mee gwe cīn mbəde bish nkaa dyemnən nwur kas, mbəde Daa wur cii nen de moo cīn kaan mbii mənə mo jir. Muu ten mu satpwoo nwun shibal nkaa nə. 7 Baa Naan wur pet mun a mbəkə mu dee di a ndəən shikbish kas, amma kə mə dee di a dəbang. 8 Mbəmənə kat mee gurum cii kām desə mo, be baa gwar mənə cii a gurum kas, amma wur cii a Naan, dewur shīn Riin nwur Dəbang nwun. 9 Baa nii mee kwoop nə kə nghan ran mee mbii nwun, nkaa wal ndyemnən fuu mo kas, mbəde Daa Naan shikāa nwur, wur kə ten kām nwun kaade wun nwal nshak zak. 10 Azeen, wu wal nendām ndang Jesu Kristi de mo ndəən Masidoniya jir, amma muu dāng pə wun dyemnaa mo, mbəkə wu sekyeen de kə wal dikə dikə, mbe mo jir. 11 Wu gung kə wu mwaan di shi mase mə pədok, wu tap kə mbii de wun pə cīn mo, dāng wu cīn dak shi sar fuu mo, kaade gyet mu sat nwun sə. 12 Katdang wu cīn mbii de mə sat nwun sə mo, be nen de baa

mo shinzeen nDaa Jesu kas, mon nshin dedes nwun, kə baa wun ntaa wu kat mbut mme mbii kas. **13** Dyemnaa mo, mə rəbet kə wu man mee mbii hakyeng, nkaa nen di mo kə ten murəp mo, mbəkə taji pətuup fuu mo wat, kaa nen di baa mo shinzeen nyool a peemúut nə sə kas. **14** Mun mu shinzeen nee, Jesu kə muut, kə wur kə baa yool a peemúut. Mbəmənə, be mu man nee, katdang Jesu wur nji, be Naan wur nle kə nen de mo kə murəp ndəən Jesu, be mon nji ashak kə Jesu. **15** Pwoode muu sat nwun sə, nə put a pee Daa de shikáa nwur. Katdang Daa Jesu wur nji ndəən yil desə, be mun nen de mə kudi mmeen, baa a mun ntaa təleng, nen de mo kə ten murəp mo kas. **16** Parpuus mənə, be Daa wur ndyeep doo shibal, kə ngulep Naan dedes, wur ntāa feer. Dangbe Daa Jesu wur nyool yit dengnaan kə wur sham de ndəən yil desə. Nen de mo kə ten murəp ndəən Kristi, a mon nshee yool a peemúut nə. **17** Mun nen də mu kudi mmeen ndəən yil desə, be Naan wur nlap mun kaa kə mun ndəən nluu, mbəkə mukaat dikə Jesu nnaar kə dengnaan. Yool mmənə be mun ntong ashak kə Daa har ngaa-ngaa. **18** Mbəmənə, be wu caa pətuup nshak shi pwoode desə mo.

5 Dyemnaa mo, baa nii mee kwoop nə, kə mu ran mee mbii nwun nkaa parpuus kə peedi Daa Jesu wur nji kas. **2** Wu ten wu man pwoode nkaa nə. Wun shikáa fuu, wu ten wu man nee, parpuus mənə be Daa wur nji a kaa wat de kə ji mpar sə. **3** Nciit kə mənə, be gurum mon mōwet sut, dang mon nsat nənə, “Koo meyii, be nə de ryang, kə mbii mo di rərə.” Dangbe, ndi mman, mee jeel kə shwal ntaa nkaa mo, kaa shwal de mat moo kəleng nə, kaade mo pə làa-làa sə. Parmənə be baa mee gwar mbar kas koo məndong. **4** Amma wun dyemnaa fen mo, baa wun a ndəən peenkoo kas. Mbəmənə taji parpuus mənə de nwun a mbii aapwoode, kaade ji kə wat aapwoode ngurum mo sə kas. **5** Wun jir, wun a nen de mo ndəən peeəng, de wuu mwaan mpuus, baa wun a nen de ndəən peenkwoode mo kas, de muu tong ndəən peenkwoode sə kas. **6** Mbəmənə, taji wu saam kaade koor gurum moo cìn sə kas, amma mu yaasun, kə mə tong di shi gongpee. **7** Gurum moo saam a mpar, kə gurum moo yuur a mpar, **8** amma mun, muu mwaan a mpuus. Mbəmənə be mə yaasun fun mo. Mu sat a nsekyeen ndəən shinzeen, kə wal ndəən Daa Jesu. Mbəde desə

mo a kaa nlər shoole, de shiitooon moo lep mbe gong tuur mmo, mbəkə taji mee mbii tung mo kas sə. Kəzak, wu yit kə mu sat a nleyit nkaa Daa Jesu də wur bam mun. Mbəde leyit desə nə de a kaa mbiikáa shoole de kə fwang kaa ngurum ndəən lek sə. **9** Mu man nə, Naan wu bəlap mun, baa a mbəkə mə del de ndəən jeel kə tuup nwur kas, dangbe wur bəlap mun a mbəkə mu kat bam de ndəən Daa Jesu Kristi. **10** Wur dewur muut, mbəkə katdang wur mbəaji, be koo de mu kudi mmeen ndəən yil nə, kə koo de muu ten mu murəp, be mun ntong ashak kə nwur. **11** Mbəmənə wu gangkwak nshak, kə wu bamshak kaade wuu pə ncìn nə sə. **12** Dyemnaa mo, mu dang pə wun kə wu shin dedes nen de moo cìn dak pee wun di. Muu sat a nen de moo fwang wun kə kam wun ndəən kəer nDaa. **13** Wu shin dedes mmo hakyeng, kə wu wal mmo zak, mbə dak de moo cìn nə. Wu tongryang kə shak jir. **14** Dyemnaa mo, muu dang pə wun, mbəkə wu gwak nenseer mo, de sar fur mon nfii. Wu gang pətuup nen de moo kəer muut mo, kə wu bam nen de baa moo bal kas, kə wu gung kə shak jir zak. **15** Wu tap, mbəkə taji mee gwar kwat debish shi debish kas, amma wu gung kə wu cìn deret de nshak kə gurum mo jir, koo pərangyi. **16** Wu cìn retniyit koo pərangyi. **17** Wu dangnaan (leshap kə Naan) shidaar-shidaar. **18** nDəən mbii mo jir, be wu pəlang Naan, mbəde nii ret nNaan mbə wun nen de mo kə bal wun kə Jesu Kristi, kə wun cìn zak. **19** Taji wu cii cìn dak nRiin Naan de wu ndəən wun kas. **20** Taji wu bəkpwoode de mo put a pə Naan di kas. **21** Wu kam mbii mo jir, mbəkə wu man di nə azeen de. Wu yaa mbii de mo a deret. **22** Taji wu cìn mee mbii debish kas koo le. **23** Wen cìn dangnaan (leshap kə Naan) nə, Naan shikáa fin, wur dewur cìn tongryang nwun, wu nle kə wu de a deəng ndəən mbii mo jir. nDəən riin fuu mo, kə seen fuu mo, kə suk fuu mo, mbəkə wu dak suk fuu mo de, mbe puus ji Daa Jesu Kristi, be baa wun ndən kə mee yitluwaan (naasheep) kas. **24** Naan dewur pərep wun agu cinzeen baa wur mmak bam wun kas. **25** Dyemnaa mo, wu cìn dangnaan (leshap kə Naan) mbe mun. **26** Wu tok kə nen cínzeen nə mo jir shi tokshik dəəng, wu yaa sar nshak ndəən wal de nə a mə Naan. **27** nDəən səm kə Daa, be an kən satpwoode nwun shibal nee, nə a təng wu tang lepran desə nə nkom nen cínzeen nə mo jir. **28** Deret Daa fun Jesu Kristi nə tong ashak kə wun. Nə aasə.

2 Tasoloni

1 Lepran desä nā put a nsar Pool kə Silas, kə Timoti. Muu tok kə nendām ndang Naan de mon nTasoloni, de mo a mā Naan puun fun kə Jesu Kristi. **2** Naan puun fun kə Daa Jesu Kristi mo shín deret nwun kə tongryang zak. **3** Dyemnaa mo, nā a tōng kə mu pəlang Naan mbe wun shidaar-shidaar. Nā ret kə mun, mu pəlang wun aasə zak, mbəde cinzeen fuu nā nkaa wurang hakyeng, kəzak, wal fuu mbə niyee fuu mo nii seet ɓubul ɗak. **4** A nā le ɗang mun shikāa fun muu canpwoo shi wun nendām ndang Naan mo, mbə gung fuu, kə shinzeen fuu, kaade wuu ɗar di ɓalɓal jir kə de wuu gung kə shinjeel kə shwaajeel de wuu shwaa mo shini-shini. **5** Mbə mbii de wuu shwaajeel nā mo yaksə, parmee puus ɓe mon nkat wun kə kwoop nā mbə mulki Naan. Desə mo ɗee a langtəng mbe kām nwun nee, **6** Naan a ngucandyeel ɗen ndəre ndəre. Mbəmənə, wur nshinjeel nen de mo shínjeel nwun. **7** Wur nshin nookdi nwun kə mun jir ndāen jeel de muu shwaa mo yaksə. Mbii desə mon nden aasə parde Daa fun Jesu wur ntong ndāen dengnaan sham. Wur nkámkaa fin ashak kə nenlep nwur ɗeɓal mo. **8** Wur njì shi wus de nii ɓəlempee, mbəkə wur kwat nen de mo cii Naan de, kə nen de mo ciipwoo deret nkaa Daa fun Jesu Kristi. **9** Kwat mo nən ndee a muut ɗel ɗam kə mo ngaa-ngaa. Baa mon mmak naa yit Naan koo ɗedes mā iiko nwur kas, koo le. (aiōnios g166) **10** Katdang wur njì, parpuus ɗedes mənə, ɓe nen nwur mo jir, mon nshin ɗedes nwur. Jir nen de mo shinzeen nwur, ɓe mon nkwoop wur, kə wun zak wun ndee ndāen nen de mon nkwoop wur, mbəde wuu ten wu shinzeen mpwoo wur de mun kə sat nā nwun. **11** Mbəmənə ɓe muu ɗangnaan (Leshap kə Naan) mbe wun shidaar-shidaar, mbəkə Naan wur le kə wu ɗee ɗekoop nā, mbe zeen de Naan wur pərep wun mbəmənə. Naan wur le kə wu mak cìn koo a mbii deret ɗedangyi de wuu pan cìn nā mbe shinzeen fuu shiɓal nwur. **12** A ndāen kaan kə ar desə, ɓe gurum mon nle ram nsām Daa Jesu ndāen wun, kə wun de ndāen wur zak, shi deret Daa Naan fun kə Daa Jesu Kristi.

2 Pwoo nkaa ji nDaa fun Jesu Kristi, kə kuur fun pee wur de. Dyemnaa mo, mu ɗang pə wun, **2** taji pan fuu mo ɗee a decicəər koo nā

daampee nwun kas. Mbəde pak gurum moo sat nee, puus Daa nii ten ji. Koo de gurum mo sat pwoo mənə a ndāen Riin, nən puus nii ten ɗel, koo a shi liispwoo nā, mo aasə. Koo kaade pak mo nkaa sat nā, nā di mu ran pwoo nwun, nkaa nā aasə ndāen pwoo de di mu ran nwun sə. **3** Taji wu le kə mee gurum ngwam wun kas, koo le. Baa puus nā kə waaji kas, atəng nnaar de gurum mon ncii tuwap kə mo cii Naan, nən nshee di akudang, kə gwar debish, ɗewur ɗee a ɗeləloom, de mon nwwet wur ndāen wus, wu njì put agaak akudang zak. **4** Wun ncìn lek nkaa mbii de gurum mo kə seyil mmo jir, kə wur nlekāa fin a kaa Naan sə. A wur nsat nee, wudi met mmo jir, kəzak wur ndel ndāen Lu Naan ɗedes, kə wur ntong a peetong, ɗangbe wur leshin a Naan. **5** Baa wu pan kas aa? kaade gyet mun ashak kə wun sə, ɓe wen kən ten nsat nwun nee, mbii desə mo jir mon nden aasə. **6** Yaksə ɓe, a mee mbii kə yaa wur baa kənə. Wun shikāa fuu, wu man mbii mənə. Katpee nā wul, ɓe gwar debish wur njì put agaak. **7** Jurum kə ɓal kə ngwar debish nā nkaa cìn ɗak yaksə ndāen yil desə nā. ɗangbe mee ngwar kə yaa wu baa kə nā mbe reppee ɗeben ɗak. Katdang mo mang ngwar de nii yaa wur baa kənə, **8** ɓe ngwar debish nā wur njì put. ɗangbe Daa Jesu wur ntu ngwar debish nā shi nook kə pwoo fin. Katdang Daa Jesu wur mbaaji ndāen ɗedes fin. **9** Katdang ngwar debish wur njì put, ɓe wur njì a ndāen ɓal mā ngunjwaan. Wun ngwam gurum mo shi mbii aapwoo mo ɗes ɗewur ncìn mo. **10** Wur ncìn ɗak kə koo mbii debish ɗedangyi, mbəkə wu ngwam nenyil de mon nloom ɗe. Nen desə mo ɗee a ɗeləloom mbəde di mo cii shinzeen, kə mo cii wal nzeen. Mbəmənə, ɓe baa mo kat ɓam kas. **11** Aasə ɓe, Naan cəər kə pan fur mo, mbəkə mo shinzeen de a mbii ɗə nā a ɗung ɓejee ɗak. **12** Mbəmənə, ɓe mon ndee a ɗeləloom, mbəde mo cii shinzeen atəng mo kələng shang mā cìn shikbish ɗak. **13** Dyemnaa fun mo, Daa wu wal nwun. Mbəmənə ɓe nā ret kə mu pəlang Naan mbe wun. Naan wur ten ɓələp wun, pəgyet di nshee, mbəkə wur kat ɓam wur de ndāen ɓal Riin fin ɗeɓang, ɗewur le wu ɗee a nen fin ɗeɓang mo shi shinzeen ndāen mbii de nā azeen-nzeen. **14** Naan wu pərep wun, mbəkə wu tong de ashak kə Daa Jesu ndāen ram fin, mbe pwoo deret de mun kə sat nā nwun. **15** Mbəmənə dyemnaa mo, wu ɗar ɓalɓal, kə wu yaa mbii de gyet mu kām mo ɗe,

koo de gyet mə sat a shipwoo, kə koo de gyet mu sat a shi lepran de gyet mə ran mo nwun zak. **16** Daa fun Jesu Kristi shikáa nwur, kə Naan puun fun moo bam pətuup fuu mo. (aiōnios g166) **17** Kə wur shínbal nwun, mbəkə wur cín koo a dak dedangyi, kə pwoo deret de wuu sat zak.

3 Dyemnaa fun mo, pwoo de muu rəbet sat mə kyes nə a nee, muu dang pə wun, mbəkə wu dangnaan (leshap kə Naan) de mbə mun. Mbəkə pwoo Naan nə kaatpee mo de, kə mbəkə gurum mo lap nə di kəkoop, kaade gyet wun wu lap nə sə. **2** Kəzak, wu cín dangnaan (leshap kə Naan) mbe mun, mbəkə Naan wur bam mun de ndəən sar kə nen bish mo, de pətuup fur mo a de deet. Baa a gurum mo jir, mo shinzeen mpwoo nə kas. **3** Dangbe Daa wur kə dar nkaa zeen. Wur nshin bal nwun kə wur tap fwang wun aku nsar ngujwaan. **4** Mu shinzeen nDaa be wun, nə, wu cín mbii de mu sat mo de, kə wuu sekyeen kə cín mo zak. **5** Daa wur nle kə wu man wal Naan dedes mbe wun, kə gung kaade Daa Jesu gung sə zak. **6** Dyemnaa mo, ndəən səm kə Daa Jesu Kristi, muu sat nwun shíbal nee, taji wu balkaa kə dyemnəən fun de mo a seer mo kas. Shii kə mənə, a nen de baa moo mwaan nkaa kám de gyet mu kám nwun kas. **7** Wun shikáa fuu, wu man nee, nə ret kə wu mwaan ndəən shiimwaan fun, mbəde gyet mun ashak kə wun, be baa gyet muu tong kə sar fun mo nfii kas, **8** kə baa muu se mbiise nsar mee ngwar zuum kas, amma muu cín dak shíbal kə sar fun mo mpar kə puus, mbəkə taji mu lejeel mmee ngwar ndəən wun kas. **9** Gyet mun kə iiko mbəkə mə sat nwun nnə wu shín mbiise mmun, dangbe baa gyet mu tal pə wun kas, mbedi gyet mu rəbet kám nwun ar de wun ncín dak shi sar fuu mo. **10** Kaade gyet mun de ashak kə wun, be muu naa nsatpwoo nwun shíbal nə, katdang baa mee gurum cín dak kas, be taji wu shín mee mbii nwur se kas. **11** Mu kələng nee, pak mo ndəən wun, moo dee a seer mo. Nnə baa moo cín mee dak kas, amma nnə, moo dee mwaan buu, mbəkə mo lep pwoo de ndəən dak kə gurum mo. **12** nDəən səm kə Daa Jesu Kristi, muu satpwoo shíbal nee, nə ret kə nen mənə mo nook mwaan mənə, mbəkə mo cín dak, de mon nkat mbiise mukáa fur mo di, mbə pwoo fur mo. **13** Dyemnaa mo, taji kwak fuu mo murəp mbə cín dak deret kas. **14** Katdang mee ngwar cii cín mbii de mu sat ndəən pwoo

desə, be wu naa gwar mənə rəret. Taji wu cín mee mbii ashak kə wun kas, mbəkə naashweep yaa gwar mənə di. **15** Dangbe taji wu naa wur a kaa shaarlek sə kas, dangbe wu fwang wur kaa dyemnəən sə. **16** Daa Jesu shikáa fin, de ryang kə put a pee wur di, wur shín tongryang nwun ndəən mbii mo jir. Daa Jesu tong ashak kə wun jir. **17** Desə a sar ran mənə Pool, de an kən le nə ndəən pwoo de moo put pee ghan di. Wen kən ran aasə. **18** Deret kə Daa fuu Jesu Kristi nə tong ashak kə wun jir. Nə aasə.

Titus

1 A ghan Pool kàrem nDaa Naan, kà laalep maa Daa Jesu Kristi, ran wasika desə nà. A Jesu wur bilip ghan, mbəkə nghan ɓam nen de Naan wur kà ten bilip mo, mbəkə shinzeen mo wurang de ndàan Naan, kəzak, mbəkə mo man zeen nà de jir nkaa ar kà Naan. **2** Kà mo leyit fur mo de nkaa seen de nà azeen, de ngha-ngha. Naan de baa wur cìn ɗung kas, wur kà ten sat nà, wur shin seen mənə ngurum mo. (aiōnios g166)

3 Nciit-nciit kəgam pee nà, ɓe wur nwoo seen desə nà agaak shi pwoo wur, dewur kà ten le nà nsar fen. A Naan dewur ɓam mun, a wur a ngwe dewur ten lep nghan, mbəkə ghan satpwoo wur de ngurum mo. **4** Wen nkaa ran wasika desə nghan Titus, lāa fen de azeen-nzeen ndàan shinzeen, de mun kà nà vəl. Deret, kà ryang pee Naan puun nJesu Kristi Nguɓam fun, mo tong ashak kà waa. **5** Mbii de nà le kà nghan yit waa nyil nKrit, a mbəkə gha sət a ɗak mbii mo de ndəre-ndəre, kà gha bilip nennan mo de mbee jir lu nNaan ɗefang ghi, de nà ndàan nyil nKrit. Taji a mundar mbii de dā nsat nghan kas. **6** Jir we de a bilip kaa ngunan sà, ɓe nà a təng kà gwar mənə kà mase deret, ngwe dewur kà mat a məndong ɓejee ɗak. Kà jep wur mo zak, nà a təng kà mo ɗen a nen de mo shinzeen. Ngwe de mase wur nà mak le kà gurum mo naa nà, baa wur a ngucìn mbii ɗebish kas, kəzak, baa a ngukaaɓal kas. **7** Jir a wii dewur a ɗedes ndàan nendəm ndang Naan mo, ɓe wur naa a mbii de mo a maa Naan. Mbəmənə, ɓe mase wur nà a təng kà nà dee a ɗeret. Baa wur ndee a nguroop, jir a ngwe de mbii kəkəlak lāa wur mbut kas. Baa wur nshwaa am anab (filip) kà nà yuur wur de kas, baa wur a nguɓwanbish kas. Baa wur a ngurəbet mbii mbee kat ləbet ɗebuu kas. **8** Ni ret kà wur dee a ngula gurum mo ndàan tulu wur. Nà a təng kà wur wal mbii ɗeret mo. Nà ret kà wur dee a ngwe de mwaan wur nà a ndəre-ndəre, kà mase wur nà dee a de nà shang nNaan zak. Nguyaashin. **9** A ngwe dewur ɗar ɓalɓal ndàan shinzeen de mu kām nà, mbəkə wur mak kām de ngurum mo zak. Mɓe kà mo katɓal de ndàan pətuup fur mo, kəzak, mbəkə wur man mbii dewur nkām de nen de mo satpwoo ɗebuu mo, kà wur kām de mmo, pee de mo taa ɗel de. **10** Gurum mo ɗəɗes, de mo a nen təkook kà pee met jir, ɓe a pak nen Yahudi

de mo dee a nendəm ndang Kristi. Mo sat nà, jir nen de mo dee a nendəm ndang Daa Jesu, ɓe təng mo can mo akudang, kaadi nen Yahudi moo cìn sà zak. Mo a nen satpwoo ɗebuu moo, cìn ɗung de ngurum mo zak. **11** A le kà mo ɗok tətək, mbəde moo kām a mbii de baa nà ret kà mo kām kas, mbəkə mo kat ləbet ɗebuu de ndàan cìn mbii ɗebish. Mo nkaa ɗəm ntul mo des ndàan ar ɗebish. **12** Mee gurum wur de mbut nen Krit nà mo, dewur leshin a kaa ngusatpwoo Naan sà, wur sat nà, “Nen Krit mo a nendung mo, a kaa luwayil mo sà, nenrəbet mbii mo, kà seer zak.” **13** Pwoo desə nà azeen. **14** Taji mo lekom mbee kələng pwoo ɗebuu maa nen Yahudi mo, kà Wàar gurum mo, de mo cii zeen zak kas. **15** Katɗang pətuup gurum mo a ɗefang, ɓe mbii mo jir, mon ndee a ɗefang pee nen mənə mo de zak. ɗang nen de pətuup mo a ɗebish kà de baa mo kà shinzeen kas, ɓe baa mee mbii de nà a ɗefang pee mo de kas, mbəde pan mo a ɗebish, baa mo man mbii ɗeret kas. **16** Mo lekāa fur mo, a kaa nen de mo man Naan sà, ɗangɓe mbii de moo cìn nà, nà kām ngurum mo nānee, baa mo man Naan kas jir ɗəfen. Mo a nencii gurum mo, nencii kələngpee mo, baa mo mak cìn mee mbii de nà ret kas jir ɗəfen.

2 ɗang waa, a kām ngurum mo mbii de mo a ndàan kām de nà azeen-nzeen. **2** A kām nen ɗekukun mo nānee, “nà ret kà mo dee a nen de mo ya sut, kà mo le pətuup fur mo ɗar a pee məndong. Taji mo dee ntan kas, ɗangɓe mo dee a nen de mo ɗar ɓalɓal ndàan shinzeen nà. Nen de mo wal ngurum mo, kà nengung ndàan mbii mo zak. **3** A sat mmat ɗenan mo nānee, “nà ret kà mo kà mwaan kaa nen de mo man Naan sà. Taji mo satpwoo ɗebish nkaa gurum mo kas. Taji mo dee a kàrem maa shwaa mwes kas. Nà ret kà mo kām mbii ɗeret ngurum mo. **4** Mɓe kà mo kām de mmat ɗedyeen mo, kà mo wal de mmish fur mo, kà jep fur mo zak. **5** Nen yaasut mo, mbəkə mo dee de a ɗefang ndàan pətuup fur mo, mbəkə mo naa tulu fur mo de rəret, kà mo dee de a ɗeret, kà mo lekāa fur mo ndar mish fur mo. Mɓe kà taji mee gurum katpee satpwoo ɗebish nkaa pwoo Naan kas. **6** A sat jepzəlang mo nānee, “nà ret kà mo yaasut. **7** nDàan mbii mo jir, ɓe nà ret kà mo dee a nen de mo mase ɗeret mo. A kām ngurum mo. A kām ngurum mo mbii de nà ndàan pətuup fwa de nà azeen-nzeen, kà taji a dee ntan kas. **8**

A cìn dāk shi pwoo dēret mo, mbəkə taji mee gurum katpee, mbee sat mee mbii nkaa pwoo dē aa sat nā mo kas, mbəkə nen dē mo cii nā, bē naashweep ya mo dē, mbəde baa mo naa mee mbii dēbish, mbəkə mo satpwoo dē nkaa mun kas. **9** A sat kərem mo nānee, “mo sham kə káa fur mo ndər nen dē mo sərep mo, kə mo cìn mbii dēret nen dē moo mo zak. Taji kərem mo lapwoo nen dē mo sərep mo shiḃal kas. **10** Taji mo cìn wat kas, dāngbē nā ret kə jir a pəranghe, bē mo dēe a nenzeen mo, mbəkə mbii dē moo cìn jir, bē nā le kə gurum mo satpwoo dēret dē nkaa kám dē nā nkaa Naan Nguḃam fun. **11** Naan wur kám dēret wur mmun, mbəkə gurum mo jir mo kat ḃam dē. **12** Dēret Naan nā kám mmun ar dē mun nnook cìn mbii dēbish mo dē nyit Naan, kə coor mā yil dēsə. Dāng nā ret kə mun yaasun kə mun mwaan dē ndəre-ndəre zak, mbəkə ndəən mbii dē muu cìn mo jir, bē nā ret dē nNaan nyit. (aiōn g165) **13** Kaadi mun nkaa naa puus dēret pardi mbii dē muu leyit nkaa mo nā ngam, nciit kə mənə, bē mun nnaa dedes nNaan fun. Dedes met jir mā Nguḃam fun Jesu Kristi zak. **14** Mbə mun bē wur shin seen wur mbəkə, wur can mun dē ndəən mbii dēbish mo jir, kə mbəkə wur le mun dēe dē a nen dē pətuup fun mo a dēḃang. Kə mun dēe dē a nen wur mo, nen dē mo coor cìn mbii dēret mo jir. **15** Mbii dēsə mo, a mbii dē waa nkám ngurum mo. A cìn dāk kə ram dē Naan kə shin ngha, mbəkə nghan caa gurum mo dē, kə nghan gwak mo dē zak. Taji a yit kə mee gurum ḃák gha kas.

3 A lepan nen fwa mo nānee, “nā ret kə mo sham kə káa fur mo ndər mishkoom mo, kə nen dē mo kə ram jir. Nā ret kə mo kəlāng mo, kəzak mo tong shi dāk sut, mbee cìn jir dāk dēdāng dē nā a dēret. **2** Baa nā ret kə mo satpwoo dēbish nkaa mee gurum kas. Taji mo cìn jər kas, dāngbē mo sham kə káa fur mo ndər gurum mo jir. **3** Gyet mun shikáa fun, bē mun a mwen mo, nenbaashik mo, nen cìn mbii dē nākan mo. Gyet mun a kərem mo, mbee shang mā nan dēsə. Pan fun mo jir a dēbish shidaar-shidaar, kə coor mbii gurum mo shi yit dēbish. Gurum mo cii mun, bē mun zak, muu cii mo. **4** Dāng kaadi Naan, dēwur a Nguḃam fun, wur kám dēret wur kə nwalshak wur mmun, **5** bē wur ḃam mun. ḃam dēsə, baa nā a mbee mee mbii dēret dē muu cìn shikáa fun kas, dāngbē a mbee naajeel wur, dāngbē wur ḃam mun shi

Riin Dēḃang. Wur wang pətuup fun mo, kə mo dēe a dēḃang, kəzak, wur shin seen depoo mmun. **6** Wur dōo Riin wur nkaa mun ndəən Jesu Kristi Nguḃam fun. **7** Mbē kə shi dēret wur, bē mu dēe dē a nenderet mo, kə mun kat seen dē ngha-ngha, dē muu leyit nkaa nā. (aiōnios g166) **8** Pwoo dēsə nā azeen. Wen kən rāḃet kə nghan sat mbii dēsə mo nen fwa mo shidaar-shidaar, mbəkə nen dē mo shinzeen nNaan, bē mo lepan fur mo mbee cìn mbii dē ndəre mo shidaar-shidaar. Mbii dēsə mo a dēret, kəzak, mo kəkoop nā mbee gurum mo. **9** A nok sat mee pwoo dēbuu taji a watpee buu, kə nwun dēe ntang sām puun fuu dē mo kə murep mo kas. Kaji wu jər kə shak kas, jir wu dēe mbeetshik nkaa Wàar mā Mosis mo kas. Mbii kaa mənə mo sə, baa mo kə mee koop nā kas, jir dāḃen. **10** Katdāng mee gwar dēwur cii kám fwa nā, bē a gwak wur yit mēdong, jir yit vəl, katdāng baa gwar nā kəlāng gha kas, bē a yit wur dē. **11** A man nānee, “gurum kaa mənə sə, bē pan wur mo jir a dēbish, a ngushikbish, wur shikáa wur, kə ten man nā; dýin a dēbish. **12** Katdāng wen lep a Artimas, a dāng a Tikikus shidām pee gha dē, bē a gung, kə nghan jì a kat nghan dē ndəən Nikapolis, mbəde nghan ntong dē, mbe kyes tar kut. **13** A gung kə nghan ḃam Zinas dē, dēwur a nguman wàar mo, kə Apolos ndəən dāk sut mbee mwaan mmo, mbəkə taji mo kat mee mbii jee kas. **14** Nā ret kə nen fun sə mo shin sut mbee cìn dāk dēret mbee ḃam nen dē mo ndəən jeel mo. Kaji mo tong buu shi sar dē nfii kas. **15** Nen dē mo ashak kə an jir, moo tok kə gha. A tok kə nen dē mo wal mmun ndəən shinzeen nNaan jir. Naan wur le dēret nkaa wun.

Jemis

1 Lepran desə nə put a nsar Jemis kərem mə Naan kə Daa Jesu Kristi, tokshik mpee nenyil kə Naan, de mo a titiit shipee shipee ndəən yil dесе. **2** Dyemnaa mo, wu chìn retnyit, katdang wu dəl ndəən jwaan mo shini-shini. **3** Mbedi wu man nə, katdang mo kam shinzeen fuu ni, be nən nle kə gung fuu nə dee a dəbal. **4** Wu yit kə gung fuu nə sat a nwurang dək, mbəkə wun dee de a diigəgam ndəən mbii mo jir. **5** Katdang mee gwar ndəən wun de baa wu kə dyeen kas, be wu yit kə gwar mənə dang pə Naan, mbəkə Naan shin dyeen de nwur. Naan wur zum zam, wu naa nchin mbii ngurum mo jir, baa wur chakpwo mbe shin mbii ngurum mo kas. Naan wu nshin dyeen mun jir de mo dang pə wu. **6** Katdang mee gwar dang mee mbii pee Naan de, be nə a təng gwar nə shinzeen nə, Naan wu ncin mbii nə nwur. Taji gwar mənə pan kyetwa ndəən pətuup fər kas. Mbedi gwar dewur pan kyetwa ndəən pətuup fər, be wu dee a kaa am de kut kə cut nə dām kə ni, koo a pee dēdangyi sə. **7** Mbəmənə, be taji gwar mənə lepan nnə, wudin nkat mee mbii pə Daa de kas. **8** Gwar mənə a ngupan mo vəl-vəl, kə baa wur dər a pee mandong kas, koo dāben. **9** Nguso ndang Jesu Kristi, de baa wu kə long kas, be wu chìn retnyit, mbedi Naan kə ten shin dādes nwur. **10** Nguso ndang Jesu Kristi, de wu kə long, be nə ret kə wu chìn retnyit zak, mbedi Naan kə le kə wu sham kə kaa fər. Mbedi gwar mənə man nə, jir kə long wu ni, be wur ndel dām kələk-kələk, a kaa pel mə dem de nii kələk kə fii sə. **11** Puus nə kaa yaapee nkaa pel mo, be nə le kə mo fii. Pel nə mo dōng, be men fun nə kyes mmənə vit. Ni aasə zak, be ngulong wur muut kaadi wu nkaa tang long nə dīkə. **12** Ngwar de wu gung jwaan mo, be wu nkat deret. Mbedi katdang wu se koorong nkaa jwaan nə mo jir, be Naan nshin seen nwur, de nən ndee a koppee kə kwat ni, kaadi Naan wu kə ten sat nə, wudin nshin ngurum mo jir, de mo nwal nwudi. **13** Katdang jwaan kat mee gurum, be taji gwar mənə sat nə, a Naan jwaan wudi kas. Baa mee mbii de nən mmak jwaan Naan, mbəkə wu chìn mbii debish de kas. Naan shikaa fər, baa wu cham jwaan mee gurum, mbəkə gwar mənə chìn mbii debish de kas. **14** A shoor debish de nə ndəən pətuup gurum, a nii jwaan gurum,

mbəkə wu chìn mbii debish mo de. **15** Kyoor debish desə ni, a nii le kə gurum chìn mbii debish mo. Katdang mbii debish nə wurang, be peekyes nə a muut. **16** Dyemnaa fen mo, taji wu le kə mee gurum ngwom wun de kas. **17** Mbii deret mo, kə de azeen mo jir, moo tong a pee Naan jì. Mbii desə mo jir, a zuum de moo pwat a pee Naan de, de wu lepuus, kə zar mo, kə tar ndəən dengnaan. Naan wu shikaa fər, baa wur cham sheedi kas, kə nə le kə mə dee de nkōo kas. **18** A mbut pan mə kaa fər, dang wu naa nə ret wun nyit, ndəən pwoow wu de nə azeen, be wu shin seen mmun, mbəkə mun dee de a jep dēnshee mo ndəən mbii de wu kə ten le mo ndəən yil dесе. **19** Dyemnaa mo, de wen nwal nwun. Ni ret kə wu man mbii desə mo, koo a weye, be wu lekom mbe kəlēngpee kələk-kələk, dang be nə ret kə koo a weye, be taji wu lappwoow kələk-kələk kas. Taji mee mbii kələk lāa nwun mbut kas. **20** Ngwar de wu kələk kə langtuup, be baa gwar mənə mak chìn mbii de mo ret nNaan nyit kas. **21** Mbəmənə nghan kən sat nwun nə, wu baa kə mbii debish mo jir ndəən tong fuu mo. Wu fwo mo sí. Wu chii mbii debish mo jir, wu sham kə kaa fuu mo ntoom Naan. Wu kəlēng pwoow de Naan wu kə ten kop ndəən pətuup fuu mo, mbedi a ndəən bal kə pwoow wu, dāngbe wu mbam seen fuu mo. **22** Dāngbe nə a təng kən wu chìn mbii de pwoow Naan nə sat nnə wu chìn ni, baa nə, wu kəlēng a shi kom bejee dək kas. Nen de mo kəlēng pwoow Naan, dāngbe baa mo chìn mbii de pwoow nə sat nnə mo chìn kas, be nen mənə moo ngwom a sut fur bejee. **23** Katdang gurum kə kəlēng a pwoow nə bejee, dāngbe baa gwar nə chìn mbii de pwoow nə sat kas, be nə dee a kaa gwar de wu naa shin fər ndəən mbii naayit sə. **24** De abwoon de wu kə ten naa shin ndəən mbii naayit ni, be kaadi wu chiir kəbwoon mbii naayit ni, be wu chiir muunshik nyit fər de wu kə naa ni. **25** Dāngbe gwar de wu tap bəlap wār kə Naan, dāngbe wu chìn mbii de wār nə mo sat, baa wu kəkəlēng bejee kas, de nən nle kə wu muunshik mbii nə mo kas, dang be wu tap chìn mbii de wār nə sat, be Naan wu nle deret nkaa gwar mənə hakyeng. Mbedi wār kə Naan mo a dīn ndəre-ndəre, mo bál mbe chīnpee mmun, mbəkə mu dee de a mukaa fun. **26** Katdang mee gurum leshin a kaa nguso ndang Naan sə, dāngbe baa gwar mənə tap kə liis fər kas, be gwar mənə ngwom a kaa fər

bejee. Mwaan wur de nā a mā nendām ndang Naan mo, nā dēe a buu. 27 Nyit kē Naan de wu a puun fun jir, be mwaan de mənā a mā nen mwaan ndang Naan de nā azeen-nzeen, be a gwar dēwur tap kē lukāa mo, kē matkaa mo, de mo nkaa shwaajeel, kēzak, gwar mənā tap kē kāa fər, mbəkā taji mbii debish mā yil desā mo ngwom wu, kē mo le kē wu cīn shikbish kas.

2 Dyemnaa fen mo, kaadi wun a nyemcīnzeen ndāen Daa fun Jesu Kristi sē, de wu a dādes met jir, be taji wu bakyit ngurum mo kas. 2 Katdang mee gwar jī dēl ndāen kuur fuu kē kawan mā zinariya nkaa nākongsar fər, kē nlər deret mo, dang kat mee ngujeel jī dēl ndāen kuur fuu, kē goklee. 3 Katdang wu tap wu kaat gwar de wu loplee deret sī, kē wu sat nwur nā, a jī a tong a peetong deret sē, dang be wu sat ngujeel nā nānee, waa dār sē, koo wu sat nwur nā, a tong nyil mpesi nder shii fen. 4 Katdang wuu cīn mbii kaa mənā sē, be wu cīn a shikbish. Wuu baakyit ngurum mo nnaar fuu, be wu dēe a nentokdyeel mo, shi pan debish mo. 5 Dyemnaa mo, de wen nwal nwun, wu lekomo, Naan wur bēlāp a nenjeel mo ndāen yil dese, mbəkā mo kat shinzeen de nDaa Jesu Kristi, kē mbəkā mo kat mulki/dēhai de gyet Naan wu kē ten sat nnā, wudin ncin nenyil de mo nwal nwudi mo. 6 Dangbe wun, wu bakseen nenjeel nā mo. A nenlong moo seen a wun, dangbe mo dul wun dām kē nā nludiyeel. 7 Kē, a nenlong nā moo satpwoo debish nkaa sim deret, de Naan wur le kē mo pet wun dishik, kaa nen fər mo sē zak. 8 Katdang wu fes wu gam wāar, de nā put a pee Naan de azeen-nzeen, de mo kē ten ran nā ndāen bəat haal Naan nānee: ““A nwal nganang fwaa kaa sak fwaa sē.” “Be wu cīn a mbii deret hakyeng. 9 Dangbe katdang wuu shin dādes ngurum mo, a shi baakyit, be mon nkat wun a debish, mbedi wu tep wāar Naan. 10 Koo dang de guruh gam wāar Naan nā mo jir, dang be wu taa kat ndāen memee mēdong bejee dāk, be wu kē dēe a diipəpal ntom Naan mbūt kor wāar nā mo jir. 11 Ngwar de wu sat nā: ““Taji wu chīn ngaa kas, “kē ‘taji wu tukāa kas.”” Dangbe katdang mee gwar tukāa, be gwar mənā kē tep wāar Naan nā mmənā, koo de baa wu chīn ngaa kas, be nā dēe nā, gwar mənā taa pal ndāen mbii de Naan kē ten sat nnā taji wu cīn kas. 12 Mbəmənā, be nghan kēn sat nwun nā, ndāen mbii mo jir, de

wuu sat, kē de wuu cīn, be taji wu muunshik nā, a Naan wun ntokdyeel mmun shi wāar fər, de nā chīnpee mmun, kē mā dēe de a mukāa fun mo. 13 Katdang mee guruh chii naajeel niyee mo, be Naan wu nchii naajeel ngwar mənī, pardi Naan wu ntokdyeel ngwar mənā zak. Dangbe naajeel kē Naan nā se koorong nkaa diyeel. 14 Dyemnaa mo, katdang mee guruh sat nānee, wudi shinzeen nNaan, dang be, baa wur chīn dāk de Naan sat nnā mā chīn mo kas, be baa shinzeen mənā kē mee kwoop nā kas. Chinarang dangbe shinzeen mənā mām wu ye? 15 Katdang be, mee dyemnaa demish koo de mat, baa mo kē leelop, koo mbiise kas. 16 Dangbe wu sat nwur nā, “A seet ryang, Naan le kē a kat mbiise kē leelep mo zak.” Dangbe baa wu shin leelep, koo mbiise nwur kas, be kwoop mənā a meye? 17 Ni aasā zak, kē shinzeen de baa nā ashak kē dāk kas, be nā a diimumuut. 18 Dangbe mee guruh mmak sat nānee, “Mee gwar kē shinzeen, kē memee kē chīn dāk deret mo,” Wen nlap gwar mənā a nānee, “A kām shinzeen kē mee guruh nghan, de baa nā ashak kē dāk kas de! Be wen nkām shinzeen fen nghan, shi dāk fen mo.” 19 Waa shinzeen nā, Naan de azeen, wu a mēdong, kaadi a sat aasā, be nā ret. Dangbe koo a riin debish mo, be mo shinzeen nā, Naan wu a mēdong, dangbe kəarmuut kē yaa mo, kē moo daar zak. 20 Waa mwen, baa a man nā, katdang guruh shinzeen nNaan, dangbe baa gwar mənā kē chīn dāk deret kas, be shinzeen fər nā dēe a buu mmənā kas aa? 21 A yee puun fun Abraham, gyet a me le dangbe Naan naa Abraham kaa gwar de deret sē ye? A mbe de gyet wu mang lāa fər Aizik, mbəkā wu shin mbiizuum de nNaan, kaadi gyet Naan kē ten sat nnā wu chīn sē. 22 Ni agaak nā, gyet ndāen tong Abraham, be shinzeen, kē chīn mbii deret mo, moo set a ndangshak. Mbii de gyet wu chīn ni, nā gam shinzeen nwur. 23 Ni gam mbii de gyet mo kē ten ran nā ndāen bəat haal Naan sē nānee: ““Abraham wu shinzeen nNaan, mpeemənā be “Abraham wu dēe a gwar de deret nyit “Naan.”” dang gyet guruh moo pet wu a shaar Naan. 24 Yaksi be gha naa agaak nānee, a ndāen dāk deret de guruh kē cīn, dangbe guruh kē mak dēe a deret nyit Naan, baa a shinzeen nNaan bejee dāk kas. 25 Ni aasā zak Rahab, mat ngaa sē, gyet waa lap nyemcoghol mo, kēzak, gyet waa tap bwet mo a mee ar diidik. Baa gyet a

mbe dak deret dese, dangbe waa dee a deret nyit ka Naan kas aa? 26 Ni aasə zak, kat baa riin kudi ndaen gurum kas, be gwar mənə dee a kum na. Aasə, shinzeen ndin nchin dak deret mo, be na a diimumuut zak.

3 Dyemnaa mo, taji gurum mo des mo dee a nenkam mo kas. Wu man nane, dyeel de Naan wu ntok na mmun nenkam mo, ntoon met ma kor gurum mo. 2 Mun jir muu del dikə. Katdang baa mee gwar de wu del dikə ndaen leeshaap kas, be gwar mənə a din deret, wu mak yaashin ndaen mbii mo jir. 3 Wu pan shool baring de muu lep na mbaring mo mpwo. Katdang ma rabet ka mo chin mbii de muu rabet, ma mak dul teng shool baring ni, ma dam ka na mpee de muu rabet ka baring na dam de. 4 Wu naa jirgi am mo, koo de mo des zam, be kut daades mak mang mo dam ka ni, dang be jir kəsə, be ngutung na wur shin ciir ka na a shi rep mee laa sitiari diis nkwang dewur rabet dam de. 5 Ni aasə zak, liis na a rep memee ndaen beep de na ndaen fwoshik fun mo, (na ka bal ndaen seen ka gurum) nii canjagham daades nkaa mbii mo. Wu man na, a rep wus diidiben ka caan lahat daades. 6 Liis fun na a kaa wus sə.

Mbii debish moo tong a de, mbii debish desə na mo, mo mak mwaan dam koo a pee dedangyi ndaen beep fun mo, dangbe na wat gurum. Liis na mak lewus lap, de nan ncaan seen ka gurum hakyeng. Yaa nkaadi gurum de a laa, dangbe parmuut far, har dam nluwus de Naan ka dak na mbe nenshikbish mo. (Geenna gl067) 7 Gurum ka mak yaa koo a luwayil dedang ye, ka na ji dee kaa longlu sə, har koo a nyer mo, ka luwa de moo mwaan shii but mo, ka luwa de mo ndaen am mo. Luwa mo jir, be gurum ka ten le mo dee nder far. 8 Dangbe baa mee gurum ka cham fwang liis kas. Ni a mee mbii debish de pader chii yaa nyil na. Ni gam ka yen de na a ma muut. 9 Muu chin dak ka liis, mbəka mun kwoop Naan de wu a Daa, ka puun fun, kəzak muu waa mu chiir mu satpwo debuu nkaa gurum mo kaa mun sə a shii liis. Gurum de Naan wu le mo kaa shin far sə. 10 Pwoō ma kwoop, ka pwoō ma fəleep, moo pwat a ndaen pwoō demədong. Dyemnaa mo, mbii kaa desə sə, baa na ret kas. 11 Baa am diideet ka diishang mon mmak put a mbut tubut demədong kas. 12 Dyemnaa mo, baa tingkeen ncham laa paat kas, kəzak, baa nan mmak chin ka mo kat am deret ndaen tuun

demədong ashak ka am debish kas. 13 A wii a gwar de wu ka seen, ka wur man mbii mo ndaen wun ye? Be na ret ka wu kam na agaak shi mwaan far deret, ka shi dak far deret mo, de wu cin mo ndaen seen, ka sham ka kaa far zak. 14 Dangbe katdang pətuup fuu mo gam aa zuur diideet, ka ribetkaa, be baa na ret ka wu canjagham, ka wu chin dung nkaa zeen na kas. 15 Kiyee ka seen de nii cin mbii desə mo, be baa na tong a pee Naan sham de kas, dang be na a ma yil44 dəsi. Baa Riin Naan de ndaen na kas, dang be na put a pə nguɔwaan ji de. 16 Koo a pee dedang ye, de zuur, ka rabetkaa mo de, be bwanbish, ka watpee, ka mbii debish mo jir moo tong a mpee mənə. 17 Dangbe gwar de wu ka seen de na tong a pee Naan sham de, denshee ni, be gwar na a din deret, ka nii ji ka tongryang, nii le ka gurum mo chin mbii ndaen dyen deret, baa nii le gurum mo dee a nyemciishik mo kas. Nii le gwar mənə dee a ngutap ka nyee mo, ka shidaar-shidaar be wur naa nchin dak deret mo, nyee mo. Pətuup ka gwar mənə, baa nan cham chiir kas, kəzak, baa wur chin dung ngurum mo kas. 18 Diiret, a na a mbii de nen de moo kop cirem ma tongryang ndaen pətuup ka gurum mo, mon ndiip ni.

4 A me moo ji ka lek, ka jəar nwun ye? Wuu lek ka shak, a mbedi choor debish mo nkaa lek ndaen pətuup fuu mo. 2 Wuu choor mbii mo, dang be baa wuu kat kas, mpeemənə, be wuu tukaa. Wuu chin zuur ka mbii mo, dang be baa wu kat kas, mpeemənə be wuu jəar ka shak. Wuu lek ka shak zak. Baa wu kat mbii desə mo kas, a mbedi baa wu dang mo pee Naan de kas. 3 Mmee naar be wuu dang pee Naan de, dang be baa wu kat kas, a mbedi wuu dang mo a ndaen ar debish. Wuu dang mo a mbəka wu tu de ndaen ar de nkan, de mo a ma shoor ka nan fuu mo. 4 Wun a kaa mat de moo chin ngaa sə. Wu man na, katdang gurum ka rabet dee a shaar ma yil dese, be gwar mənə ka rabet dee a shaarlek Naan. Mbəmənə, koo a weye, de wu rabet dee a shaar ma yil dese, be wu leshin dee a shaarlek Naan mənə. 5 Wu pan na, pwoō de mo ka ten ran na ndaen bəat haal ka Naan, nan ndee a buu aa? De mo ran na: ““Riin de Naan wu le ndaen pətuup fuu mo, “na gam ka zuur hakyeng.” 6 Dangbe deret de Naan wu shin mmun, na bal met choor debish de mo ndaen pətuup fun mo. Ni a kaadi mo ka ten ran ndaen

bəət haal Naan sə nə: ““Naan wu chii nyemroop mo, “dang be wu chìn deret nenyil de mo sham kə káa fur mo.” 7 Mbəmənə, wen kən sat nwun nə, wu sham kə káa fuu mo ntoom Naan. Wu chii ngujwaan, be wun nsu yit wun de. 8 Wu jì kus kə Naan, be Naan wu nji kus kə wun zak. Wu vwang sar fuu mo, wun nenshikbish mo. Wun nen de wun kə pətuup mo vəl-vəl, wu pwat kə mbii debish de mo ndəən pətuup fuu mo, kə wun dee de a dəbang. 9 Ni ret kə wu kat pətuup dəwuwat, kə wu nwal mbe shikbish de wuu ten wu nchìn mo. Wu yit kə shwar fuu mo chiir dee a maap, kə retniyit fuu mo dee a mbii wət pətuup. 10 Wu sham kə káa fuu mo ntoom Naan, be wun ndyeep wun zak. 11 Dyemnaa fen mo, taji wu leeshaap debish duk shak kas, koo a weye dəwur leeshaap debish nkaa dyemnən fər, koo tokdyeel nwur, be gwar mənii katpwoo debish a nkaa wàar nə. Kə wur dee a ngutokdyeel nkaa nwàar nə zak. Dangbe katdang mee gurun tokdyeel wàar ni, be baa gwar mənə cìn mbii de wàar nə sat kas, dang be wu leshin a ngutokdyeel mmənə. 12 A Naan bishin, dəwur shin wàar ngurum, kə a wur bishin, dəwur ntokdyeel ngurum mo jir. A wur a dəwur kə bal mbe bam gurun mo, kə wur kə bál mbe le kə gurun mo muut zak. Waa a weye de aa tokdyeel dyemnən fwaə ye? 13 Wu kələng pwoo fen, wun nenyil de wuu sat nə, “Bit bang, koo bitsi, be mun nyool mbit-mbit kə mə dām ndəən bərnə desí, kə mə hos bit de, kə mə cìn nwor, kə mə kat shool de.” 14 Dangbe wun shikáa fuu, baa wu man mbii de nən ncìn dadaar kas. Seen fuu nə a kaa me sə ye? Seen fuu nə mo a kaa vuun sə, de nə jì put, amma ndəən rep pee lee, be nə del dām loom. 15 Amma nə ret kə wu sat a nənee, katdang Naan rəbet kə, katdang be mun de kə seen, be mun ncìn mbii dese, koo desí. 16 Har yaksi, wuu sat a diyeepkáa dak, kə wuu sat a canjagham dak. Kiyeet kə canjagham dese, baa nə ret kas koo dəben. 17 Koo a weye de wu man mbii də nə ret kə wu cìn, dang baa wur cìn kas, be gwe mənə cìn a shikbish mmənə.

5 Wu kələng nghan yaksi, wun nenlong mo. Ni ret kə wu nwal kə maap mbe jeel de mo mbə jì nkaa wun. 2 Long fuu nə mon ndee a diiwam, kə ndukup mon nse nlər fuu deret nə mo. 3 Azurfa, kə zinariya kə shool fuu nə mon nnaatnjileng. Naatnjileng kə shool fuu dəsi nə

mo, mmo dee a mbəkám nənee, kaadə shool fuu dəsi nə mon nnaatnjileng sə, be nan fuu mon ncaan a kaadə wus kə caan mbii mo sə zak. Wu sok long fuu mo yaksi, ntiit kə də yil nə kus kə kyes. 4 Wu cìn dūng nenyil de moo cìn dak ndəən maar fuu mo, wu chii kwat mo nchiit-nchiit kə dak de mo cìn nwun. Mbəmənə, be moo nwal pee Daa Naan de, mbəkə wur bam mo de. Yaksi, wal fur nə kə wul nkom Naan de a wur kə mbii mo jir nsar fin. 5 Wu ten wu tong ndəən long mə yil dəsi, kə wuu ten wu cìn mbii de wu naa nə ret nwun nyit. Wu dak suk, kə wu mwaal kaa randong de moo gong parpuus de mon nfet mo sə. 6 Wu tokdyeel debish nkaa nen de baa mo cìn mee mbii debish kas. Wu twe nen de baa di mmo mak bam sut kas. 7 Mbəmənə, dyemnaa mo, an kən sat nwun nənee, wu gung har pardí Daa Jesu Kristi wu mbaaji ndəən yil dəsi. Wu yee nenmaar mo, wu naa kaadə moo gung de sə, moo gongpee, kə moo tap kə maar fur mo, har pardí fwan jì wul, kə pardə dəp dəben nə jì wul zak. 8 Ni ret kə wun, wu gung kaa nenmaar mo sə. Wu dak pətuup fuu mo, kə wu dar balbal, mbedə puus də Jesu Kristi wu mbaaji nə wul kus. 9 Dyemnaa mo, taji wu leeshaap ndoom-ndoom nkaa shak kas, mbəkə taji mo tokdyeel nwun kas. Wu naa, ngutokdyeel nə wur dar kus. 10 Dyemnaa mo, wu yee nensatpwo Naan de gyet yam sə mo. Gyet mo satpwoo ndəən sim Naan, mo shwaajeel, amma jir kəsə, be gyet mo gung ndəən shwaajeel nə. Ni ret kə wun, wu gung ndəən jeel nə kaadə gyet mo gung sə. 11 Muu sat nə, mo a nenyil də mo kat retniyit, mbedə gyet mo gung har peekyes nə. Wu man pwoo nkaa gung kə Joob, kaadi gyet kam nə jì taa nkaa wu sə. Wu man zak nənee, gyet Naan le kə shwaajeel kə Joob nə waa jì kə deret nwur. Azeen - nzeen Naan wur kə pətuup deret mbe mun jir, kə wur naajeel nenyil fin mo zak. 12 Dangbe mee mbii də nə met koor nə mo jir, dyemnaa mo. Taji wu tweer shi dengnaan, koo shi yil dəsi kas. Taji wu cìn tweerpwo, koo shi sim mee mbii kas. Dangbe wu yit kə ii, fuu mo dee a ii, kə waash, fuu mo dee a waash, bejee dak, mbəkə taji mo tokdyeel debish nwun kas. 13 Katdang memee ndəən wun nkaa shwaajeel, be nə ret kə wu cìn aduwa nNaan. Katdang memee ndəən wun kat retniyit, be wu yit kə wu kwoop Naan. 14 Katdang memee ndəən wun, de baa wur nkoom kas, be wu yit kə wur pet

nennan mə (Ekəlisya) nen mwaan ndang Naan mo, mbəkə mo cìn aduwa dìn nNaan mbe wur. Katdang mo doom cìn aduwa ni, be mo pwes mwoor nkaa wur ndəən səm kə Daa. **15** Aduwa də gurum moo cìn nə a shi zeen azeen-nzeen, be nən nle kə nguchiinkom nə wu bar. Naan wu nle kə nguchiinkom nə kat koom hakyeng; kə katdang nguchiinkom nə wur kə cìn shikbish, be Naan wur nfwo shikbish nə mo nwur zak. **16** Mbəmənə, nghan kən sat nwun nə, wu woo shikbish fuu mo nshak, kə wu cìn aduwa mbe shak zak. Mbəkə wu kat koom də ndəən shwal fuu mo. **17** Gyet, Ilaija wu a gurum kaa mun sə, be wur cìn aduwa azeen-nzeen, mbəkə taji fwan jì kas. Be aduwa də gyet wu cìn ni, be mbe bit kən an kə kaghar, be baa fwan jì kas. **18** Mbwoon mənì, be wu waa cìn aduwa zak, mbəkə fwan jì də, be Naan le kə fwan nə jì, nyil nə lok, har mbii mo yaa kaa. **19** Dyemnaa mo, katdang memee ndəən wun taa mer ndəən ar də nə a mə zeen ni, be nə ret kə memee fuu mo fwang wu waaji kə wur də, ndəən ar də nə a mə zeen nə. **20** Nə ret kə wu man nə, koo a weye, də wur waaji kə mee ngushikbish ndəən ar ni, be gwar mənə bam seen kə ngushikbish nə ndəən muut, kəzak, be gwar mənə le kə Naan wur nfwo shikbish də mo des ngwar ni.

1 Pita

1 Wen Pita, laalep nDaa Jesu Kristi, kən ran pwoo desə nə, shidəm pee wun nen de Naan wur kə ten bilip wun, de wun a məzep ndəən nyil desə, kəzak, wun a tətiiit ndəən nyil mPontus, kə Galati kə Kapadosiya, kə Eshiya kə Bifiniya. **2** Naan puun wur kə ten bilip wun, mbəkə nwun dee a nen wur mo nciit-nciit kə pan wur. Riin wur Debang, nə le kə nwun dee a nen debang mo, kə wu kələng doo nDaa Jesu Kristi, mbəkə toom wur vwang wun dee a debang. Yit naajeel nNaan kə zuum wur mo wurang ndəən wun. **3** Mu kwoop Naan puun kə Daa fun Jesu Kristi, mbəde a mbee yit naajeel wur, dāngbe wur shin seen depoo mmun ndəən Lāa wur, kaadi wur yol kə Jesu a peemúut sə. Mu leyit nkaa seen depoo desə nə. **4** Kəzak, mu sekop de baa nə ncam wam, koo dee a debish kas. Naan wur kə tap dak mənə le mbee mun ndəən dengnaan. **5** Wun de Naan wur tap wun shiḡal wur, mbəde wu shinzeen, parkyes nyil desə, be wun nkat seen de Naan wur nwoo nə agaak parpuus mənə. **6** Mpeemənə wu cìn retniyit des, mbee mbii de Naan wur tap dak mo le mbee wun ndəən dengnaan, koo de nyaksə be wun kə pətuup dewat mbee jeel de wuu shwaa mo. Wen man nānee, “jeel de wuu shwaa mo nyaksə, a mbee reppee lee bejee. **7** Mbii de nə le dāng wuu naajeel desə mo, a mbəkə gurum mo naa di nə shinzeen fuu nə azeen-nzeen. Koo a zinariya, mbii de nə a mə nyil desə, be gurum moo cam ret nə a shi wus. Nə aasə nciit-nciit kə shinzeen fun de nə met nzinariya. Duk nkaa cam shinzeen fuu nyaksə, mbəkə parpuus de Daa Jesu Kristi wur mbaaji, be gurum mo kwoop Naan, kə mo cìn dedes wur mbee wun. **8** Koo de baa wu naa Jesu Kristi wur kə yit kas, dāngbe wu wal wur, kə wu shinzeen zak. Nə aasə, be wun kə retniyit hakyeng, de baa mee gurum mak sat nə kas. **9** Katdang wu sat a ncínzeen ndəən Jesu Kristi dak, be wun a nkaa kat seen de ngħa- ngħa. **10** Gyet be nensatpwoo Naan mo satpwoo nkaa ḡam desə de Naan wur cìn mmun, dewur kə ten dak nə mbee mun. Nensatpwoo Naan nə mo tap bilip shi dyen, mbəkə mo man ar de Naan wur yool ḡam gurum mo di. **11** Gyet Riin nDaa Jesu Kristi ndəən pətuup fur mo, gyet nə sat mmo jir nkaa jeel de Jesu wur yool shwaa, akudāng wur dēl ndəən dedes wur. Gyet moo

leyit mbee parpuus de mbii desə mon ngam di. **12** Naan wur kām mmo nānee, “baa mon mmak naa gam nə ndəən teer fur mo kas, dāngbe a wun naa gam nə. NYaksə nen de mo satpwoo diiret nə nwun, mo kə ten sat mbii mo nwun jir, kaadi Riin nNaan dewur tong adeng sham, wur shīn ḡal mmo sə. Nen lep Naan mo shikāa fur, mo rābet naa mbii desə nə mo. **13** Mpeemənə wu dak pan fuu mo, mbəkə nwun dār di ḡalḡal mbee cìn dak nNaan. Wu tap kə kāa fuu mo rāret, kə nwun leyit di a nkaa deret de Naan wur ncin nwun parpuus de Daa Jesu wur baaji zak. **14** Wu sat a nkəlāng doo nNaan, kə nwun cìn mbii dewur sat mo. Kaji wu waa wu baa shiḡwoon mbee cìn mbii debish, de gyet moo shwat nwun akudāng wuu man pwoo Naan kas. **15** Nə ret kə nwun man nānee, “Naan dewur pārep wun kə nwun dee a nen wur mo, wur a Naan debang. Nə a tēng, be wu yit kə mwaan fuu mo dee a debang ndəən mbii mo jir. **16** Nə a nciit-nciit kə mbii de mo kə ran ndəən ḡəət haal Naan sə nānee, ““Wu yit kə mwaan fuu mo dee a debang kaadi an a debang sə.” **17** Wuu pet Naan a puun fuu, mbāmənə be nə ret kə nwun kəlāng wur, kə nwun shin dedes wur, kə wu kə mwaan ndəən dyen deret ndəən mbii de wuu cìn mo jir. Kaadi wuu tong di ndəən yil desə, mbəde Naan wur ntokdyeel nkōo we a nciit-nciit kə mbii de gurum cìn. **18** Wu man nānee, “Daa Jesu wur seet wun, a mbəkə wur put di kə wun ndəən wār debuu mə gurum de gyet puun fuu moo cìn. Baa Daa Jesu wur seet wun a shi zinariya, koo azurfa de moo wat sə kas, **19** dāngbe wurang wun a shi toom wur de nə kirim zam. Jesu wur dee a kaa tēm de mo bilip nə, mbəkə mo cān nə kaa mbiizuum de shang sə, wur di baa wur kə mee shikbish, koo mee rap kas koo dāben. **20** Naan wur kə ten sat mbii desə aasə, akudāng wur leyil desə, nānee, “Jesu wur mḡam gurum mo a ndəən ar desə. NYaksə, kaadi yil nə kus kə kyes, be Naan kām Jesu mmun agaak mbee wun. **21** nDəən Jesu, be wu shinzeen nNaan dewur yol kə wur a peemúut, kə wur cìn dedes wur zak. A mbāmənə, be wu shinzeen nNaan, kə wu leyit fuu mo a nkaa wur. **22** Wuu ten wu le pətuup fuu mo dee a debang, mbəde wuu cìn mbii de azeen, de pwoo Naan nə sat nānee wu cìn mo, azeen-nzeen, wuu wal nendəm ndāng Kristi mo. Mpeemənə ngħan nkaa sat nwun nānee, “wu walnshak shi pətuup fuu mo, kə ḡal fuu mo jir. **23** Kaji wu mundər

nānee, “moo baa lāa wun dī apoo a buu kas, dāngbē mbee bāl dī nā ndāen pwoo wur dē nā jī kē seen. Baa mee mbii mak wat pwoo wur nā kas, nā tong dī mbe nghan-gha. Baa a nen demāmurep mo lāa wun nyaksā kas, dāngbē a Naan dē baa wur muut kas, a wur shin seen desā nā nwun. (aiōn g165) 24 Gyet nyam bē mo ran ndāen bəat haal nNaan nānee: “Gurum mo jir mo a kaa shit dē “nā fii sē, men fur nā a kaa “pel dē nā ciir fii kəlak-kəlak sē, “mbee reppee lee, bē shit kē pel moo fii.” 25 Dāng pwoo Naan nā dī mbe nghan-gha. Pwoo desā nā a pwoo dēret dē muu sat nā nwun. (aiōn g165)

2 Kaadi Naan wur kē ten shin seen dēpoo desā nwun, bē nā ret kē nwun pwat kē mbii debish mo ndāen seen fuu mo jir. Kaji wu baa wu cīn dūng kas. Kaji wu dēe a nen dē moo satpwoo, dāngbē mo waa ciir cīn mee mbii dedik kas. Kaji wu leyit nkaa mbii kē mee gurum kas. Kaji wu sat mee pwoo debuu nkaa gurum mo kas. 2 Dāng nā ret kē mwaan fuu nā dēe a kaa mājep dē mo lāa mo apoo, dē moo tang a wur pee nāen fur mo shidaar-shidaar sē. Nā ret kē neen am tu wun mbee wur dī nā azeen-nzeen. kē mənā, a pwoo Naan dē nā shin bāl nwun shidaar-shidaar, mbe parpuus dē Naan wur mām wun.) 3 Nā ret kē nwun sat a tang pwoo Naan shidaar-shidaar, mbādē wun shikāa fuu wu man nānee, “Daa fun Jesu Kristi wur wal mmun zam. 4 Mpeemənā, wu jī kus kē Daa Jesu Kristi, dēwur shin seen ngurum mo. A wur a jwak dē nā kē seen dē nghan-gha, dē gurum mo cii nā kaa mbii dē baa nā kəkoop nā kas sē. Dāngnaan bilip wur, mbādē pā Naan dī, bē wur kəkoop nā hakyeng. 5 Wun shikāa fuu wun kē seen, mbāmənā nā ret kē nwun dēe a kaa jwak dē Naan wur dyiklu dishik sē, mbādē Riin wur dēbang wur ndāen wun. Wun a nen dē Naan wur kē ten bilip wun, mbəkā nwun dēe dī a pris wur mo, mbəkā nwun cīn dāk wur dī shi pətuup məndong ndāen ar dē nā shang wur, mbee sām kē Jesu Kristi. 6 Gyet mo kē ten ran ndāen bəat haal Naan, dē Naan sat nānee: “Wu naa ghan nkaa le mee nhik ndāen Zayon, “mbəkā lu fen dār dī hakyeng. “Koo a wii dē shinzeen wur, bē baa ngwe mənā nkələng yitlwaan kas.” 7 Wun nen dē wuu shinzeen ndāen wur, bē wur kəkoop nā pee wun dī hakyeng. Dāng nen dē baa mo shinzeen wur kas, bē nānee: “Ngək dē gyet nen dyiklu mo cii, “a nā yol dēe a nghan-

dē lu nā dār nkaa nā.” 8 Mo waa baa ran ndāen bəat haal Naan nānee, “Desā nā a nghan dē nā le gurum “mo canshii kē mo pal.” Mbii dē nā le dāng gurum mo canshii kē mo pal, nā a mbādē mo cii cīn mbii dē pwoo Naan sat nā mo cīn. Naan wur kē ten sat yam-yam nā nā ndēn aasē. 9 Dāng pee wun, bē wun a dāng dī Naan wur kē ten bilip. Kē wu dēe a pris dē moo cīn dāk mishkoom dedes. Wun a dāng dī Naan wur tap bilip wun le nshin. Wun a nen dē Naan wur kē ten cak wun mbee sām wur. Naan wur bilip wun, a mbəkā wu sat dī agaak mbii dedes dēret, dēwur kē ten cīn mo nwun, kaadi wur put kē wun ndāen pekwoo, kē wur jī kē wun mbəkā nwun mwaan dī ndāen peebang wur, desā nā aapwoo ngurum mo zam. 10 Gyet nyam bē baa wun a nen Naan mo kas, dāngbē nyaksā, wun a nen wur mo. Gyet nyam bē baa wu man yit naajeel nNaan kas, dāngbē nyaksā wu man yit naajeel wur. Nā ret kē nen Naan mo shin dedes mishkoom mo, kē nen dē moo cīn sē mishkoom nkaa mo jir. 11 Wun dē wen wal nwun mo, taji wu mūdār nā wun a mājep mo, dē baa wuu tong a vit ndāen nyil desā kas, mbāmənā bē ghan kēn dāng pā wun, taji wu lesuk fuu mo ndāen shikkish, dē pətuup fuu moo rəbet cīn nā kas. Mbādē kyeet kē mbii mənā moo rəbet wat seen fuu mo. 12 Wu sat a mwaan-mwaan dē nā ret nyit nnen dē baa mo a nen Naan mo kas, mbəkā koo dē gurum moo satpwoo debuu nkaa wun, bē mo naa mbii dēret dē wuu cīn mo, mbəkā mo ciir, kē mo kwoop Naan dē parpuus dēwur nji naa mun. 13 Mbē sām kē Daa fun Jesu Kristi, bē wu sham kē kāa fuu mo ndār kē nen dē Naan shin iiko mmo ndāen nyil desā. Wu shin dedes mishkoom dēwur naa gurum mo jir. 14 Kē nwun kələng gofna mo, dē mo kē ten bilip mo, mbəkā mo kar nen dē moo cīn mbii debish mo dī. 15 Nā nret nNaan nyit, kat dāng mwaan fun mon ndāre, mbādē katdāng mwaan fuu mo a ndāre, bē wun nle kē nyemdemwen dē baa mo man mee mbii kas, nen dē moo satpwoo debuu nkaa wun, mon ndək tətək. 16 Wun a nen dē baa wun a shishoot kas, dāngbē koo dī baa wun a shishoot kas, bē taji wu sat nānee, “katpee fuu nā shínpee nwun mbee cīn shikkish kas. Dāng nā ret kē nwun mwaan-mwaan dēret mē kərem nNaan mo. 17 Wu shin dedes ngurum mo jir. Wu wal ndyemnāen fuu dē mo a nendəm ndāng Kristi mo jir, kē nwun sat a nkəer Naan. Wu shin dedes mishkoom dēwur mbee fuu. 18

Wun de wun a korem mo, wu sham ka kaa fuu mo ndar nenlu fuu mo, kazak, wu shin dedes mmo ndaen mbii mo jir. Na a tang ka nwun shin dedes mmo, koo di moo biyaal, koo de baa moo naa wun nyit kas, be na ret ka nwun kolang mmo. 19 Ngwe dewur gung ndaen shwaajeel, be ngwe mana man nane, “gung ndaen jeel na ret nNaan nyit. Koo de gwar na shwa jeel na, katdang baa a mbee mee mbii debish dewur cin kas. Na ret ka a ngwe mana kat polang pee gurum mo di. 20 Dang gwar dewur gung ndaen shwaajeel a mbee mbii debish dewur cin, be cirang dang wu naa mana a kaa mee mbii deret polang wur sa ne? Gwar mana lap a kwat mbii dewur ka ten cin. Dang gwar de mo shin jeel wur a mbee mbii deret dewur cin, dangbe wur gung ndaen jeel sa, na ret ka a gwar mana kat polang pee Naan di. 21 Naan dewur parep wun, ka nwun dee a nen wur mo, a wur le, mbaka nwun shwaajeel desa mo, koo de wuu cin mbii mo ndare-ndare, mbade Daa Jesu Kristi shikaa wur wur shwaajeel mbee wun. Na ret ka nwun mwaan a ndaen shiimwaan wur. 22 Baa gyet Jesu wur cin mee shikbish kas koo daben. Baa wur nak mee gurum kas. 23 Koo de gyet gurum mo falap wur, be baa wur lap mmo shi falap zak kas. Koo de gyet wur shwaajeel nsar gurum mo, be baa wur sat na wudin nkwaat mo shi jeel zak kas. Dang gyet wur lekaa wur a ndaen sar nNaan dewur ntokdyeel ngurum mo ndare-ndare. 24 Jesu shikaa wur, wur mang shikbish fun mo le nkaa shin, kaadi gyet mo pwas wur nkaa shiyeepyoom, mbaka mun dee di a nen de baa mu kudi muu mwaan ndaen shikbish kas, dangbe muu mwaan a ndaen ar seen, mbaka mu cin mbii deret di. Mbala laa de Jesu wur kat, be mu dee a debabar. 25 Gyet nyam be wuu dee a delaloom kaa tam de mo dam loom sa, dangbe nyaksa wuu baa wu ji. Wu mwaan a ndang ngukiyeer fuu, wur dewur tap wun zak.

3 Wun mat mo, na ret ka nwun sham ka kaa fuu mo ndar mish fuu mo, mbaka katdang mee mish de baa wur shinzeen pwoo Naan kas, meebe wur ntuwap, ka wur shinzeen di mpwoo Naan, mbade mwaan ka mat na a deret, koo de baa mat na war satpwoo Naan mmish na shi pwoo kas. 2 Mbade mish fuu moo leyit, ka mo naa mwaan fuu mo di, kyet mwaan fuu na mo a deret aa, koo a debish ghe. Kazak, moo naa kyet wuu cin mbii de Naan wur sat na wu cin aa, koo

wuu cin kas ghe? 3 Taji wu dee pan a nkaa ar de wun nlep lee mo nkaa suk fuu mo shidaar-shidaar kas, shii mana, wu dee mpan jwat, kaa tepkaa, ka lep mbiikom, ka lep mbiitook ma makluwa mo sa. Kazak, lep lee dekarem mo nkaa suk fuu mo. 4 Dang wu yit ka ret fuu, na put a ndaen patuup fuu mo shidaar-shidaar. Wu gung mbii mo, ka nwun sham ka kaa fuu mo zak. Mbade ngyeel ka ret mana, nii koop na zam pa Naan di, kaa mbii deret sa. 5 Wu cin pan nkaa mat diiyam-yam mo, de gyet moo leyit fur a nkaa Naan. Gyet shiimwaan mmo, na le ka mmo dee a mat deret mo, mbade mo sham ka kaa fur mo ndar mish fur mo. 6 Seera, war dee a mee mbiikam. Gyet war ka mwaan ndaen ar mwaan deret, war pet Abraham a Daa fida. Katdang wun wu mwaan ndaen shiimwaan war, be wun a jep war mo azeen. Wu gung. Taji wu rabet ka mmee mbii lekarmuut nwun kas. 7 Wun mish mo, na ret ka nwun tong ka mat fuu mo ndaen ar de na ret, mbade wu man nane, “baa mat mo ka bal a kaa mish mo sa kas. Mbamane wu shin dedes mmo, mbade wun ka mo, wun ashak. Wun nkaa tap seen de Naan wur shin nwun nzuu. Katdang wu cin mbii mo a ndaen ar deret desa, be baa mee mbii mmak le ka dangnaan fuu mo dee a buu kas. 8 Pwoo fen de mu kyes na ndesa, na ret ka pwoo fuu mo dee a demandong, kazak, wu naajeel nshak, wu walnshak, nendama ndang Jesu mo, mbade wu a dyemnaenshak mo ndaen Kristi. Wu fwangshak, ka nwun sham ka kaa fuu mo. 9 Katdang mee gurum cin mbii debish nwun, be taji wu kwat mana shi mbii debish zak kas. Katdang mee ngwe satpwoo debish nkaa wun, be taji wu falap gwar mana kas, dangbe na ret ka nwun le deret nkaa nen mana mo, mbade mbii de na le dangbe Naan wur parep wun, ka nwun dee a nen wur mo, a mbaka wur le deret di nkaa wun. 10 Duk ka ran ndaen bat haal Naan nane: “Katdang mee ngwe ka rabet tong shang shang ndaen seen deret, “be taji gwar mana kudi ka sat mee pwoo debish kas. “Taji gwar mana cin dung kas. 11 Na a tang, be gwar mana yit cin mbii debish mo jir. “Dang na ret ka gwar mana cin a mbii deret mo bejee dak. “Na ret ka nwur sat a ntang tongryang ka nwur kat na zak, “mbaka wur kat tongryang de pa Naan. 12 Naan wur tap nen de moo cin mbii deret mo, shidaar-shidaar, “ka Naan wur kolang dangnaan mmo. “Dang nen de moo cin mbii debish mo,

be Naan wur cii mo.” **13** Katdang wun nkaa gung, mbee cìn mbii deret mo, be a wii mmak tung wun kà mbii debish ghe? **14** Dang katdang wuu shwaajeel a mbæde wuu cìn mbii deret, be Naan wur nle deret nkaa wun, mbāmənə be, taji wu kær nen de moo ræbet cìn mbii debish nwun kas. Taji wu an suk kas. **15** Dang nə ret kə nwun leyit a nkaa Kristi bejee. Wu yit kə wur dee a mishkoom ndæn pətuup fuu mo, kə ndæn mbii de wuu cìn mo jir. Wu tong shi dak suk, koo a pərang ghe, mbəkə nwun man mbii de wun nsat di. **16** Wu sham kə kaa fuu mo ndər nnen de moo cìn tal desə mo pee wun di, kəzak, wu cìn mbii de wu naa nə ret ndæn pətuup fuu mo shidaar-shidaar. Mbe kə katdang gurum mo sat mee pwoo debish nkaa mase fuu deret mə nendəm ndang Jesu Kristi, be yitlwaan ya mo di. **17** Nə ret met mbəkə gurum shwaajeel mbee cìn mbii diiret, katdang nə a shi ræbet kə Naan, nə ret met ndi gurum nshwaajeel a mbee debish dewur kə cìn. **18** Daa Jesu Kristi wur shwaajeel a mbee shikbish fun mo yit məndong, be wur kyes dak mə vwang shikbish fun mo. Yit məndong be ngwe de ndære wur muut mbee mun nenshikbish mo, mbəkə wur jì kə mun di kus kə Naan. Gyet gurum mo tu wur ndæn nan, dangbe Naan le kə wur yol a peemúut kə seen. **19** Kaadi Jesu wur kudi ndæn iiko mə riin wur, be wur dəm satpwoo Naan nriin de mo a shishoot, de mo a peemúut mo. **20** Riin desə mo a riin de gyet mo cii kəlung pwoo Naan, kaadi gyet Nowa nkaa dak tii am dedes. Jir kəsə be gyet Naan wur sat a ngung kə mo dak. Gyet mənə, be gurum mo a kong bejee dak, de mo ndæn tii nə, be baa am tu mo kas. Gyet gurum nə mo a pwookun bejee. **21** Am de gyet mo del ndæn nə, nə dee a koppee baptisma. Duk bam wun mbut shikbish fuu mo, a mbee baptisma, mbæde gyet Daa Jesu Kristi wur yol a peemúut. Suup de gyet mo suup wun, kaadi gyet mo cìn baptisma nwun sə, baa nə a mbəkə wur vwang pətuup fuu mo dee di a dəbang bejee kas. A mbee yol kə Daa Jesu Kristi a peemúut, dang wu kat bam ndæn shikbish fuu mo. **22** Daa Jesu wur kə ten kaa ndæn dengnaan. NYaksə be wur tong a nsarse nNaan. Wur a mishkoom nkaa nenlep nNaan mo, kə mbii mo jir de moo iiko.

4 Kaadi gyet Jesu wur shwaajeel ndæn nan, nə aasə be nə ret kə nwun wu dak suk mbəkə nwun shwaajeel di ndæn nan kaadi gyet wur

shwaa sə zak. Mbædə koo ngwe dedang nə, dewur shwaajeel ndæn nan desə, be wur yit shikbish. **2** Yool nyaksi, taji wu yit kə coor mə pətuup fuu mo se korong nkaa wun kas, dangbe nə ret kə nwun cìn a mbii de Naan kə ræbet kə nwun cìn shidaar-shidaar. **3** Wu ten wu watpee des nkaa cìn mbii debish, kaa nen de baa mo man Naan kas, moo cìn sə. Taji wu cìn mbii mənə mo kas. Gyet nyam be wuu mwaan a ndæn coor mə nan fuu mo, baa gyet tong fuu nə mo ret kas. Gyet coor mə nan nə mo se korong nkaa wun. Gyet wuu sat a nshwaamwes, kə nə yuur wun di dak, shidaar-shidaar be wuu kuur ashak mbee shwaayuur, dedang gyet wuu seyil nkum mo, jir mbii desə mo, be Naan wur cii mo hakyeng. **4** Dang nyaksə, baa wu kudi wuu cìn mbii debish sə mo ashak kə mo kas. Nə aapwoo ngurum mo, mbæde baa wu kudi wuu cìn mbii desə mo ashak kə mo kas, mbāmənə be moo kas wun. **5** Dang parmeeci, be nen desə mon ndar ntoom Naan, kə wur tokdyeel di mmo, mbee mbii de mo cìn mo ndæn nyil desə. Baa pee nə kudi jong-jong kas, aku Naan tokdyeel de mmo, nen de mo kudi kə seen ndæn nyil desə, kə nen de mo kə ten murep mo. **6** A nə le dang mo satpwoo Naan nə nen deməmurep mo, a mbee kə riin mmo kat seen di, kaadi Daa Naan wur kə seen sə. **7** Pardi yil desə nə nkyes, baa nə kə jì wul kas, mbāmənə wu tap kə kaa fuu mo, kə nwun dar di balbal, mbəkə nwun mak cìn dangnaan di. **8** Mbii de nə koop nə met jir nə a nənee, “wu sat a walnshak shi pətuup məndong shidaar-shidaar. Mbæde katdang wuu wal ngurum mo, be baa wun nsat a pan shikbish de mo cìn mo nkaa wun kas. **9** Wu wang polu fuu mo nshak. Wu cìn mbii ngurum a shi pətuup məndong. **10** Naan wur nle deret nkaa wun ndæn ar mo shini-shinə. Wur shinbal ngurum mo mbee cìn dak mo shini-shinə. Mpeemənə, be nə ret kə koo we, be wur cìn dak nə ndæn ar deret. Nə ret kə wur cìn dak kə bal de Naan kə le nə nsar fuu, mbəkə nwun bam gurum mo di. **11** Katdang Naan wur cìn a iiko mee gurum de mə sat mee pwoo ngurum, be wu yit kə gwar mənə sat a pwoo de nə put pee Naan di. Katdang Naan wur shin mmee gurum, a iiko de mə cìn dak mbee niyee mo, be wu yit kə wur shin dedes nNaan mbee mbii mo jir, ndæn Jesu Kristi. A wur a ngwe dewur kə dedes kə iiko mbe ngha-gha. Amin. (aion g165) **12** Wun di kən wal nwun,

taji nā dēe nwun a mbii aapwoo kas, mbāde wu dēl ndāen jeel denaat mo dēs. Mbii desā mo kat wun, a mbākā mo cam shinzeen fuu di ndāen Naan. Mpeemānā taji wu pan nā jeel de mo jī nkaa wun nā, mo a mee mbii dīdik kas. **13** Wun a nkaa bākaa ndāen jeel de gyet Daa Jesu Kristi wur kē shwaa, mbākā parpuus de gurum mon nnaa dedes wur agaak, bē wun ngam kē retnyit. **14** Katdang gurum mo sat mee pwoo debuu nkaa wun, mbāde wun a nen mā Kristi mo, bē wu cīn retnyit, mbāde Riin nNaan dewur a dedes hakyeng wur ashak kē wun. **15** Dang katdang mee gurum shwaajeel a mbāde wur cīn mbii debish, kaa tukāa sē, koo cīn wat, koo ngule pwoo ndāen mbii de baa wur dāen nā kas, baa kyeet kē shwaajeel mēnā kē mee mbii deret dāen nā, de gurum mon nkwoop nā kas. Wu tap kē kāa fuu mo. Taji mee ngwe cīn mbii debish, de nā nle kē wur lap nkyeet kē kwat mēnā kas. **16** Dang kat mee ngwe shwaajeel, a mbāde wur a ngutaa ndang Kristi, bē taji wur kat yitlwaan kas, dangbē nā ret kē wur kwoop Naan, mbāde gurum moo nāa wur a ngwe mā Kristi. **17** Katdang pee nā wul de Naan wur ntokdyeel ngurum mo, bē wur nshee a nkaa nen wur mo. Katdang Naan wur nshee tokdyeel nā a nkaa nen wur mo, bē a me ncīn kē nen de mo ciipwoo Naan ne? **18** Nā a rēran ndāen bāt haal nNaan nānee: “Katdang nā nluk, mbākā nenderet mo kat bām, “bē a me nkat nen shikbish de baa mo man Naan kas se?” **19** Mbāmānā nen de mo shwaajeel, de nā a shi rābet nNaan, bē nā ret kē mo sat a ncīn mbii deret mo. Kōzak, nā ret kē mo lekāa fur ndāen sar nNaan dewur le mo, kē dewur gam mbii mo jir. Mbii dewur sat nā, wudin ncīn mmo.

5 Wen kē mee mbii mbee sat nwun, wun de wun a nennan mo ndāen Ekilisa. Wen shikāa fen, an a ngunan kaa wun sē. Gyet nyam, bē an kēn nāa shi yit fen kyeet kēn shwaajeel de gyet Daa Jesu wur shwaa, dangbē nyaksē, ghan kēn bākaa kē wun, mbākā mo nāa dedes Jesu di nā ndāen mun, de Naan wur woo nā mmun agaak. A mbāmānā, bē wen kēn dang pā wun nānee, **2** wu nāa nen Naan mo. Nen dewur le mo nsar fuu, mbākā nwun tap mo dī. Wu tap mo kaadi ngukiyeer tām wur tap tām wur mo sē, mbākā taji mee mbii tung mo kas. Taji wu cīn dāk nā a kaadi mee gurum sat nā, tēng wu cīn sē kas. Dang wu cīn dāk shi pātuup mēndong, kaadi

gurum kē fes cīn kāa wur mbee cīn dāk sē. Wu lekāa fuu mo nkaa cīn dāk desā nā. Kaji wu dēe nleyit a nkaa shool de gurum mon nkwat wun kas, mbāde nā a mbii naashweep kē gurum dēe, ntang shool ndāen dāk kaa desā sē. **3** Taji wu dēe nkām bāl fuu nkaa nen de Naan wur le mo nsar fuu kas, mbākā nwun tap mo dī. Dang nā ret kē shiimwaan fuu mo dēe a mbii de nā ret kām ngurum mo. **4** Katdang mwaan fuu nā mo a deret, bē parpuus de Daa Jesu Kristi, dewur a kāa nenkyeer tām nā mo, wur nji put agaak, mbākā gurum mo nāa wur dī jir, bē wur ncīn mee mbiizuum de shang de nii koop nā hakyeng nwun nen de wu dār bābāl. Mbiizuum desā nā a de ngha-nghan de baa nā ncam wat kas. **5** Wun jepzēlang mo, wu sham kē kāa fuu mo ndār nennan mo. Wun jir, wu shin dedes nshak, kē nwun tong shi dāk suk mbee cīn dāk nshak. Mbāde nā a rēran ndāen bāt haal nNaan nānee: “Naan wur cii nenroop mo, “dangbē wur le deret nkaa nen de mo sham kē kāa fur mo.” **6** Nā aasē bē wen kēn sat nwun nānee, “wu sham kē kāa fuu mo ntoom nNaan dewur kē bāl, mbākā wur dīyeep wun dī, katdang wur naapee nā wul wur nyit. **7** Mbii de moo daampee nwun jir, bē wu le mo ndāen sar nNaan, mbāde a wur tap wun jir. **8** Taji wu dēe ntan kas, dangbē wu tong shi gongpee, mbāde shaarlek fuu Ngujwaan wur kē mwaan mass-mass kaa mbwoor de nā wal kaadi nā nkaa tang ngwe de nā nse. **9** Wu dār bābāl. Taji wu shin pee nwur kas. Wu sekyeen kē cīn dāk nNaan bējee dāk. Taji kēarmuut ya wun kas. Wu man nānee, “dyemnāen fuu nen Jesu mo koo a nā ndāen nyil desā, bē mon nkaa shwaajeel kaadi wuu shwaajeel nyaksē sē. **10** Katdang wu shwaajeel nā mbee reppēe lee, bē Naan de mbii deret mo jir, moo put a pee wur dī, wur de gyet wur pet wun, mbākā nwun tong dī ashak kē Kristi ndāen dedes wur, de nā dām ngha-ngha. A Naan shikāa wur, wur nji dāk wun. Wur nshin bāl nwun, mbākā nwun dār dī bābāl ndāen mbii mo jir. (aīōnios g166) **11** Naan wur le kē bāl wur nā dēe ashak kē wun jir. Amin. (aīōn g165) **12** A Silas bām ghan mbee ran rep wasika desā nā, nwun. Wen kēn nāa wur a kaa dyemnāen ndāen Kristi sē, dewur koop nā hakyeng, de gurum mak gāngkāa nkaa wur. Wen kēn ran pwoo desā mo nwun, a mbākā nghan caa pātuup fuu mo dī. Wen a nkaa sat zeen nā nwun agaak nānee, “Naan wur le deret nkaa wun. **13** Ekilisa de nā

ndəən pee desə nyil mBabilon, de Naan wur kə
ten bilip nə, kaadi wur bilip wun sə, moo tok
kə wun jir. Lăa fen Maak wur tok kə wun zak.
14 Wun zak, wu tok kə shak ndəən wal, kə nə
kám dī nənēe, “wu wal nshak kaa d̥yem̩nəən
de moo dām ndang Jesu ashak sə. Wu yit kə
ryang nDaa Jesu Kristi nə tong ashak kə wun jir,
wun de wun a mə Jesu Kristi mo. Amin.

2 Pita

1 A wen Simon Pita, karem kə laalep nDaa Jesu Kristi, kən ran wasika desə shidəm pee wun di jir, wun nen de wun kə shinzeen de nə nciit kə munu, ndəən deret nNaan fun, kə Nguɓam fun Daa Jesu Kristi. **2** Deret kə ryang mo dee a muu des hakyeng, ndəən man Naan kə Jesu Daa fun. **3** Naan ndəən dedes mə man wur, ɓe wur kə ten bilip mun, mbəkə mun tong di ashak kə wur ndəən dedes wur, kə ndəən deret wur zak. A ndəən ar desə, ɓe wur cɪn ɗak kə ɓal wur dedes, mbəkə wur cɪn mbii mo de mmun jir. Mbii de baa mun kə mo kas, kə mu kat seen de, kə mbəkə mun mwaan di ndəən ar de nə ret nwur nyit. **4** A ndəən ar desə, ɓe wur cɪn mbii mo mmun des, mbiizuum de shang de gyet wur kə ten sat nə, wur ncɪn mmun. Wur cɪn mbii desə mo jir, a mbəkə ndəən mbiizuum desə mo, ɓe mun npwat ndəən mbii debish, de mo di ndəən yil desə, de gurum mo fes rəbet mo. Dang wur kə ten pərep wun, mbəkə nwun tong dyen di nNaan. **5** Mpeemənə, ɓe wen kən sat nwun nənnee, “kaadi wuu ten wu shinzeen nJesu Kristi, ɓe wu gung, mbəkə shiimwaan fuu mo dee di a deret hakyeng, kəzak, wu gung kə nwun man mbii mo di. **6** Taji wu yit nə dee a man mbii mo bejee kas, ɗangɓe wu gung kə nwun yaasuk di. Kaadi wuu gung mbəkə nwun yaasuk di, ɓe wu ɗar ɓalɓal ndəən mbii deret mo jir, kə nwun shin dedes nNaan. **7** Kaadi wuu mwaan ndəən ar de nə shang nNaan sə, ɓe nə ret kə wu tap kə shak a kaa dyemnənshak mo sə. Wu wal ngurum mo jir. **8** Katɗang wuu sat a ncɪn mbii deret desə mo ɗak, ɓe baa man fuu de nə ndəən Jesu Kristi nə ndee a debuu kas, ɗangɓe seen fuu nə mon nlàa-làa deret mo. **9** Dang nen de baa mo kə dyen de nə a mə Naan kas, mo a kaa vum de baa moo naapee kas sə. Mo mundər nənnee, “Naan wur kə ten fwo di mmo mbee shikbish de moo cɪn. **10** Mpeemənə, dyemnəa mo, wen kən ɗang pee wun, mbəkə nwun ɗar di ɓalɓal ndəən mbii desə mo, mbəɗe Naan wur kə ten pərep wun, kə nwur bilip wun, mbəkə nwun dee di a nen wur mo. Katɗang wuu cɪn mbii deret nə mo, ɓe baa wun ncām pal kas. **11** Nə aasə ɓe, Naan wur wang polu nə nwun, mbəkə nwun ɗel di ndəən se mishkoom nDaa fun Jesu Kristi. Wur dewur a Nguɓam fun. Mun ntong ashak kə wur mbe nghaa-nghaa. (aiōnios g166) **12**

A Mbəmənə, ɓe kən sat nwun shidaar-shidaar, mbee lepan nwun nkaa mbii desə mo jir, koo di wuu ten wu man mo, kə kaadi wuu ɗar ɓalɓal ndəən zeen, de wu man mo. **13** Kaadi wen kuɗi kə seen ndəən nyil desə, ɓe ghan naa nə ret, mbəkə nghan lepan di nwun nkaa mbii desə mo shidaar-shidaar, mbəkə taji wu dee nsaam kas. **14** Wen man nənnee, “ndəən rep pee lee, ɓe yak ghan nyit nan mə yil desə nə di, kaadi gyet Daa fun Jesu Kristi wur kām nwen nə, an cɪn aasə. **15** Wen ngung hakyeng, mbəkə nghan lepan di nwun nkaa mbii desə mo koo pərang ghe, koo aɗwoon de kən muut. **16** Gyet nyam ɓe mu satpwoo nwun nkaa jì nDaa fun Jesu Kristi ndəən ɓal wur. Mbii de gyet mun nkaa sat nə nwun, baa nə a mee pwoo tongɗiryem de mo put a ndəən pan mu gurum mo kas, ɗangɓe mun shikáa fun, ɓe muu ten mu naa dedes wur shi yit fun mo. **17** Kaadi, gyet Jesu wur lap dedes kə ɗehai, pə Naan di, ɓe mun de gyet mu kələng, kaadi Naan dedes met jir wur sat mee pwoo nənnee: ““Desə a Làa fen, de wen wal wur. “Di wur cɪn mbii de mo ret nwen nyit zam.” **18** Mun shikáa fun, gyet mun di ashak kə Daa fun Jesu Kristi nkaa ɗəngiwak nNaan, gyet mu kələng ɗoo de nə tong aɗəng sham. **19** Pwoo kə nensatpwoo kə Naan mo sət kām mmun agaak nənnee, “mbii desə mo azeen-nzeen. Nə ret kə nwun lekáa fuu mo nkaa pwoo kə mo nə mo, mbəɗe pwoo mənə, nə a kaa ngyam de nə ɓangpee ndəən kwoo sə, wul kus kə ɓitmang mə puus mənə. Parpuus mənə, kaadi zar mangɓit nə kaa put, ɓe nwun naa mbii mo agaak ndəre-ndəre ndəən pətuup fuu mo aasə. **20** Mbii de nə kəkoop nə met jir, ɓe wen kən sat nwun nənnee, “pwoo de gyet nensatpwoo Naan mo kə ten sat nə, de mo a rəran ndəən ɓəət haal mə Naan, baa mo put a ndəən pan mə gurum mo kas. **21** Mbəɗe pwoo de gyet nensatpwoo Naan mo sat, baa gyet nə put a ndəən pan mə gurum mo kas, ɗangɓe gyet a Riin Ɗeɓang mə Naan, wur ɗel ndəən pətuup mmo, ɗangɓe wur le kə mo sat mee pwoo de nə put a pee Naan di.

2 Dang gyet nyam, ɓe nensatpwoo mə ɗung mo yol di ndəən gurum nə mo, kaadi nensatpwoo mə ɗung mon ndel di ndəən wun sə. Mon ncɪn kām debish, de nə nwat shinzeen gurum mo, ɓe mon nciipwoo nkaa Daa Jesu Kristi nənnee, “baa wuɗun man wur kas. Wur de gyet wurang mo ndəən shikbish fur mo, mbee mbii debish de

mon nkaa cìn nà. ʼBe ndàən rep pee lee, ʼbe kwat de nà a mǎ jeel dedes nà nǎi taa nkaa mo, kǎ nà ntwe mo. 2 Gurum mo des mon mmwaan ndàən shiimwaan fur de nà a mǎ naashweep. Dàng mon nle kǎ gurum sat mee pwoo debish nkaa zeen mǎ ar nNaan. 3 Nensatpwoo mǎ dúng nà mo, moo rǎbet mbii gurum mo aasǎ, kǎ mo cìn dúng mbǎkǎ mo nǎk wun, kǎ mo kat mee lǎbet dǐ. Pǎgyet dǐ yam-yam, ʼbe Naan dǎwur ntokdyeel ngurum mo jir, wur kǎ ten dǎk shin, mbǎkǎ wur shin kwat de mo mǎ mbii debish de moo cìn mo. Peedǐ seen mmo nǎ nkyes dǐ azeen-nzeen, ʼbe nǎ kǎ jǐ wul kus. 4 Gyet nenlep Naan de mo cìn shikbish, ʼbe baa Naan wur nyit mo kas. Wur yak mo ʼbe wur fwo mo ndàən tuun de nà a mǎ aawus, a buǎwoot shi tǎsek de nà a mǎ shooll, ndàən pee de kwoo de nǎ rap. Mon ntong a ndàən peemǎnǎ jiwul npuus dǐyeel. (Tartaroǒ g5020) 5 Nendenyam, de gyet mo cìn shikbish, ʼbe baa Naan wur nyit mo kas. Naan wur le kǎ am dedes nǎ jǐ tu nen de gyet mo cǐi kǎlǎng doo wur jir. Gyet a Nowa ʼbejee, de Naan tap wur, mbǎkǎ tǎji mee mbii tung wur kas, mbǎde gyet Nowa wur satpwoo ngurum mo nǎ, mo cìn mbii deret. Nowa wur bar, kǎ gurum mo pwoovǎl. 6 Gyet Naan wur twe yil nSodom kǎ nGomora shi wus, ʼbe mo dee a fwat. Yil desǎ mo dee a mbiikám ngurum mo, nkaa mbii de nǎ nkat nen de baa mo kǎ Naan ndàən pǎtuup fur mo kas. 7 Gyet nciit kǎ mǎnǎ, ʼbe wur ǎam Lot de gyet wur a ngwe dǐ ndǎre. Gyet shikbish de gurum mo cìn, nǎ fes daampee mpǎtuup wur zam, mbii debish de gyet nen debish desǎ moo cìn. 8 Lot wur a ngwe de ndǎre. Gyet wur tong ashak kǎ nenshikbish desǎ nǎ mo, wur naa mbii debish de moo cìn shidaar-shidaar, kǎ gyet wur kǎlǎng pwoo mo debish nǎ mo shidaar-shidaar zak. Shikbish de des mǎnǎ mo cìn nǎ, nǎ fes wǎt pǎtuup wur zam, mbǎde gyet wur a ngwe de ndǎre. 9 Mbii de mo kǎ ten dǎl gyet nyam nǎ mo, mo kám mmun nǎnee, “Naan wur man ar dǎwur mbǎm nen wur mo dǐ ndàən jwaan. Mbii desǎ nǎ mo waa kám zak nǎnee, “Naan wur man ar dǎwur nkwaat nen cìn shikbish mo, dǐ wur nle mo ndǎr kǎ kar, jiwul parpuus dǐyeel. 10 Met jir, nǎ a mbee nen de moo sat a ncìn mbii debish dǎk, dǎenan mo nǎ naa ncoor nǎ, kǎ mo waa ciipwoo nNaan. Nen kám de mǎ dúng desǎ mo, mo ǎal mpǎtuup, kǎ cǐishik zam. Baa mee kǎermuut kǎ ya mo mbee satpwoo debuu nkaa riin dedes de mo ndàən dengnaan kas. Moo sat a nkǎss mo dǎk. 11 Nen lep Naan mo met nendúng desǎ mon mbǎl, ʼbe baa mo kas mo kǎsǎ ntoom Naan kas. 12 Nen desǎ nǎ mo, moo satpwoo debish nkaa mbii de baa mo manshii nǎ ndǎre-ndǎre kas. Moo cìn mbii mo a kaa nen de baa mo man mee mbii kas sǎ. Moo cìn mbii mo a kaa luwayil mo sǎ. Dǐ mo lǎa mo a mbǎkǎ gurum mo yak mo twe dǐ nluwaa. Azeen-nzeen moo twe mo a kaa luwayil mo sǎ, de baa gurum mo kudǐ kǎ kǎlǎng sǎm mo kas. 13 Naan wur kwat mo shi jeel, mbee jeel de gyet mmo kǎ shin ngurum mo. Nen desǎ nǎ mo rǎbet a kǎlǎng shang mǎ seen desǎ ʼbejee, ʼbe moo cìn pak mbii nǎ mo a nnaar puus. Shiimwaan mmo nǎ mo, mo a mbii yitlwaa pee wun dǐ. Moo tong ashak kǎ wun mbee se mbiise, dǎngǎe moo tap ciir mbwoon fuu, kǎ mo cìn mbii debish de mo shang mmo dǐ. 14 Duk lepan mo a nkaa mat mo, mbǎkǎ mo cìn ngǎa dǐ kǎ mo shidaar-shidaar. Baa cìn shikbish nǎ cam mak mo kas. Kat mo naa nen de baa mo dǎr ǎalǎal ndàən ar Naan kas, ʼbe mo nǎk nen mǎnǎ mo, mbǎkǎ mo cìn mbii debish dǐ. Koo pǎranghe, ʼbe moo leyit a nkaa mbii mǎ gurum mo. Gurum kaa mǎnǎ mo sǎ, ʼbe mon ntaa ndǎr dǐyeel mǎ Naan. 15 Duk yit ar de ndǎre nǎ, kǎ mo waa kǎ mwaan de a ndàən ar nBalaam lǎa Beyor. Gyet Balaam wur a ngwe dǎwur fes kǎlǎng shang mbee cìn mbii debish, mbǎkǎ wur kat shooll dǐ. 16 Dǎngǎe mo gwak wur mbee shikbish wur, dǎng nciit kǎ mǎnǎ, ʼbe jaaki wur de baa nǎ kǎ cam sat mee pwoo kas, ʼbe nǎ sat mee pwoo nwur kaa gurum sǎ, ʼbe njaakii nǎ le kǎ wur nook cìn nkyyet kǎ shikbish mǎnǎ. 17 Das desǎ nǎ mo dee a kaa dúng de baa moo am kas sǎ. Mo dee a kaa nluu de kut kǎ mang nǎ dǎl shidǎm kǎ nǎ sǎ, mbǎkǎ tǎji nǎ jǐ kǎ fwan kas. Naan wur tap dǎk mee pee dǎən nkòo le dǐ mbee mo. 18 Moo leshap shi doo dǎbal nkaa pwoo de baa mo kǎ mee koop nǎ kas koo dǎben. Mo gung mbǎkǎ mo nǎk nen de mo nkaa pwat ndàən nen dǐ baa mo man zeen nǎ kas. Mo gung kǎ mo dul nen mǎnǎ mo jǐ cìn shikbish, dǐ mo a mǎ ngǎa, kaa dǐ moo cìn sǎ. 19 Duk nkaa tuwap shi sǎm mo nǎnee, “mo katpee mbee cìn mbii de moo rǎbet, dǎngǎe mǎ mo nen de mo sat pwoo mǎnǎ, mo a kǎrem mǎ shikbish. Mbǎde koo a mbemi de nǎ dee a mishkoom nkaa gurum, ʼbe ngwe mǎnǎ dee a kǎrem mbii nǎ. 20 Katdǎng gurum mo kǎ ten put ndàən mbii debish nyil desǎ, de moo wat, mbǎde mo

kə shinzeen nJesu Kristi, dewur a Nguɓam fur. Dangbe katɗang mo waa ciir pətuup, ɗang kə mbii debish mo waa ya mo, kə mo se korong nkaa mo, be nā deē nānee, “ndāen peekyes nā, be mbii nā mbish nkaa mo met dīnshee nā. **21** Katɗang nā deē aasā, be ngyal gyet mon nnook man ar de ndāre nā, mbāde baa nā kəkoop nā, kə gurum mo man ar nā hakyeng, ɗangbe mo waa ciir pətuup fur mo, kə mo yit Wàar kə Naan nā kas. **22** Mbii de nā kat mo, be nā kām mmun nānee, “səmpwoo desə mo azeen de mo sat nānee: ““As waa baa dāem se mbii de nā kə fuut, kə ntus de gurum kə vwang, nā waa baa dāem biring ndāen book.”

3 Wun de wen wal nwun sə mo, desə nā a wasika deɓəl, de wen kən ran nwun. nDāen wasika deɓəl sə nā mo, be wen kən lepan nwun nkaa mbii desə mo, de wuu ten wu man mo, mbəkə nā mii wun dī, kə nwun dām dī ndang Naan shi pətuup deməndong. **2** Wen kən ran mbii desə nā mo, a mbəkə nghan lepan dī nwun, kə taji wu mundər kas pwoo de pəgyet nensatpwoo Naan deɓang mo kə sat nā, nānee nā ncin. Taji wu mundər nWàar de Daa fun Jesu Kristi, dewur a Nguɓam fun wur sat nānee, “wu cìn mo kas. Gyet a wur nkaa satpwoo nā nwun shipo jeplep wur mo, dewur lep mo pee wun dī. **3** A pwoo dīnshee de kən rəbet sat nā nwun ndesə. Wu man nānee, “kus kə kyes mə yil nā, be gurum mon yool ya cìn mbii de nā shang mmo nyit. Nen desə nā mon nyaa shwar mə bákpee, **4** kə mon nsat nānee: ““A me le ɗangbe baa Jesu Kristi wur jì, “kaadi gyet wur kə ten sat sə kas sii? “Puun fun mo kə ten murep, “ɗangbe mbii mo de a kaa pəgyet mo dī sə, “nciit kə shee yil nā, baa mee mbii “shee dī kas koo dāben.” **5** Nen de moo satpwoo desə, mo fes cii a nyang. Mo man nānee, “gyet nyam be Naan wur le deng kə yil desə a shi pwoo dewur sat. Wur ɗak yil nā shi am, be nā deē nā, yil nā put a ndāen am. **6** Nā aasā be, gyet Naan wur tu yil dī mbīt mənā a shi am, kaadi gyet am dedes, nā jì paa yil nā jir sə. **7** Naan wur kə ten sat nānee, “deng kə yil deyaksə mo, mon ntong dī mbe parpuus de wus jì caan mo jir hakyeng. Naan wur yit yil nā kə mbii de mo dī jir, ɗang puus nā nwul dewur ntokɗyeel ngurum mo jir, kə wur ntwe nen debish de mo cii kələng doo wur jir zak. **8** Wun de wen wal nwun mo, mee mbii məndong de nā kəkoop nā,

de baa nā ret kə nwun mundər nən kas. Nā a nānee, “pee Naan dī, be teer məndong nā a kaa bit mo ngal sə, kəzak, bit mo ngal, be nā a kaa teer məndong sə. Duk a deməndong pee Naan dī. **9** Pak gurum moo pan nānee, “Naan wur cii zam, mbāde baa wur nkaa cìn mbii dewur kə ten sat nən, mbii mənā mon ncin kas. Baa nā aasə kas, koo dāben, Naan wur gung kə wun, a mbəkə wur shínpee de ngurum mo, mbəkə mo katpee tuwap dī. Baa nā a dŷen Naan kə mee gurum loom dī kas. Wur rəbet kə gurum mo jir, mmo tuwap. **10** Jir kəsə, katɗang pee nā wul, be Daa Jesu Kristi wur mbaajì. Wur baajì a nna mman! Kaa jì wat, de baa gurum mo lepan nā, mee wat nŷi kas sə. Nciit kə mənā, be gurum mon nkaləng mee doo deɓal, a dengnaan nā loom. Jir mbii de mo ndāen dengnaan, kə de mo ndāen yil desə, mon ncaan jir. Dangbe yil desə kə mbii de mo ndāen nā jir, mon loom. **11** Kaadi wun kə man nānee, “mbii mo jir mon loom aasā, be nā ret kə nwun ɗak tong fuu mo, kə nwun tap dī kə shiimwaan fuu mo. Nā ret kə seen fuu mo deē a deɓang, kə nwun lesuk ndāen sar Naan kəɗang-ndəng. Kə nwun kələng doo wur ndāen mbii mo jir. **12** Wu leyit nkaa parpuus de Naan wur mbaajì ndāen yil desə zak, kə nwun cìn mbii mo ndāen ar deret, de nā nle kə puus mənā jì wul dī kələk-kələk. A puus mənā, a de dengnaan nā ncaan. Dangbe nā loom zak, kə mbii de mo ndāen dengnaan jir kə de mo ndāen yil desə, mon ndee a fwat, baa mee mbii ndee dī kas koo dāben. **13** Dangnaan wur kə ten sat mmun nānee, “wudin mbaa ɗak mee dengnaan kə yil deɓoo mo de, a pee de mbii mo jir mon ndee dī ndāre-ndāre. A mbii de muu leyit nkaa nā mənā. **14** Wun de wen wal nwun mo, wen kən sat nwun nānee, “kaadi nwun naa puus mənā, pardi Jesu Kristi wur mbaajì, be wu gung kə mwaan fuu mo deē dī a diiret, mbəkə wu tong de ryang ndāen wur. **15** Wu man nānee, “mbii de nā le ɗangbe Daa fun Jesu Kristi wur gung, a mbəkə nwun wu katpee dī mbee bar. Dŷemnāen fun Pool, de mu wal wur, wur cìn ɗak kə seen de Naan shin wur, mbəkə wur kām mbii mo dī nwun, kaadi wur ran wasika wur nwun. **16** nDāen wasika wur mo jir, be wur kə sat mbii desə mo nwun jir. nDāen pak wasika wur nā mo, be nā luk mbəkə gurum manshii pak pwoo nā mo. Nen de baa mo kə seen kas, nen de baa mo ɗar ɓalɓal kas, moo ciir kə mbii dewur sat nā mo. Kaadi

mo ciir kə pwoo dē mo ndāen bəət haal nNaan
sə. Mbii dē moo cìn desə mo, moo dul a dyeel
Naan jì nkaa káa moo. 17 Dang wun, dē wen
wal nwun mo, wuu ten wu man mbii desə mo.
Mbəmənə, wen kən sat nwun nānee, “wu tap kə
taji nen dē mo cii Naan, mo le kə nwun t́́aa wu
pal ndāen shikbish mmo kas. Kaji wu shínpee
mmo, kə mo le kə nwun yol wu yit peedar fuu
deret nā kas. 18 Dang nā ret kə nwun sekyeen
ndāen ar deret, mbəkə nDaa fun Jesu Kristi,
dewur a Nguɓam fun wur kám deret wur dī
nwun, nkaashak nkaashak, mbəkə nwun sat a
nwurang ndāen wal wur. Mu yit kə gurum mo
shin dedes dī nwur nyaksə kə mbe ngha-ngha.
Amin. (aiōn g165)

2 Joon

1 Lepran desə nə put a nsar fen ngunan, dəm pee wii di, mat debəbəlíp pee Naan kə jep fii mo. Wii de wen kən wal yi ndəən zeen, baa a wen bejee dak kas, dang kə jir nen de mo man zeen nə. **2** Mbəde zeen de nə tong ndəən mun yaksə, nə ntong ndəən mun be vit. (aiōn g165)

3 Daa Naan puun Lāa wur Jesu Kristi, mo cìn deret mmun, kə mo naa mun shi yit naajeel, kə tongryang. Desə mo ndee ashak kə mun ndəən zeen kə wal zak. **4** Nə ret nwen nyit zam, mbəde wen kat pak jep fii moo mwaan ndəən zeen nə, nciit kə kaade puun wur sat nee, mu cìn sə. **5** Yaksə wen kə dang pee yi naa, yi yit kə mu walnshak. Baa desə nə a mee wàar depwoo de wen ran nə nyi kas, dang a de mun kə nə pəgyet de nshee, ndang nə mu walshak. **6** A wal nə ndesə, nee, mu mwaan ndəən wàar wur mo. Desə nə a wàar nə, kaade wuu kələng nshee sə, nee, wu mwaan ndəən wal. **7** Nennumpee mo des, mo kə del de ndəən yil nə jir. Nen de mo Cípwōo nee, baa gyet Jesu wur jì ndəən yil desə a ndəən nan kas. Kiyeet nə mənə mo a nennumpee mo, kə a mo a shaarlek Kristi. **8** Wu tap kə káa fuu mo, mbəkə taji wu baam mbii de gyet mu ten cìn dak mbə nə sə kas, dang wu gung, kə kwat nə gam di. **9** Koo a wii de wur dəm akyeen, dang katdang baa wur mwaan a ndəən kám Kristi kas, be baa wur kə Naan kas. Dang jir ngwe de wur sekyeen ndəən kám Daa Jesu, be gwar mənə kə Naan Puun kə Lāa ndəən pətuup wur. **10** Katdang mee gurum jì pee wun di, dang baa gwar mənə jì aa kám desə nwun kas, be taji wu lap wur wu le ntulu fuu mo, koo wu kaat gwar mənə kas. **11** Mbəde jir ngwe de wur lap nen mənə mo, be wur bəlkáa ashak kə nen mənə ndəən dak debish mo. **12** Koo de wen kə mbii mo des mbə ran mo nwun, be baa wen nran mo nwun shi haal mə bəət haal kə ing kas, dang wen kən lepan nee, wen nji kən naa wun de, kə mu katpwōo de ashak zak, mbəkə retnyit fun nə gam de. **13** Jep dyemnəən fii debəbəlíp pə Naan, moo tok kə yi.

3 Joon

1 Lepran desə nə put a nsar fen ngunan, dām pee waa Gayus də, də wen wal nwaa ndəən zeen. **2** Shaar fen, wen kə dāngnaan mbə nwaa, mbəkə a kat dēret də ndəən mbii mo jir, kəzak, mbəkə a tong də nkoom, kaade seen fwaa nə kat dēret sə. **3** Nə ret nwen nyit zam, kaade pak dyemnəən fun mo ji satpwoo dēret nwen nkaa waa nənee, aa dār ɓalɓal ndəən shinzeen nə, kə kaade aa mwaan ndəən shinzeen nə sə zak. **4** Baa mee retnyit də wen dā nə waa met ndesə kas, kə wen kələng nnə, jep fen moo mwaan a ndəən shinzeen nə. **5** Shaar fen, aa dār ɓalɓal ndəən zeen də aa cīn nə mbə dyemnəən fun nendām ndāng Jesu mo, jir kə dā mo məzep mo. **6** Mo kə satpwoo Eklisiya mo nkaa wal fwa nə. Kuzuk a ɓam mo ndəən mwaan mo, nkaa ar dā nə shin dādes Naan dī. **7** Mbəde mo yool yaa mwaan nə a mbə sām kə Daa. Baa mo nwaa lap mee ɓam pee neen kùm mo kas. **8** Mbəmənə, nə ret kə mun mu lap nen mənə mo ndəən lu fun mo, mbəkə mu dee də a shaar dāk dī ashak ndəən zeen. **9** wen kən ran mee mbii Eklisiya nə, dāng Diyoturifis də wur fes leshin a dī nshee, wur bə kaat mun kas. **10** Katdāng wen jī, ɓə wen ndul dīyen fuu shinji kaa bii də wur nkaa cīn ne, Pwoo dəbuu də wur naa nsat nə nkaa mun. Baa mənə mak wur kas, dāng wur cii kaat pak nen dāmdang Jesu, wur cii nnen də moo pə rəbet kaat mo kə wur put ke mo ndəən Eklisiya ne **11** Sharfen, taji a kam cīn bii dā bish mo kas, Dāngbə a kam a dēret mo. Koo a weyii də wur cīn mbii dēret, ɓə gwar mənə a mə Naan. Jir ngwe də wur cīn mbii debish, baa gwar mənə kə naa Naan kas koo lee. **12** Gurum mo jir mo satpwoo dēret nkaa Dimitiriyus, har zeen nə shikaa fir. Mun zak muu sat dēret nkaa wur. waa man nənee, mbii camkat fun nə azeen. **13** Wen kə mbii mo des mbə ran mo ngha, dāng baa an nran mo ngha a shi haal kə ing kas. **14** Wen kə lepan nə, an naa ngha, dāngbə mun leshap kə shak yit kə yit. Tongriyang ashak kə wun. Shaar dā pee dəsə mo lep kə tokshik. Tokshik kə shaar dā peemenə mo shi sām.

Juud

1 Juud korem Jesu Kristi, dyemnæen nJemis, Pæ ran lepran dāsə shidəm dām pee nen dā Naan pærep mo, dē Naan puun wur wal mmo, kə mo dēe a dē fufwang ndæen Jesu Kristi. **2** Naajeel, kə ryang, kə wal wur, mo naa nwurang ndæen wun dāk. **3** Sharfen dā hakyeng mo, gyet dyeen fen mbə kə wen ran dā wun nkaa bām dē mun kə nā ashak. Dang mee bii le an ting kə nghan ran nwun, mbəkə wen caa wun, kə wun sekyeen dī ndæen lek, mbə shinzeen dē Naan wur kə ten shin nen wur dē bāng mo. **4** Mbədə pak gurum mo dī, dē mo kə dēn a dā dyeel kə se mo pəgyet kə jī dēl ndæen wun a səsok. Nen dē mo ciir kə pwoo Naan kə daret wur, mbəkə mo katpee cīn mbii dēbish mē nan mo dī. Kəzak, mo cii Daa Jesu Kristi. **5** Ko dē wuu ten wu man mbii desə mo jir, an pə rəbet ye wun, kaadē gyet Naan wur put kə nen Izrel mo nyil Ijip. Dang nbwoon mənə, bē gyet Naan wur təkook nen dē mo cii shinzeen. **6** Kəzak, nenlepnaan dē mo yaa peetong mulki mo retret kas dāng mo yit peetong fur mo, bē mo bwoot mo shi tāsək dā nghan-ngha ndæen peedē nā nkwoo, Naan wur le mo a npeemənə, har parpuus dyeel nən nji wul. (aiōdios g126) **7** Nə akəsə zak, Sodom kə Gomora, kə yil dē mo kus kə mo. Gyet yil desə mo shin kaa fur mo, mbə cīn ngaa kə mbii dēbish mo. Mo dēe a nbiikam nen lap kwat nshikbish dē mo ndæen wus dē nā dām ngaa-ngaa. (aiōnios g166) **8** Nə a ndæen ar desə, bē nen desə mo naa suun mo, dē nā le mo waa ciir cīn shikbish nkaa sut fur mo. Mo cii dēdēs Naan, kə mo satpwoo dēbish nkaa nendaret mo dē mo, ndæen dengnaan. **9** Mbii dē koo a Makiyel dē wur a ngwe dēdēs mē nenlep mo, baa wur mak sat nā kas. Kaadē gyet Makiyel kə gujwan mo jiir nkaa kum Mosi, bē baa Makiyel mak wang pwoo, mbəkə wur fəlap gujwan dē kas, dāng wur sat nənēe, “Daa ngwak ngha!” **10** Dangbē nen desə mo can mbii mo jir dē baa mo manshii nā kas, kə mbii dā mo manshi nā shi pan mē nan, mo a kaa long mo sə. A mbii mənə moo waa ciir təkook kə mo. **11** Jeel mbə mo, Mbədə moo mwaan a ndæen ar Keen, kə tang ləbet mo ndæen ar dē gyet Balaam Dēdekə, Mo kə təkook kə mo ndēen təkook kə pee Kora. **12** Nen desə mo a mbii naashwep dāen kuur fu dē mē walshak fu, kaadē mo pə se mbiise kə

wun nnen kærmuut. Mo a kaa nen naa long dē moo tap a kaasut bəjee dak. Mo a nluu dē nā kə fwan kas dā kut kə mang dēl seet kə nā sə. Mo a täng dē nā cii lāa-lāa harwaap jī mang sə. Täng dē mo kə bwan seen nā, kə nā dēe a dā mumuut sə. **13** Mo a am dē kut kə chut nā bəlbəl ndæen bahar. Mo woo təfil mē mbii naashweep dē moo cīn mo zak. Mo a zar dē moo mwaan. Naan wur tap dāk mee pee ntun-ntun, dērap shekshek, le mbə mo nghan-ngha (aiōn g165) **14** Enok, wur a dāng dēpwoovəl ndæen cirem Adam, wur satpwoo nkaa mo nənēe, “Wu naa, Daa wur kə jī kə nenlep wur dēbāng mo ngal nkaa ngal mo, **15** mbəkə mo tokdyeel dī ko weyii, kə mo candyeel dī mo jir mbə dāk dēbish dē mo kə cīn, Kə jir pwoo dābuu dē nenshikbish desə nā mo kə ten sat nkaa Naan.” **16** Nen desə mo naa nkatpwoo ndom ndom, nenyapdēbish ndæen nnyee mo, nen dā mo tong a mē cīn bütdeet, mo kə canpwoo nkaa sut, dāng mo caa gurum mo ar dēbish mbə kat ləbet fur. **17** Wun sharfen mo, wen wal nwun sə, taji wu munshik mbii dē gyet jeplep Daa fun Jesu Kristi mo sat nwun. **18** Mo sat nwun nee, “Ndæen teer mē peekyes nā mo, bē nenbákpee, mo nji put, Nen dē moo mwaan a ndæen coor mē nan fur mo.” **19** A nen desə mo, a nen dā mo kə jī kə bəksak ndæen wun, A mo a nen dē mo coor mbii dēbish mē yil desə shi mase fuu mo, baa mo kə Riin nNaan kas. **20** Dang wun, sharfen mo dē wen wal nwun, wu dyiksuk ndæen shinzeen fuu dēbāng, dāng Wuu ləshap kə Naan dāen Riin Dēbāng zak. **21** Wu lesuk fuu mo ndæen wal Naan, kaadē wu leyit nkaa naajeel nDaa Jesu Kristi mbəkə wur jī kə wun dī ndæen seen dā ngaa-ngaa. (aiōnios g166) **22** Wu naajeel nen dē mo dēe nket-nket kə wun, **23** Wu bām pak mo bəkə wu put kə mo dī mbut nwus, kə mbə pak mo, bə wu naajeel, reep kə kærmuut. Dang wu cii lēe mo, Mbədə lēe nā kə ten dēe a dērap shi shikbish fuu mo. **24** Pə wur dē wur mak fwang wun, mbəkə taji wu taa wu pal kas, kə wur nji kə wun ntoom dēdēs Naan ndæen retnyit, baa kə mee rap kas. **25** Mu shin ram nNaan dēwur mbəshin a Nguḅam fun, kə ram, kə Dēhai, kə mulki, kə dēdēs kə bəl, ndæen Jesu Kristi Daa fun, pəgyet dē yam-yam, jī wul yaksə, kə har ngaa-ngaa! Nə a kəsə. (aiōn g165)

Suun

1 Suun mā Jesu kristi dā Naan Cin wur Kə wur woo dā kərem fər mo mbii dā mo kus kə ji. Jesu Kristi wur lep ngulep wur dām pee kərem wur Joon dā, mbəkə wur woo mbə desə mo de nwur. **2** Joon wur kə ten sat agaak mbii de wur kə naa mo jir, kə wur ten ran pwoo kə Naan de Jesu Kristi woo mo nwur nnee, nā a zeen. **3** Koo a weye, de wur tang bəəthaal desə nā, 6e wur nkat dāret, kə nen de mo lekom mbə kələng pwoo desə nā de Naan kə woo nā, kə moo cin mbəde nā sat, 6e mo nkat dāret, mbəde pee nā kə wul kus, mbəkə mbə desə nā mo ngam dā. **4** Wen Joon kən tok kə Ekəlisya de pwoovəl sə mo, de mo ndāen yil Eshiya. Naan wur naa wun shi yit naajeel wur, kə wur cin tongryang nwun zak. Naan de wur de yaksə, de pəgyet wur de yam, kə de wur ndang ji, kə Riin de pwoovəl nā mo, de mo dār ntom kə Naan a peetong wur dādes. **5** Kə Jesu Kristi, de wur a langteng de a zeen, wur a dīnshee, de mo shee yool kə wur a peemúut, kə zak, a wur a Mishkoom nkaa mishkoom de mo ndāen yil desə jir. Wur wal mmun a mbə muut de wur 6eer toom fin, 6e wur fween mun mbut shikbish fun mo. **6** Wur le mā dēe a mishkoom mā pris mo, mbəkə mā seyil de nNaan puun wur. Ram, kə iiko, mo dēe a mā Jesu Kristi mbə ngaa-ngaa. Nə aasə! (aiōn g165) **7** Wu naa, wur pə ji nkaa nluu. Gurum mo nnaa wur jir, mbe kə nen de gyet mo shulang wur. Gurum de mo ndāen yil desə jir, mo nwal maap mbə wur. Nə ndāen aasə! Nə aasə. **8** Daa Naan dēdes wur sat nānee “a wen de shee kə mbə mo, kə kyes kə mbə mo jir zak. Naan de wur de yaksə, wur de yam, kə a wur pə ji zak.” **9** A an, Joon dyemnāen fuu ngudām ndang Jesu, an a memee ndāen wun nen de wuu gung kə shwaajeel, mbəde wun a dār Mishkoom Kristi. An mee laayil, de am neer nā cārkaat, de moo pet nā a Patmos, mbəde gyet an kən satpwoo Naan nā gurum mo, de Jesu wur shiin langteng ne. **10** Parpuus kə Daa, 6e Riin Naan wur ji dēl ndāen an. “Dang6e wen kələng mee dōo dēdes, kaa wal kə feer sə. Pə leshap mbwoon fen. **11** Doo ne sat an nānee, “A ran mbəde waa nkaa naa nā, kə a lep kə bəəthaal nā dā Ekəlisya dēpwoovəl sə mo, de mo nyilkaam, Afisus kə Simena, kə Pagamum, kə Tayatəra, kə Sardis, kə Filadalfiya, kə Lodisiya.” **12** Wen cār mbəkə an

naa ngwe de wur katpwoo nā dā. Kaade an cār, 6e an naa, peelee ngem mo pwoovəl, de mo dāk mo a shi zinariya. **13** Nnaar kə peelee ngem de pwoovəl desə nā mo, 6e an naa mee gwar wur dār dā, de wur lapshak kə Lāa Gurum. Wur lep mee nlər de nā sham wul wur nkwakshii, kə wur 6woot mee teng sə cār nkaa tuur wur, de mo dāk mənə a shi zinariya. **14** Shwepkāa wur nā mo piyaa kaa shuu sə, kə nā kaa dōor sə. Yit wur nā mo lapwus kaa liis kə wus sə. **15** Shi wur mo mələp, kaa shooll dēməlep, de mo tap dāk shi wus mbəkə nā dēe a dāret sə. Doo wur nā a kaa wal kə am de moo sham mpətuul sə. **16** Wur kə zar mo pwoovəl nsarse wur, kə mee kwai dī se put pwoo wur de nā se koop weet. Yit wur nā fes 6angpee hakyeng kaa puus a naar sə. **17** Kaade an naa wur, 6e an taa nyil nder shii wur kaa an kən mumuut sə. “6e wur le sarse wur nkaa an, dang6e wur sat nānee, “Taji kərmmuut yaa waa kas. A an a dīnshee, kə a an a kyes ne. **18** A an a dē mmeen. Gyet an kən muut, mbe yaksə, 6e an kə seen. Wen ntong de kə seen mbe ngaa-ngaa. Wen kə mbii wang peemúut, kə peedām kə nen mumuut mo, a sar fən. (aiōn g165, Hadēs g86) **19** “A ran mbəde aa ten a naa mo yaksə, kə mbəde waa nkaa naa mo, kə mbəde mo mbə ji. **20** A desə nā a shii kə zar desəsok de pwoovəl de mo nsarse fen, kə peedar mā ngem de pwoovəl de mo dāk a shi zinariya. Zar de pwoovəl nā mo, a mo a nenlep kə Ekəlisya de pwoovəl nā mo, kə peedar kə ngem de pwoovəl sə mo, mo a Ekəlisya de pwoovəl nā mo zak.”

2 “A ran shi dām lep-Naan de Ekəlisya dī Sarduis wur den Ekəlisya de nən nyil Afisus nānee, “Lep desə nā, a pwoo de nā put mpwoo kə gwar de wur kə zar mo pwoovəl nsarse wur sə, de wur mwaan nnaar kə peelee ngem de pwoovəl sə mo, de mo dāk mo a shi zinariya sə. **2** Wen man dāk de wun kə ten cin nā, kə jeel fuu, kə gung fuu zak. Baa wuu shaar kə nendebish mo kas. Wuu cam shiimwaan kə nen de mo sat nānee, “wudun a jeplep Jesu mo, mbe baa mo a jeplep Kristi kas. Wuu ten wu man ne, moo cin a dūng. **3** Wu gung, koo de wun nkaa shwaajeel mbə sām fen, 6e taji wu baa m6woon kas. **4** Amma an de kə mee mbii mēdong nkaa wun de an kən rābet sat nā nwun. Baa wu kudi wuu wal nghan kaa de gyet wuu wal an nshee sə kas. **5** Taji wu mander nshiimwaan fuu de

gyet yam, akudang wuu taa wu pal sə kas. Wu tuwap, mbəkə wu baa wu mwaan de ndəən ar nā, kaa gyet yam sə. Katdang baa wu tuwap kas, be an mbə jì, kə an mang peelee ngyem nā de a peedəf ar ni. **6** Dangbe mbə mbii mandong de an kə kwoop wun mbə nā a ndəsi, baa dyeen wun mbə dak nen Nikolaitan mo kas, kaadə baa nā a dyeen fen kas sə. **7** Ngwe de wur kə kom, mbə kələngpee be wur kələng mbədə Riin nā nkaa sat nā nendəm dangnaan mo, “Ngwe de wur se koorong, be an ncin pee nwur se laatəng de nā a mē seen, de nā kaa ndəən bong kə Naan.” **8** “A ran lep dām pee ngulep Naan de wur dān Ekəlisya de nən nyil nSimena nānee, “Lep desə nā a pwoo de nā put mpwoo kə gwar de wur a dīnshee, kə a wur a kyes kə mbə mo jir, de gyet wur kə muut, mbe yaksə wur kə seen. **9** Wen man shwa jeel fuu mo kə jeel fuu, kə zak, nghan man nānee, “Jir kə sə wun a nenlong mo. Wen man pwoo debish mē nen de moo lesut a nen Yahudi mo, be baa mo a nen Yahudi mo kas. Mo a nen kə ngujiwaan mo. **10** Taji wu kat mee kærmuut nkaa jeel de wun mbə shwa nā kas. A kələng, ngujiwaan wur cam wun. Wur nle pak fuu mo ndəən lushoot, wun nshwaajeel mbə teer mo kaapaat. Mbe wu gung, taji wu cii an kas, koo de mo ntətwe wun, be wu gung, mbəkə an cin biikaa koorong mē seen dedes nwun. **11** Ngwe de wur kə kom, be wur kələng mbədə Riin wur nkaa sat nā (Ekəlisya) nendəm ndang Naan mo. Ngwe de wur se koorong, be baa muut de vəl nən ntung wur kas.” **12** “A ran lep dām pee ngulep Naan de wur Ekəlisya de nən nyil Pagamum nā, Lep desə nā put a mpwoo kə gwar de wur kə kwai de nā se koop vəl sə. **13** Wen man, npee de wuu tong de nā, be ngujiwaan wur kə le mpeetong fən a pee mē nā. jir kəsə be wuu yaa sām fən balbal. Baa wu nyan shin zeenpwoo fən kas, kaadə gyet dān teer mē Antipas mo ngucin langteng fən mbə mo tu wur ndəən yilkaam fu peede shetaan kə tong. **14** Mbe an kə rep pak mbə mo lee nkaa wun. Wun kə pak gurum mo nnaar fuu, de moo dām a ndang kām mē Balaam. Gyet a Balaam wur kām mBalak, kə wur gangkwak nen Izrel mo, mbe gyet mo shin shikbish mbə se mbiise de gyet mo kə ten cin nkum, kə cin mbə debish mo kaa ngaa sə. **15** Kəzak, wun kə nen de moo dām ndang kām nən Nikolaus mo. **16** Wu tuwap, kas be an kus kə jì, kun cin lek de kə wun, shi kwai fən de nā jì put mpwoo fən sə. **17** Ngwe de wur

kə kom, mbə kələngpee, be wur kələng mbədə Riin Naan wur nkaa sat nā Ekəlisya nendəm ndang Naan mo.” Ngwe de wur se koorong, be nghan ncin pak man de nā a səsok nwur. Kə zak, an ncin jwak depiyaa ngwar nā, kə sām depwoo a rəran dī kə nkaa jwak nā. Gwar de wur nlap jwak nā, be a wur man mbədə mo ran nkaa nā bejee dak. **18** “A ran lep dām pee ngulep Naan de wur tap kə Ekəlisya de nən nyil nTayətəra nā, Lep desə nā put a mpwoo kə Lāa kə Naan de yit wur moo lapwus kaa mbəlem kə wus sə, de shii wur moo mələp kaa shool de mo tap dak nā sə. **19** Wen man dak fuu mo, kə wal fuu, kə cinzeen fuu, kə dak bam de wu cin mo, kə gung fuu, kə zak, yaksə be wun nkaa cin dak nā met de gyet wu cin mo nshee. **20** Mbə jir kəsə, be an kə mbə desə mo nkaa del dekə dəsə moo nkaa wun. Mbədə wu tap wu kiye mat de moo pet war a Jezebel sə, de war pet set a mat satpwoo kə Naan. A shi ar kām war, be war le kə kərem fən mo cin mbə debish mo kaa cin ngaa, kə se mbiise de mo kə ten cin nkum. **21** Wen kən shin pee nwar, mbəkə war tuwap də, be war cii tuwap mbə shikbish war, de nā a mē ngaa. **22** Wen nle kə shwal yaa war də, kə nen de moo cin ngaa ashak kə war, katdang baa mo tuwap kas, kə mo nook cin mbii debish mənə mo kas, be nghan shin jeel mo. **23** Wen nle kə jep war mo murep kə shwal, mbəkə Ekəlisya mo jir mo man dī nānee, “an a ngwe de an kən man pan de nā ndəən pətuup gurum mo, kə zak, an kən leng pətuup mo mo. Wen nkwat koo a weye nciit kə dak de ngwe nā kə ten cin. **24** Yaksə kən nsat wun koor nen Tayətəra, de baa wu lap kām nā kas, baa wu man mbii debish, de gurum moo pet nā a de səsok ndar mē Shetan kas, baa an le teng kaa wun kə mee leeton kas. **25** Wu dar balbal ndəən mbiide wuu ten wu kām, dang mbaa njì. **26** mbe gwar de wur se koorong, dang wur cin dyen fən, dām sul, an shin bal nkaa yil nā mo. **27** Mo ncin mulki nkaa yil nā mo, a shi kām shool, dang mo mpyan mo, a kaa tuulwan de gurum kə piin nā sə, kaade wen kən kat bal nsar puun fen sə **28** be an nshin zar mangfiit ngwar mənə. **29** Ngwe de wur kə kom, mbə kələngpee, be wur kələng mbədə Riin Naan nā sat luu Naan nā mo”

3 “A ran lep dām shi dām ngulep Naan de Ekəlisya de nā nyil nSardis nānee, “A lep nā ndəsə, de nā put a mpwoo kə gwar de wur kə

Riin Naan mo pwoovəl, kə zar mo pwoovəl zak. Wen man dək fwa, waa le kə gurum mo pan nnee, waa de kə seen, mbe waa a demumuut. **2** A yool atəng, mbəkə a fwang rep koor seen de nə dee nə de, mbəkə taji nə sət muut kənding-nding. Wen naa, baa shiimwaan fwa nə a deret nyit kə Naan kas. **3** Mbəmənə, be nghan kən sat nwaa, a pan mbədə gyet aa ten a kələng mo, de gyet mbe aa lap mo. A cinzeen mənə mo balbal. A yool, Katdang baa waa yool kas, be an mbaaji a kaa wat sə, de baa waa mman parpuus baaji fən nə kas. **4** Mbe rep pak gurum mo de, nyil nSardis, de mo tap le lée mo mo a dəbang. Nen mənə moo mwaan ashak kə nghan. Mo nlep lée depiyaa-piyaa mo, mbədə shiimwaan fur nə mo ret. **5** Nen de mo se koorong, be mo nlep lée depiyaa-piyaa mo zak. Baa an ncam tu səm mo ndəən bəəthaal mə nenseen mo kas. Kə lep wur mo, be an nsat agaak ne, mo a nen fen mo akyeen Naan, kə kəkyeen Jeplep wur mo. **6** Ngwe de wur kə kom mbə kələngpee, be wur kələng mbii de Riin Naan wur nkaa sat nə nen lu Naan mo.” **7** “A ran lep dām pee ngulep Naan de wur kə tap Ekəlisya de nən nyil nFiladalfiya. “Lep desə nə put a mpwoo kə gwar de wur a dəbang kə wur azeen. A wur kə makuli kə Devid. Katdang wur wang pwoolu nə, be baa mee gurum mak shoot nə kas, kə zak, katdang wur shoot pee nə, be baa mee gurum mmak wang nə kas. **8** Wen man dək fwa. A naa, an kən ten wangpee nwaa, de baa mee ngwe mmak shoot nə kas. Wen man nənee, “koo de baa bal fwa nə des kas, be waa aa dar balbal ndəən pwoo fen, kə zak, baa waa ciipwoo nənee a nook man an kas. **9** A kələng, an nle nen mə ngujwaan de moo le sut a nen Yahudi sə mo, mbe baa mo a nen Yahudi mo kas, moo cin a dūng. Wen nle kə nendūng desə mo jì kurum ntoom fwa, kə nder shii fwa, kə mo man de zak nənee, “an wal nwaa. **10** Kaade aa ten a keer war fen sə mo, kə gung zak, mpeemənə be nghan ntap kə waa, mbəkə taji mee mbii tung waa kas, ndəən teer mə jeel de nən ndang jì nkaa yil nə, mbəkə nə cam gurum mo de jir ndəən bəm-yil ne. **11** Wen ndang jì kəlak-kəlak. A yaa mbədə waa kə nə balbal, mbəkə taji, mee gurum mang zuum mə koorong nə kas. **12** Jir gwar de wur se koorong, be an nle kə war den a kaa ndwet mə Lu Naan dedes Naan fen. De baa nə ncam put de ndəən Lu Naan nə kas. Wen nran səm Naan fən nkaa mo, kə səm mə yil

Naan fen, Jerusalem depwoo, de nə tong a deng sham pə Naan fen də, kəzak, an nran səm fən depwoo nkaa mo. **13** Ngwe de wur kə kom mbə kələngpee, be wur kələng mbədə Riin Naan wur nkaa sat nen dām ndang Naan mo.” **14** Gwar nə sat nghan nənee, “A ran lep dām pee ngulep kə Naan de wur tap kə Ekəlisya de nən nyil nLodisiya. “Lep desə nə put a mpwoo kə gwar de moo pet wur a Amin. Shi kə mənə nənee, ‘nə aasə’ Wur a ngwe de azeen-nzeen, kə wur a langteng de azeen. A wur a kuk kə mbədə Naan wur le mo jir. **15** Wen man dək fwa, baa waa a dezuum koo detal kas. Ngyl de waa a dezuum, koo detal. **16** Mbədə waa anaar-anaar, baa waa a detal kas, koo dezuum kas, mpeemənə, be an mbe wut waa put aku mbut mpwoo fən. **17** Waa sat nənee, “waa kə long, kə waa kat mbii mo jir! Mbə baa aa rebet mee mbii kas. Dangbe baa waa man nə nghaa kə mbii kas, nghaa bii yitmwa, ngu jeel, vuum, kə ngum. **18** Wen pə shin kar wun kə wu seet zinariya daret də mo dək shi wus pə nghan mbəkə a dee de a ngulong. A seet lée depiyaa mo pə nghan dī, mbəkə a paa gum bii naashweep fwa dī. A jì a seet yen mə yit zak, mbəkə a le de nyit fwa mo, mbəkə a naapee dī. **19** Nen de wen kən wal mo, a mo a nen de kən gwak mo inn le more kaa ar. Mbəmənə, be wu dar azeen-nzeen, mbəkə wu tuwap dī. **20** An səsə kən dar mpwoolu nə pə bwap pee. Katdang mee ngwe kələng doo fen, dang gwar nə wang pwoolu nə, be nghan ndel ndəən lu nə, mbə nghan se mbiise ashak kə gwar mənə, kə gwar mənə nse mbiise ashak kə nghan zak. **21** Gwe de wu se koorong, be wen shin pee mo, mbəkə mo tong de ashak kə nghan nkaa mbetong mə mulki fen, kaade gyet wen kən se koorong sə. Wen kən tong ashak kə puun fen nkaa mbətong mə mulki wur. **22** Ngwe de wur kə kom mbə kələngpee, be wu kələng mbədə Riin nə nkaa sat nə lunaan mo.”

4 Aḃwoon mənə, be an diyeep yit fən. Be an naa mee polu de nə a wuwang ndəən dengnaan, be an kələng doo de nə wal nciit kə feer, de dī nə katpwoo kə an nshee. Nə sat an nənee, “A kaa mpsi. Wen nkām nwaa mbədə ting mo ncìn aḃwoon mbii desə mo.” **2** Aḃet-Aḃet, be Riin Naan wur jì del ndəən an, dangbe ndəən dengnaan, be an naa mee peetong mə mulki, de mee gwar kə tong nkaa ne. **3** Yit kə gwar de wur tong nkaa nə, nii lapwus kaa jwak

deret de moo pet mo a jasper, ka kaneliyan, ka lilliu de na lapshak ka mee jwak de moo pet na a emiral, mo tap neer peetong ma mulki na caerkaat. 4 Mee peetong ma mulki mo laarval baafeer, mo neer peetong ma mulki na le nnaar. Nennan mo laarval baafeer, moo tong nkaa peetong ma mulki diisi na mo. Nennan desä na mo, moo lep a lee depiyaa-piyaa mo, ka zak, mo lep a mbekaa ma mulki, de mo dak mo a shi zinariya. 5 Mälep ka pee ka put de ndäen peetong ma mulki na, ka or dedes ka nluu pärep. Akiyeen ka peetong ma mulki desä na mo, be ngem mo pwooval mo nkaa lapwus. A desä na mo a Riin Naan de pwooval sä mo. 6 Kəzak, akyeen ka peetong ma mulki na, be an naa mee mbä kaa baahar sä, de na mälep kaa gəlas sä, ka na döng kyet-kyet. Mee mbäde mo ka seen, mo feer, moo dar peefeer, cær mßwoon ka peetong ma mulki dedes na, mbä defeer de mo ka seen na mo, mo gam ka yit nkoop mßwoon ka nkoop ndäen. 7 Din nshee na, lapshak ka nvar, deväl na lapshak ka kus randong, dekun na, be yit ka na nciit ka ma gurum, defeer na lapshak ka puul de na nkaa yool ncäap sä. 8 Koo a dedangyi ndäen mbäde mo ka seen feer desä na mo, be na ka caap mo peemee, ka mo ka yit cær kat ka nder caap mo. Mpar ka puus, baa mo nok sat nänee, “Dəbang, dəbang, dəbang, a wur a de yam, ka a wur a de yaksä, ka a wur a də mə ji zak.” 9 Kaade mbii defeer de mo ka seen desä mo, mo kwoop, ka mo cin dedes ma pälang, pee gwar de wur tong nkaa peetong ma mulki na, a wur de wur ka seen mbe ngaa-ngaa. (aiön g165) 10 be Nennan de laarval baafeer sä mo, mo zäm ntoom ka gwar de wur tong nkaa peetong ma mulki na, mo seyil nwur. Wur de wur mmeen mbe ngaa-ngaa. Nennan desä na mo shwat mbiikaa de ma mulki mo mo ntoom wur, dang mo nkaa sat nänee, (aiön g165) 11 “Daa Naan fun a waa mak lap ram, ka kwoop, ka bal A waa dak mbä mo de jir, A shi pan fwa be waa dak mo də, kəzak, A waa cin nseen mo.”

5 Wen naa mee bät haal de na a cicibet ndäen sarse ka gwar de wur tong nkaa peetong ma mulki na. Mo ran-ran nkaa bät haal desä na, nkoop mßwoon ka nkoop ndäen zak. Mo lus mo pwooval shi stam. 2 Dangbe wen naa mee ngulep ka Naan dades, de wur nkaa satpwoo balbal nänee, “A wii mmak fälöp kaa ka “stam

de pwooval nä mo, “mbe ka wur wang bätthaal “decicibet nä de ye?” 3 Mbe baa mee gurum ndäen dengnaan, koo ndäen yil dese, koo nder ka yil na, de wur mak wang bät haal desä na, ka wur mak naa dän na de kas. 4 Be wen wal hakyeng, mbäde baa mo kat mee gurum de wur mak wang bätthaal na, koo naa dän na kas. 5 Dangbe memee ndäen nennan na mo, sat an nänee, “Taji a wal kas, a naa mbwoor ndang ka Juda, ka ndang ka Devid wur ka se koorong. Wur mmak fälöp nbii de mo lwas na, ka wur wang bät haal na, ka mbii lwas depwooval na mo.” 6 Dangbe an naa mee Laatäm ka naapee kaa de ge gap sä, ka dar nnaar ka peetong ma mulki na mo, mo neer wur cær kat ka mbä defeer de mo ka seen sä mo, ka nennan de sä mo. Laatäm desä na ka soom mo pwooval, ka yit mo pwooval zak. Dese na mo a Riin ka Naan de pwooval sä mo, de Naan wur lep mo koo a pee dedangyi ndäen yil dese. 7 Laatäm desä na yool däm lap bät haal decicibet de na nsarse ka gwar de wur tong nkaa peetong ma mulki ne. 8 Kaade wur lap bätthaal desä na, be mbäde mo ka seen feer sä mo, ka nennan de laarval baafeer sä mo, mo kurum nyil, ntoom ka Laatäm na. Koo a weye ndäen nennan de laarval baafeer sä mo, be mo ka ndeng-ndeng, mo ka yaa daa shoole, zinariya, de na gam ka mee mbiizuum dëshang. Mbiizuum desä na a dangnaan ka nen ka Naan mo. 9 Mo mang mee kook depwoo nänee, “A wa a mak mbä a mang bät haal na, ka a wang lwas na mo, mbäde gyet mo ka tu waa, ka a shi toom fwa, be a waa seet gurum mo des, ka a ji ka mo nDaa Naan. Nen de waa seet na mo, mo put a ndäen koo a soon dedangyii. Ka koo a ndäen lespwoo dedangyii, ka koo a ndäen gurum dedang mo yii, ka koo a ndäen yil dedangyii zak. 10 Waa le mo dee a mishkoom, ka mo dee a pris mo cin dak nNaan fun, kəzak, mo se mulki nkaa mo ndäen yil ne. 11 Kaade naapee, be an käläng döo ka nenlep Naan mo des, de mo ngal kaapaat nkaa ngal kaapaat, de mo neer peetong ma mulki na caerkaat, ka mbii defeer de mo ka seen sä mo, mo neer mbetong ma mulki na ka Nennan sä mo. 12 Mo cin kook shi döo dedes nänee, “Laatäm de gyet mo ka tu na, a wur mak lap, iiko ka long, ka seen, ka bal, ka dedes ka ram, ka kwoop.” 13 Dangbe an käläng mbäde mo dak mo jir, de mo ndäen dengnaan, ka de mo ndäen yil, ka de mo nder ka yil, ka de mo nkaa am, ka mbäde mo ndäen

mo jir, mo cin kook nānee, “Mbee wur de wuu tong nkaa peetong mā mulki, kē Laatām, wu yit kē mā kwoop wur, kē shin dedes nwur, kē ram, kē iiko kē 6al ngaa-ngaa.” (aiōn g165) 14 Dangbē mbāde mo kē seen feer sē mo sat nānee, “nā akā sē.” dang Nennan sē mo nkurum furum, kē mo seyil de nwur.

6 Wen naa kaade Laatām nā, fulep mbii luwaspee dinshee mbwut depwoovāl sē mo. Dangbē an kəlāng dōo kē memee mbut mbā defeer de mo kē seen sē. Wur petpee shi dōo debāl kaa kwōot kē nlūu sē nānee, “jī!” 2 Kaade wen naapee, bē wen naa mee bərang depiyaa kē jī akyeen fen. Gwar de wur lang bərang desē, wur kē nree nsar wur. Mo shin mbiikāā dādes nwur, wur jī put kaa bərang nē kaa gu koorong sē, mbē kē wur sē koorong dī. 3 Kaade Laatām nā fulep mbii lwaspēe dēvāl nā, bē wen kəlāng mbii dēvāl dā kē seen sē mo, sat nānee, “jī!” 4 Dangbē mee bəring npoo jī put, nā a naat. Gwar de wur lang bəring denaat desē nā, mo shin iiko nwur mbākā wur mang tongryang baa kē nā aku ndāen yil dese, mbākā gurum mo doom twe shak dī. mo shin mee kwai dedes nwur zak. 5 Kaade Laatām nā fulep mbii luwaspee dēkun nā, bē wen kəlāng mbii dēkun, de kē seen nā sat nānee, “jī!” naapee, bē naa bəring detāp a kyeen fen. Gwar de wur lang bəring detāp nā, wur kē mbii kām mbii mo ndāen sar fən. 6 bē nkəlāng mee mbii kaa dōo sē, ndāen mbā defeer de mo kē seen sē, dōo nā sat nānee, “Gurum mmang shoōl dāk wur, mā puus māndong, kē wur seet muuduu mā alkama de māndong, kē zak, gurum mang shoōl dāk wur, mā puus māndong, kē wur seet muuduu mo kun mā shwanan dā. Mbe taji a tākook kē mwoor nā kē am anab nā kas.” 7 Kaade Laatām nā fulep mbii luwaspee defeer nā, bē wen kəlāng dōo kē defeer mbut mbāde mo kē seen nā wur sat nānee, “jī!” 8 Ool mee bəring sē, nā a vuun, akyeen fən, moo pet gwar de wur lang bəring desē a muut, kē peetong nā nenmuut mo mbwoon nwur. Mo cin iiko mo nkaa māndong mbut feer kē yil nā, mbākā mo twe gurum mo shi kwai, kē neen, kē muut, kē luwayil mo zak. (Hadēs g86) 9 Kaade wur fulep mbiiluwaspēe depaat nā, bē wen naa nder kē peewus mbezuum. A seen kē nen de gyet mo twe mo, mbāde gyet mo satpwoo Naan nā, kē zak, mo dār kaa shin zeen fur. 10 Mo petpee shi dōo dedes “Daa Naan dādes, debang, kē de waa

azeen, “a pərang dang wen ntokdyeel nenyil nā mo ye? “Nen de gyet mo twe mun sē mo, “mbākā waa laa kwat mo de yii?” 11 Koo awayi dāen mo mo shin lēe depiyaa mo jwal. Dang mo waa sat mo nānee, “Wu gung delee aku, kē dūu kē shaar dāk fuu mo, kē dyemnāen fuu de mo ntwe mo, kaade mo twe wun sē, 12 Naa Laatām nā fulep mbii luwaspee depeemee nā, bē naa yil nā yoon des zam, dangbē puus nā cār deē a tēp kaa nlār maap, de moo dāk shi shweep ghā sē, kē tar nā cār deē a naat kaa toom sē. 13 Zar mo ndāen dengnaan, mbe mo sham dyong nyil, kaadā laatāng kyeen denung moo dyong nyil, katdang kut cutpee balbal sē. 14 Dengnaan nā dēl loom kaa garvit de mo cābet sē, mo shang jir zuul nā mo, kē yil de am neer mo le nnaar, baa kē nā pee mo de. 15 Dangbē mishkoom mā yil nā mo, kē nen de mo se mulki mo, Ke jep mishkoom mo kē denan-nan mā shiitoon mo, kē nenlong mo, kē nen de mo kē iiko mo, kē koor gurum mo jir, kərem mo, kē jeplu mo, mo dām loom ndāen gwoot mo, kē goop zuul mo. 16 Mo pēt Zuul nā mo kē jwak nā mo nānee, “Wu jī wu taa nkaa mun, kē wun paa mun yit gwar de wur kē tong nkaa mulki nā kē tuup Laatām nā. 17 Mbēede puus tuup mo dedes nii jī wul. A wii mmak dār pwoo nā mpuus mēnā yii?”

7 Abwoon de mbii desē mo kyes, bē nghan naa nenlep kē Naan mo feer, moo dār nkoop kwang defeer mā yil nā, mo yaa kut dīn nkwang defeer mā yil nā mo dār kē nā, mbākā taji mee kut cutpee nkaa yil nā, koo nkaa baahar, koo nkaa tēng mo kas. 2 Dangbē nghan naa mee ngulep nNaan, de wur kē put a nkoop puus kaa, wur kē me bii lālu Awas pee Naan de kē seen nsar wur. Wur pet nenlep defeer nā mo shi dōo dī balbal de mo shin iiko mo, mbākā mo tākook kē yil kē am. 3 Bē wur sat nānee, “Taji wu wat yil nā, koo baahar nā, koo tēng mo kas. Wu dār akudang, see mā le fili (alaama) mā ləluwas mā Naan nkaa pəkyeen mā kərem wur mo akudang.” 4 Dangbē nghan kəlāng dūu nen dā mo le fili (alaama) nā mo mpəkyeen mo, mo ngal kambil māndong kē lar feer baafeer. Nen desē nā mo put a ndāen koo soon dēdangyi mā nen Izrel mo. 5 nKwang soon Juda mo, Ngāl kaapaat baavāl nKwang soon mā Ruben mo, Ngāl kaapaat baavāl. nDāen soon mā Gad mo, Ngāl kaapaat baavāl. 6 nKwang soon mā Asher mo, ngāl kaapaat baavāl, nKwang soon

mú Naftali mo, ngal kaapaat baavəl, nKwang soon Manasseh, ngal kaapaat baavəl. 7 nKwang soon mā Simiyon, ngal kaapaat baavəl. nKwang soon Levayi mo, ngal kaapaat baavəl, nKwang soon Isaka, ngal kaapaat baavəl, nKwang soon Zebulum, ngal kaapaat baavəl, nKwang soon Josef, ngal kaapaat baavəl. 8 nKwang soon Zebulum, ngal kaapaat baavəl, nKwang soon Josef, ngal kaapaat baavəl. nKwang soon mā Benjami mo, ngal kaapaat baavəl. 9 Aḏwoon desə, ʔe wen ool, mbə duu gurum mo des, de baa mee gurum mak tang mo kas. Nen desə nə mo puwat a ndəən yil mo shinə-shinə, kə nkwang soon mo shina-shinə, kə gurum mo shinə-shinə, kə liispwoo mo shinə-shinə, kə ndəən koo a pee deḏangyi ndəən yil deḏə. Mo dar ntoom peetong mā mulki, kə ntoom Laatəm. Mo jwal lée deḑiyaa mo, mo kə kom kəkar nsar mo zak. 10 Mo diyeep doo mo mo ashak shiḑal, nənee, “Bam tong a pə Naan fun, de wur tong nkaa peetong mā mulki sə, kə Laatəm nə.” 11 Nenlep mo jir, moo dar atəng neer peetong mā mulki nə, kə nennan sə mo, kə mbə defeer de mo kə seen sə mo zak. Nenlep nə mo saam kə yit fur nyil ntoom peetong mā mulki nə, kə mo seyil nNaan. 12 Mo sat nənee, “Nə aasə, kwoop, kə dehai, kə seen, kə pəlang, kə dədəs, kə iiko, kə ʔal, mo deə a mā Naan fun mbə ngaa-ngaa, Nə aasə.” (aḑōn g165) 13 Dangbe memee mbut nennan nə mo wur tal pə an di, ʔe wur sat nənee, “Nen də mo din nlər de piyaa-piyaa sə mo awii mo me? Mo pwat a ni jii?” 14 Wen lap nwur nənee, “Daa fen, a man.” Dangbe wur sat nənee, “Nen desə mo, a nen de mo pwat ndəən nen di mo shin keer mo, mo kə vwang lée nmo, kə mo deə a deḑiyaa mo, ndəən toom Laatəm. 15 A mpeemənə, ʔe moo dar ntoom peetong mā mulki Naan, kə moo seyil ndəən Lu Naan dədəs, mpaar kə puus. Gwar de wur tong nkaa peetong mā mulki nə, wur tap mo. 16 Baa neen ncham lāa mo kas, kə zak, baa neen am cham tu mo kas. Baa puus, koo tal kə puus nən cham mo kas. 17 Laatəm de wur nnaar peetong mā mulki nə, wur ndeen a ngukiyeer mo. Wur dəm kə mo a pee tuḑut de nə a mā seen. Naan wur mpwes yitmwaan mo jir.”

8 De Laatəm nə fulep bii luwas de pwoovəl nə ʔe pee dək titik ndəən deŋgnaan, mbe nə kus kə koor awa məndong. 2 Wen naa jeplep Naan mo pwoovəl, de moo dar ntoom Naan, ʔe mo

shin feer mo pwoovəl. 3 Mee ngulep Naan wur ji dar kus kə peewus mbiizuum, wur kə mee shooll mā zinariya wus mbezuum. Mo shin mwoor deḑu shangshang mā wus mbiizuum nwur des, mbəkə wur shin mo de ashak kə daŋgnaan mā nen Naan mo, nkaa peewus mbiizuum de mo dək nə a shi zinariya, de nə ntoom peetong mā mulki ne. 4 Diyeel wus mbezuum dək kə toos shangshang nə, kə daŋgnaan mā nen Naan mo, de nən nsar ngulep Naan nə, nə kaa wul pee Naan dək. 5 Dangbe ngulep nə wur mang daa shooll mā wus mbezuum nə, wur gam shooll nə shi wus nkaa pe wus mbiizuum nə, ʔe wur vwet nkaa yil nə, Kaade wur vwet wus desə nə nkaa yil nə, ʔe peekwoot, kə doo mo, kə pee mələp, ʔe yil nə yoon. 6 ʔe nenlep Naan deḑwoovəl de mo kə feer mo pwoovəl sə, mo daksut, mbəkə mo taa feer nə mo. 7 Ngulep Naan dīnshee taa feer wur, ʔe door kə wus, riyeep kə toom, mo sham ʔeer nkaa yil nə. Məndong nkaa kun, mā yil nə caan, kə məndong nkaa kun mā təng mo caan zak, kə shit de mbrak mo caan jir. 8 Ngulep Naan deḑəl taa feer wur, ʔe mee mbii kaa duum jwak lap wus, ʔe mo vwet nə ndəən baahar. Məndong nkaa kun mā baahar nə cəər atoom. 9 ʔe Məndong nkaa kun, mā mbəde mo kə seen deŋ baahar nə mo murep jir, Məndong nkaa kun, mā tii mo takook. 10 Ngulep Naan deḑun wur taa feer wur, ʔe mee zar dədəs, de nə lap wus həlak-həlak kaa ngəyem sə, nə put adəng ʔe nə sham taa nkaa məndong mbut nkun, mā gyeen mo, kə tuḑut mə am mo. 11 Səm zar desə nə a, Deet. ʔe məndong mbut nkun mā am nə, mo cəər deə a deḑeet, gurum mo des mo murep, mbə am dək nə kə deŋ a deḑeet. 12 Ngulep Naan defeer taa feer wur, ʔe mo cut məndong mbut nkun mā puus, kə məndong mbut nkun mā tar, kə məndong mbut nkun mā zar mo, Mbemənə, ʔe məndong mbut nkun mā peeḑang mo baa moo kuḑi kə ʔangpee kas. Məndong mbut nkun mā puus, baa nə kuḑi kə peeḑang kas, kə məndong dīn kun mā paar nə ʔangpee kas. 13 Kaade nghan naapee, ʔe nghan kələng mee puul, de nə mwaan adəng, nii petpee shi doo deḑal, nənee, “Jeell! Jeell! Jeel. Mpee gurum de mo ndəən yil nə, mbəde nenlep Naan de mo kuḑi kun sə, mo kus kə taa feer mo.”

9 Ngulep Naan deḑaap wur taa feer wur, ʔe nghan naa mee zar de nə tong a deŋgnaan

sham taa bəm-yil nā. Mo shin biwangpee nzar nā mā tuun dejurum, de baa nā kə peedar sə kas nwur. (Abyssos g12) 2 Kaade wur wang pwoo tuun dejurum desə nā, be dyeel kaa put ndaen tuun nā, kaa dyeel wus de nā se lu sə. Diyeel desə nā kaa paa puus, kə dengnaan, mbe pee nā rap kaa par sə. (Abyssos g12) 3 n'Daen dyeel desə nā, be cibēl mo sham nkaa yil nā, mo shīn bāl mo kaa mā dōor mo sə. 4 Mo sat mo, "taji wu tung shit, koo tēng, kə bii dā mo kop mo de mo ndaen yil nā kas, mbe wu tung a nen de baa mo kə mbii luwas mā Naan pəkyeen mo kas. 5 Baa mo shin iiko nā mo a mbəkā mo twe nen desə nā mo kas, mbe mo shin iiko nā mo, a mbəkā mo shinjeel de nen desə nā mo mbə tar mo paat. Jeel de mo shwaa nā, nā shwal kaa shwal de dōor pus gurun sə. 6 n'Daen tar dēpaat desə nā mo, be nen desə nā mo yap muut, mbe baa mo kat kas. Moo rəbet muut mbe muut nā dām jong kə mo. 7 Cibēl desə nā mo lapshak kə bəring de mo tap dāk mo mbə dām nlek. Mo jwal mee mbii mo nkāa mo, kaa mbiikāa de mo dāk mo shi zinariya sə, kə zak, yit mo lapshak kə yit ngurum mo. 8 Shwepkāa mo, a kaa mā shurep mo sə, kə zak, oos mo nā a kaa oos mā mbwoor mo sə. 9 Mo paa tuur mo nā mo, shi shool, kə cáap mo mo wal nciit kə wal mā shii bəring de moo dul keke bəring mo mbə dām nlek. 10 Mo kə ndang de nii pwaspee kaa dōor mo sə. A shi ndang desə mo, be mo katbāl mbə shinjeel gurun mo, mbə tar mo paat. 11 Mo kə gwe dā a kaa mishkoom mo a ngulep mā tuun dejurum, de baa nā kə peedar kas sə, sām wur shi Yahudi, a Abaaddon, dangbe sām wur shi Heleni a Apoliyon. Shi mənə a nānee, "Ngutəkook kə mbii mo." (Abyssos g12) 12 Jeel dedes dīnshee nā del mmənə. Dee jeel dedes mo de vəl, de mo ndang jī. 13 Ngulep kə Naan depeemee nā wur taa feer wur, dangbe nghan kəlāng mee dōo nā jī put ndaen kwang defeer mā peewus mbezuum de mo dāk nā a shi zinariya, de nā dār ntoom Naan. 14 Dōo nā katpwoo ngulep depeemee dā wur kə feer nā nānee, "A fween nenlep defeer sə mo, de gyet mo bwoot mo le ngāyen Yufrates dedes sə." 15 Nenlep defeer desə mo, mo gyet bwet mo a mbe pee desə, kə teer, kə tar, kə bit nā, gyet mo bwet mo, kə mo twe gurun de nyil nā mo mēdong kaa kun. 16 Duu shiiton de mo lang bəring nā mo a miliyon kambil vəl. Wen kəlāng duu mo nā 17 Bəring nā mo kə nenlang

nā mo, de wen naa mo ndaen suun fen nā, mo lap kəsə, gwat tuur mo, de nā naat kaa wus sə, nā təp kaa dengnaan sə, kə zak, nā a kaa fwat wus sə. Kāa bəring nā mo lapshak kə mā nvar mo. Wus kə diyeel, kə fwat wus mo jī put mpwoo kə bəring nā mo. 18 Mēdong kaa kun mā gurun de nyil nā mo mo murep mbe mbii shin jeel dēkun desə mo, wus nā, kə diyeel, kə fwat wus de pwat pwoo bəring nā mo. 19 Bāl bəring nā mo, a ndaen pwoo mo, kə ndang mo mo. Dang mo nā mo a kaa nwōd mo sə, de mo kə kāa. A shi ndang desə nā mo, be bəring desə mo cīnjeel gurun de nyil mo. 20 Kaar gurun de baa mo murəp nsar kə jeel desə mo kas, be baa mo tuwap kas, mo sat a nseyil nriin dēbish mo, kə kūm de mo dāk shi zinariya, kə azurfa, kə bōng dēnaat, kə jwak, kə yoom mo. Baa moo naapee, koo kəlāngpee, koo mee mwaaan kas. 21 Baa mo waa tuwap mbə tukāa de moo cin nā kas, kə mulak, mo kə shin ngaa, kə wat.

10 Dangbe wen naa mee ngulep kə Naan dedes, wur tong a dengnaan sham. nLuu paa wur kaa nlər sə, kə zak, wiw neer kaa wur cəərkaat. Yit wur nā a kaa puus sə, kə shii wur nā mo a kaa ndwet dānan-nan mā wus sə. 2 Wur kə mee replāa garvit, de nā a wuwang nsar wur, wur leshii se wur nā nkaa baahar, kə shii kul wur nā kaa yil, 3 Dangbe wur petpee shi dōo dēbal de nā lap shak kə or mā nvar. Kaade wur kə petpee nā, be peekwoot dēpwoovəl mo lap nwur shi dōo dēbal. 4 Kaade peekwoot de pwoovəl nā mo leshap, be wen kən rəbet ran nā, mbe wen kəlāng mee dōo ndaen dengnaan sat nānee, "A shoot mbəde nluu de mo petpee pwoovəl nā mo sat. Taji a ran mbəde mo sat nā kas." 5 Dangbe ngulep kə Naan, de mee shii wur nā nkaa baahar, kə mee shii wur nkaa yil sə, wur diyeep sar se wur kaa adēng. 6 Wur tuceerpwoo ndaen sām kə Naan de wur de ngaa-ngaa, Wur de wur le dengnaan ke mbii de dān mo, kə bəm-yil kə mbii de dān mo, kə baahar kə mbii de dān mo. Laalep nNaan nā sat nā, "Baa mee pee kudi kas! (aiōn g165) 7 Katdang laalep Naan de pwoovəl wur kus taa feer wur nā, be mbii mā Naan desəsok mo ngam, kaade gyet wur kə ten sat nkərem wur mo, nensatpwoo Naan mo. 8 dangbe dōo de ken kələn sə ndaen dengnaan, nā katpwoo kə nghan zak nānee, "A dām, a mang ngarvit de wuwang nsar laalep nNaan de wur kə dār nkaa baahar kə yil." 9 n'Dām pee

Laalep nNaan nā ntal kē wur shin rep laagarvit nā nghan. Wur sat nghan nā, “A la, a se. Nā be nduwang būt nfwaā, dang mbūt mpwoo fwaa, bē nān mbā shang kaa loor nshii sā.” **10** Wen la replāa ngarvit nān nsar Laalep nā nse, bē nā shang nciit kē loor nshii pwoo fen. Abwoon dē ndal nā, mbē cār duwang duwaan mbūt fen. **11** Dangbē mo sat nghan nānee, “Nā atāng a baa can joom zak dā gurum mo shinā-shinā kē nyil mo shinā-shinā, kē lespwoo mo shinā-shinā, kē nkaa mishkoom mo mo shinā-shinā zak.”

11 nLa mee kam, kaa kām kam mbii sā, dangbē mo sat nghan nānee, “A dām a kām Lu Naan dēdes nā, kē peewus mbezuum nā kē, a tang duu nen seyil nā mo. **2** Mbe taji a kām fuur nā kas, mbāde mo kē ten shin mēnā, nen dē baa mo a nen Yahudi mo kas. Nen desā mon treng nkaa yilkaam dēbang nā, mbā tar mo laarfeer baavēl. **3** Wen mbe nshin nlangtāng fen mo vāl, mbākē mo sat joom, mbā teer mo ngal mēdong kē dāri vāl kē laarpeemee. Mo njwal leemaap mo.” **4** Nenlangtāng dēvāl desā nā mo, a mo a tingpaat dēvāl sē mo, kē ngyem dēvāl sē mo zak, dē moo dār ntoom kē Daa dē mā yil desā nē. **5** Katdāng mee gurum kē rābet tākook kē mo, bē wus nji put mpwoo mo, mbe nā se shaarlek mo mo. A desā dēe, a ar muut jir gwar dē wur kē rābet tātōok kē mo atīng kē wur muut. **6** Nen desā nā mo kē iiko, mbākē mo shoot dēngnaan, mbākē taji fwan ji kas, ndāen teer dē mo nkaa can joom. Kāzak, mo kē iiko, mbākē mo le am mo jir, mo ceer a toom. Mo mak cut mōmyil nā shi shwal mo shini-shini, kaadē mo nāa nā ret mo nyit sē. **7** Abwoon dē mo nkyes sat caamkat mo nā mo, bē mee luwa dē nā kaa put ndāen tuun dē baa nā kē peedar kas sē. Luwa desā nān mōwet lek nkaa mo, mbe nān nse koorong nkaa mo, dangbē nān ntwe mo zak. (Abyssos g12) **8** Kūm dēs nā mo mbā ngarang ndāen peekat mā yilkaam dēnan-nān sē mo, dē moo kē koon mo a kē “Sodom” kē “Ijip” sē, pee dē gyet mo pwas Daa mo dē. **9** Mbe teer kun kē koor bā Gurum, mo shinā-shinā, soon mo shinā-shinā, liispuu mo shinā-shinā, kē yil shinā-shinā, mo nnaa kūm kē mo nā, mbā mo ncii wum kūm kē mo nē. **10** Nen dē moo tong ndāen yil desē, mo mbe ncīn retnyit mbā murāp kē das dēvāl desā nā mo, mo mbe yool mārēp kē retyit. Kē zak, mo nlep zuum mo nshak, mbāde nenjoom dē dēvāl sē mo kē shinjeel nen dē

yil nā mo. **11** Abwoon teer mo kun kē koor, bē Naan wur le kē nook mā seen dēl ndāen mo, mbe mo yool dār nkaa shii mo mo, dangbē mee kārmuut dēdes nā yāa nen dē mo nāa mo. **12** Dangbē nen dēvāl sē mo kālāng mee dōo dēdes dē nā put ndāen dēngnaan nā sat mo nānee, “Wu kaa sē.” Bē shaarlek mo nāa mo dēl kaa ndāen dēngnaan dāen nluu. **13** Abet-abet, bē yil nā yoon bālbal. Mēdong mbūt nkaapaat mā yil nā pyan, kē gurum mo ngal pwoovēl, mo murāp ndāen yoon kē yil mēnā. Kārmuut dēdes yāa koor nen dē mo baar nā mo, mbe mo kwoop dādes nNaan dē wur ndāen dēngnaan. **14** Abwoon mbii shin keermuut dēvāl kē dēl, mbē mbii shin keermuut dēkun nān nji kēlak-kēlak. **15** Ngulep Naan dē pwoovēl nā wur taa feer fān, bē dōo dēbal-bal mo ndāen dēngnaan, mo sat nānee, “Semishkoom mā yil desā nā, nā dēe a mulki mā Daa fun, kē mā Kristi, wur ncīn mulki nā a mbā ngāa-ngāa.” (aiōn g165) **16** Dangbē nēnnan dē Laarvāl baafeer sē mo, dē moo tong nkaa mbii tong mā mulki mo mo ntoom kē Naan sē, mo kurum nyil, kē mo seyil dē nNaan. **17** Mo sat nānee, “Mu pēlang waa, Daa Naan dēbal met jir, A waa dē yaksā, kē dē dēyaam, mbēede aa māng iiko fwa dēdes, kē a yāa se mulki. **18** Yil nā mo langtuup, dang tuurnung dēbish bish fwaa kē ji. Pee nā wul dē mon tokdyeel Nen mumuut mo, kē shin kwat kerām fwaa nen cīn joom mo kē nen fwaa mo dē moo dēep sām fwaa, denan, kē dēdyeen kē mbe tākook kē nen dē mo tākook kē bōmyil nā.” **19** Lu Naan dēdes dē nā ndāen dēngnaan wang, bē mo nāa Kwati Mā Tucārpwoo shi toom mā Naan. Dangbē pee nā mālēp dēs, kē dōo dēdes mo, mā peekwoot, bē yil nā yoon, kē vivir.

12 Mee mbii naaman dēdes put dāen dēngnaan, Mee mat war, lep nlār puus, kē tar nder shii war, kē war lepmbiikaa mulki kē zar mo kaapaat baavēl nkāa war. **2** War dā kē aak bē war wal dēbal būt shal, kaadē aak nā dōom se war. **3** Dangbē mee mbii naaman zak nā ji put dē ndāen dēngnaan nā, mee duum nwōo dēdes, dē nā a naat, kē kaa mo pwoovēl, kē soom mo kaapaat, kē mbiikāa mā mulki mo pwoovēl, nkaa nā. **4** nDang nwōo nā fet mēdong kaa nkun, mā zar dē mo ndāen dēngnaan sham d̄yong nyil. Nwōo nā dār akyeen mat dē war pā yap lāa-lāa sē, mbākē nā bālāp se lāa nā dī kadang war laa. **5** War lāa dēmish, wur bē

nse mulki nkaa nyil mo jir, shi kamshool. Nə ɓam laa nə kwet! Shi kaa pee Naan di, npeetong mulki wur. **6** Mat nə war su dām a naaryil, a npeede Naan wur tap dakle nwar, de mo ntap war, mbe teer mo ngal mǝndong, kǝ kambil vǝl kǝ laarpeemee. **7** Lek yool ndǝən ndengnaan. Makiyel kǝ nenlep wur mo, mo nkaa lek kǝ nwǝo nə, nwoo nə kǝ nenlep wur mo cǝər lek kǝ mo. **8** Dang baa ɓal wur nə mak kas ɓe mo ceen wur dǝən dengNaan nə. **9** Mo mang cut am desǝ nə, mo vwet wur shin sham ndǝən yil nə nwǝo degyet mǝnǝ mo pet wur a nguɓwaan, ko shetan dǝ wur gwom gurum mo yil nə dǝm kǝnǝ a ar de nkan mo mang wur vwet shi sham yil, kǝ jeplep wur mo. **10** Dangbe nghan kǝlǝng mee doo dedes ndǝən dengnaan nə sat nǝnee, “Yaksǝ, ɓe ɓam Naan nə kǝ nɓi wul, kǝ iiko kǝ mulki mǝ Naan fun, kǝ iiko mǝ kristi. ʼBe gwar de wur fǝlǝp dymnǝn fun mo, ntoom Naan fun puus kǝ par mo vwet shin sham yil. **11** Mo se koorong nkaa wur mbǝ toom kǝ Laatǝm kǝ, pwoo kaa caamkat mo, baa mo wal seen fur kas hakyeng ɓe mo shin seen fur har muut. **12** Mbemǝnǝ, ɓe wu cin retnyit, wun dengnaan mo, “kǝ nen de moo tong ndǝən dengnaan nə mo zak, Mbe jeel kaa ɓǝmyil, kǝ baahar nə, mbǝede nguɓwaan wur kǝ sham pee wun di, Wur gam kǝ pǝtuup dǝwat, Wur man pee wur nə dee a lee dak.” **13** Kaade cut am desǝ nə naa, nə, mo vwet wudin shin sham ndǝən yil dǝse, ɓe nə yaa sushii ndǝng mat de war lǝa-lǝa demish sǝ. **14** Mbe mo shin cǝap mat nə vǝl de dǝnan-nan mǝ puul, mbǝkǝ war katpee yool dǝm wul pee de mo kǝ ten dak war annaar yil, pee de mo mbe tap war de ɓǝrepee, kǝ koor pee de baa nwoo nə mak wul de kas. **15** Dangbe Nwǝo nə wuut am shin put mpwoo nə kaa gyeen sǝ, ɓe kǝ am nə dǝl mat nə kǝ nə soo war seet kǝ nə kǝ tungzung nə. **16** Dangbe yil nə ɓam mat nə war, ɓe nə wang pwoo nə ɓe nə dǝl gyeen de cut am nə wuut pwoo wur nə. **17** Tuup fes tu nwǝo nə ndǝng mat war kaade nə naa baa nə mak yaa mat nə war kas, ɓe nə dǝm yaa lek nkaa ndǝng kǝ war nə mo. Dang kǝ mat nə, a nen de moo kǝlǝng doo kǝ Naan, de mo kǝ caamkat kǝ Jesu.

13 kut am nə dǝr nkaa pwoo dyyes mǝ am baahar ne. nWoo, nə dǝr duk dyyes kǝ pwoo am baahar ɓe nnaa mee Luwayil kǝ put dǝən am baahar. nə kǝ soom mo kaapaat, kǝ

kǝa mo pwoovǝl, nə kǝ mbiikǝa mǝ mulki mo kaapaat nkaa soom wur nə mo, koo a kǝa dǝdǝng yii, ɓe mo ran mee sǝm de nə satpwoo dǝbish. **2** Luwayil de nghan naa nə, nə lapshak kǝ lushim, dǝng nə kǝ shii kaa mǝ ludang kǝ pwoo nə kaa mǝ nvar sǝ nwoo nə shin ɓal fen luwayil kǝ peetong mulki wur nə kǝ iiko ʼDeɓal. **3** Mee ɓut kǝa wur nə mo nciit kǝ nə mee laa dǝbish bish dǝng laa dǝbish-bish nə kǝ zuum. Yil nə gam kǝ mbii aapwoo ɓe nə taadang Luwayil nə. **4** Gurum mo seyil nwoo nə ɓeede nə shin iikoo luwayil nə, dǝng ɓe mo seyil nluwayil nə ɓe mo tal nǝnee “A wee kaa luwayil nə sǝ? A wee mak cin lek kǝ nə yii?” **5** Mo shin pwoo nluwa dǝsǝ nə mbe kǝ nə satpwoo roop, kǝ moo fǝlǝp Naan de kǝ nə cin dak kǝ iikoo fǝn di mbǝ tar mo laarfeer baavǝl. **6** Luwa nə wang pwoo nə mbe kǝ nə satpwoo debuun mo kaa Naan, kǝ nə tǝkook kǝ sǝm wur di kǝ peetong wur, kǝ des di mo kǝ tong a ʼDengnan **7** Mo Shin ɓal nə mbǝkǝ nə cin lek de nkaa nen Naan dǝdǝng mo kǝ se koorong kaa mo. ʼDang mo shin iiko nkaa jir soon dǝdǝng yii, gurum dǝdǝng yii, liispwoo dǝdǝng yii? kǝ yil dǝdǝng yi. **8** Jir nǝn de moo kǝ tong ndǝən ɓǝmyil dǝsǝ mo ɓe seyil luwayil nə. Jir sǝm di baa mo kǝ ran mo dǝn ɓǝthaal mǝ seen mǝ laatǝm, laatǝm dǝ di mo tuu pǝ gyet de nshee kǝ yil nə. **9** Ngwe de wur kǝ kom mbǝ kǝlǝngpee. “ **10** Katdǝng mee gurum ɓe dǝm pee shoot, ɓe moo dǝm kǝ wur peeshoot. Katdǝng mo ntu mee gwe a shi kwai, ɓe nə a tǝng mo ntu wur a shi kwai nə.” ʼDesǝ nə a petpee mbǝkǝ mo gung, kǝ mo dǝr de ɓalɓal kǝ shinzeen nkwanɡ nen Naan mo. **11** Dangbe naa mee luwayil dǝvǝl, dǝ nii put dǝən ʼBǝmyil. Luwa dǝsǝ nə kǝ soom mo vǝl kaa laatǝm sǝ, Mbe nə leeshap kaa kut am sǝ. **12** Luwa dǝsǝ nə cin dak kǝ iiko mǝ luwayil dǝshee nə koppee nə, kǝ nə lee ɓǝmyild kǝ mbii de kǝ tong dǝn mo seyil de luwayil dǝshee nə, de laa nə dǝbish bish sǝ kǝ zuum. **13** Luwayil dǝvǝl dǝsǝ nə cin mbii nnaaman mo dǝs hakyeng, nə le kǝ wus tong adǝng Naan sham nkaa ɓǝmyil nə nyitnaapee gurum mo. **14** Mbǝe mbii nnaaman nə mo ɓe mo shin ɓal nə ɓe cin mbii mo koo-pee mǝ luwayil de nshee nə, nə gwam nen tong dǝn ɓǝm-yil nə mo. wur lee mo mo dǝn mbii kum mo ɓut shin dǝdes luwayil de di wur kat laa shi kwai jir kǝsǝ ɓe wur kǝ seen. **15** Mo shiɓal nluwayil dǝvǝl kǝ wur shin nook de kum luwayil dǝnshee nə, kǝ kum nə leeshap di kǝ wur lee jir ngwe

dí wur cii seyil kum nà ɓe mo tu. **16** Nà lee ting gurum mo jir, dedes kà delee, nenlong, kà nenjeel, jeplu mo, kà kàrem mo, kà mo lap mee mbiinaaman nkaa sarse mo, koo nkaa pàkyeen mo mo, **17** Kà taji mo mak seet koo seet kà mbii kas see mo kà mbii naaman dese, de nà a sàm luwayil mäne koo mee lambaa de naa sàm nà. **18** Dese nà wal a seen ɓe see a ngwe de wur kà seen, yit gwe de wur kà dyyeen wur yakshii luwayil nà mo de, Mbède nà a lambaa mā gurum ɓe lambaa nà a 666.

14 Kaade wen diyeep yit, ɓe wen naa Laatām akyeen fen, wur dar nkaa jwak nZayon, ashak kà nen wur gurum, de mo wul ngal kambil mändong kà laarfeer baafeer. Das desà nà mo kà sàm Laatām nà, kà sàm kà puun wur a rəran nkaa pàkyeen mo jir. **2** Dangbe wen kələng mee doo sà ndān dengnaan, de nà nciit-nciit kà wal kà am de nà sham ndang des, kà nà wal kaa peekwoot sà. Doo de kələng nà, nà a kaa nen de mo pə taa ndeng-ndeng sà. **3** Mo cin kook depwoo ntoom kà mpeetong mā mulki nà, kà ntoom kà mbii defeer de mo kà seen sà mo, kà ntoom kà nennan sà mo. Baa mee ngwe mak kām kook mənə kas, see a das de mo ngal kambil mändong kà laarfeer baafeer. A mo a nen de mo kà ten ang mo ndān yil nà. **4** Das desà nà mo a nen de baa gyet mo cam təkook kà sut kà mat mo kas, moo cam man mee mat mo kas. Mo dām ndang Laatām nà, koo a pee dedang yii. Mo ang mo mbut gurum mo, kà mo shin mo kaa laa täng deshee nà nNaan, kà Laatām nà. **5** Baa mee dūng cam put mpwoo mo kas, mbəde baa mo kà mee shikbish kas. **6** Dangbe wen naa mee ngulep Naan pwoo, nkaa mwaaan ndān kut a shi cáap, wur kà pwoo deret, dedām ngaa-ngaa, Mbəkə wur sat nà de nen de mo ndān ɓəm-yil dese. Pwoo desà nà, nà a mbə koo a yil dedang yii, kà mbə koo a soon dedang yii, koo a lesppoo dedang yii, kà nà a mbə gurum mo. (aiōnios g166) **7** Wur sat shi doo dedes nānee, “Wu kər Naan, wu cin dedes nwur, mbəde puus tokdyeel wur nà jì wul. Wu seyil nNaan, mbəde a wur le dēng mo kà yil nà. A wur le am ndān baahar, kà tuɓut mo zak.” **8** Ngulep Naan deval nà, jì sat nānee, “pal! Pal! Yil Babilon dedes nà pal! Gyet a war le dang gurum de ndān yil nà mo shinə-shinə mo shwaa am yuurpee, de nà a mā cin ngaa.” **9** Mee ngulep Naan dekun wur taa dang mo,

wur sat shi doo deɓal nānee, “Katdang mee gurum seyil nluwayil sà, kà muriin wur, mbe kà ngwe mənə lap mbiinaaman mā luwayil nà nkaa pàkyeen wur koo sar wur, **10** Mo jir ɓe nshwaa am laa ting de mā tuup Naan, Di wur kà ten doo shiɓal ndān daa shooll wur de nà a mā tuup wur. Mo nshínjeel ngwar mənə shi wus dēnaat, ntoom jeplep-Naan deɓang mo, kà Laatām ne. **11** Dangbe dyeel mā shwaaajeel kà das mənə mo, nà yool kaa adēng mbə ngaa-ngaa. Baa mee nookdi di kas par kà puus ɓe nen de mo seyil nluwayil kà mā riin nà, Kà koo aweyi de la mbiinaaman mā sàm ne.” (aiōn g165)

12 Desà petpee nen Naan mo, mbəkə mo gung de ndān tap kà Wàar Naan, kà zak, mbəkə mo dar de ɓalɓal shi shinzeen mo ndān Jesu. **13** Dangbe wen kələng mee doo ndān dengnaan, nà sat nānee, “A ran desà, Deret aa nen de mo kà murep, nen de mo mmurəp dān Daa, yool nyaksə. del dām akyeen” Riin nà sat nà, “Ii, “mo nnookdi mbut ndak mo mo, mbəde dak cin mo nà dām ndang mo.” **14** Naapee, akyeen fen, ɓe wen naa mee nluu depiyaa, mee gwar kətong nkaa nluu nà, de wur lapshak kà Làa Gurum. Wur kà mbiikāa mā zinariya nkaa kaa wur, dā wur kà mee jeem desese nsar wur. **15** Be mee ngulep-Naan wur jì put ndān Lu Naan dādes, ɓe wur petpee gwar de wur tong nkaa nluu sà, shi doo deɓal, “A mang jeem fwa nà, kà a yaa diip-diip de, mbəde pee mā diip nà kà jì wul, ɓedə Dəben nà kà nung mak diip.” **16** Gwar de wur tong nkaa nluu sà, wur wiit jeem wur nkaa maar de mo ndān ɓəmyil nà, ɓe mo diip ɓəm-yil nà. **17** Mee ngulep Naan, wur jì put ndān Lu Naan dedes nà ndān dengnaan, ngulep desà wur kà jeem desese nsar wur zak. **18** Mee ngulep Naan, de a wur kà tap wus, wur jì put a npee wus mbezuum di, wur pet ngulep Naan de wur kà jeem desese sà shi doo deɓal nānee, “A mang jeem fwa, kà a yaa saa tuun laatāng anab di mā ɓəm yil desà nà, mbəde laatāng anab nà mo kà nung.” **19** Ngulep Naan nà wur wiit jeem wur nkaa yil nà, ɓe wur yaa saa tuun anab mo, dangbe wur le mo ndān pee dwat am anab, de nà a tuup Naan dādes. **20** Mo tərēng, kà mo dwat làa anab nà mo, aɓwoon yilkaam nà. Toom put ndān làa anab desà nà mo, mbe toom nà sham kaa am sà, de jong nà wul meel mo ngal mändong kà kambil peemee, kà jurum nà a kaa kām kà shii mo paat sà.

15 Dang wen naa, mee mbiinaaman dādes, de nā dee a mbii aapwoo ndāen dengnaan. Wen naa nenlep Naan mo pwoovəl, kə jeel de mə kyes nā mo pwoovəl zak. A shi jeel desə mo, be Naan wur woo kyes kə tuup wur. **2** Dangbe wen naa, mee mbəde nən nciit kə am baahar mə gəlas, de mo riyeep nā ashak kə wus, Nen de mo se koorong nkaa luwa sə, kə nkaa muriin wur, kə nkaa gwar de səm wur a səmduu (lambaa), moo dār de mpwoo gənə nā. Mo kə ndeng-ndeng mo nsar mo, de Naan wur shin mo, **3** dangbe mo cin kook mə Mosis kərem Naan, kə kook Laatəm nā, mo cin kook nā nānee, “Dak fwa nā mo a dānan-nan mo, de mo aapwoo, Daa Naan de bal met jir. Ar fwa nā mo a de ndāre, kə mo azeen-nzeen zak, Mishkoom mə gurum de mo ndāen yil nā mo jir. **4** A wii nkəer waa kas ye, Daa? Kəzak, a wii nnook kwoop səm fwa ye? Daa a waa mməsak, a debang. Gurum de ndāen yil mo jir, mo nji seyil nwa. Mbēede gurum mo jir, mo kə woo dāk fwa de ndere nā mo.” **5** Aḃwoon de se, be nghan naapee adengnaan, be nghan naa mo wangpee debang mə bit mə Naan, de nā a langteng kə pwoo de gyet Naan wur kə ten tuweer ne. **6** Nenlep Naan mo pwoovəl, de mo kə jeel mə kyes de pwoovəl sə, mo ji put ndāen Lu Naan dādes, de nā a mə Bit Daa nā. Mo jwal a lée debang, fuwaat deməlep mo, de moo mangyit. Mo ḃwoot tuur fur mo shi zaal de mo dāk mo a shi zinariya. **7** Memee ndāen mbii defeer de mo kə seen sə shin daa shoal mə zinariya mo pwoovəl, nenlep Naan de pwoovəl nā mo. Daa shoal desə nā mo gam kə tuup Naan de wur kə seen dedəm ngaa-ngaa. (aiōn ᠑1᠖5) **8** Be Lu Naan dedes nā gam kə dʒeel mə dedes wur, kə iiko wur zak. Baa mee gurum mak del ndāen Lu Naan dedes nā kas, see aḃwoon de jeel de pwoovəl mə nenlep dā pwoovəl nā mo gam.

16 Dangbe nghan kələng mee dōo debal ndāen Lu Naan dedes nā, nā sat nenlep kə Naan de pwoovəl nā mo nānee, “Wu dām wu dōo mbii de ndāen daa shoal de pwoovəl di mə tuup Naan nā mo nkaa yil ne.” **2** Ngulep Naan dīnshee wur dām dōo mbii de nā ndāen daa shoal de wur kə nā nkaa yil nā. Dangbe sərep dēshwal de mo bish naa, mo pwas nen de mo kə fili (alaama) mə luwa nkaa sut sə, kə nen de di mo seyil mmuriin kə luwa ne. **3** Ngulep Naan dēvəl wur dām dōo mbəde nā ndāen daa de wur kə nā nkaa baahar, dangbe am nā cəer dee kaa

toom kə ngu mumuut sə. Mbē de mo kə seen de moo tong ndāen am, mo murap jir. **4** Ngulep Naan dēkun, wur dām dōo mbəde nā ndāen daa de wur kə nā nkaa gənə am mo, kə tubut mo. Am nā mo cəer dee a toom. **5** Wen kələng ngulep de wur tap kə am mo, wur sat nānee, “Waa a dīn ndāret, mbə candyeel desə mo, Waa a debang, waa de gyet yam, bə waa dā, waa de waa de yaksə. **6** Mbēede gyet mo beer toom kə nen fwa mo, kə toom nensatpwoo fwa mo zak, “Mbe waa kə shin toom mo shwaa ntiit-ntiit kə kwat mo.” **7** Dangbe nghan kələng mee dōo a peewus mbezuum nā sat zak nānee, “Ii, Daa Naan debal met jir. Azeen-nzeen, candyeel fwa nā mo azeen, kə mo a ndāre zak.” **8** Ngulep Naan defeer, wur dām dōo mbəde nā ndāen daa de wur kə nā, nkaa puus. Dangbe mo cīnbal mpuus nā, mbəkə nā caan gurum mo de shi wus. **9** Tal kə puus nā fes ḃaan gurum mo, shiḃal, mbe mo satpwoo debuu nkaa səm kə Naan, de wur kə iiko nkaa jeel nā mo. Mbe mo chi tuwap, baa mo kwoop dedes Naan kas. **10** Ngulep Naan depaat, wur dām dōo mbəde nā ndāen daa de wur kə nā, nkaa pee mə mulki mə luwa nā. Dangbe mulki kə luwa nā cəer dee a peenkoo. Be gurum mo ərap liis fur mo mbə jeel de mo nkaa shwaa ne. **11** Gurum mo waa satpwoo debuu nkaa Naan, mbə shwaajeel de mo nkaa shwaa nā, kə sərap mo mo zak, mbē jir kəse, be mo chi tuwap, mbə dāk debish de mo kə ten cin mo. **12** Ngulep Naan depeemee, wur dām dōo mbəde nā ndāen daa de wur kənī, nkaa gənə Yufrates dedes sə, be am de nā ndāen gənə desə nā del fii, mbəkə nā dāk ar de mishkoom de mo nji nkoop puus kəkāa. **13** Dangbe nghan naa riin debish mo kun, de mo kaa nzargook mo sə, mo ji put ndāen pwoo kə kus nḃdō sə, kə ndāen pwoo kə luwa sə, kə ndāen pwoo kə ngusatpwoo Naan mə dūng sə. **14** Riin debish desə nā mo nkaa cin mbə aapwoo mo des hakyeng. Mo dām pee mishkoom mə yil desə mo jir, mbəkə mo kyak mo le de ashak mbə cin lek parpuus dedes mə Naan debal met jir sə. **15** “Wu naa nghan nji a kaa wat sə! Nen de mo tong shi gongpee, de mo kə lée fur mo a ləlep, mbəkə taji mo put ngum, kə mo kat naashwoop de kas, be nen mənə mo nkat deret.” **16** Riin debish desə nā mo kyak mishkoom mə yil desə mo le ashak, mmee mbēdə moo pet nā shi lespwoo mə nen Yahudi mo a Armageddon. **17** Ngulep depwoovəl, wur dām dōo mbəde nā ndāen daa de wur kənə nkaa

kut. Dang mee doo defal ji put ndaen Lu ka Naan dades, a peetong ma mulki na nane, "Na ka shin!" **18** Kazak, pee na malep, nluupet, ka pee na gwan. Yil na yoon shifal, de baa yil ka kyam yoon kaa manase kas, pagyet de gurum mo yaa tong de ndaen yil ne. **19** Barnan dedes na bak kun, ka kaar yil de ndaen yil na mo jir, mo shirip. Naan wur pan Babilon dedes sa, mbe wur cin kap de na gam ka am anab (filip) de na a ma tuup wur nwura shwaa. **20** Koo rep laayil dedangyi de am neer na caerkaat, be na su dam loom, ka dengiwak mo su dam laam zak. **21** Daar danan-nan mo put ndengnaan, mbe mo sham taa nkaa gurum mo, koo a daar dedangyi be toon ka na wul kaa ma bufu kaen sa. Gurum mo satpwoo debuu nkaa Naan, mba shwal de moo shwaa na, mba sham ka daar desase na mo, ka zak, mbeede jeel na fes shwal zam hakyeng.

17 Memee mbut nenlep Naan de pwooval sa mo de mo ka daa mo pwooval sa wur ji mpee nghan da, be wur sat nghan nane, "A ji, be nghan nkam nwa, kar de mo can mmat ngaa dedes na da war ka tong pokom am mo. **2** Mishkoom de ma yil desase mo cin ngaa ashak ka war, ka gurum de ndaen yil desase mo fes yuur ka am anab ma ngaa war na." **3** Be la lep Naan mang an seet ka na but Riin, sa dam a naaryil, a npee de baa am de kas. A naaryil na, be nghan naa mee mat ka tong nkaa mee luwayil de na a naat. Mo ran sam debish mo, de mo satpwoo debuu nkaa Naan. Luwayil desase na ka kaa mo pwooval, ka soom mo kaapaat. **4** Mat na war tap jwal a lee de mo pan a naat mo de mo ret naa zam, war ka tap dak mo a shi mbeede mo dak mo a shi zinariya ka ngak deapwus mo, ka mbii jwat de roret mo, kaa mbeede moo pet na a peyal mo sa. Mat na war ka mee dekwat nsar war, de mo dak a shi zinariya, de na gam ka mba debish mo, de mo a ma ar tong war debish ma ngaa. **5** Sam da Mo ran nkaa pakeen war na a bii de mo manshi na kas. BABILON DEDES, NDAEN MAT NGAA MO, KA MBA DEBISH DE MO NDAEN YIL NA JIR. **6** Wen naa mat na war ka yuur shi toom nen Naan de bang mo, Toom nen de gyet mo shin langtang ka Jesu. Kaade naa war, be na fes aapwoo nghan zam. **7** Ngulep Naan wur tal pa nghan nane, "A mii aapwoo nwa yii? Wen woo shii mba de baa a manshi na kas kaa mat na ka luwayil de war ka lang kaa na de na ka kaa mo pwooval, ka soom mo

kaapaat sa. **8** Luwayil de a naa sa, da gyet yam be na di, mbe yaksase, baa na kudi kas, nan yool kaa put a ndaen tuun de baa nii peedar kas sa, mbaka na dam de a npeede mo ntu na de vit. Nen de mo ndaen yil dese, de pagyet de nshee ka yil na, be baa mo ran sam mo mo ndaen buthaal ma seen kas. Nin aapwoo mo mba naa luwayil desase na, mbeede gyet na di ka seen, mbe na ka muut, jir kase, be na nwa baaji put ka seen zak. (Abyssos g12) **9** "Dase ka rabet a patuup de ka seen manshi bii mo. Kaa de pwooval na mo, mo a zuul mo pwooval, de mat na war tong nkaa mo sa. **10** Mo a mishkom mo pwooval zak. Mo ka sham ka paat mo ndaen mulki mo, mbe mandong de nkaa se mulki yaksase. Baa devel na ka ji wul kas, mbe katdang wur nji wul, be wur nse mulki na a mba rep pee lee bejee dak. **11** Luwayil de di na di, yaksase baa na kudi kas, a na a mishkoom depwookun na. Mbe na a ndaen soon mishkoom de pwooval sa mo. Be na nkaa dam a pee de mo takook ka na. **12** "Soom dekaapaat de a naa sa mo, mo a mishkoom mo kaapaat, de baa mo kacin mulki mo kas aku. Be mba awa mandong, be mo ncin iiko mo kaa mishkoom mo sa, ka mo cin mulki de ashak ka luwayil ne. **13** Mishkoom dekaapaat sa mo, pan mo na mo a demandong, mo ncin bal mo, ka iiko mo nluwayil ne. **14** Mo ncin lek ka Laatam na, mbe Laatam na wur nse koorong nkaa mo, mbeede a wur a Daa ndaa mo, Mishkoom ka mishkoom mo, ashak ka wur, be nen de wur ka ten parep, ka belap mo, mo nse koorong zak." **15** Dangba ngulepnaan wur sat nghan nane, "Am de a naa sa, a mpeede mat ngaa sa war tong da, gurum mo, kuur gurum mo shina-shina, ka yil mo shina-shina, ka liispwoo mo shina-shina zak. **16** Soom de kaapaat de a naa sa mo, ka luwayil na, mo mba cii mat ngaa na. Mo mba takook ka mbii da war ka na mo jir, mba mo yit war dee ngum, mo nse luwa war, ka mo ncaan war shi wus. **17** A Naan wur ka ten le manase ndaen patuup mo, mbaka mo cin mbeede na gam dyen wur da, kaade mo balkaa mo mo, mbaka mo shinfal mo mo, mba se mulki ka luwayil na, mbe pardi pwoonaan na gam. **18** Mat de nwa a naa na, a yil dedes de na ka cin mulki, nkaa mishkoom ma yil na mo."

18 Awoon dese, ba nghan naa mee ngulepnaan npoo ka sham ndaen dengnaan. Ngulepnaan desase wur ka iiko dedes

zam. M6a pee6ang m6a iiko wur n6a 6ang yil n6a k6ad6ang. 2 Shi d6oo dedes 6e wur le or: “Bal fi k6a kyes! Bal fi k6a kyes! Yil n6aBabilon dedes War k6a dee a tulu riin debish mo War dee a peetong m6a koo a riin debish dedangyii, War dee a peetong m6a koo a mb6a derap, k6a nyer debish. K6a koo a luwa dedang d6e nyakkap. 3 M6eede gyet gurum nyil mo shini-shini, gyet mo shwaa a am anab m6a ngaa ashak k6a war. Mishkoom m6a yil d6as6a mo gyet mo cin ngaa k6a war K6a nennwer d6e m6a yil des6a mo, moo long a shi l6bet mb6a bii k6a kat war d6e m6a yil dese, d6e n6a met m6a sat.” 4 Dang6e wen k6al6ang mee d6oo npoo d6e n6a put nd6aen dengnaan, n6a sat n6anee, “Wun nen f6an mo, wu put aku nd6aen war, m6bek6a taji mo cin kwat nwun ashak k6a war mb6a shikbish war n6a mo kas, M6bek6a taji wu lap memee nd6aen jeel war n6a mo kas. 5 Mb6ad6a shikbish war n6a mo k6a ak k6aa wul a dengnaan, Naan k6a yee d6akdebish war mo. 6 Wu kwat war nciit k6a mbii d6a war k6a cin wun, wu kwat war yitv6al, mb6a mbii d6e gyet war k6a cin mo nwun. Wu d6oo mo yitv6al, kaad6e gyet war k6a kam nwun d6in d6ekwat war s6a. 7 Wu yit k6a kwat d6e n6a a m6a kar k6a jeel d6e war lap n6a, n6a dee nciit-nciit k6a ram k6a long d6e gyet war shin nk6aa war, m6eede war nkaa dyeep kaa nnee ‘wen a mishkoom d6e mat. baa wen a matkaa, baa wen cam wal maap kas.’ 8 M6em6an6a 6e, jeel war n6a mo nj6i taa nkaa war ndi mman, m6eedi a parpuus m6andong, 6e muut k6a maap, k6a neen, mo ntaa nkaa war. Dang6e wus ncaan war, mb6ade Daa Naan d6e wur ntokdyeel nwar, wur k6a iiko d6es. 9 “Katdang mishkoom m6a 66m-yil d6es6a mo, d6e gyet mo cin ngaa ashak k6a war, d6e gyet mo se pak long war n6a mo ashak k6a war, 6e mo nnaa dyeel d6e n6a caan war, 6e mo nw6al k6a maap mb6a war. 10 Mbee jeel dedes d6e war shwaa n6a. 6e k6aermuut nyaa mo, mb6a mo nd6ar a jong-jong k6a moo wal d6a, k6a mo nsat n6anee, “Jeel! Jeel m6bee wii yil dedes Babilon! Yil d6e gyet wii k6a iiko d6es, nd6aen awa m6andong, 6e kyes fii n6a j6i wul!” 11 “Nennwer d6e mo 66m-yil n6a mo, mo nw6al k6a maap nkaa war, mb6ade baa mee ngwe kud6i, nseet l6ee mo mo kas. 12 L6ee nwar d6e mo a zinariya mo, k6a m6a azurfa mo, k6a m6a ngh6ak deret d6e moo m6alep nyilaknyilak, k6a nl6ar d6e r6eret mo shini-shini, k6a nl6ar d6e pan a naat mo, k6a shiyeep deret mo, k6a mbii d6e mo d6ak mo a shi oos n6a mo, k6a shiyeep d6ek6ar6am mo, k6a mb6ade mo d6ak mo a shi shoal deret mo,

k6a ngh6ak deret d6e m6a d6yiklu mo, 13 k6a bii d6e k6a toos shangshang, kaa sinamon, k6a le sh6ata, meer, k6a frankisens, k6a mwoor d6e gurum k6a caan, mb6ak6a wur k6al6ang toos desh6ang n6a d6e s6a, k6a m6a am anab, k6a m6a mwoor paat, k6a m6a 6as deret mo, m6a alkama, k6a m6a randong mo, k6a t6am mo, k6a m6a b6aring mo, k6a m6a keke b6aring, k6a gurum mo d6i mo s6arep mo kaa k6ar6em mo s6a” 14 Nennwer n6a mo nsat nwar n6anee, “Jir mbii d6i r6eret d6e d6i yii leyit nkaa mo, moo del d6am jee. Long fii mo jir, k6a rak fii n6a mo jir, mo nloom. Baa wii kud6i yii kat mo d6i zak kas.” 15 Nennwer d6e mo seet k6a mbii d6es6a mo, d6e mo kat long p6a war d6i, mo nd6ar jong-jong, k6a k6aermuut fes yaa mo, mb6a shwaajeel d6e war nkaa shwaa n6a mo nw6al k6a maap. 16 Har mo nfwo ruruu n6anee, “Jeel fii, jeel fii, wii yil d6ades, gyet yam, 6e wii yii jwal a lee mulki d6i r6eret mo detap piyaa mo, k6a detap naat juwal mo. D6i mo m6alep shi zinariya, k6a shi ngh6ak d6ek6ar6am d6i mo, k6a lilliu. 17 nD6aen awa m6andong 6ejee, 66a long fii dedes s6a mo dee a debuul’ Jir nentung tii am mo, k6a gurum d6e moo gh6ar mo ntii n6a mo, k6a nen d6e moo kat mbii teer mo mo a nd6aen baahar mo, das d6es6a mo jir, mo nd6ar jong-jong, k6a war. 18 Katdang mo nnaa dyeel m6a caan war n6a k6aa, 6e mo nfwo or shi6al n6anee, ‘Baa mo cam kat mee yil dedes kaa yil s6a kas.’ 19 Mo kok yil le nkaa k6aa mo mo, ashak k6a wal, k6a maap n6anee, “Jeel fii! Jeel fii, wii yil dedes, Gyet yam 6e nen d6e mo k6a tii mo nkaa baahar, moo kat long a mb6a long fii, m6e nd6aen awa m6andong, 6e wii dee a del6aloom jee!” 20 Wii dengnaan, yi cin retnyit, mb6a mbii d6e n6a kat yil d6es6a war. Wu cin retnyit, wun nen Naan mo, k6a wun jeplep mo, k6a nensatpwoo Naan mo, m6eede Naan wur candyeel nwar, m6bee mbii d6e gyet war k6acin mo nwun.” 21 Dang6e mee ngulep Naan d6ebal, wur mang mee ngh6ak dedes kaa fin dyees d6ak s6a, wur vwet n6a nd6aen am baahar, k6a wur sat n6anee, “Mo m66wet Babilon yil dedes s6a a shi6al aas6a zak, baa mo nkud6i k6a naa war d6e zak kas. 22 Baa mo mbaa k6al6ang wal k6a ndeng-ndeng, k6a d6oo nenkook mo, k6a wal m6bel, k6a wal nf6eer mo nd6aen wii Babilon kas. Baa mo nwaa kat mee nguc6in d6ak shi sar, m6a koo a kaan d6ak dedangyi nd6aen wa kas. Baa mo waa baa k6al6ang wal nf6in dyees d6akmo nd6aen wii kas. 23 Baa mee wus ngyem nwaa baa 6angpee d6i nd6aen wii kas. Baa mo waa baa k6al6ang mee d6oo m6ashpwoo k6a matpoo nd6aen wii kas. Gyet

yam, 6e nennwer fii nā mo, a nen dānan-nan mā yil nā mo. Gyet a shi mulgut mā soot fii, 6e yii le gurum dē mo ndāen yil nā mo jir, mo taa mer ar dī buu. 24 Gyet a ndāen Babilon, 6e mo kat toom nensatpwoo Naan mo, kē toom mā nen Naan mo, kē toom mā gurum dē gyet mo saa mo jir ndāen bām-yil nā.”

19 Abwoon dēse, 6e nghan kəlāng mee dōo dē nā kaa dōo dedes, mā gurum mo dedes sē ndāen dēngnaan. Doo nā mo sat nānee, “kwoop Naan! Mbeede bām, kē ram, kē iiko mo a mā Daa Naan fun. 2 Mbeede candyeel wur nā azeen, kē nā a ndāret. Wur kē candyeel debish, mmat ngaa sē. Dē gyet war takook yil nā shi ngaa war sē. Wur baa kwat war, nciit kē toom kē kərem wur dē gyet war twe mo.” 3 Kəzak, mo waa baa fwo or shibāl nānee, “kwoop Naan! Dyeel dē mo caan war nā nkāa dēng ngaa-ngaa.” (aiōn g165) 4 Nennan dē laarvəl baafeer sē mo, kē mbii defeer dē mo kē seen sē mo, mo kurum nyil, kē mo seyil dē nNaan, dē wur tong a peetong mā mulki. Mo seyil nwur, mo sat nānee, “Nā aa sē! Kwoop Naan!” 5 Dāngbē mee dōo jī put dē ndāen peetong mā mulki nā nānee, “Kwoop Naan fun, wun kərem wur mo, wun dē wuu kər wur, nen dēdyeen mo, kē nen dēnan mo jir.” 6 Dāngbē wen kələng mee mbii kaa dōo kē gurum mo dēs sē, nān nciit kē wal kē am dādes, dē nii sham ndang, kē nā wal kaa nluu dē nii pet sē. Doo nā mo sat nānee, “Kwoop Naan! Mbeede Daa Naan fun dēbāl jir, wur sē mulki. 7 Wu yit kē mā cin retriyit shi pātuup dēbang, wu yit kē mā shin dedes nwur. Mbeede pee nā wul, dē Laatəm kē Naan wur ncindyik. Matpoo nā war kē dāk seet mbē dyik nā. 8 Mo shin lēe dēpiyaa peng-peng mo nwar, mbēkē war lep dī.” (Lēe dēpiyaa peng-peng nā mo, moo kām a dāk deret dē nen Naan dē pang mo kē ten cin.) 9 Dāngbē ngulep Naan wur sat nghan nānee, “A ran dēsē. Deret nkaa nen dē mo pərep mo mbē sē serābet mā Laatəm nā.” Ngulep Naan wur waa baa sat nghan nānee, “Dese nā a pwoo Naan azeen-nzeen.” 10 Wen saam nyil ntoom wur, mbākē nghan seyil dī nwur, mbē wur sat nghan nānee, “Taji a cin mənā kas, nghan a kərem Naan kaa waa sē, “kē koor dyemnāen fun dē mo lap langteng mā Jesu sē. A seyil a nNaan. Pwoo dē Jesu wur woo nā, a nā a kāa riin nensatpwoo Naan mo.” 11 Wen naa Dēngnaan a wuwang, 6e mee bəring dēpiyaa dē nii dār a

kyen fen, dē sām kē gwar dē wur lang bəring dēpiyaa nā a Ngwe dē ndāre, kē Nguzeen. Wur candyeel a ndāen ar dē ndāre, kē cin lek zak. 12 Yit wur mo a kaa aawus sē, kē wur kē mbiikāa mā mulki mo dēs nkaa kāa wur zak. Wur kē mee sām dē nā a rəran nkaa shin, dē baa mee gurum mak man nā kas, sē a wur shikāa wur bējee dak. 13 Wur lep lēe dē sāben dē mo kē lep ndāen toom, kē sām wur nā a Pwoo Naan. 14 Nenlek dē mo ndāen dēngnaan, moo mwaan ndang wur nkaa bəring dēpiyaa-piyaa mo, kē mo tap lep a lee lilin dēpiyaa kē dēbang. 15 Mee kwai desese jī put mpwoo wur. A shi kwai dēsē 6e wur nsaa gurum dē mo nyil nā mo shinā-shinā, “Wur nse mulki nkaa mo a shi dūl shooh.” Wur ntəreng am anab nā a peetəreng anab dē nā a mā tuup Naan dēbāl met jir. 16 Nkaa nlər wur, kē nkaa cī wur, 6e sām dē nā sat nānee, “MISHKOOM MƏ MISHKOOM MO, DAA MƏ DAA MO.” 17 Bē nghan naa mee ngulep Naan wur dār nkaa puus, wur pərep nyer dē moo yool ncāap shi dōo dedes, nānee, “Wu jī, wu kaat ashak jir, mbē gomteer dedes mā Naan. 18 Mbēkē wuu sē luwa mishkoom mo dī, kē luwa dēnan-nan mā nenlek mo, kē luwa nen dēnan-nan mo, kē luwa mā bəring mo, kē mā nenlang bəring nā mo, kē luwa gurum mo jir, mā jepļu mo, kē mā kərem mo, dēdyeen, kē dēnan.” 19 Wen naa luwayil sē, kē mishkoom mā yil nā mo, kē nenlek mo mo, mo kuur ashak, mbākē mo cin lek dī kē ngulang bəring dēpiyaa sē, kē nenlek wur mo. 20 Mbē mo yaa luwayil nā ashak kē ngusatpwoo Naan mā dūng sē, dē gyet wur cin mbii aapwoo, kē mbiinaaman mo a pee mā luwayil nā. A shi mbii aapwoo dēsē mo, 6e gyet wur num nen dē mo lap mbiinaaman mā luwayil nā, kē gyet mo seyil muriin wur zak. Mo vwet mo weet mmeen ndāen aawus dē nii lap a shi fwat mā bintāka. (Limnē Pyr g3041 g4442) 21 Mo twe koor nā mo shi kwai dē nā jī put pwoo kē ngulang bəring dēpiyaa sē. Nyer mo jir, mo sē luwa nā, mbē nā mak mo.

20 Dāngbē Wen naa mee ngulep Naan kē sham put ndāen dēngnaan, wur kē biwangpee mā wang tuun dējurum, dē baa nii peedār kas sē, kē wur kē mee təzek dedes nsar wur. (Abyssos g12) 2 Wur yaa nwòdō sē, nwòdō dē pəgyet nā dī yam-yam sē. A nwòdō nā wur a ngujuwan, ko shetan, Ngulep Naan wur bwoot ngujuwaan mbē bīt ngal mēndong. 3 Ngulep Naan nā vwet nwòdō

nə sham ndāen tuun de baa nii peedar kas sə. Aḏwoon mənə, be wur shoot pwoō tuun nə, kə wur lus nə, mbəkə taji nguɟwaan wur katpee mbə gwam gurum de ndāen yil nə mo di zak kas, see aḏwoon bit ngal mǎndong akudang. Aḏwoon mənə, be mo mbwet nguɟwaan nə, mbə reppee lee dāk. (Abyssos g12) 4 Dangbe wen naa mbii tong mə mulki mo, kə zak, nen de mo kə tong nkaa mbiitong mulki mo, moo shin ɓal mo bə tok dyeel. Wen naa seen nen de gyet mo saa kaa mo, mbəde gyet mo shin camkat mbə Jesu, kə mbə pwoō Naan. Baa gyet moo seyil luwayil nə koo mə riin wur kas, kə baa gyet mo lap mbiinaaman mə luwayil nə nkaa pəkyeen mo mo, koo nkaa sar mo mo kas. Mo baa shin seen mo, mbe mo se mulki ashak kə Kristi mbə bit duḓu mǎndong. 5 Koor nen dā mumurap nə mo nkat seen kas, see mbwoon bit mo ngal mǎndong akudang. A desə nə a yool a pee muut de nshee. 6 Daret kə dǎɓang a nen de mo mak yool a peemúut dɪnshee diisi nə. Baa muut dǎvəl mak katɓal nkaa mo kas, mbə mo nde a pris mə Naan mo, kə mə Kristi, mbə mo nse mulki ashak kə wur mbə bit mo ngal mǎndong. 7 Aḏwoon de bit ngal mǎndong nə mo dɛl, be mo nfwen shetan ndāen lushoot de mo ɓwoot wur dā. 8 Be nguɟwaan wur nput dǎm mbəkə wur gwam gurum de mo ndāen yil nə mo dā, ndāen kwang defeer mə yil nə. Yil diisi nə mo a Gok, kə Magok, wur cak mo le ashak mbə lek. Duu mo nə dee a kaa dɪyes mpwoō am baahar sə. 9 Mo mpær nkaa yil nə jir, mbə mo ndam neer mpeedə nen Naan moo kuur dā, kə yil de wur wal nnə. Dangbə wus ntong a dɛngnaan sham se mo. 10 Dangbə nguɟwaan de gyet wur gwam mo, mo nvwet wur ndāen aawus de nii lap a shi fwat mə bindəga, nbeede luwayil nə kə ngusatpwoō Naan mə dɔng sə mo. Mo nshwaajeel a peemənə mpar kə puus, mbə ngaa-ngaa. (aiōn g165, Limnē Pyr g3041 g4442) 11 Dangbə wen naa mee peetong mə mulki dedes a piyaa, gwar de wur tong nkaa peetong mə mulki diisi nə, be yil kə dɛngnaan mo loom ciir nyit wur, baa mee peedi bə kas. 12 Wen naa nen mumuut, denan, kə dedɪeen mo kə dār toom mulki wur, ɓə bǎet-haal mo wang. Bə bǎet-haal pwoō wang de nə a Bǎet-haal mə seen. Mo ntokɪyeel nen mumuut nə mo nkaa mbii di moo cin kaade mo kə ran dɪn bǎet haal nə mo sə. Mo ran mo nkaa dāk de gyet nen mumuut nə mo kə cin be mo kutdi mmeen. 13 Bahar war

shwat nen mumuut de mo ndāen war, kə muut mə peemúut mo shwat nen mumuut de mo ndāen mo, koo a ngwe dǎɓang ye, mo tokɪyeel mo nciit-nciit kə mbii de moo kə ten cin. (Hadēs g86) 14 Mbə mo vwet muut kə peemúut ndāen aawus. Aawus desə nə a peemúut dǎvəl mmənə. (Hadēs g86, Limnē Pyr g3041 g4442) 15 Jir ngwede baa sǎm wur nə a rǎran ndāen bǎethaal mə seen kas, be mo kə vwet gwar mənə ndāen aawus ne. (Limnē Pyr g3041 g4442)


21 Wen naa dɛngnaan dɛpwoō kə ɓəm-yil dɛpwoō, mbəde dɛngnaan dɪnshee, kə ɓəm-yil dɪnshee nə, mo kudi kas, kə baa mee baahar kudi kas. 2 Wen naa yil dǎɓang, Jerusalem dɛpwoō, nə sham put ndāen dɛngnaan pee Naan dā. Mo tap dāk war a kaa matpoo de war lep lée rǎret mbə kaat kə mish war sə. 3 Dangbə nghan kǎlǎng mee dōo put a peetong mə mulki nə, nə sat nǎnee, “Wu naa! Peetong Naan nə ashak kə gurum mo, wur ntong ashak kə mo. Mo mbə dee a nen wur mo, kə Naan wur shikaa fǎn ntong ashak kə mo, nwur ndee a Naan mo zak. 4 Wur mbə mpwes koo a yitmwaan dǎɓangyi ndāen yit mo mo. Baa mee muut koo maap, koo wal, koo shwal kudi kas, mbəde mbə deyam mo kə dɛl seet.” 5 Wur de dā wur kə tong nkaa peetong mə mulki nə wur sat nǎnee, “Wen nkaa dāk koo meye, a dɛpwoō.” Dangbe wur sat nǎnee, “A ran mbii desə, mbəde mo mak kə gurum shinzeen, kə mo azeen zak.” 6 Wur sat nghan nǎnee, “Nə kə chin. A an a Alfa nə kə Omega, dɪnshee nə, kə kyes nə. Ngwe de am tu wur, an bə shin am nwur nzuu, ndāen tuḓut mə am seen sə. 7 Nen dā mo se koorong, ɓə mo nse kop mbii desə mo jir. An ndee a Naan mo, kə mo dee a jepfen mo. 8 Mbə nenkǎrmuut mo, kə nencii cinzeen mo, kə nendebish mo, kə nentukaa mo, kə nenngaa mo, kə soot mo, kə nenseyil nkùm mo, kə nencin dɔng mo, mo nfwo mo ndāen aawus de nii lap wus a shi fwat mə bintəka. Dese nə a muut dǎvəl mməne.” (Limnē Pyr g3041 g4442) 9 Memee mḓut nenlepnaan de pwoovəl sə mo, de mo kə dāa mo pwoovəl, gam kə jeel de pwoovəl mə kyes nə sə mo, jì sat nghan nǎnee, “A jì, kə nghan kám matpoo nə di nghan, dā war a mat nlaatəm nə.” 10 Bə wur mang an seet kə nə dǎən Riin shin kaa adǎng zuul dǎdes dǎng wurang, kə wur kam pee yil dǎɓang nghan. Jerusalem nə tong adǎng sham put pə Naan di. 11 Nə ɓangpee shi ram

nNaan, kə ɓangpee nə a kaa mə jwak dɛkərəm mo sə, kaa ɓangpee mə jaspə sə. Nə ɓangpee kyel-kyel! **12** Nə kə mee kok dɛdɛs, dɛwurang, dɛ nə kə polu mo kaapaat baavəl. Nenlepnaan mo kaapaat baavəl, moo dər mpolu dɛsə mo, Mo ran sɛm soon dɛkaapaat baavəl mə nen Izrel mo nkaa polu dɛkaapaat baavəl dɛsə nə mo. **13** Də polu mo kun nsar puus kaa, polu mo kun nkwanɔ ɛndɛl, polu mo kun nkwanɔ ngyɛn, kə mo kun nə sarpuus sham. **14** Kok mə yil nə kə kuk mo kaapaat baavəl. Mo ran sɛm jɛlep dɛ kaapaat baavəl Laatəm nə mo nkaa mo. **15** Ngulepnaan dɛ wur lɛshap kə nghan, wur kə mbiikám pee, dɛ mo dák nə a shi zinariya, mbəkə wur kám yil nə dɛ, kə polu nə mo, kə kok nə mo. **16** Shwəl nyil nə kə kaam nə, mo a nciit-nciit. Ngulepnaan nə wur kam yil nə, bə wur kat nə wul meel ngal kaapaat ndəən sɛbɛn nyil nə, kə kaam nə, kə wurang nə nciit-nciit. **17** Ngulepnaan nə wur waa kám kaam kok nə, bɛ nə a shii kambil mɛndong kə laarfeer baafeer ntoon kə nəər nə. **18** Mo dák kok nyil nə a shi jaspə, kə yil nə a shi zinariya kɛding-ding, nə mɛlep kaa mbiinaarin. **19** Mo dák jwat nkuk kok mə yil nə mo shi nɔhək dɛrɛt. Modák kuk dɛnsheɛ nə a shi jaspə, dɛvəl nə a shi safiya, dɛkun nə a shi aget, dɛfeer nə a shi emiral, **20** Dɛpaat nə a shi Onis, dɛpeemee nə a shi rubi, Dɛpwoovəl nə a shi krisolait, dɛpwookun nə a shi beril, Dɛpwoofeer nə a shi topas, dɛkaapaat nə a shi tokwes, dɛkaapaat baamɛndong nə a shi jasinf, dɛkaapaat baavəl nə a shi ametis. **21** Mo dák koo a pwoolu dɛdangyi dɛkaapaat baavəl sə mo shi mee nɔhəkderet dɛ moo pet nə a peyal. Koo a pwoolu dɛdang ye, bɛ nə mang peyal mɛndong. Ar dɛdɛs dɛ nə nyilkaam nə mo mo dák a shi zinariya kɛdang-dang kaa binaariin sə. **22** Baa wen naa mee Lu Naan dɛdɛs dɛ ndəən yil nə kas, mbɛdɛ Daa Naan dɛbal met jir, kə Laatəm nə, a mo a Lu Naan dɛdɛs. **23** Baa yil nii rɛbɛt puus, koo tar mbə kənə ɓang nə dɛ kas, mbɛdɛ dɛdɛs Naan nii ɓang yil nə jir, kə Laatəm wur a ngyam yil ne. **24** Bə song yil nə mo mwaan a ndəən pɛɛɓang nə, kə mishkoom mə Bəm-yil nə mo, mo nji kə dɛdɛs mo mo ndəən nə. **25** Baa mo cam shoot polu nə mo koo yit mɛndong kas, mbɛdɛ baa mee paar ndɛn dɛ kas. **26** Bə yil nə mo bə ji kə ram, kə Long mo mo, ndəən nə jir. **27** Baa mee mbii dɛrap mmak dɛl dɛ ndəən yil nə kas. Koo ngwe dɛ wur cin mbɛdɛ mə nashweep, koo gwampeɛ, bɛ baa mo

cam dɛl ndəən yil nə kas, mbɛ see a nen dɛ sɛm mo mo a rɛran ndəən bəthaaal mə seen Laatəm bɛjɛɛ dák.

22 Dangbɛ ngulep Naan wur kám mee geen nghan, dɛ nə a mə am mə seen. Am nə dong yet-yet. Am nə put a pɛetong mə mulki Naan, kə mə Laatəm ne. **2** Am dɛsə nə sham a nnaar ar dɛdɛs mə yil nə. Təng mə seen nii dər mpwoo geen nə koo nkwanɔ dɛdang ye. Nii lɛa-lɛa mo kaapaat baavəl, koo tar dɛdangyi mə laatəng mo. Kom təng dɛsə nə a mbə baar gurum dɛ mə yil nə mo jir, shinə-shinə. **3** Baa mee mbii dɛbish mmak dɛl ndəən yil nə zak kas. Pɛetong mə mulki Naan kə Laatəm, mo ntong ndəən yil nə, kə kərəm wur mo nseyil nwur. **4** Mo nnaa yit Naan, moo nnaa sɛm wur nkaa pɛkyɛn mo mo. **5** Baa mee par kuɗi zak kas. Baa mo nnaa kuɗi kə cin dák kə pɛɛɓang mə ngyam zak kas, koo mə puus kas, mbɛdɛ Daa Naan wur nshin pɛɛɓang mo, kə mo nse mulki mbe ngaa-ngaa. (aiŋn q165) **6** Ngulepnaan wur sat nghan nɛnɛɛ, “Pwoo dɛsə nə mo mak dɛ gurum nshɛnɛn mo, Kə mo azeen zak. Daa Naan dɛ wur cin Riin wur nensatpwoo wur mo, wur lep ngulep wur, mbəkə ngulep nə wur kám dɛn nkərəm wur mo, mbii dɛ a ting mo ncɛn akyɛn kəlák.” **7** “Jesu sat nə nɛɛ, Wu naa, nghan kə ji kəlák-kəlák! Dɛrɛt nkat ngwe dɛ wur tap pwoo dɛ nen satpwoo nan mo ran ndəən ngarvit dɛsə.” **8** A nghan Joon, a an a ngwedɛ nkələng, dang nnaa mbii dɛsə mo, kaadɛ nghan kələng dang nghan naa mo, bə nghan taa nyil shii ngulepnaan nə kə nghan seyil dɛ wur dɛ kə kám mbii dɛsə nə mo nghan. **9** Mbe wur sat nghan nɛnɛɛ, ‘Taji a seyil nghan kas, nnə wuɗin a kərəm kaa nghan sə, kə dɛymnəən fun nensatpwoo Naan mo, kə jir nen dɛ moo tap kə pwoo dɛrɛran ndəən bəthaaal dɛsə nə. Wu seyil a nNaan!’ **10** Ngulep nə wur sat nghan nɛnɛɛ, “Pwoo Naan dɛ mo ndəən bəthaaal dɛsə, taji a paa mo kas, mbɛdɛ pee nə wul, mbəkə mbii dɛsə nə mo cin dɛ. **11** Wu yit kə ngucɛn mbii dɛbish mo, bɛ wur sekɛɛn kə cin nə. Wu yit kə ngucɛn mbii dɛrap mo, bɛ wur sekɛɛn kə chin mo. Ngucɛn mbii dɛn ndərə mo, wu yit kə wur sekɛɛn kə cin dɛn ndərə wur. Ngwe dɛ wur a dɛɓang bɛ wur sekɛɛn dɛ a dɛɓang.” **12** “Wu naa, nghan pə ji kəlák-kəlák ashak kə kwat fən. Wen shin nə nkɔo a weye, nciit-nciit kə mbii dɛ gurum kə ten cin mo.

13 Wen a Alfa kə Omega, də a nghan a Təleng kə mbii mo, kə də mḃwoon kə mo, nghan a Dinshee kə Kyes kə mbii mo jir zak. **14** Nen də mo vwang lée mo mo ɓang-ɓang, ɓe mo nkat ɗeret, mḃəde a mo nkat iiko mḃə se laatəng ɗə mə seen nə, kə mo ndel mpolu nə mo, mḃə del ndəən yil ne. **15** Mḃwoon yil nə, ɓe as mo ɗi, kə soot mo, kə nenngaa mo, kə nentukaa mo, kə nenseyil nkùm mo, kə jir nen də mo rəbet cìn ɗung mo. **16** A nghan a Jesu kən lep ngulep fen, mḃəkə wur shin langteng ɗesə mo nwaa, mḃə Ekəlisya mo. A nghan a cirem kə dang Devit, kə a nghan a Tar mangɓit, ɗe nii ɓangpee sə.” **17** Riin nə kə matpoo nə, mo sat nənee, “A jì!” Wu yit kə koo a weye, ɗe wur kələngpee, ɓe wur sat nənee, “A jì.” Wu yit kə koo a weye ɗe neen am tu wur, mḃə am mə seen, ɓe wu yit kə wur jì, mḃəkə wur lap am mə seen nə shwaa ɗe shi zuum. **18** Wen Joon pə dul kom kòo a weye shiɓal nee koo a weyii ɗe wur kələng pwoo ɗe mo ran ndəən ngarvit ɗesə, ɗe mo put pee Riin Naan ɗi. Katɗang mee gurum le mee pwoo nkaa ɗe mo kə ten ran ndəən ngarvit ɗesə nə, ɓe Naan wur le kwat pwoo ngwar mənə a shi jeel ɗe mo kə ten ran ndəən ngarvit ɗesə. **19** Katɗang mee ngwe mang mee mbii baa kə nə ndəən pwoo ɗe mo a rəran, ɗe mo put a pee Riin Naan ndəən ngarvit ɗesə, ɓe Naan mḃə mang pak pwoo məwur ndəən təng mə seen kə ndəən Yil Ɗebang, kaadə mo kə sat ndəən ngarvit ɗesə. **20** Gwar ɗe wu shin camkat mḃə mbii ɗesə nə mo jir, wur sat nənee, “Ii, nghan pə ji kəlak-kəlak. Nə akəsə. A jì, Daa Jesu.” **21** Deret Daa Jesu tong ashak kə wun jir. Naasə.



Wen naa yil deɓang, Jerusalem deɓwoo, na sham put ndaən dengnaan pee Naan dā. Mo tap
ɗak war a kaa matpoo de war lep lee raret mbə kaat kə mish war sə. Dangbə nghan kəlɔŋ
mee dōo put a peetong mə mulki nā, nā sat nānee, “Wu naa! Peetong Naan nā ashak kə
gurum mo, wur ntong ashak kə mo. Mo mbə dee a nen wur mo, kə Naan wur shikāa fən
ntong ashak kə mo, nwur ndee a Naan mo zak.”

Revelation 21:2-3

Reader's Guide

Sura at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

Sura at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aidios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Mwaghavul---Mwaghavul-Bible/Noted

Aionian Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words but may wrongly imply *eternal* or *Hell*. Note placement is skipped or adjusted for verses with non-standard numbering.

Abyssos

Luke 8:31
Romans 10:7
Suun 9:1
Suun 9:2
Suun 9:11
Suun 11:7
Suun 17:8
Suun 20:1
Suun 20:3

Dak 3:21
Dak 15:18
Romans 1:25
Romans 9:5
Romans 11:36
Romans 12:2
Romans 16:27
1 Koronti 1:20
1 Koronti 2:6
1 Koronti 2:7
1 Koronti 2:8

1 Pita 1:25
1 Pita 4:11
1 Pita 5:11
2 Pita 3:18
1 Joon 2:17
2 Joon 1:2
Juud 1:13
Juud 1:25
Suun 1:6
Suun 1:18
Suun 4:9

aidios

Romans 1:20
Juud 1:6

1 Koronti 3:18
1 Koronti 8:13
1 Koronti 10:11
2 Koronti 4:4
2 Koronti 9:9

Suun 4:10
Suun 5:13
Suun 7:12
Suun 10:6
Suun 11:15

aiōn

Matthew 12:32
Matthew 13:22
Matthew 13:39
Matthew 13:40
Matthew 13:49
Matthew 21:19
Matthew 24:3
Matthew 28:20

2 Koronti 11:31
Nen Galati Mo 1:4
Nen Galati Mo 1:5
Afisus 1:21
Afisus 2:2
Afisus 2:7
Afisus 3:9

Suun 14:11
Suun 15:7
Suun 19:3
Suun 20:10
Suun 22:5

Maak 3:29
Maak 4:19
Maak 10:30
Maak 11:14

Afisus 3:11
Afisus 3:21
Afisus 6:12
Nen Filipi Mo 4:20
Kolosi 1:26

aiōnios

Matthew 18:8
Matthew 19:16
Matthew 19:29
Matthew 25:41
Matthew 25:46

Luke 1:33
Luke 1:55
Luke 1:70
Luke 16:8

1 Timothy 1:17
1 Timothy 6:17
2 Timothy 4:10
2 Timothy 4:18

Maak 3:29
Maak 10:17
Maak 10:30
Luke 10:25

Luke 18:30
Luke 20:34
Luke 20:35
John 4:14

Titus 2:12
Hebrews 1:2
Hebrews 1:8
Hebrews 5:6

Luke 16:9
Luke 18:18
Luke 18:30
John 3:15

John 6:51
John 6:58
John 8:35
John 8:51

Hebrews 6:5
Hebrews 6:20
Hebrews 7:17
Hebrews 7:21

John 3:16
John 3:36
John 4:14
John 4:36

John 8:52
John 9:32
John 10:28
John 11:26

Hebrews 7:24
Hebrews 7:28
Hebrews 9:26
Hebrews 11:3

John 5:24
John 5:39
John 6:27
John 6:40

John 12:34
John 13:8
John 14:16

Hebrews 13:8
Hebrews 13:21
1 Pita 1:23

John 6:47
John 6:54
John 6:68

John 10:28
John 12:25
John 12:50
John 17:2
John 17:3
Dak 13:46
Dak 13:48
Romans 2:7
Romans 5:21
Romans 6:22
Romans 6:23
Romans 16:25
Romans 16:26
2 Koronti 4:17
2 Koronti 4:18
2 Koronti 5:1
Nen Galati Mo 6:8
2 Tasoloni 1:9
2 Tasoloni 2:16
1 Timothy 1:16
1 Timothy 6:12
1 Timothy 6:16
2 Timothy 1:9
2 Timothy 2:10
Titus 1:2
Titus 3:7
Philemon 1:15
Hebrews 5:9
Hebrews 6:2
Hebrews 9:12
Hebrews 9:14
Hebrews 9:15
Hebrews 13:20
1 Pita 5:10
2 Pita 1:11
1 Joon 1:2
1 Joon 2:25
1 Joon 3:15
1 Joon 5:11
1 Joon 5:13
1 Joon 5:20
Juud 1:7
Juud 1:21
Suun 14:6

eleēsē

Romans 11:32

Geenna

Matthew 5:22
Matthew 5:29
Matthew 5:30
Matthew 10:28
Matthew 18:9
Matthew 23:15
Matthew 23:33
Maak 9:43

Maak 9:45
Maak 9:47
Luke 12:5
Jemis 3:6

Hadēs

Matthew 11:23
Matthew 16:18
Luke 10:15
Luke 16:23
Dak 2:27
Dak 2:31
1 Koronti 15:55
Suun 1:18
Suun 6:8
Suun 20:13
Suun 20:14

Limnē Pyr

Suun 19:20
Suun 20:10
Suun 20:14
Suun 20:15
Suun 21:8

Sheol

Genesis 37:35
Genesis 42:38
Genesis 44:29
Genesis 44:31
Numbers 16:30
Numbers 16:33
Deuteronomy 32:22
1 Samuel 2:6
2 Samuel 22:6
1 Kings 2:6
1 Kings 2:9
Job 7:9
Job 11:8
Job 14:13
Job 17:13
Job 17:16
Job 21:13
Job 24:19
Job 26:6

Psalms 6:5
Psalms 9:17
Psalms 16:10
Psalms 18:5
Psalms 30:3
Psalms 31:17
Psalms 49:14
Psalms 49:15
Psalms 55:15
Psalms 86:13
Psalms 88:3
Psalms 89:48


Psalms 116:3
Psalms 139:8
Psalms 141:7
Proverbs 1:12
Proverbs 5:5
Proverbs 7:27
Proverbs 9:18
Proverbs 15:11
Proverbs 15:24
Proverbs 23:14
Proverbs 27:20
Proverbs 30:16
Ecclesiastes 9:10
Song of Solomon 8:6
Isaiah 5:14
Isaiah 7:11
Isaiah 14:9
Isaiah 14:11
Isaiah 14:15
Isaiah 28:15
Isaiah 28:18
Isaiah 38:10
Isaiah 38:18
Isaiah 57:9
Ezekiel 31:15
Ezekiel 31:16
Ezekiel 31:17
Ezekiel 32:21
Ezekiel 32:27
Hosea 13:14
Amos 9:2
Jonah 2:2
Habakkuk 2:5

Tartaroō

2 Pita 2:4


Questioned

None yet noted




"By faith, Abraham, when he was called, obeyed to go out to the place which he was to receive for an inheritance. He went out, not knowing where he went"


Hebrews 11:8



"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt'" Exodus 13:17



Baa Laa Gurum wur ji a mbæka gurum mo cîn dâk dē nwur kas, amma a mbæka wur cîn dâk dē ngurum mo, kə wur shin seen fir dī mbe ang gurum mo dēs zak.
- Mark 10:45



"Paul, a servant of Jesus Christ, called to be an apostle, set apart for the Good News of God"

Romans 1:1

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

Jesus Christ born 4 B.C.



New Heavens and Earth



- Christ returns for his people**
- 1956** Jim Elliot martyrd in Ecuador
- 1830** John Williams reaches Polynesia
- 1731** Zinzendorf leads Moravian mission
- 1614** Japanese kill 40,000 Christians
- 1572** Jesuits reach Mexico
- 1517** Martin Luther leads Reformation
- 1455** Gutenberg prints first Bible
- 1323** Franciscans reach Sumatra
- 1276** Ramon Llull trains missionaries
- 1100** Crusades tarnish the church
- 1054** The Great Schism
- 997** Adalbert martyrd in Prussia
- 864** Bulgarian Prince Boris converts
- 716** Boniface reaches Germany
- 635** Alopen reaches China
- 569** Longinus reaches Alodia / Sudan
- 432** Saint Patrick reaches Ireland
- 397** Carthage ratifies Bible Canon
- 341** Ulfilas reaches Goth / Romania
- 325** Niceae proclaims God is Trinity
- 250** Denis reaches Paris, France
- 197** Tertullian writes Christian literature
- 70** Titus destroys the Jewish Temple
- 61** Paul imprisoned in Rome, Italy
- 52** Thomas reaches Malabar, India
- 39** Peter reaches Gentile Cornelius
- 33** Holy Spirit empowers the Church

(Wikipedia, Timeline of Christian missions)

Resurrected 33 A.D.

What are we?			▶		Genesis 1:26 - 2:3	
How are we sinful?			▶		Romans 5:12-19	
Where are we?			▶			
					Innocence	
			Eternity Past		Creation 4004 B.C.	
▶ Who are we?	God	Father		John 10:30	Genesis 1:31 God's perfect fellowship with Adam in The Garden of Eden	
		Son		God's perfect fellowship		
		Holy Spirit				
	Mankind	Living		Genesis 1:1		
		Deceased believing				
		Deceased unbelieving				
	Angels	Holy		No Creation No people	Genesis 1:31 No Fall No unholy Angels	
		Imprisoned				
		Fugitive				
		First Beast				
		False Prophet				
		Satan				
Why are we?			▶		Romans 11:25-36, Ephesian 2:7	

Mankind is created in God’s image, male and female He created us

Sin entered the world through Adam and then death through sin

When are we?					
Fallen				Glory	
Fall to sin No Law	Moses' Law 1500 B.C.	Christ 33 A.D.	Church Age Kingdom Age		New Heavens and Earth
1 Timothy 6:16 Living in unapproachable light				Acts 3:21 Philippians 2:11 Revelation 20:3 God's perfectly restored fellowship with all Mankind praising Christ as Lord in the Holy City	
John 8:58 Pre-incarnate		John 1:14 Incarnate	Luke 23:43 Paradise		
Psalm 139:7 Everywhere		John 14:17 Living in believers			
Ephesians 2:1-5 Serving the Savior or Satan on Earth					
Luke 16:22 Blessed in Paradise					
Luke 16:23, Revelation 20:5,13 Punished in Hades until the final judgment					
Hebrews 1:14 Serving mankind at God's command					
2 Peter 2:4, Jude 6 Imprisoned in Tartarus				Matthew 25:41 Revelation 20:10	
1 Peter 5:8, Revelation 12:10 Rebelling against Christ Accusing mankind			Revelation 20:13 Thalaasa		Lake of Fire prepared for the Devil and his Angels
			Revelation 19:20 Lake of Fire		
			Revelation 20:2 Abyss		

For God has bound all over to disobedience in order to show mercy to all

Destiny

Sura at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, *"the gates of Hades will not prevail,"* Matthew 16:18. Paul asks, *"Hades where is your victory?"* 1 Corinthians 15:55. John wrote, *"Hades gives up,"* Revelation 20:13.

Jesus comforts us saying, *"Do not be afraid,"* because he holds the keys to *unlock* death and Hades, Revelation 1:18. Yet too often our *Good News* sounds like a warning to *"be afraid"* because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, *"out of the frying pan, into the fire?"* Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, *"Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. *"If the first fruit is holy, so is the whole,"* Romans 11:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



"Go and make disciples of all nations, baptizing them in the name of the Father and of the Son and of the Holy Spirit"

Matthew 28:19

